

LIMAPAKGSIN TALAKKAXTLAWANALILATAMAT XALIMAKXTUM PULATAMAT LIMEXICANO

Limapakgsin makgpuntumikanít nak ixmakgpuntuminá ixmapakgsiná lipulatamatni xla
lipulatamatni kgalhkitsis (5) ixpapá febrero kata 1917

TATSOKGNI NEMÁ MAKUAMA

Awatá lakkaxtlawaka tamakgpuntumin DOF 26-09-2008. Xlawán mapakgsiná xla
Makgtakgalhná lilakgatúm Xalimapakgsinat, Lakgatawilanít Xtatliwakglhat
Makgantaxtunín Xalilakgatúm pulatamat, wa ja'é kilhtamakú kilikilhchinima ja'é
xalakapala litapakgsin:

VENUSTIANO CARRANZA, xlawán Mapakgsiná xla Makgtakgalhná lilakgatúm
Xalimapakgsinat, Lakgatawilanít Xtatliwakglhat Makgantaxtinanín xla Xalimakxtum
Pulatamat Limejikano, kkamakatsiní:

Xlakata Tamakxtumit Talilakkaxtlan tatamakxtuminít ju'ú nak kachikín 1°. Ixpapá
diciembre kata' 1916, latá takgantaxtun xalimatasanin xla 19 ixpapá septiembre piwá
kata, maxtunít xlawán pu'akpuxkun, tamatlanit latá wi nak likatsin 4°. Wakga
xatalakgxtapalin nemá 14 ja'é papá tlawanika amá takgantaxtun xla 12 ixpapá
diciembre kata 1914, lanít nak H. Veracruz, limawakakanít nak xatalakkaxlan
tapuwán xla Guadalupe xla 26 ixpapá marzo kata 1913, tlan katsiný tamakxtú ja'é:

**LIMAPAKGSIN TALAKKAXTLAWANALILATAMAT XALIMAKXTUM
PULATAMAT LIMEJIKANO NEMÁ LAKKAXLÁ 5 IXPAPÁ FEBRERO KATA 1857.**

XLAWÁN MAPAKUWIN

Litamapitsin 1

Xla Xalimakgtayat Tachixkuwit

Likatsin 1 (Art. 1). Nak Xalimakxtum Pulatamat Limejikano wakg tachixkuwit natalipaxawá tamakanajlit nemá mastá ja'é limapakgsin, wakg wa chi nilá malakgtsuwikán xawá nixlajakán, watayá la akxni chu xalilat latá wan.

Liwankaná takgalhintachit nak Xalimakxtúm Pulatamat Limejikano. Takgalhintachinín xala'alakatanu nemá natatanú nak lilakgatúm lipulatamatni nakalakgchán, kaj watayá ja'é xlakata, ixlikstu xawá litamakgtayá tapakgsin.

Liwankán katuwayá talakgmakgán la xalikilhtsukut pulatamatlakgawan usu lilakgatúm pulatamatni, chixkú usu puskát, ixlakata, tatlajit, lilakapulhni tachixkuwit, lilakapulhni tatlanit, sikuanalipawan, takilhchiwin, talakgatín, ti makgaxtokga, ti nimakgaxtokga usu atunu nemá lakatakiputún xatalilankán tachixkuwit xawá lakpuwán namalakgsputú usu limaktiputún ixlakgchanatkán chu ixlikstukán tachixkuwit.

Likatsin 2 (Art. 2). Pulatamat Limejikano watá akgtúm chu nilá mapitsikán.

Pulatamat kgalhí lakkaxtawilat ihuwalatamat litsukunít nak ixpulatamankán matakuxtunanín wa amá nemá takilhwakanancha nak ixpulatamankán ti ixtalamana ju'ú

nak pulataman akxni tsukulh takgchipawilín chutá makgtakgalhnít ixpumapakgsinkán xatachixkuwit, lilakgtaxtutamat, xalatamat xawá talakkaxtlawananalilatamat, usu kana yaj wakg.

Ixtalakapastakni latá xla ixlimatakuxtuná wa xla tliwakglha namakanikán xlakata nakatsikán tiku kamaktiní xalimakgantaxtin tapakgsin xlakán matakuxtunanín.

Wa amá pulataman nemá tamakgtanú ixpulatamankán matakuxtunanín amá nemá makxtúm tawilana la tachixkuwit, lilakgtaxtutamán xawá xalatamat, tapuwilana akgtúm tiyat chu talipawán ixmapakgsinaninkán latá xlakan talismaninít.

Xatalulokgni matakuxtunanín xalikstu talakkaxtlawat natlawakán latá wan limapakgsin xlikstutapakgsit nemá namakanajlí lilakgtum lipulatamatni kinkatlawayán. Ixtalilakgapasnikán ixpulatamankán matakuxtunanín natlawakán nak limapakgsin xawá tapakgsin xala alakatunu lipulatamatni, nemá na'akxiltilhá latá tu luj taskiní nalá amá la liwankán ijkilhtsukut tapakgsin latá lakgatsuntín tatsokgni latá niku minachá wa ja'é likatsin, xalikatsinín xlichiwinkán kachikinín chu ixpulatamatkán.

A. Ja'é limapakgsin lilakgapasa xawá makanajlí ixlakgchanatkán ixpulatamankán matakuxtunanín xalikstu lakgchanat chu, nachunalitúm tapakgsit xalikstu:

- I. Natalatamá latá xlakán tamatlaní xawá tatamakxtumit tachixkuwit, maqa'anat, xatipalhuwa tapuwán chu xalatamat.
- II. Natamaklakaskín piwá ixlimapakgsinkán latá tlan talipakgán chu talakkaxtlawá ixtakglhuwitkán, latá wan xaliwakg ijkilhtsukut tapakgsin xla ja'é

Limapakgsin, latá talakgachixkuwí xalitamakgtayat tachixkuwit, xatalulokgnín xatachixkuwit xawá, na liwaj snun tlan, itxtapalh chu xlakgchanat xlakán lakchaján. Tapakgsin namalakatsukí la tlan xawá la lilakkaxtlawatilhat limakanajlit xlakán makgatanksananín usu pumakgatanksananín na piwá.

III. Talhkayawá latá wan tapakgsin, xalilakkaxtlawatilhat xawá ixlatamatkán xalakgmakgán, ixmapakgsinaninkán, tamakanajlí la tapakgtanú xalakchaján latá lakxtúm la lakchixkuwín nemá lakgachixkuwí talakkaxlan lipulatamatni xawá xalakpulhkat xla pulatamatni.

IV. Makgtakgalhkán xawá malhuwikán ixtachiwinkán, ixtakatsinkán xawá latá nemá lilakkaxtlawakanít ixlatamatkán chu ixlilikapulhni.

V. Makgtakgalhkán xawá matlanikán ixlatamat chu makgtakgalhkán xakchán ixtiyatkán latá Ihkawalikanít ja'é nak Limapakgsin.

VI. Matlaní, talakgachixkuwit la talismaninít takgalhí ixtiyatkán la malakatsukinít ja'é nak limapakgsin chu tapakgsin nemá piwá lilakkaxtlawanít, nachuná la tatlajanít ixlakgchanatkán a tunu ti usu ti xalakpulataman, xla puchalhkatni xawá putamakgtayan xatamakglhtasit tiyat aná nitalamana chu tapulamana ixpulatamankán, la amá nitamakgtanú nemá xatamakgtakgalhnitá wi latá wan ja'é limapakgsin. Xlakata chuná ja'é tlan naláj pulataman tlan makxtúm nataláj latá wan tapakgsin.

VII. Talaksakyawá nak ixpulatamankán matakuxtunanín, lakatitayananín ixlakatinkán putumitamakaskujni.

Limapakgsin chu tapakgsin xala nak alakatunu lipulatamatni natalakgapasa xawá ninatalimawaká ja'é talulokgnín nak putapakgsin laktepulatamat la laktsulakgchanat xlakata namatliwakglha ixtapakgtanun xawá la lakatitayá

talakkaxtlawanalilatamat latá lipakgán ixlitalakgachixkuwitkán xawá ixtapakgsinkán.

VIII. Matlaní katakanajlan latá aná niku tapakgtá Pulatamat. Xlakata tlan namakanajlikán namá lakgchanat wakg taliputsanat xawá nak lilakkaxtlawatilhat aná nilakgchán, lichatunu usu lichalhuwa, taskiní namakatikán ixtasmaninkán xawá ixlatamatkán likaknimaka latá talhkawalin nak ja'é Limapakgsin. Matakuxtunanín kanikxniwá takgalhí ixlakgchanatkán kawalinikán ti tlan tipatúy tachiwanán xawá talikgawanán ti takatsí ixtachiwinkán xawá ixlatamatkán.

Limapakgsin xawa tapakgsin xala nak lakatunu lipulatamatni natamalakatsuki latá litalakgnunit xalikstu talakkaxtlawat chu xalikstutapakgsin nemá tlan talichiwinan ixtalakpuwankán xlakán ipulatamankán matakuxtunanín latá lakatunu pulatamatni, nachuná ixtapakgsinkán xlakata xatalilakgapasat xla ipulatamankán matakuxtunanín latá pulakatunu xatalipawan kakapulhuwa.

B. Lipulatamatni, Pulatamat xawa liputapakgsin laktsú pulataman, natamakgpuntumí la lakxtum natalatamá matakuxtunanín xawa makgenukan katuwa talakgmakgán, natamalakatsukí pumapakgsin xawá tamakgantaxtú xlakkaxtlawaná lilatamat nemá taskiní namakanajlí latá wi ixlakgchanatkán matakuxtunanín xawá xalakxtum ixtatlanitkán, ixtachixkuwitkán xawá ipulatamankán, nemá nakalitaskujkán xawá xlakán katatlawatilhakán.

Xlakata tlan ma'aktujukán katalimaxkgán nemá kataktlawá tachixkuwit xawá Ixpulatamankán matakuxtunanín, mapakgsinanín takgalhí xatalimakgantaxtin:

- I. Matayanikán ixlitatlanitkán nak ipakganatkán matakuxtunanín xlakata lilakgchan namatiwakglha xalakatsú lilakgtaxtutaman xlakata natatlaní ixlatamatkán tachixkuwit, lakxtum talamakgtayá xakilhmaktutu mapakgsinanín chu ixtapakgtamatkán matakuxtunanín. Mapakgsinanín putapakgsin laksupulatamat talakkaxtlawá la lakxtum nakalakgchán talakpulhkantumin nemá natamatlawaní tachixkuwit, xlakata wi tuku natalimaklakaskín.
- II. Makanajli xawá limawaká takgalhtawakga matliwakglhkán takgalhtawakga xatipatúy tachiwín xawá talakgwahán latamat, xalimasinat, xatamasputut xlawan takgalhtawakga, takgalhtawakga xala makgalán xawá xalak'itat takgalhtawakga chu xalikxtu. Malakatsukikán akjtum xatamalakatsukit litamakgtayan, xlakán limakgalhtawakget matakuxtunanín latá likilhmaklít wi. Malakatsukikán xawá litatlanikán talaklhkawalin taskujut xatakgalhtawakga nemá xatapuwán xla ipakganatkán nemá nalilakgapaskán la ixlatamatkán tachixkuwit, latá wan tapakgsin xawá kakgalhputsakán matakuxtunanín. Makanajlí talakgachixkuwit chu takatsín xla tipakgatsin latamat nak lilakatumlipulatamatni.
- III. Makanajlikán la tlan natanukán nak pumatlanit xla tatlanit akxni matilankikán xatamakxtumit lilakgatúm lipulatamatni lakatitúm maklakaskinkán xalakgmakgán likuchun, nachuná limakgtayanankán xlitatiwakglhnikán matakuxtunanín xlakata xatalaklhkata taskujut xaliwayan, liwaká xlakatakán laktsukamán.
- IV. Kaxtlawakán ixlatamatkán tachixkuwit matakuxtunanín xawá amá nitalatalamana xawá katapaxawán, latá tu tlawakán nemá ni matuwají xatalakgaxokgo kakapulhuwa xawa liktsu nemá namatlani putawilh, nachuná malhuwikán xatalilankit matlanit nataskiní xaliwákg tamakgtayat.
- V. V.Kamatsukikán katamaknukán xalakchajan matakuxtunanín nak litatlanit, la katamakgtayan kalitaskujni xatamakgalat, makgtakgalhkán ixtatlanit,

kalimakgtayakán aktsú xlakata natamatlaní ixtakgalhtawakgakán xawá tapakgtanut nak litatlanit talakgchiwin xla ipulatamatkán.

VI. Matilankikán xatastawan tamakatsinin nemá tlan natalitalakxtumi pulatamat, la akxni natlawakán xawá matilankikán ixtijya tamakatsin xawa makgattakgalhchiwin. Malakatsukikán xlakata tachixkuwit xawá pulatamat xamatakuxtunanín tlan tamaxtú tamaklakaskán, xawá takgchipalín matlanit xla tamakatsinín, latá talaklhkawalin nak tapakgsin.

VII. Matayanikán taskujut xakatamakgalan xawá xatatlanit tachixkuwit matakuxtunanín xlakata natamataxtuka xatachán xatamaknun ixtuminkán, kalimakgtayakán aktsú xlakata natatamaknú tumin kakapulhuwa xawá nixalitakatsin nemá nalitawilá puchalhkpatni, katamaknunikán limalakatsukin xlakata nalhuwán la natamatlaní latá tu makgalakán, nachuná la lakxtúm natapakgtanú aná niku nakamaxkikán liwat xawá tamagstan.

VIII. Malakatsukikán xlakkaxtlawanalilatamat katachixkuwit xlakata kamakgtakgalhkán ti ta'antakí tachixkuwit matakuxtunanín latá nak lilakatúm lipulatamatni, xawá latá nak xala'alakatunu tlan limakgtayakán xalakgchanat taskujut xlakán makgtayananin likatukuxt, matlawikán ixliatlawatkán lakchajan; kalimakgtayakán xatalaksakkin talaklhkataxkujut xla takgalhtawakga, xawá xlitatliwakglhnikán laksukamán xawá lakgkgawasan, xlakán ti ta'antakí makgtakgalhkán ixtachixkuwitkán, ixlakgchanatán tachixkuwit, xawá makgpuntumikán ixatalatamatkán.

IX. Kakgalhputsakán tachixkuwit matukuxtunánin nak xalilakkaxtlawat xlakata namakanajlikán xatalimakgantaxtin nemá kalhkawalikanit nak ja'é lakgtsú tatsokgni.

Xputamakxtumit xkaxtlawananín tapakgsit, xla ixtamakxtumit xkaxtlawananín

tapakgsit, xla ixtamakxtumit makgantaxtunanín, xpukaxtlawakán tapakgsit, xla lakatunulatamatni lipulatamatni chu liputapakgsinín, latá aná nikalakgchán ixlitlawatkán, natamalakatsukí xatalakasakkín latá lilaktlawatni nemá nalikgantaxtú ja'é nak talimakgantaxtin nak talakpulhkantumin xalilaktlawat nemá natamatlaní, nachuná la amá nalipakgán xlakata pulataman tapakgtanú nak taskujut xawá piwá natamakgtakgalha.

Latá niku kalakxkalajnikán ixlakgchanatkán nemá tawilana ju'ú, nemá ixlakán matakuxtunanín, ipulatamankán xawá ijkachikinkán wakg pulataman lakxtum la xamakgapitsín natakgalhi latá lipakgama akxtum lakgchanat latá lhkawalitapakgsin.

Likatsin 3 (Art. 3). Wakg tachixkuwit kgalhí lakgchanat nakgalhí takgalhtawakga. Pulatamat -lipulatamatni, pulatamatni, Ixkilhpulakni Pulatamatni xawá liputapakgsin-, namastá takgalhtawakga xalikilhtsukut, xalikilhmaktum xawá xalikilhmaktúy. Takgalhtawakga xalikilhtsukut, xalikilhmaktum xawa xalikilhmaktúy tatlawán xlawan takgalhtawakga tamaklakaskinit.

Takgalhtawakga nemá nakaxtlawá pulatamat nalipakgán litatlanit la wakg xatatlawán ixlilatamat tachixkuwit xawá namalhuwí nak ixlá, nachuná ixlitapaxkit pulatamat xawá xalikatsin xatalalimakgtayan xlilanka kakilhtamakú, nak xakstutapakgsit xawa nak talakkaxlan.

I. Makanajlí likatsin 24 xalikstu xatalipawan, amá takgalhtawakga nitatapaxtokga pusikualan wa chiyú xlakata nikxni katitatasúlujli nipala tipatum tapaxkit sikualán.

II. Talakapastakni nemá nalalakgchipalin amá takgalhtawakga nachipaxnán nak xakgantuxtun litatlanit xla tlan takatsin, nalistayá malakgsputú li'aktlinklhwán, xawá latá tu tlawá.

Nachunalitum:

- a) Lakxtumilatamat nawán nalikatsiyáw lakxtumilatamat nilá watá xatalakstuka xalimapakgsin xawá tamakxtumitapakgsin xatipalhuwa tapuwán, pi nachuná la xatamakxtumit latamat nemá kanikxniwá lipuwaná la makikán tumin xawá tatlaní ixlatamatkán tachixkuwit.
- b) Lilakgatumlipulatamatni nawán, la akxni ni'anán talakatakin xawá nilichatuminika namakgachakgxí kintakglhuwitkán, xalimakkuán kimaklakaskinitkán nak xalikgawan xla kilikstu kilatamatkán xatipalhuwa tapuwán nak xalitamakgtayaní kilikstu kilatamatkán xatumin. Xawá xalitamatliwakglhni kilatamatkan, chu
- c) Xamakgtayaninán xatatlanit litalatamat xla tachixkuwit, la chiyú xalimakuat nemá namastá xlakata namapalhí nak limakgalhtawakget, xtamakxtum xlitalipaw xla ixlitalankin tachixkuwit xawá xluchatuminika xlitalakgapasni, la tamakanajlí ixtalipuwankán limakxtum tachixkuwit, nachuná la makgtakgalhkán xatalakapastakni latá tapaxkín xawá latá lilakxtum ixlakgchanatkán wakg lakchixkuwin, natalakgmakgán talilaktlankit xla tapaxkit sikualán xla liputum, xla lichixkú usu xla tachixkuwit.

III. Xlakata tlan namakgantaxtí la tatsokgwalí nak xlipulaktúy tatsokgwilin xawá nak litapitsin II, Makgaxtantiná Lipulatamatni nalakkaxtlawá talakkaxlantapuwán chu talakkaxlantaskujut xla takgalhtawakga xalikilhtsukut, xalikilhmaktum, xalikilhmatuy chu

xalimakgalhtawakgenanín wakg xtapakgsitachixkuwit. Wa chiyú xlakata, Makgantaxtiná Lipulatamatni nakagaxmatni ixtachiwinkán mapakgsinanín xala Xala'älakatunu Lipulatamatni chu Ixkilhpulakni Pulataman, nachuná xamakgapitsín tachixkuwit nemá tapakgtanunít nak takgalhtawakga, latá wan tapakgsinín.

IV. Wakg takgalhtawakga nemá mastá Pulatamat nilixokgot.

V. Latá ama mastá xalikilhtsukut, xalikilhmaktum chu xalikilhmaktúy takgalhtatawakga latá talhkawalin nak xlawán laktsuntín tatsokgni, Pulatamat namakgpuntumí xawá wakg nakaxilha latá tipalit wi takgalhtawakga -natamaknú takgalhtawakga kilhtsukut xawá xalikxtú takgalhtawakga- tataskinimana xlakata natatlaní lilakgtumipulatamatni, namakxtukú xataputsán tapalhittalakgapasni xawá talipumakaskujni xawá namatliwakglha xawá namakgpuntumí kilatamatkán.

VI. Ti atunu natlán natamastá takgalhtawakga latá tipalít wi. Latá talaklhkawalín nak tapakgsín, Pulatamat namastá xawá namakgenú xatalilakgapasni ixlitapalhin limakanajlit xatakgalhtawakga nemá katlawakán xalikstunín pukgalhtawakga. La amá nak xalikilhtsukut, xalikilhmaktum, xalikilhmaktúy xawá xalimakgalhtawakgená takgalhtawakga, xalikstunín nataskiní.

- a) Mastakán takgalhtawakgat la lichiwinán xataskujut nimá lichiwinán ixlilmaktúy tatsokgwilin chu xalitapitsi II, nachuná taskiní nalimakgantaxtikán xatalakkaxlantapuwán chu xatalakkaxlantaskujut nimá lichiwinán xalitapitsi III, chu
- b) Pulh limakglhtinankán, latá chuná taskiní, xlimakanajlit ixlipumapakgsin pulataman nimá chuná lichiwinán tapakgsin;

VII. Lilakgatumpukgalhtawakga xawá xamakgapitsín pumapakgsin xla xalikstu takgalhtawakga nemá tapakgsin kamaxkí ix'akstumitapakgsit natakgalhí tatalakgchán xawá xatalitayatkán xakstukán tatapakgsí; natatlawá tuku talakaskín

tamakgalhtawakgenán, taputsanán xawá tamakgpuntumí ixlatamatkán latá wan ixlikilhtsukut ja'é likatsin, lakgachixkuwimaka likstu likatsin xawá taputsan xawá likstu talakpulhkan xawá talalakapuxtukun tapuwán; natalakkaxtlawá talakkaxlanxtapuwankán y talakkaxlantaskujut; natawán la natalitanú, tamakgpuntumí xawá natamakgtakgalha ixchalhkathnaninkán; xawá natalakpulhkawalinán ixtakgalhinkán. Ixtalipakgankán ixtachalhkatznikán, la makgalhtawakgenanín xawá lakpulhkawalinanín nalá latá wan tapakgsin nak pumakiwalit A xla likatsin 123 wa ja'é limapakgsin, latá wan xawá latá tipalít malakatsukunít Tapakgsin Lipulatamatni xla Puchálhkatzni latá lilakkaxtlawakanít akgtum xatalaksakni taskujut xawá lipumakgantaxtin xla pumapakgsin nemá lichiwinán ja'é litapitsi, chu

VIII. Xatamakxtumit Makgantaxtunánín, latá malakxtumiputún xawá akpuxkún takgalhtawakga xlitelanka xtapakgsit tachixkuwit, namaxtú tapakgsin nemá tataskiní, natamakgpitsí xlitalhuwit xatalichixkuwit takgalhtawakga latá nak Lipulatamatni, Pulataman xaáa Putapakgsin laktsú pulatamatni, waliní xalimakamastat xatalilakgtaxtutaman xla kakapulhuwa matlanin xawá wan xataxokgon talakgalhin nemá kamakglhtinít ixtaskujnimapakgsinanín nemá nitamakgantaxtí usu nitamamakgantaxtunán xalimakgantaxtitapakgsin, nachuná wakg latá ti taxokgonán.

Likatsin 4 (Art. 4). (Yaj makuán tatsokgwilin xlawán). Chixkú xawá puskát lakxtum nak ixlakatín tapakgsin. Ja'é namakgtakgalha xalakxtum xawá ixlitatlanit litalakgapasni.

Wakg tachixkuwit takgalhí lakghanat nakatsí ixlikstu xawá makatsinikán la chalí xawá la ixlipajlit ixfamanán.

Wakg tachixkuwit takgalhí lakgchanat maktakgalhkán xla xakalitatlanit Tapakgsín nawán xatamakglakaskinit xawá latá tipalít xlakata tlan tanukán nak tamastat xla kalitatlanit xawá namalakatsukí tamakxtumit xla Lipulatamatni xawá nak lakatunu pulatamatni nak xlimakanajlit xla liwákg takuchinat, latá wi nak litápitsi xwi xla likatsin 73 jaé Limapakgsin.

Wakg tachixkuwit takgalhí lakgchanat akgtúm kakilhtamakú xatlán xlakata nalitatlaní ixlatamat.

Wakg litalakgapasni takgalhí lakgchanat nalipaxawá nakgalhí tlan chiki. Tapakgsin namalakatsukí tamaklakaskinit xawá tamakgtayan xlakata nakgantaxtú lilakgchanat.

Laktsú lakgkgawasán xawá laktsú laktsumaján takgalhí lakgchanat tlan tamakglhkatsit xla ixtaskinit xla tawayat, tatlanit, takgalhtawakga chu kalitatlanit paxawakán xlakata lakxtúm stakkán.

Xalakgkgolon, xanatikún xawá ixmakgtakgalhnánin takgalhí lakgchanat tamatiwakglha ja'é ixlakgchanatkán. Pulatamat namakamastá latá tu taskiní xlakata na'án talakgachixkuwit xawá itxtapalhkán laktsukamán xawá tlan ixitlatlawat ixlakgchanatkán.

Pulatamat namastá talakaskín la katiwá xlakata natamakgtayaninán xalimakgantaxtit ixlakgchanatkán laktsukamán.

Likatsin 5 (Art. 5) Nilá ti mamakgxtekgekán nemá yaj taskujut litanutit, pustan usu taskujut nemá matlaní, kaj wa talimakanajlit. Xalitlawat ja'é kalikstu tlan naliwankán la wan talakkaxtlawat tamakgatanksat, akxni kalakatakinikán ixlakgchanatkán atunú ti, usu xlakata talakkaxtlawat xalimapakgsinat, akxni wankán latá wi nak tapakgsin akxni kakgsanikán ixlakgchanatkán tachixkuwit. Nilá ti makglhtikán xatakgantaxtun ixtaskujut, taskiní xatalakkaxtlawat putsaná.

Tapakgsín nalakkaxtlawá akgatunu lakatunu Pulatamatni, neje amá litanut nemá maklakaskín lilakgapalan takgalhtawakga xlakata tlan skujkán, latá tu taskiní litlawat xlakata tlan makgamakglhtinankán xawá mapakgsinanín nemá natamaxtú.

Nilá ti limawakakán natlawá taskujut liktsu akxni ni'itxtapálh xokgonikán, xawá akxni xla niliwakg xtamuwan, watayá akxni taskujut matlaní litapatit nemá walinít putsaná nemá natatokgokgé latá wi nak litapitsin I chu II xla likatsin 123.

La nak tamatlanit xakakapulhuwa, watiyá natlawakán xalimakgantaxtit, latá talhkawalin nak tapakgsin, xla litálatni xawá lhkawalinanín, nachuná ixtaskujutkán makgatanksananín, xawá xatalhkayawan kakapulhuwa xakatatanksni usu nixakatatanksni. Ixtaskujutkán talhkayawán xawá tatsokgwalin natakgalhí limakgantaxtit xawá nilixokgot kaj wa nakaxokgokán amá nemá nakatlawakán xalitanut latá liwi ja'é limapakgsin nemá tatalakxtumí. Tamatlanit xatalitanut nemá xalakakapulhuwa nakgantaxtú chu naxokgokgán latá liwi nak tapakgsin xawá nemá kamaxtukanít nemá ja'e lichiwinán.

Pulatamat nilá mastá talakaskín natlawakán talakkaxlan nemá putsá limaktí chu xatatsankgán ixtalikstu tachixkuwit tu amá xlakata.

Nachuná nilá tlawakán talakkaxlán, amá nitachixkuwit nalakkaxlá ixlitamakxtukán osu ixli'antakit, usu kalakgmakgalh lakgtsú kilhtamaku usu xlipán naliskuja xla litanut, limakáskujni usu tastanat talakkaxlan xla taskujut watá tlan natalimakgantaxtí mastá tu matlaní latá lilakkaxlakanít nemá lhkawalí tapakgsin, nilá nalimawaká latá akgtum kata akxni makgstantlawá chalhkatná, chu nilá nalitawaká, nikxni, xalitamakxtukan xalimakgatsankgan osu limakti wi nemá lakgchanat xatalakkaxtlawan ilatamat osu tachixkuwit.

Akxni nimakgantaxtukán talakkaxlan nemá xlakata chalhkatná, watiyá liyawakán ja'é watiyá tu liyawaka, nachuná nikxni natlawanikán xatamakgalhjún nak ixlakata.

Likatsin 6 (Art. 6). Tlawakán latá tu lakpuwankán nilá ti natlawanikán taputsanan usu tapulhkawilín, watayá akxni kalakatakí litatlanit, ixlakgchanatkán atunu natlawá akgtum talakgalhín usu laktanú lakinítum latamat xakakapulhuwa; lakgchanat xla likgalhtinat natlawakán latá talhkawalinit nak tapakgsin. Lakgchanat xla tamakatsinin namakgantaxtin Pulatamat.

Xlakata natlawakán lakgchanat xla tamakatsinin, Lipulatamatni, Pulatamatni chu lxkilhpulakni Pulatamatni, latá xlakán kalakgchán tu natatlawá natatokgokgé xalikilhtsukut:

I. Wakg tamakatsinín nemá kgalhí katiwá mapakgsiná, pulatamat chu kgantaxtun xawá limakxtumitapakgsin xalipulatamatni, lakatunu pulatamatni chu putapakgsin laktsú pulatamat likakapulhuwa xawá watayá tlan akgchipawilikán laktsú akxni xlitamakanajlit xaliwakg kakapulhuwa latá talhkawalinit nak tapakgsin. Nak

xatamakgachakgxin ja'é lakgchanat namatiwakglhkán ixlilhtsukut xatalankit kakapuluwan.

- II. Tamakatsinín nemá lichiwinán xalikstu latamat xawá latá lichiwinán lichatúm namakgtakgalhkán latá talhkawalin chu nemá kamaxtukanít nemá walí tapakgsin.
- III. Wakg tachixkuwit, nitaskiní nalipawankán usu makanajlí ixlilakgapaskán nakgalhí nilixokgot litanut nak tamakatsinín kakapulhuwa, xla ixlilakgapaskán osu kalakkaxtlawapalakán ja'é.
- IV. Namalakatsukikán tu taskiní nemá nalitanukán nak tamakatsinín xawá lilakkaxtlawatilhat la akxilhpalakán tamaxtut. Ja'é lilakkaxtlawatilhat.
- V. Tachixkuwit kamakatiní natamakí ixbapsnatkán nak pulhkawalin pumakín xala chijkú latá tu taklhkawalinít natlawá xawá xalitlawat xla maklakaskinit xakakapulhuwa.
- VI. Tapakgsin namakgantaxtí la tachixkuwit kamaktiní nakamakatsinikán kakapulhuwa tamakatsinín nemá xla maklakaskinit xakakapulhuwa nemá nakamaxkikán tachixkuwit.
- VII. Xata'akgtonkgswilit la takaxwalín nak xla litanut nak tamakatsinín xakakapulhuwa nawalinikán xataxokgón talakgalhín latá talhkawalin nak tapakgsin.

Likatsin 7 (Art. 7). Wa talakgachixkuwit la likstu tsokgnankán chu makgpuntumikán tatsokgni latá xakatuwá. Nipala akgtum tapakgsin chu nipala mapakgsiná tlan malakatsukí, nalichiwinán, chu nilá skin lixokgon tsokgnanín usu maxtunanín, nilá maktujú xalikstu tamaxtut, nemá nikgalhí ixlisputut nemá watiyá talakgachixkuwit xalikstu latamat, xla litatlanit chu xalakatitum latamat xakakapulhuwa. Nilá xniku nakgalhamaxtukán tamaxtut la akgtum talakgalhín.

Tapakgsin itstaknanín natawán la akglit limakgantaxtin tapakgsin nataskiní lakapalhnamakglhtinankán nemá nitsiná litlawakán litalakapun xatalakgalhín

putsokgni katamaknukán nak pulachin stananín, “xtamananín”, aktlawananin chu paks chalhkatnanín aná nitaxtunit tatsokgni nemá malakapukanít, taskiní chu pulha namakanajlikán ixitlawatkán amá ixlakán.

Likatsin 8 (Art. 8). Ixtajkujni mapakgsinanín xawá makgtayananín xakakapulhuwa natalakgachixkuwí ixtatlawat lakgchanat xataskín, ja'é taskiní natlawakán nak xatatsokgni, xakalakatitum xawá talakgachixkuwit; kaj watayá tlan natamaklakaskín amá lakgchanat tachixkuwit xala nak lipulatamani.

Latá tu naskinkán natawilá akjtum talakkaxlan xatatsokgni xla mapakgsiná wa tiku kilhchanikanít, wa chiyú xla lakchán namakgtsininán laktsú kilhtamakú taskinit.

Likatsin 9 (Art. 9). Nilá maktujukán xalakgchanat putumilakán usu tamakxtumikán kalitlán latá tu xlakata watayá kalitlán. Kaj wa watayá tachixkuwit xala nak Lipulatamatni tlan tatlawá xlakata natapakgtanú nak lakkaxtlawana lilatamat xalak pulatamat.

Nilá natamakxtumí talatná makgtakgalhnánín, kgalhí lakgchanat talakchiwinán. Nilikatsiyáw, nixlikana, chu nilá laktlawakán akjtum tamakxtumit nemá xla lakpuwama tlawa akjtum tamakgskín osu tlawa akxni puluj talá akxni wi talhuwit chatum mapakgsiná, pala niwanikán laklixkajnit tachiwín ja'é nachuná nitlawakán lichuxun osu malaknukán linin xlakata makgekgihakán chu liyawakán nalakkaxtlawá latá lakaskinkán.

Likatsin 10 (Art. 10). Tachixkuwit nemá talamana nak pulatamat xalimakxtum limejikano takgalhí makgtakgalhná xalilakgatum lipulatamatni. Tapakgsin

lipulatamatni namakgantaxtí tuku xlakata, latá lakaskinkán chu neje yaj pulataman aná ninakamaxkikán talakaskin tachixkuwit tlan natalilatapul linatalán.

Likatsin 11 (Art. 11). Wakg lakchixkuwín takgalhí lakghanat natatanú nak lipulatamatni, tlan tataxtú, talatapulí nak xatiyat chu lakgxtapalí ixputawilh, xawá nitaskiní tachiwinakapsnat xla litamakgtakgalhni kapsnat usu atunu tuku taskiní. Xalitlawat ja'é lakghanat natatlawá latá katsí mapakgsiná xaputsananín, la akxni para tu liyawakanít xalimakgnín osu tachixkuwit, xawá xla mapakgsiná pulhkawalin, (pulhkawalin, sic DOF 05-02-1917) la chiyú nemá lakgchán nemá kalimaktinika nemá kawaliní tapakgsin xlakata antaxtut, antanut chu xliwákg takuchunat xla Tapakgsittachixkuwit, usu xala'alakatunu xalaklixkajnit nemá talamana nak katilankapulataman.

Likatsin 12 (Art. 12). Nak Pulatamat Xalimakxtum Limejikano nití katimaxkika lilakgapalan takgalhtawakga xla lanka tachixkuwit, ni'akgstiwalin chu xalimakglhtinat lanka likakgnit xawa nikatimastaka talakaskín namaklakaskinkán nemá mastakanít alakatunu katilankapulataman.

Likatsin 13 (Art. 13). Nilá tiku limakgatanksakán xlakgstu litapakgsin chu nipala xlakgstu pumakgatanksan. Nilá tiku tachixkuwit usu limakxtum kgalhí talakgachixkuwit, chu nilá tlakg lipaxawá ixtaskgáw latá nemá watá lixokgot xla litamakgtay xakakapulhuwa xawá la kalaklhkawalinít tapakgsin. Wijkú xtalakgachixkuwit pulanikni xla talakgalhín chu xatakgchakgxan xla listakayawat makgtakgalhnapatamat; kaj wa pumakgatanksan xlikgawanapulatamatni nikxni chu nikxni tuku xlakata namatilankí xla tachixkuwit nemá nitatapakgsí nak Makgtakgalhnalilakgatum. Akxni wi talakgalhin usu takgchakgxan amá xla

xlikgawanapulamatni pakgtanunit chatum litapakganat, nalakgapasa amá mapakgsiná tachixkuwit nemá lakchán.

Likatsin 14 (Art. 14). Nipala akjtum tapakgsin tlan namaklakaskinpalakán akxni wi tin tlán tu tlawanima.

Nilá ti makglhtikán ixlikstu usu latá tu kgalhí, takgchipawalin usu lakchanat, watayá tlan takgantaxtin tapakgsit nemá lislán ixlakatinkán pumakgatanksan nemá xkilhta walikanít, aná niku namakgantaxtikán xataskinit tamakanajlin xla tatlawatilhat chu latá wan tapakgsin nemá tlawanit xapúlh tu lanít.

Nak takgantataxtintapakgsit xla limakgnin liwankán liyawanankán, kaj watayá nachuná tasí, chu kana xalhuwa takanajlat, akjtum tapatín nemá nilakkaxtlawanít akjtum tapakgsin lakxtum talá talakgalhín limawakakán chiyú.

Nak takgantaxtin tapakgsit xla tachixkuwit, awatayá, latá walnikán ixtalakgaxokgo nalá latá wi tatsokgni usu latá makgachakgxikán limapakgsin, xawá akxni nitú ja'é natsukú nak ixfiltsukut xla lakchanat.

Likatsin 15 (Art. 15). Nimastakán talakaskin tlawanit talakkaxlan xlakata xatamastatamaktun xla tachinín talakkaxtlawanililatamat, nipala amá lakgalhinanín xla tachixkuwit nemá takgalhí katilankapulataman aná niku tatlawalh talakgalhín la chiyú takgalhin, tachin nipala talakkaxlan watayá nemá talimawaká xlitamakgtaykán xawá lakchanat nemá walinít ja'é Limapakgsin xla chixkú chu xla tachixkuwit.

Likatsin 16 (Art. 16). Nilá ti slakgkán nak ixtachixkuwit, ixlitalakgapasni, ixputawilh, ixkapsnat usu ixtakgchipawalin, watayá xla katatsokgnl tamapakgsin xla tayanit mapakgsiná, nemá lichiwinán chu makamajá xatuku xlikana xla lilakkaxtlawatilhat.

Nilá chutá walikán tachipanat watayá mapakgsiná xaputsananín xawá nilakapulanít talakapun xlakata akgtúm talakgalhín nemá tapakgsin chuná wan, xataxokgon talakgalhin amá tapatin xalikstu chu tawilana xlilakgapaskán nemá tamalakatsukí xlakata lanít amá talakgalhín chu xakxlakán aná wanít xlakata xayawakanít tlawalh usu pakgtanulh nak ixlitalhkatan.

Mapakgsiná nemá natlawá akgtúm xamatixtúm xaputsananín xalichipanat, nawalí ti patima nak ixmakán makgatanksaná, nipala tsiná namakgapalá chu wa nalitawakagó talipawat. Pala nichuná nalaj tuku wanchá anú namaxokgonikán talakgalhín xla tapakgsin takgxtakgajni.

Katiwayachixkú tlan nachipá amá tiku liyawakanít akxni tlawama akgtúm talakgalhin usu akxni tlawakgonitá, namakamastá tunkán nak ixmakán mapakgsiná nemá lakatsú wi chu ja'é nachuná tunkán nak xla xapulakatunu Pumakgamakgtayán Xakakapulhuwa. Natawilá akgtúm lakgaputsokgni tunkán latá chipananka.

Watayá akxni liwaj taskinima, nemá chuná wi snun talakgalhín akxni chuná Ihkawalí tapakgsín chu akxni xlalh xlakata xatikulyawakanít, tlan natsalá nak xlitlawat talakkaxlán watayá akxni ninalá nak ixlakatín mapakgsiná xaputsamanín la xalimakglít kilhtamakú, niku usu chunatá, xapulakatunu Pumakgamakgtayán Xakakapulhuwa wa tlan nalitayá xatalipawan, namapakgsinán nachipakán, makanajlima chu kilhwama kajlipuwan nemá lilakpuwanikán xtatlawa.

Akxni liwaj taskinima usu liwaj tlawama, makgatanksaná nemá namakglhtinán xamakamastat xla tachín, tunkán nawanikán xlakata tachín qalhí ixlilakgtaxtut nimá kgalhí xla tapakgsin.

Mapakgsiná xaputsananín, latá skin Pumakgtayan Xakakapulhuwa xawá akxni wa amá xatlawananín talakgalhín, tlan limapakgsinankán lakgachipawalikán chatúm chixkú, la chi amá xawá xniku nemá Ihkawalí tapakgsín, watayá nilá nakgapulá tipuxám chichiní, kaj wa akxni liwaj taskiní xlakata tlan nataxtú taputsán kamakgtakgalhkán tachixkuwit usu lilaktlanat xalimapakgsin, usu akxni anán tajikuwanat xlakata ti malakapukanít ixtsalalh nak ixltlawat talakkaxlan. Ja'é talaklhkawalín kilhtamakú tlan limakankán, watayá akxni xapulakatanu pumakgamakgtayán xakakapulhuwa makanají xlakata anán tu xlakata nemá litsukulh. Latá chi chuná namakgapalá talakgachipawalín nilá nakgapulá tatipuxám chichiní.

Xtlawananín talakgalhin litamakgachakgxí akgtúm talakkaxwilin xatalakgalhín lichatutu usu liwaká tachixkuwit, nemá tatlawá talakgalhín latá li'ama usu pajtsú, latá wan tapakgsin.

Nipala chatúm ti liyawakanít nalakgachipawalí xapulakatu pumakgamakgtayan xalakapulhuwa liwaká tipuxamatsayán hora, xalikgalhikán xlakata nawankán kamakgxtakgka usu makamaxkikán mapakgsiná xaputsananín; ja'é xalikgalhikán tlan chunalitúm litawaká akxni amá tapakgsín liwanít wakg tiku akgskgawí tu amá lichiwinanchá nawalinikán xataxokgon talakgalhín wa chuná natlawá tapakgsín takgxtakgajni.

Wakg xamatixtum liputsan, watayá mapakgsiná xaputsananín tlan limastá, nemá makgskín xapulakatunu Pumakgamakgtayan Xakakapulhuwa, nawán aná niku naputsankán, chixkú usu lakchixkuwín nemá nakachipakán xawá maklakaskinit nemá putsakán, watayá wa chi xalakapala makikán akxni lakkó xaskulunku lilakkaxlan, nak ixlakatinkán chatúy malulokgná nemá nakaputsá tiku lakgtanukanít usu pala nití putsalh, mapakgsiná nemá natlawá xalakapala.

Xalikstu talimakatsinín nilá kaslakgkán. Tapakgsín nawalí xataxokgón talakgalhín xatutayá tatlawat nemá lakgalhinanputún nak xalikstu chu xlíkstu nemá piwatayá, akmaxtukanít akxni kalitlán mastá wi ti nemá napakgtanú aná. Mapakgaksiná nalakpulhká latá niku kichán ja'é, watayá akxni wi tamakatsinín nemá xla litayat akgtum talakgalhín. Nikxni katimastaka talakaskín latá chiwinankán nimá nimatlaní tlan xatalipawat la lichiwinán limapakgsin.

Watiyá ja'é xamapakgsiná xaputsananín xalipulamatni, nemá makgskín mapakgsiná xalipulamatni nemá limaxkí tapakgsín usu xakpuxkuná xla xapulakatunu Pumakgamakgtayan Xakakapulhuwa xala nak lakatunu pulamatni nemá lakgchán, tlan namastá talakaskín kgalhpakgtanut katuwaya tachiwin xalikstu. Wa chi xlakata, talipaw mapakgsiná namakanajlí chu makamaja xatamakanajlit tuku xlakata skin, kilhwama tu xlakata, tukuyá xlakata kgalhpakgtanut tiku amá xawá ixtamakgapalit. Mapakgsiná xaputsaná lipulamatni nilá katimastalh talakaskín akxni wa amá xla litalhkayawan, akxilhná, tastanat, xatachixkuwin, xatachalhkatni usu xatalakpulhkawalin, nipala nak takgalhchiwín xla tachín xawá ixlikgawaná.

Xatatliwakglhat Putsananín natakgalhí makgatanksananín xalakatunu nemá natalakkaxtlawá xakalakapala, chu latá tlan, taskin xla li'akgskgalhin limapakgsin, maxkikán limakgxkatsin chu limakaskujnín xla taputsán xla mapakgsiná, nemá lakaskín xalakatitum putsaná, litamakgtayama ixlakgchanatkán xlakán tiku kaliyawakanít xawá xlakán tiku kamakgakatsankán usu ti katalatlawakanít. Taskiní natawilá tlan talakkaxwalín wakg xla talimakatsinit xlakán makgatanksananín xawá xapulakatunu Pumakgamakgtayan Xakakapulhuwa chu xamakgapitsín mapakgsinanín xalaktalipaw.

Kakgalhpakgtanulh nemá matlanikanít natakgokgé latá tu taskiní chu nimá nitawilana nak tapakgsín. Nimá litaxtunitanchá xtaakgalhpakgtanut nemá nitamaxtuyachá latá unú talakaskiní, nitú natakgalhí limakanajlit.

Mapakgsiná xalakpulhkawaliná tlan nalakgpaxialhnán nak ixchikikán xlakata nakanajlá, xlakata makgantaxtukanít tapakgsín tlanlatamat chu xamakgtakgalhnà xawá tliwakglhnaskín xatamasin likgalhtawakga xawá kapsnat nemá taskiní xlakata namakanajlikán xlakata kgalhakgaxmatka makgantaxtintapakgsin, natlawakàn latá wan tapakgsin nemá wa lakgchán, xawá xatamakanajlin talakkaxwilin xlakata litaputsan.

Talakgtsokgchán nemá tamakgchin nawán nak xla pumalakgachan nakawanikán xalikstu taputsanat, chu xatalaktayamin namapatinikán xlakata tapakgsin. Akxni katapaxawán lamaka nipala chatún makgtakgalhnalilakgatum natanú xalikstu nak chiki akxni ni'ixliwakg ixtapuwán xapuchiná, chu nipala xatasakuán. Akxni lanikmaka makgtakgalhnalilakgatum tlan tliwakglhnataskín pumákgltata, putalakgxtun, liwat xawá tunu tu, latá talhkawalín nak tapakgsin xapulanikni.

Likatsin 17 (Art. 17). Nilá tiku natlawá talakkaxlan pi watayá ixlakata, chuninatlawá katalaktayamin xlakata nalikgawá ixlakgchanat.

Wakg tachixkuwit takgalhí lakgchanat natlawanikán talakkaxlan natlawá pumakgatanksanín nemá lilakskulunku xlakata natlawakán latá namakachán xawá latá wan tapakgsín, namastá tunkán ixtalakkaxlat xatakgatsín chu nití tatayá. Ixtaskujut chutá xataskiwán, litamakgxtakga, liwankán xatalaktlawán xaputsananín.

Tapakgsín natamakaxa latá tlan nalakkaxtlawakán xlalikgalhtaxtokgne.nak kalitapatin namalakxtumí ixtatlawat, natamakgantaxtí xatalaktawan takgalhín chu natamalakatsukí niku amá nataskiní li'akxilhni xaputsanamín.

Talakgxokgon nemá nimakgalhsputú xatalakkaxlan katachiwín taskiní nalichiwinankán naktakgaxmatni xakakapulhuwa xapula tamatasanilh tiku tapakgtanunít.

Tapakgsín xalipulamatni xawá xakalakatsú natamalakatsukí nemá nataskiní xlakata natalitamakgtayá, ix'akstu tapakgsit xlakán pumakgatanksananín chu liwaj ixtatlawat xla ixtalakkcaxtlawat.

Lipulamatni, pulamatni chu ixfilhpulakni pulamatni natalitamakgtayá latá wi ixtaskujut pulikgawan xakakapulhuwa xla lilaktlán xla tachixkuwit xawá tlan natakaxtlawá akjtum tamakgtayat lanlitanut nemá takgalhtawakganít xlakatakán likgawanánín. Ixtaskgawkán likgawanánín nilá liktanawán la ixlakán kgalhputsananín xla pumakgamakgtayan xakakapulhuwa.

Nilá ti chipakàn kajlitapawa latá watiyá katachixkuwit.

Likatsin 18 (Art. 18). Watiyá akxni anán talakgalhin nemá lakgchán xlikstu tapatin xla likstu tlan tamaknukán kaj xatsiná talakgachinun. Aná niku wi ja'é tunu aná niku makuán .xalimasputut tapatín chu alakatunu natawilá.

Xalakxtumtalakgnut pulachin natatalakxtumí latá wi taskujut, xatamasinitilhan, takgalhtawakgat, tlaniyatamat xawá takgamán nemá namakuán natanupalà lakgxokgonà nak katachixkuwit xawa tsakgsakan yaj natlawà takgalhìn, akxilhkàn xalitamakgtayan nemá limakatapaxa litapakgsin.Lakchajàn natamakgatsí ixtapatinkàn alakatunu latá aná ni tawilana ixlakán xalakchixkuwín.

Lipulamatni, Lakatunu Pulamatni xawa ixfilhpulakni Lipulamatni tlan natatlawá talakkaxlan xlakata lakgxokgonanín xla talakgalhín latá aná ni kimakachán xlitalhkayawakán natamalakgsputú tapatín nak pulachin nemá tapakgsí xalakalhuwa xtapakgtat tapakgsit.

Lipulamatni, Lakatunupulamatni xawá ixfilhpulakni lipulamatni natamalakatsukí, niku xla makachán xlimapakgsinatkán, akjtum lakxtumtalakgnut xalakxtum talakkaxlan nemá naklimawakakàn xatatlawat akjtum ixtayat li'akxilhkanitá talakgalhín xla tapakgsin xapulachin xawá natakgalhí liwaká akgutuy kata chu nimakgatsinít akgutsayán kata aná ni limakgtayakán ixlakgchanatkán nemá lilakgapasa ja'é Limapakgsin wakg tachixkuwit, nachuná la amá ixlakgchanatkán nemá xlakata tachixkuwit litastaka nemá kalilakgapaskanít. Tachixkuwit nemá nikgalhí akgutuy kata, nemá kgalhí la takxilhwalin ixtayat la

talakgalhín nak tapakgsín, watayá tlan nakamakgtayakán xlakata tlan natakaxlá chu namakglhtinán limakgtayan.

Xatatlawán xla lakxtumtalakgnut latá nak xatamaxtun xla mapakgsiná nakalitawaká pumapakgsin, pumakgatanksan xawá lakgskgalalanín mapakgsinanín nak xatatsakgsan xawá xatatlawán talakkaxlan xlakán lakgkgwasán. Tlan tlawakán takgastakayawan, tamakgtakgalhan xawá takxihilin nemá chuná taskiní, akxilhmaka tamakgtakgalhat xakgtuminika chu ixtalakaskin kgawasa.

Latá tipalít talakgxtapalí talakkaxlan taskiní nakxilhkán la natlawakán ja'é lakxtumtalakgnut; akxni chuná nalipakgán. Wakg latá nak lilakkaxtlawatilhat nemá xlakán lakgkgwasán nakxilhkán litamakgtayat nemá xlikana la li'ama, nachuná la xakstutapakgsit latá xlakán mapakgsinanín nemá tamalakgachá chu nemá ka'akwiliní xatalaklhkanín. Ja'é taskiní lakxtúm latá ixtayat xawá nakitaxtú kalakkaxtlawaparakán katachixkuwit chu xlitalakgapasni kgawasa, nachuná latá tlan litastaka xla ixlichatuminka xawá xlitliwakga. Tamaknunankán watayá namaklakaskinkán akxni liwaj taskiní chu liwaj lakgtsú kilhtamakú xawá watayá kalakgchín lakgkgwasán nemá likgalhí akgkutati kata, nimá kaliyawakanít takgalhin xla xatayat nitlán katachixkuwit xalikatsin xalijikua.

Lakgxokgonanín xalilakgatumlipulamatni limejikano nemá tawilana taxokgonantanumana tapatìn nak katilekapulataman, xala'alakatunu, tlan nakaliminkán nak xtakgsit tachixkuwit xlakata namakgantaxtí latá wi nak lakxtumtalakgnut xla kalakkaxtlawaparakán katachixkuwit nemá wi ja'é nak likatsin, chu lakgxokgonanín xalilakgatúm lipulamatni xala'alakatunu xlakata talakgalhin xla xamatixtum lipulamatni usu xalilakxtúm litalakgachixkuwit, tlan

nakalinkán nak katilekapulataman xla xpulakgawan usu aná ni lamka, nakgaxmatní Talakxtumitachiwin Alakatunulipulatamatni nemá lakkaxtlawakaní nemá wa xlakata. Kalinkàn alakatunu tachinín tlan natlawakán akxni liwakg ixtapuwán.

Lakgxokgonanín, la akxni xawá la mininí nemá malakatsukí tapakgsín, tlan nataxokgowalí ixtapatinkán nak pulachin nemá lakatsú nak ixpulataman, xlakata tlan machokgokán nak ixpulataman la kalakkaxtlawapalakán katachixkuwit. Ja'é xalimakgantaxtin tapakgsin nilá namakuán la akxni nak xtatlawananín talakgalhín chu atunu tachinín nemá taskiní tlan nakamakgtakgalhkán.

Pala kaj xatsiná talakgachinut chu xatatlawan talakgaxokgon nak xlimakanajlit xla xtatlawananín talakgalhín nawalikán xalaktlán pulachin. Xalaktlán mapagsinanín tlan tamalakgtsuwí takgalhchiwín xlakán ti liyawakanít chu tiku talakgxokgonamana xlakata xtlawananín talakgalhín tiku atunu, watayá tlan natanú ixlikgawaná chu nawalí latá tlan namakgtakgalhnankán latá tiku tachinín nak pulachin. Latá tuku wanachá tlan liwalinikán tunu tachinín nemá tamaklakaskín tlan tamakgtalkgalhni, latá wan tapakgsin.

Likatsin 19 (Art. 19). Nilá tlawakán akgtúm tachipán nak ixlakatín putsaná mapakgsiná nalitawaká latá namakachán tutumpuxamakutúy horas, latá litsukú akxni ti liyawakanít limakamastakán, kananimatlaní xali'akgtúm tlan talakgachinut la li'án aná ninawankán: talakgalhín nemá liyawakán limalhkapukanít; niku lalh, kilhtamakú xawá latá lakgólh, nachuná ixtilakgapaskán nemá namakatsininán xlakata wi tuku tlawakanít nemá tapakgsin limakán xlakata talakgalhín chu na'anán lakgtsú takamajlit xlakata ti liyawamaka tlawalh usu pakgtanulh nak ixlitalhkatayan.

Xapumakgamakgtayan kakapulhuwa watayá tlan naskiní makgatanksaná kajxatsiná talakgachinut akxní tunu xalitamakgtakgalhni ni'akchán xlakata nalitamakgtayakán ixtamakamastat timakgtanunit nak takgantaxtun tapakgsit, latá li'ama xataputsán, xatalikgawa ti makgakatsankán, xamalulokgnanín usu xalak pulataman, nachuná la akxní tiku makgpakgtanunít usu akxní lilakgaxokgonama xlakata talimamakkin xla akgtúm litakgskgawa talakgalhin. Makgatanksaná nalimapakgsinán kajxatsiná talakgachinut, talankitlawat; la akxní xtattlawananín talakgalhín, xatakgskgawin tamakgnin, talakgalhín nemá tlawanán katalaktayamin la lalinikni xawá limapankgat, nachuná la snun.

Talakgalhín nemá limakán tapakgsin nak ixtalakatakin xatamaktagalhni xla lilakgatumipulamatni, xalikstu xatastakni tachixkuwit xawá xla tlanilatamat. Tapakgsin natlawá latá nitlán nimakgatanksaná tlan namakgenú xalikstukán tachixkuwit nemá takgalhí la li'án.

Xatalakalhkán nimá naliwalikán xakana talakachinut la li'án tlan natalakglhmaní watiyá akxní chuná lakaskín ti liyawamaka, latá talhkawalinít nak tapakgsin. Xatalakglhmanín xla tachipan nak ixtamakgstatlawan namapatinikan xpalaka tapakgsin xatakgxtagajní.mapakgsiná nemá talipaw xla putalakgachinun aná niku tanuma ti liyawamaka, nemá latá talhkawalin nemá wanachá xapula nimakglhtinán xatalakgatsokgxtu kapasnat limapakgsinankanít xla litalakgachinut la li'án xawá nemá xlakata litapakgsin kajxatsiná talakchawatanut, usu skin malakglhmanikán xatalaklhkán xalitapakgsin, namalakpuwaní ixtapuwán makgatanksaná latá piwá ja'é akxnitiya sputa xatalakkalhkán chu, pala nimakglhtinán xalimasittaskujut nemá mapakuwikanít latá xli'akgtuy hora latá ama makgxtakgkán ti liyawamaka.

Wakg latá la li'án taskiní takgokgekán talakgalhín nemá walikanít nak kanatalakgachinut la li'án. Pala xali'astán latá la li'án tasí xlakata tlawakanít akgtúm talakgalhín tunu nemá niwa limataxtukkán, natlawanikán tunu taputsán, kaj wa nitú natlawaní xlakata astán naliyawakgokán, pala chiná li'ama.

Chiyú pala astán an xatakgtonkgswat xla talakachinut la li'án xtlawanánin talakgalhín wa ti liyawakanít tsalaní talakkaxlan usu walikán nak ixmakán tunu makgatanksaná nemá tliwekglskin xala'alakatunu, nalmakgxtakgkán la li'án xawá xatalaklhkán xla limapakgsin xla takgxtakgajni.

Wakg akxni nilakatitum chipanankán usu nachuná nak pulachin, wakg talásnakgni nemá natlawakán kaj wa taskiní, wakg talakgaxokgon, nak pulachin, wa amá talakgalhin nemá nalakkaxtlawá tapakgsin chu talaktlawá mapakgsinanín.

Likatsin 20 (Art. 20). La li'án xatakgxtakgajni namalakgsikán xawá katachiwín. Nali'akpuxkún ixlikilhtsukut xakakapulhuwaka, atalalakatakin, tamakxtumit, li'anat xawá litalakatsu.

A. Xla ixliwakgni ixlikilhtsukut:

I. La li'án takgxtakgajni taskiní nakgalhí xatalakkaxlan tuku lakgonít, makgtakgalhkán tiku nitú tlawanít, tliwakglh lakán ti tuku tlawalh namapatinikán xawá tu ya takgalhín tlawalh tlan kaxtlawakán;

II. Wakg takgaxmatni natlawakán nak ixlakatín makgatanksaná, nilá ti ixlakgxokgo wa nak kalipaxaw xawá xatalaklhkán limakanajlit, nemá taskiní natlawakán lisktu chu talakpuwan.

III. Nemá watá xla talakgxokgon watayá namakuán limakanajlin wa amá nemá kalimatampuxtukanít nak takgaxmatni xla takgantaxtin tapakgsit. Tapakgsin nawalí liwaj talakaskin xawá tuku taskiní xlakata makglhtinankán nak takgantaxtin tapakgsit xapulaná limakanajlin, nemá chuná xlikilhtsukut lakaskín tunkán litamakgxtakgni.

IV. Takgantaxtin tapakgsit natlawakán nak ixlakatín makgatanksaná nemá nilakgapasnit tuku amá. Xalamakamajni xamatalulokgni xawá xamaklakaskinit limakanajlin natlawakán kakapulhuwa, katalalakatakin xawá katachinwín;

V. Xalitsinka limakamajni xlakata namasikan talitayat lakgchèn ti malakapunàn, latá laklhkawalí tipatúm xatakgxtakgajni. Ixlakgaputuykán akktúm natakgalhi la li'án xlakata nemá namakuaní xalitalakapun usu ixtalikgawan, nemá piwá

VI. Nipala chatúm makgatanksaná tlan lin tamakgxkatsinin nemá kgalhi la la'án xanetá lakgaputun taskini natawilá xalakgputu, kanikxniwá natalakgachixkuwí ixkilhtsukut xakatalalakatakin, watayá talaksakualin nemá lichiwinán ja'é limapakgsin.

VII. Akxni tsukunitá la li'án takgxtakgajni, kaj wa na'anán talalakatakin ti liyawakanit, tlan tlawakán xalakapulan ixtasputut nak kajliwanat xawá latá nawán tapakgsin. Pala ti liyawakanit litayá nak ixlakatin putsaná, kalitlán xawá katsí la nakitaxtú. Ixtapakgtanun nak talakgalhin xawá tawilana talipawan lhuwa makanajlikán ti liyawakanit, makgatanksaná namatasaninán nak putakgáxmatni xla falakgxokgonat. Tapakgsin nawán litamagtayan nemá tlan namaxkikán ti liyawakanit akxni nalitayá ixtalakgalhín;

VIII. Makgatanksaná watayá namapatiní akxni anán takanajlat xla ixtitalitayat ti liyawakanit;

IX. IX.Katuwayá limakanajlin nemá makglhtinankanít katalaktayamin xla xalimakuan lakgchanat nikitimakua, xawa

X. Ixlkilhtsukut nemá tawilana ja'é nak likatsin, nanatasí nak xalakapulan takgaxmatni xla takgantaxtuntapakgsit.

B. Xlaká xlakgchanatkán wakg tachixkuwit ti liyawakanít:

I. Nemá litatlaní ti nitÚ lin akxni yalaklhkawalinikán ixlitawakat la talakgxokgonat nemá mastá makgatanksaná nemá litalakgalhín;

II. Kgalhapalakán usu takgalhtsekfkán. Latá akxni chipakán namakatsinikán tuku xlakata lichipaka xawá kgalhí lakgchanat aksnatawilá, watá nilá nemá namaklakaskinkán lilaktlawakán. Liwankán xawá nalimapatinikán xatapatin tapakgsin, paks tamakgenun tachiwin, tamakgekgihán usu taniknitakgxtakgajni. Takgalhapalan nemá mostanít akxni nixwí ixlikgawaná nikxni katimakua la limakanajlin;

III. Xlakata kamakatsnika, latá akxni chipakán chu latá akxni tamakamastá nak ixlakatín Pumakgamakgtayan Katapulhuwa usu makgatanksaná, latá tu liyawakán xawá ixlakgchanat nemál akgchán. Akxini wa' amá' ixtlawananín talakgalhín, putsaná mapakgsiná nawalí xlakata tsekfmakika ixlukuwiní xawá ixlilakgapaskán malakpuwaná.

Tapakgsín namalakatsukí litamakgtayan xpalakata ti liyawakanít, patiná usu lakgaxokgoná, nemá tlan namakgtayá nak taputsanat chu tokgokgekán talakgalhín nak xlimakanajlit xtlawananín talakgalhin;

IV. Nakamakgamakglhtinikán ixmalulokgnanín xawá latá wakg ixlimakanajlin nemá namastá, namaxkikán kilhtamahkú nemá tapakgsín puwán akchán chulimakgtayakán xlakata nat5así tamakamastat xla .tachixkuwit wa' ixlimakanajlin naskín, latá laklhkawilinít tapakgsin;

V. Nalakgxakgonán nak xakakapulhuwa takgaxmatni xlakatín chatúm makgatanksaná usu pumakgatanksan. Tamakgpuntumit tlan malakgtswikán watá akxni talaksakualin latá laklhkawalí topakgsín, xlakata ixlitamakgtágalhni lilakgatumilipulamatn, xmakgtakgalhná kakapulhuwa xtamakgtakgalhníkán ti kamakgakatsankán, malulokgnanín xawá xalaktsú, akxni walikán kalijikua akxni wankán ixlilakgapaskán nemá xatakanajlan makgtakgalhkanít usu akxni makgatanksaná katsí tawilana tamakgalulokgni xlakata namakanajlí.

Nak xtatlawanin talakgalhín, latá tu tlawanitá nak xkilhtsukut taputsán tlan natakgalhí ixtapalh tamakanajlit, akxni nilá malhuwikán nak takgantaxtin tapakgsit usu anán tajikuat xlakán malulokgnanín usu ti makgakatsankán. Xapulha nilaktlawá ixlakgchanat ti liyawakanít xlakata nimatlaní xawá makamastá limakanajlin nemá ni'ixlá;

VI. Wakg namakamaxkikgokán ixlilakgapaskán nemá naskín xlakata ixlikgawan xawá namakuán la li'an.

Ti liyawakanít xawá ixlikgawaná tlan natatanú aná ni tsokgwalikanít taputsán akxni ti xlawán chipakanít chu akxni makgamakglhtipunkán ixtakgalhapalan usu kgalhputsanankán; nachunalitum akxni yaj xlawán tamakamastá nak ixlakatúin makgatanksaná tlan takxila amá tatsokgwalin, latá xkilhta xlakata makaxa

ixtalikgawan. Latá ja'e tsukunít nilá tawilá nak tamakgxtakgajni latá tu ixlitlawat xla taputsan, watayá amá Lanka talaksakualin latá talhkawalín nak tapakgsín akxni wa' amá nilá makgenukán xkalata makgtayakán ixtatljajat taputsan xawá nemá kamikxniwá liwaj tlan makatsininankán xlakata nilaktlawakán ixlakgchanat xla talikgawan;

VII. Nalakgxokgonán latá ya makachán akgtati papá' akxni amá talakgalhín nilitawaká ixpatapán akgtúy kata pulachin, chu ni chan akgtum kata pala tapatín litawaká amá kilhtamakú, xawá pala naskín liwaká kilhtamakú xlakata ixtalikgawan;

VIII. Nakgalhí lakgchanat akgtum ixtalikgawan latá tlan xpalakata likgawaná nemá ixlikstú nalaksaka ata tsiná tlan latá akxni chipaka. Pala nilakaskín usu nilá putsá chatum likgawaná latá astán lakaskinkanít xlakata natlawá, makgatanksaná naputsaní chatum likgawaná xakakapulhuwa. Nachuná nakgalhí lakgchanat xlakata ixlikgawaná natatayayachá wakg nak la li'án tatlawan chu ja'é nakgalhí ixlitlawat natlawá latá makglít naskinikán, xawa

IX. Nikxni anán tu xklakata natalakghmaní nak pulachin usu tachipán, kaj xlakata nixokgokanít ixtaskgaw xlakán likgamananín usu tunu tu litum tamasakuanín tumin, kaj xlakata xatalipawan xatachixkuwín usu tunu tu litum tu xlakata napiwá. Kajxatsiná talakchawatanulh nilá litawaká kilhtamakú nemá awatá kitawilá tapatín lata' Ihkawalí tapakgsin amá talakgalhín nemá makamaja la li'án xawá nikxni katilitawakalh liwaká akgtúy kata, watayá nemá ixtalakghmanin wa xlakata xalitlawat lakgchanat xla ixtalikgawat ti pakgtanunít. Latá makachanít ja'é xalisputut niwankanít ixtalakgaxokgon, makgpakgtanuná tunkán namakgxtakgkán aku na'akxiltilhakán la li'ama, niwá chi amá litokglha xlakata nawilí atunu tatlawa tamakgxkatsinit.

Wakg tapatín xatalakgachinut nemá Ihkawalí akgtúm talakgaxokgon, natliputlakgakán amá kilhtamakú latá akxni chipananka.

C. Latá ixlakgchanatkán ti makgakatsankán usu ti talatlawakanít:

- I. Makglhtinankán takgastakayawan xalimapakgsin; tlan makatsinikán xlakata ixlakgchanat nemá ixlakata malakutsukí Limapakgsin xawá, akxni naskín, tlan makatsinikán la li'ama ixlilakkaxtlawatilhat.
- II. Tamakgtaya Pumakgamakgtayan Xakakapulhuwa; xlakata wakg namakgamakglhtikán xalakgapaskán usu maklakaskinat xalimakanajlit nemá kgalhí, la nak takgalhputsán xawá latá la li'án xlakta natlawakán lilakapalan, xawá lakatitayanankán nak takgantaxtin tapakgsit chu tamaknú tamaklakaskinín latá nemá tamakatakaxlí tapakgsín.

Akxni Pumakgamakgtayan Xakakapulhuwa lakpuwán xlakata nitaskiní natlawakán xalilakapalan, namalulokga xawá namakamaja ixtakgalhpuspitni;

- III. Makglhtinankán, latá nak litalhkatan xla talakgalhin, tamakuchín xawá xlitalakpuwan xalakapala;
- IV. Kakaxtlawanika talakgalhín. Nemá chuná maktinní, Xapumakgamakgtayan Xakakapulhuwa taskiní natlawá chu naskín kakaxtlawanika xatalakgalhín, xawá nilimaktikán xkalata ti makgakatsankán usu ti talatlawakanít tlan titúm naskín, xawá makgatanksaná nilá matsankgenaní lakgxokgoná wa' amá nakaxtlawaní para wilinitá akgtúm xatalakgxokgón xatapatin.

Tapakgsin nawalí la lilakkaxtlawatilhat xlakata xlakata natlawá talakgxokgón xlmakanajlit likaxtlawakán xla talakgalhin;

V. Xatamakgtakglhni xla ixlilatamat xawá xakgatunulitúm ixlikstu ixlilakgapaskán la chi chuné: akxni liktajkú ixt'atakán; akxni wa' amá talakgalhín xla talaktayamit, takgalhamatsalin usu xtlawanánin talakgalhin; xawá akxni ixtachiwín makgatanksaná taskiní xlakata ixlitamakgtayan, makgtayakán la chi nak ixlakgchanat xla ixtalikgawan.

Xapumakgamakgtayan Xakakapulhuwa nawalí ixlitamakgtayan kamakgtakgalhkán ti kamakgakatsankán, ti katalatlawakanít, malulokgnanín xawá latá wakg tachixkuwit nemá tapakgtanú la li'an. Makgatanksananín natawalí talimakgtakgalhan xatlán tamakgantaxtit xa ja'é xlitlawat.

VI. Skinkán xalitatlawanín xatamakgtakgalhan xawá tu likilchán nemá tataskiní xla xalitamakgtakgalhkán xawá puspitnikan ixlakgchanat, chu

VII. Nimatlanikán nak ixlakatín putsaná mapakgsiná tu nikali'akxila xla Pumakgamakgtayan Xakakapulhuwa nak xataputsan xla talakgalhin, nachuná xla xatalakkaxlan xla litamakgxtakgni, nixatatlawan, limakgxtakga xlakata ni nachipakán usu makgenukán xalilakkaxtlawatilhat akxni ni matlaní la kaxtlawapalakanít talakgalhín.

Likatsin 21 (Art. 21). Xataputsán xla talakgalhín lakchán Pumakgamakgtayan Xakakapulhuwa chu makgtakgalhnánin nemá natatlawa ti kalima xawá takpuxkunima ixtatlawat ja'é tatlawan. xla tapatinkán.

Xatatlawán xla tapatín nak ixlakatinkán pumakgatanksanan lakgchán xla Pumakgamakgtayan Kakapulhuwa. Xatapakgsín nawán la nimá ix'akstukán tlan natatlawá tapatin nak ixlakatín putsaná mapakgsiná.

Xatawilit tapatin, ixtalakgxtapalikán xawá xatamakgapalan wakg ixlakán xawá watiyá xla putsaná mapakgsiná.

Lakgchán lakihkawaliná mapakgsiná kawaliní tapatin xlakata taxokgon xla laktsutapakgsin xawá xla makgtakgalhnán, nemá watayá natalá xla taxokgotalakgalhin, tachín latá tipuxamakuchaxán horas usu maskujukán xlakata ixpulataman; kaj wa pala tsakatná ni'ixokgolh ixtaxokgotalakgalhin nemá walnika, lakgxtapalinikán ja'é chu tachín walikán nemá nilitawaká nikxni puxamakuchaxán horas.

Para xatsakatrén xla laktsutapagsin xla mapakgsinanín chu maktagalhná litanú makgtayaná, usu chalhkatná, nilá mapatinikán ixtaxokgotalakgalhin liwaká latá kitalakastuka ixtaskgáw latá akjtum chichiní.

Akxní wa' amá chalhkatnanín nemá nitatlajá, ixtaxokgotalakgalhín nemá nawalinikán ixlilakgaxokgon xla xalaktsutapakgsin xawá xla makgtakgalhná, nilá litawaká latá ixtalakxtum xalipukit akjtum chichiní.

Xapumakgamakgtayn Kakalakalhuwa tlan natalakpuwán nikulá tlan namtlanikán xlakata natlawá xla tapatin, latá lilakapastakkán lichiwinán tapakgsín.

Makgantaxtiná Lipulatamatni natlawá, ixtlanalitaxtun xla Xpulakkaxtlawakán Tapakgsit latá kitaxtú, lakgapaspalakán xtapakgsit xla xamakxtum makgatanksananín xatakgxtakgajni xala'alakatunu pulataman.

Xmakgtakgalhná Li'akapulhuwa wa' akjtum litlawat nemá akxila Lipulatamatni, Ixkilhpulakni Lipulatamatni, Pulatamatni xawá Putapakgsin Laktsupulatamat, nemá lakgchán xalimakgtakgalhwilit xla talakgalhín; taputsán xawá tataxtukán xlakata makgantaxtikán, nachuná la tapatin xla lilakgaxokgon lata' wi nak tapakgsin, nak ixlakatakán nemá ja'é Limapakgsin wan. Ixtatlawankán xpukgantaxtuntachixkuwit xla xmakgtakgalhná li'akapulhuwa nali'akpuxkún ixlikilhtsukutkán xla talimakanajlit, xalikanajlat, tlawaní, tlanlitanut, lilakatankswa xawá talakgachixkuwit xla xlakgchanatkán tachixkuwit lakgapaspalakanít ja'é nak Limapakgsin.

Xpukgantaxtuntachixkuwit xla xmakgtakglhná li'akapulhuwa natalayachá xatachixkuwín, akslakawán xawá tlanlitanut. Xapumakgamakgtayan Kakapulhuwa xawá xapukgalhtuntachixkuwit xamakgtakgalhnánin xapulaktutu xamatixtumin mapakgsiná tlan akjtum natalitlawa xlakata natamakgantaxtí ixlilakgchat xla xmakgtakgalhná li'akapulhuwa chu natakaxtlawá Xalakxtumtalakgnut Lilakgatumpulatamatni xla Xmakgtakgalhná Li'akapulhuwa, nemá chuné litakgokgé xalaktsú litachipaxni la je'é tawilana:

- Malakxtumikán akxni kalaksakkán, xalitanut, talakkaxwilin, kanatawilat, talakkaxlatilhat, likaknit chu makanajlit xla tapakgtanunanín xla xmakgtalhná li'akapulhuwa. La skujkán chu tlawakán ja'é taskujut ixlitlawat Lipulatamatni, Ixkilhpulakni lipulatamatni, Lakatunupulatamatni chu putapakgsin laktsupulatamat nak ixputapakgtat latá tuku ixtakalakgchán.

- b)** Xatamalakatsukit xla lichipaxni xalilakgapaskán limakgnin xawá tachixkuwit xla xpukgantuxtuntachixkuwit xla xmakgtakgalhná li'akgapulhuwa. Nipala chatúm tachixkuwit tlan natanú nak xpukgantuxtunkantachixkuwit xla xmakgtakgalhná li'akapullhuwa pala nitlán kanawilikanít chu tatsokgwilin nak lakxtumitalakgnut.
- c)** Xatatlawan ixlakkaxlanalilatamat xakakapulhuwa nemá makgxkatsiní xatamakgapalan talakgalhin.
- d)** Nalakkaxtlawakán ixtapakgtnut pulataman nemá namakgtayaninán, la amá, nak xalali'án talaklhkan xla ixlakkaxlanalilatamat xla tamakxkatsinin talakgalhin nachuná la xla xpukgantuxtuntachixkuwit xla xmakgtakgalhná li'akapulhuwa.
- e)** Makxtumtamakin xalimakgtayan liputamatni xla xmakgtakgalhná li'akapulhuwa, latá xlilikgatúm liputamatni nakamaxkikán lakatunu pulantamatni xawá putapakgsin laktsupulatamat xlakata aná nakamaklakaskinkán nak ja'é lipumakgantaxtin.

Likatsin 22 (Art. 22). Kaliwankán tamakgnin, tapatin, tamakgatsankgenlakliwat, takitstalat, xtutu, nipala tasnokgni, takgxtakgajni xanematá, xalitawakán taxokgotalakgalhin, makglhtinankán xawá tunulitúm kajtasilh tapatin chu talitaxtuyachá. Wakg tapatín likxtum nawanachá amá talakgalhín nemá namapatiní chu xatlán xalimapakgsin xatalakgalhín.

Ninalakpuwankán makglhtinankán takgalhín xla chatúm chixkú akxni xalakapalalitapakgsin xla litaxokgotalakgalhín usu talakgaxokgon, nipala akxni, xalakapalalipakgsin chatúm putsaná mapakasiná xla taxokgon talipaw tachixkuwin, talakapun xatamakgapalan akjtum talakgalhin. Nachunalitúm ninalakpuwankán makglhtinankán nemá nawán putsaná mapakgsiná xla takgalhín la kitaxtú xla lhuwanatakgalhín nilakatitum latá wan likasin 109, tatlawán xpalakata Pulatamatni

xla xla tamakglhtin tamaklakaskinit nemá akgxtakgmakgankán latá wan nemá tlawakán xalimakgantaxtuntapakgsin, nipala amá takgalhín la wankán lakgspunitá nak talakgxokgon. Akxni la kitaxtú xla talakgsputni takgchipawilin namalakatsukikán akgtum xalilakkaxtlawatilhan nemá nali'akpuxkunán ja'é laksutapakgsin:

- I. Xtapakgtatapakgsin nawán xawá x'akstutapakgsit xla lilanat takgxtagajni;
 - II. Nali'án nak takitaxtun xtlawananín talakglhín, talakgalhín tlanitalamat, takgalhamaqatsalin, takgalhán putlaw chu tastán tachixkuwit, nemá taliminachá takgalhín:
- a) Amá nemá tamaklakaskín katuwá usu takgantaxtun xla talakgalhín, kana latá niwanikanít xtakgxokgón nemá nawán xtatlawat takgxtakgajni, kaj wa na'anán xatatakgatsín xlakata naliwankán nemá nilakatitum tatlawalh tu lalh.
 - b) Amá nemá nitamaklakaskin, katuwá usu takgantaxtun xla talakgalhin, kaj wa kamaklakaskinkanít usu tu kalitlawakanít natamatsekga usu talakgwihá takgalhín xla talakgalhin, latá akxni natatamakxtumí ixmakgstanitni xapulh aktsulitapitsi.
 - c) Amá nemá kamaklakaskimaka xla litalhkatayan xla talakgalhin xla ti atunu pala ixpuchiná kgalhilh xatakatsin chu nimakatsinlh mapakgsiná usu wi tu tlawalh xlakata nimatlawí.
 - d) Amá nemá kamapakuwikanít ixtukuwini atunu, kaj wa na'anán lhuwa xatatakgatsín xkalata nawán nemá takgantaxtun xla talakgalhín usu xtlawananín talakgalhin, xawá ti malakapukanit xlakata ja'é talakgalhin nalá la xapuchiná.

III. Wakg tachixkuwit nemá katsí lakgalhikanít ti tlan li'akgatayakán nemá tawilana maklaskinat xlakata namasí nilakatitum minitanchá takgalhín xawá tlan ixtayat, nachuná lamara nixmatlanikanít xlakata nalakgapasa nilakatitum tamaklakaskin ixtakgalhín.

Likatsin 23 (Art. 23). Nipala akgtúm takgantaxtintapakgsit xakalimakgnin tlan nakgalhí liwaká lakatutu putaxtun. Nilá ti makgalhapalikán makgtúy nemá piwá ixtalakgalhín, latá chi pala nak takgantaxtintapakgsit makgxtakgkán usu mapatinikán. Nitu talakaskin tlawakán kamakgxtakgkán xla pulaktum.

Likatsin 24 (Art. 24). Wakg tachixkuwit kgalhí xlikkstu xlakata tu litanú, tu lipawán pusikulan nemá xla lakgatí xawá tlawá ixtalalakgachixkuwit, ixtalipawan usu talakgachixkuwín, kaj wa nitlawá akgtúm talakgalhín nemá tapatin tlawá tapakgsin.

Tamakxtumit nilá litlawá tapakgsin nemá tamalakatsuki usu taliwan pusikulan.

Xtatlawat talakgaskgoyun pusikulan xakakapulhuwa nakatlawakán latá limakaminít tamakxtumikan nak pusikulan. Nemá kajkxní katlawakán natakgokgé latá wan tapakgsín.

Likatsin 25 (Art. 25). Lakgchán Pulatamatni akpuxkún nak xlalistakni xalilikgatumlipulatamatni xlakata litamakgtayá, xlakata ja'é xakgtuminika nawán xawá lantawilá, namatiwakglha Xatakgpulhkat xla Lilakgatumlipulataman chu xlitlawan, xalakxtumlilatamat chu xalimatayanin, xalimapalhin, xatamastakan, lilakgtaxtutamat xawá putamakgtayan chu akgtúm nemá lakxtúm xatamakgpitsin taskgáw chu xamakgalat, mastá xatatlawan xla xalikstu xawá xtapalhkán

Iakchixkuwín; tamakxtumit xawá tipalhuwa xalaklhuwa tachixkuwit, wa xatamatgktakgalhni makgtayá ja'é limapakgsin.

Pulatamatni namakatakaxa, nakpuxkún nalimakgtayalinán chu akchixlinán xatatlawat xalilaktaxtutamat xalilikgatumipulatamatni, xawá nakalín latá chuná chu namapalhí xla tatlawat nemá skinkán tuku lakaskinkán liwakg nemá tatiyanikán nemá mastá ja'é limapakgsin.

Nak xalitastakat xalilikgktaxtutamat lilakgatumpulataman tatamatgktumí, katalipawan tachixkuwit, xalakgaputum xakakapulhuwa, xalakgaputum xawá lakgaputum xalikstú, xawá nilimaktikán atunu titlawat xalilikgktaxtutaman nemá limakgtayakán nak xalistakni xla lilakgatumpulataman.

Xaputum xakakapulhuwa nakgalhí nak xlitayat, pi watá ixla, lakapulhuwa talaklhkawilin nemá taliwaná nak likatsin 28, putsokgwilin xli'akgtati xla limapakgsin, lakgchipalima kanikxniwá mapakgsiná lipulatamatni xapuchiná xawá apkuxkulín xlakatakán limakgantaxtuninanín nemá la kituxtú natamalakatsukinán.

Nachumalitum tlan ix'akstu pakgtanú usu kalipakgtanu liputunu tachixkuwit xawa xalikstu, latá tokgokgekán tapakgsín, xlakata matliwakglhkán chu makaxkán lakgaputunu taskiní xla listakni.

Lata' litapuwán xalakxtum tachixkuwin xawá tamakgalan nakawakgtayakán chu nakamatliwakglha xatamatlakatsukinín xlaputunu tachixkuwit chu xalikstu xla lilakgktaxtutaman, kalakgchipalinkán xlitayatkán nemá wankán lakalinkán

xakakapulhuwa xawá xatamaklakaskín nak xalitamakgtayán liwakg, xamaklakaskinat xatamakgalan, makgalán xawá katuxawat.

Tapakgsin namalakatsukí xalimakaskujnín nemá nimatuwají tamakaxni xawá tatalankin tatlawat xalilakgtaxtutamat xla lakgaputúm tachixkuwit: Xla kalichalhuwatiyat, xatatakaxni chalhkatnanin, tamakgstokgnilimakgtayan, pulataman, tamalakatsukit nemá tatapakgsí lichalhuwa usu watá likstu xlakán chalhkatnanín xawá latá liwakg, tipalít tatakaxní tachixkuwit xlakata xla tamakgalan, tamakgpitsin chu maklakaskinkán takgalhín xawá limastanín tachixkuwit, taskini.

Tapakgsin namakamaja xawá namakgtakgalha, tatlawat xalilakgtaxtutamat nemá natatlawá xalikstunín chu namastá litlán xlakata ixtalankit xla lakgaputúm xalikstu makgtayaninán nak xalistakni xalilakgtaxtutamat xalilakgatumlipulataman, latá wan namalakatsukí ja'é Limapakgsin.

Likatsin 26 (Art. 26).

A. Pulamatni namakaxa akjtum lakxtumtalakgnut xla tamakatakaxni lakxtumlatamat xla xalistakni xalilakgatumlipulatamatni nemá limaxkí tapalhin, litliwekge, tamakgapalit xawá talakxtumit xatastakni xla lilakgtaxtutaman xlakata ixakstutapakgsit xawá xatalakxtumlatamat ixlilakkaxlanalilatamat, tachixkuwit xawá lilatamat xla lilakgatumlipulataman.

Xalipumakgantaxtin xla talakpuwanataskujut xalilakgatumlipulatamatni nemá tatanumana nak ja'é Limapakgsin natalakkaxtlawá xatalilakgchan. Xatalakkaxlan

tapuwán lakxtumlatamat nawán. Latá natapakgtanú pulhuwa tachixkuwit napukí talakpuwán xawá taskiní xla tachixkuwit xlakata katawaknukán nak talakkaxlantapuwán xawá litaxtunxpukaxtlawan xla listakni. Natawilá akjtum xatalakkaxlantapuwán xalilakgatumlipulatamatni xakakapulhuwa lipulatamatni.

Tapakgsin nemá lakgchaní Makgantaxtuniná xlakata namalakatsukí la nalilakkaxtlawatihakán la napakgtanukán chu takgalhputsan xatachixtuwit nak lakxtumtalakgnut xalilakgatumlipulatamatni xla talakkaxtlawatapuwán xalakxtumlatamat, xawá litapuwán xlakata xlatatlawan, limamaklakaskinit instrumentación, limakgtakgalhi chu talaklhawilin xla talakkaxlantapuwán chu lakxtumpukaxtlawan xla listakat. Nachunalitum, natalakkaxtlawá akxilhlinanán xatalipaw la li'án xla talakkatlawanatapuan xawá xalitachipaxni xlakata Mmakgantaxtuniná Xalipulatamatni katatayá talakkaxlan xawá mapakgsinanín xalak lakatunupulatamatni chu nalín xawá katalakkaxlá xalilakstunín latá tu lilakkaxtlawat chu xatatlawat.

Nak lakxtumtalakgnut xatalimakatakaxni xalakxtumlatamat, ixtawakxtumit makgantaxtuninanín nakgalhí kgalhpakgtanut nemá wi nak tapakgsin.

B. Pulatamat nakgalhí akjtum Lakgxtumitamalakgnut xalilakgatumlipulatamatni xla tamakatsinin Lilakgaputlakgan chu Lilakatiyat nemá ixlilakgapaskán nalikatsikán talimakanajlit. Xlakata Lipulatamatni, Pulatamat, Ixkilhpulakni Lipulatamatni xawa Putapakgsin laksupulatamat, ixlilakgapaskán nemá tanuma nak lakxtumtalakgnut namaklakaskinkán liwajlitlawat latá wan tapakgsin.

Xatalipaw xla talakkaxwilin chu katakpukunit amá Lakxtumitalakgnut nakxilhlín akgtúm limakgataxtuninanin nemá kgalhí ixakstutapagsit tamakaskujni xawá xakxilhlitlawat, litachixkuwit xalimapakgsin chu xlakgstu xtakgalhit, nemá tiku lakgchán xlakata nalakgchipalín ti masinitilhakán, xalali'anat chu limakgpuntumin xla tamakatsinín nemá maxtumaka chu limaxkimaka talikxilhnin.

Limakgantaxtuninanín nakgalhí akgtúm tamakxtumit xla mapakgsiná nemá nakgalhí chakitsis pakgtanunanín, nemá chatúm nalitanú xapuxku xala wa ja'é xawá piwá limakgantaxtuninanín; nakalhkayawá xapuxku xtapakgsittachixkuwit xawá xatlán ixlitaxtunkán Ixputamakxtumit Ixtalakkaxtlawanintapakgsit usu akxni tajaxa Talitalhkatayan xakxilhnanín xla Ixtamakxtumit Makgantaxtuninanin.

Tapakgsín namalakatsukí xatalichipaxni xla tamakxtumit xawá liskujma xla Lakgxtumtalakgnut Lilakgatumlipulamatni xla Tamakatsinin Lilakgaputlakgan chu Lilakatiyat, la nemá ixlikilhtsukut lakgchankán tamakatsinín, lakstalanka, likanajlat xawá ix'akstutapakgsit; xalaktsutamaklakaskin nemá namakgatsí ti tapakgtanunit nak tamakxtumit xla mapakgsiná, la namakgapalá xawá la makgatunu nalá ixtaskujut.

Pakgtanunanín xla Tamakxtumit xla Mapaksiná tlan nakamalaksijkán lanka talanikni xawá nilá natakgalhipalá tunu pumakgskujni, takpuxkun usu litalhkatayan, amá nichuná con usu talksaualin nemá ni xokgokán nak xpukgantaxtuntachixkuwit xamakgalhtawakgenanín, xatamakxtumintakatsit, xatalatamat usu xalitamakgmatayan; xawa natatakgokgé lata'talhkawalín nak xli`akpulaná xapulaktati xla ja'é limapakgsin.

Likatsin 27 (Art. 27). Ixkgalhiná tiyat xawá chuchut nemá tawilana latá nikitapakgta titsuntinpulatamatni xalilikgatumlipulatamatni, lakgchán lata ixkilhtsukut Lilakgatumpulataman, nemá kgalhinít chu kgalhí lakgchanat kamakamaxkí tatlajat wa ixlakán ixlikstukán, malakgawanima ixpuchiná xalikstu.

Tamakglhtinán (watayá tlan tlawakán tu xlakata xataskinit kakapulhuwa chu katapuxokgon litamaxokgon.

Lilakgatumpulataman kamikxniwá nakgalhí lakgchanat xla ixkgalhiná xalikstu xatipatunumaklakaskinkán xla xatatakgatsin xlakgstunín nemá tlan xla takgchipawalin, xlakata natlawakán lakxtúm tamakgputumin xla lhuwatakgalhín xakakapulhuwa, makgtakgalhkán, kgalhikán, xalitastakat xalilikxtum xla katilekapulataman xawá xatatlanit ixlatamatkán xlakán matakuxtunanín chu likachikin. Latá chuná nawalikán limapakgsin nemá liwajtaskiní xlakata nawankán aná nitlán natawilakán chu malakatsukikán xatatlanit tamaxkin, tamaklakaskin, tamakin xawá tu kalitlawakán tiyatchuchut xawá kakiwín, xlakata natlawakán tatlawán kakapulhuwa xawá xlimakatakaxkán chu lakanitumlinkan ixtamalakgawanin.

Makgtakgalhkán, tamatlanit xawá xatalakstakni pulataman; xlakata makgtakglhkán chu kaxtlawapalakán xalaktlán tawilat kakiwín; la makgpitsikán lakatilankatiyat; xlakata maklakaskinkán; latá tapakgsin, xalitamakxtumit xawá xalimakxtum puchalhkatni xla lichalhuwatiyat, chu pulataman; xlakata xalistakat xla lakanitum linkan ixtamalakgawanin; xlakata xalakkatukuxtu; xlakata limalhuwit lipuchalhkatnitiyat, makgtakgalhnat kitstankanín, xalakkiwín chu xqatipakgatsi taskujut lilakgtaxtutamat xlakkatukuxtu, chu xlakata nimatlawinán kamalakgsputukán xatatakgatsín

xlakgstu xawá xatalakgalhín takgalhín tlan natakalakxkalaja makgstantlawá tachixkuwit.

Lakgchán Lilakgatumlipulataman tanks xatatlajat latá wakg xalakgstu maklakaskinit ixpulaktamapupunú takgalhintilankatiyat xawá xpu'itat ixtampunpupunú xla tamakgstilitiyat; latá wakg xatutanistaknán usu lilanat nemá nitamatlanit, putanpupakglanka, lilakgnú usu xatajun tunistaknán, tamalakgawan pumakin nemá xlilakkaxlan tunu xatatakgsin xala tiyat, la amá xatutanistaknán aná namaxtukán slipwachiwix chu ni slipwachiwix nemá kamaklakaskinkanit nak chuchut xalak pupunú; nemá taxtunit nak xamasni laklanka chiwix, akxni maklakaskinkán taskiní taskujut nak ixtanpintiyat; xatajuntunistaknán xatutanistaknán usu staknanín xla lilanat nemá tlan maklakaskinkán la muntapulikuchu; xapalha lilaklhkuyun; xalipasan chu latá wakg tuku kalaklhkuyukán palhajwa, chuchutwa usu xamixinat; xawa xakalakgwán nemá winak titsuntinpulatamatni lilakgatumlipulatamatni, latá akín xlitilanka chu latá talhkawalín nak larkchanat xa'alakatunu lipulatamatni.

Ixtalakgalhín lilakgatumlipulataman chuchut xalak pupunú xakatitsuntinpulatamatni latá xlitilanka chu latá Ihkawali (El, sic dof 20-01-1960) Ixlakgchanat Xa'alakatunulipulatanatni; chuchut xalak pupunú xalak ixpulakni; latá niku wilakgólh chuchut nemá kanikxniwá talatakilhstuka usu kaj kxni talakihstuka pupunú lakgatumchuchut xalak ixpulakni nemá kaxtawilanít nemá tanks tatakilhwakana xatsalaman chuchut; xla kgalhtuchokgo xawá ixmakganitni xakatanks usu ni xakatanks, latá aná niliwaj ixputlaw aná nixtlawán tsuku chuchut xakanikxniwá, kaj kxni usu tajsen, latá nikgankgajuyachá nak pupunú, llakgatumchuchut, usu esteros xapuchiná lilakgatumlipulataman; xatsalanan chuchut xakamikxni usu kaj xni (intermitentes, sic DOF20-01-1960) xawá

ixmakganitni xakatanks usu ni xakatanks, akxni ixputlaw amá latá ixlitilanka usu kaj lakatitsuntín watayá, namakuán xalitapakgtat titsuntinpulatamatni lilakgatumlipulataman usu lakatúy lakatunupulatamatni lipulatamatni, usu akxni an latá lakatum Lakatunupulatamatni Lipulatamatni latá chan alakatunu, usu patlekge litapapitsin xla xtapakgsittachixkuwit; ná ni wilagólh chuchut latá chi ixpakglhat, kalakaniwá usu kgalhtuchokgo talakgapulanit nak litapitsit lakatúy usu liwaká laktunupulatamatni usu liwaká Lakatunupulatamatni usu latá xtapakgsittachixkuwit chu lakatúm talakatsú katilankapulataman, usu akxni ixlitapakgtat xla puxka makuán la litápitsi nak ixlakni lakatúy lakatunupulatamatni lipulatamatni usu xtapakgsittachixkuwit xawá lakatúm talakatsú katilankapulataman; xlakán kamusni nemá taxtuyachá nak ixkilhtum pupunú, kalakgatúm kalipupunú, ixputlawkán, ixpakglhatkán usu puxkganín, xalakgatúm chuchut xatakgalhín lilakgatumlipulataman, xawá nemá maxtukán xalak pumaxtukán likán; xawá ixputlawkán, usu puxkganín xawá xatsalanan ixpulakni nak ixlitilanka nemá lhkawalí tapakgsín. Chuchut xalak ixtampin tiyat tlan ixlikstaka kalakgaskgoyuwaliakanít xawá akgchipawali ixpuchina tiyat, kaj wa akxni limakskiní xpaskgata xakakapulhuwa usu laktlawakán tunu limakuanat; makgantaxtuniná lipulataman tlan natlawá xatapakgsin la namakutukun xawá maklakaskinkán chu tlan nalá makatsukí kaliwankanit, nachuná latá wakg chuchut xla takgalhit xalilakgatumlipulataman. Latá tunu chuchut nemá nitanuma nemá kamapakuwichá, nakalikatsiyá makgtanuma xla takgalhat xla tiyat aná nitsalanán usu aná nitawilana ixpumakin, kaj wa pala ixtakgaska lakatúy usu liwaka tiyat, latá maklakaskinkan ja`é, chuchut nalikatsikan maklakaskinít xakakapulhuwa, xawá nalitamakgxtakga latá, nawán pulatamatni.

Latá nemá lichíwinán pulaktúy xapula tsokgwilin, ixtatlajat lilakgatumlipulataman nilá slkgkán chu liwajtaskiní xawá xamatlakaskin, maklakaskinkán xanematá, xlakán likstukán usu tamakxtumit nemá talakkaxtawilanít latá wi tapakgsín xla mejikano, nilá katilelh watayá latá kaliyawakán, nemá mastanít makgantaxtuniná lipulataman, latá wan aktsutapakgsín chu laliwi nemá talaklhkawalí tapakgsin. Tapakgsin xatakanajlan xlakán tamatankí usu taskujut xatamaxtun xla xatutanistaknán xawá lilanít nemá lichuwinán xatsokgwilin xlipulataktati, lakatitum nalín xatatlawan xawá limasit nemá natlawakan usu taskiní natlawakán latá akxni makuama, latá, nitaskiní kilhtamakú akxní mastaka xla tamakgalhjunin, chu nixlitasit namastá talakaskín kalakgmakgankán ja'é. Mapakgsiná lipulatamatni kgalhí talakgchán namalakatsukí tamakinat lilakgatumlipulatamatni chu kamakgenupalá. Xatalakgakapalan nemá piwatayá natlawá makgantaxtuniná latá kitaxtú chu nikulá liwi nemá tapakgsin nalikxila. Wa chi amá lipasan chu xla xalakpalha lilaklhkuyun, chuchutwa usu xamixinat usu xla xatutanistaknán xkgakganat, ni katikamastaka limastanitni nipala talakkaxtlawat, yaj katitawi nemá xakxni ixmastakanit xawá Lilakgatumlipulataman natlawá xamatlakaskin.

Ja'é takgantaxtun, latá Ihkawalinít xatalakkaxlan tapagsin. Lakgchán watayá Lilakgatumlipulatalaman malakgawaní, lin, lakgxtapalí, makgpitsí xawá mastá lilakgskgon nemá kgalhí talakaskín tamastá tamakgtayan xakakapulhuwa. Ja'é nak lilanat nikatikamaxkika taskintaskujut xalikstu chu Lilakgatumlipulataman nakamaklakaskín takgtalhín xawá xlakstu maklakaskinat nemá taskiní tu xlakata lipumqakgantaxtin.

Nalakgchampalá Lilakgatum lipulataman xamatlakaskin xla lilaklhkuyun litapangni xlakata namalakgawaní xla litliwakga tapangni xawá

Iakatitumlakgchipalín nemá tlawanitá alakatunu laktsulilakgchat. Xamatlakaskín xla litliwakga tapankgat watayá tlan nakgalhí lipumakgantaxtit kalitlá.

Lilakgatumlipulataman tlawá lakgatúm kalilakgtaxtutaman watiyá namá nemá niwí nak titsuntinpulataman xla pupunú xawá tapakgxtokga ja'é, ixlakgchanatkán xla takpulhkat chu xtapakgtattapakgsit nemá natawán tapakgxtokga ja'é tapakgsit xla Tamakxtumit. Aná niku xalilikgtaxtutaman watiyá natalakglhmaní kawpuxám en millas náuticas, xatalalkhán nemá tsukú nak litapitsin xla lichipaxni latá aná nilhkakán titsuntinpulataman xla pupunú. Aná ni ama kitaxtú amá ixlitilanka malakgawaní tamastastukli amá niku xalilikgtaxtutaman watiyá xala'alakatunu Pulatamat, xatamapitsin piwatayá amá niku natlawakán latá nemá chuná nataskiní, amá talakkaxlan xla ja'e Pulatamat.

Li'akgskgalalatlawan latá makglhtinankán xatlatajatxla tiyat xawá xla chuchut xla Lilakgatumlipulatawan, nakxpuxkulinkán wa xlakata limapakgsinín:

I. Watayá limejikano ju'ú xalakgawán usu xla taskíw pulataman xawá tachixkuwit limejikano takgalhí lakgchanat natamakglhtinán, xatatlajat xla tiyat, chuchut xawá tamatlanín usu pala makglhtinám taskintaskujut xatamaxtun xla xputawilh'anat xawá chuchut. Pulatamat natlán kamaxki napiwá lakgchanat amá xala'alakatunu, latá natatalakkaxlá nak ixlakatín Ixpmakgamacgtayan Mapakgsiná Xakxilhná akxní talimakglhktysi xalilikgatumlipulataman latá piwá ja'e takgalhín chu ni waní piwá ja'e xlakata ixtamakgtayankán ixmapakgsinaninkán lata wa amá; naliwalinikán tapatin, pala nimakgantaxtí ixtalakkaxlan, xlakata pala namakgatsankgá natatamakgxtakga, Lilakgatumlipulataman, takgalhín nemá makglhtinanit nemá piwatayá. Lakatúm xalakatipulanka akgkitsispuxám kilómetros

Iata ixlilikglhmán xla litapitsi chu tipuxamakáw nak ixfilhtún pupunú, nitu anán xlakata tlan xala'alakatunu tamakglhtinán xatatlajat katanksi xla tiyat xawa chuchut.

Pulatamat xalakxtum xatalakaskín xakakapul huma xalak ipulakni xawá, xatalikilhtukun xalalimakgtayan, natlán, la xatakgantaxtintapakgsit xla Ixputumakgamakgtayan Mapakgsiná xakxilhná, nakamaxki ta lakaskín amá Pulatamán xala'alakatunu xlakata katamakglhtinalh, lata ana ni lakatúm wi ixputawilh ixtatliwekglhat Lipulatamatnín, xatakgalhínxalikstú xla takgalhín lalklankamaklakaskinat nemá taskiní xlakata xatamakgtayat xakatanks xla ixputawilh xpuxokgo lankamapaksiná usu legaciones.

II. Xatamatamakxtumit sikulanán nemá nalakgawán lata wan likatsin 130 xawá ixtapakgsin xalaktsutapakgsin natakgalhí li'akgskgalatatatlawan xlakata natamakglhtinán, natakgalhí usu nalakpulhkalín, watiyawá, takgalhín nemá taskiní tu nalitlawá, latá tu ya laksutamaklakaskín xawá talimalakgtsuwin nemá namalakatsukí tapakgsin xalaktsú'ixtapakgsin.

III. Xpukgantaxtuntachixkuwit xla makgtayamanín, xakakapulhuwa usu xalikstu, nemá takgalhí talakaskín kamakgtayá ti tapakgtanunít, usu atunu tu katuwá xalakatitum, nilá natatiyá liwaká takgalhín makga'anat nemá watayá taskiní, tunkán usu xakatanks tu kalimaklakaskinkán, la takilhawaka nemá nawán tapakgsin xalaktsutapakgsin;

IV. Xatamatamakxtumit stananin xla lankatamatawat tlan takgalhí tiyat xala katukuxtu kaj wa watayá lata ixlitilanka nemá taskini latá namakgantaxtí ixtalakaskín.

Nikxni xatatamakxtumit nemá ja'e lichiwinam tlan natakgalhí nak takgalhín tiyat nemá puskujkán katukuxtu, makgastaknákitstanká usu kakiwin nemá liwaka, tilanka nemá chunatayá kitalakastuk puxamakitsis makglit litapitsin nemá walikanit nak ixli'akgkukitsis litapitsi nak ja'e likatsin. Tapakgsín xalaktsutapakgsin nalakxtumilín xala kilhmaklhuwa xalitlajanat xawá xaliktá ixlichalitkán pakgtanunanán wa ja'e xatatamakxtumit, lata nema tiyat takgalhín xla xatatamakxtumit ninalitawaká lata chatunu pakgtanunanán nak ixlitapitsin takgalhín. Lata chi ja'e wakg takgalhín accionaria lichatúm, nemá lakgchán tiyat xalak katukuxtu, namalhuwitlhakán xlakata naputlekgekán. Nachunalitum, tapakgsin nawán nikulá la natapakgtanú xala'alakatunu nak ja'e xatatamakxtumit.

Piwiayá tapakgsin nakamalakatsukí la li'an xatatsokgwalín xawá talhkawilin nemá taskiní nakgantaxtú lata wan ja'e litapitsi.

V. Xpumakinanín tumin nemá liwaj tlan takgalhí talakaskín, lata wan tapakgsín xla xpukgantuxtun tachixkuwit xlalimasakuanit tumin, tlan takgalhí xatawilín limaxokgon, xla takgalhinín xalak kachikín chu xalak katukuxtu lata wan xlimapakgsinín piwatayá amá tapakgsín, kaj wa nilá natakgalhí nak takgalhín usu xatalakpulhkawalín liwaká takgalhín raíces nemá watayá taskiní lata' xakatanks maklakaskín.

VI. Lakatunupulamatni xawa ixfilhpulakni Lipulamatthi, nachuná putapakgsinlaktsu pulamat wakg ixtilanka Xtapakgsittachixkuwit, natakgalhí li'akgskgalalata tlawan xlakata natalhualo magklhtinam xawa natakgalhí wakg takgalhín makga'anat nemá taskini xla limakua xakakapulhuwa.

Tapakgsin xla Lipulatamatni, xawa xla Lakatunupulatamatni latá nixlakán xtapakgtattapakgsit, natalakkaxtlawá la kitaxtú nemá maklakaskinkán kakapulhuwa la agkchipawalí xla takgalhín xaliskstu, xawa lata wa ama tapakgsin mapakgsiná xalakpulhkawalina natlawá piwatayá xatakgalhapalan. Ixtapalh nemá nawalikán la xatapuxokgon la katuwá makglhtinankanit, nalichipaxnankán ixliputlekgen nemá la ixtapalh fiscal nemá ixla litasi nak pumapakgsin xla talakgtsokgkintakgalhit usu pukinanin, lata xakxni ja'e ixtapalh makamastanít ipuchiná usu watayá lata xla matlaninít ixlakata lata katsekg lat lixokgonit ixtalakgaxokgon ja'e lichipaxni. Xalitanut xtapálh ixtapalh usu el demérito nemá kgalhinít xalikgalhín likstu nemá xatatlanit usu xatalakgalhín nema lanit astán lata akxni maxkika ixtapalh limakgtakgalhni, watayá wa nemá natamakgxtakga chu nakxilhtakgantaxtintapakgsit pericial xawá talakkaxtlawat xataputsanat. Piwatayá wa' ja'e nakxilhkán akxni wa ama katuwá namá ixtapalh ni walikanit nak pumapakgsin rentísticas.

XDatatlawánxla acciones nemá lakgchán Lilakgatumlipulataman, por virtud xla xalimakgantuxtintapakgsin nemá wa' ja'e likatsin, natlawákán lilakkaxtlawatilhat xataputsán; kaj wa nak ipulakni ja'e lilakkaxtlawatilhat xawa ixtapalgsin piwatayá pumakgatanksanín; nemá nalimastakán nak xalanka tatalhkankilhtamakú akgtúm papá; mapakgsinanín xalakpulhkakanín natali'án la akgchipawalí, talakpulhkawalín tastawalikgón usu listat tiyat usu chuchut xanematá chu wakg nilakchankan, kana nikxni tlan tu tatlawanít piwatayá mapakgsinanín lata akxni kaliwankajá talakgxokgon ejecutoriada.

VII. Lilakgapaskán takgalhín tapakgsín xla laktsupulataman lichalhuatiyat xawa limakxtumitiyat chu makgtakgalhkán ixtakgalhín tiyat, la xla pulataman xawa la xla puchalhkpatni.

Tapakgsin namakgtakgalha xatakchán xla tiyat xlakán matakuxtunanín.

Tapakgsin, li'akxilhma xatalakgachixkuwit xawa xamatliwekglhat ixlatamat pulataman xla lichalhuatiyat, xawa pulatamat, namakgtakgalha tiyat xla pulataman chu lakatumnalín xamatlakaskin tiyat, kakiwín xawa chuchut nemá maklakaskinkán xawa provisión xla tatlawat xamatluwin nemá taskini xlakata matlanikán ixlatamatkán ixtachixkuwitkán.

Tapakgsin, xatalakgachixkuwit latá talakaskín xlakán lichalhuatiyatnín xawa limakxtumtiyatnín xlakata natalimakglhtinán latá tawilana nemá liwaj kamakuani nak xamatlakaskín ixtawilat makgalat, lakatumnalín xatatlawa xla ixlakgchanatkán lichalhuatiyatnín xla ixtiyatkán xawa lata chatunu lichalhuatiyat nak ixtiyat. Nachunalitum, namalakatsuki xalilakkaxtlawatíhat nemá xlakata lichalhuatiyatnín chu limakxtumtiyatnín tlan natatlawá tamakxtumit lata xlakán, xawa pulatamatni usu xawa achatunu chu mastá kamaklakaskinka ixtiyat; xawa, wa ama lichalhuatiyat, makamaxki ixlakgchanat tiyat lata' xlakán pakgtanunanín xla laktsupulataman; nachunalitum nawatá xalaktsutamaklakaskin, chu, xalilakkaxtlawatíhat wa' amá nemá tamakxtumit xla lichalhuatiyat namastá lichalhuatiyat ixtatlajat ixtiyat. Xaxlakán na'anán tamakamaxkin xla tiyat nalakgachixkuwikán ixlakgchanat xla litlán nemá limakatakaxa tapakgsin.

Piwayá nak ixpulakni lakatúm pulataman nipala chatúm lichalhuwatnatiyat tlan titular liwaka tiyat nemá xtachuná 5% lata wakg tichalhuwatiyat. Pala chuná, xatitularidad xla tiyat lata chatúm lichalhuwatnatiyat xlakata tlan nalikxila ixtapakgtat nemá walikanit nak litapitsi xv.

Liwakg tamakxtumit wa xapulakaskujni xatalankit xla lakatunu pulataman xalichalhuwatiyat usu xalimakxtum, nak xalimakxtumit chu xaliskujut nemá tapakgsin lichiwinán. Xacomisariado xalichalhuwatiyat usu bienes xalimakxtum, talhkayawán xakatalakxtumlatamat lata wan tapakgsin, wa xalipumapakgsin lilakatayat xla lakatunu pulataman xawa wa talipawa natlawa talakkaxtan xla tamakxtumit.

Kapuspitnikáatiyat, kakiwín xawa chuchut lakatunu pulataman nalaj lata wan talakkaxlan tapakgsin;

VIII. Makatsinikán nitu limakuat:

- a) Wakg tamakamaxkín tiyat, chuchut xawa kakiwín ixlakán pulatamán, titsuntín chu lilankán pulataman, nemá tatlawanit xanapuxkún ixlilakkaxlanapulatamat, Mapakgsinanín xalak Lakatunupulatamatni, usu atunu katiwayá mapakgsiná xalakatsú akxni akglihtinpusa lata' wan nak Tapakgsin xla 25 xpapá' junio kata 1856 xawa xamakgapitsín tapakgsin chu xalimakgantuxtintapakgsin.
- b) Wakg concesiones: xatalakkaxlan usu xatastán tiyat, chuchut xawa kakiwín, nemá tatlawanít ixpumakgamakgtayan mapakgsiná xla Tamalhuwit, xla pukiná usu atunu katiwayá lipulatamat limapakgsiná, lata tsuku ixlikgalhtúm ixpapá' diciembre

kata 1876, lata chi, lata nemá tanukanít chu chipakanit nixakatamakanajlit lichalhuwatiyat, tiyat nemá limakxtum makgpitsikanít usu atipatumlitúm, nemá tatapaksi nak pulataman, titsuntín chu tilankán pulatamán xawa lakatunu pulataman.

c) Wakg talakkaxtlawat xatalaklhkán usu xatamapitsin, tatalakkaxlan, tamakamaxkin usu tastawalikgón nemá tlawakanít lata' ixwi kilhtamakú nemá lichiwinán wilacha litapitsi, por compañías, makgatanksananín usu atunu mapakgsinanín xalak, lakatunu pulatamatni usu xalak Lipulatamatní wa chi katatanukanít usu katachipakanít nixakatamakanajlit tiyat, chuchut xawa, kakiwín xla lichalhuwatiyat, tiyat nemá limakxtum makgpitsikanit, usu atipatumlitúm, nemá tatapaksi nak lakatunu pulataman.

Tatamakgxtakga exceptuadas nak xapulh nituliwakuat, watayá tiyat nemá kalakkaxtlawanán akxni makgpitsinanka lata wan Tapakgsin xla 25 ixpapa' junio kata 1856 chu kakgalhíkán piwa nak ixtkuwiní nemá lakkaxtlawanít xatatlajat liwaka akgkáw kata akxni ixtililanka ni litiwaka tipuxamakáw hectáreas.

IX. Xatamakgpitsin nemá ixtitlawaka nemá kalakatitum tasí lata xlakán tapulataman nemá wi nemá alakutu pulataman xawa ana nilanit takglhuwit, tlan nitu katilimakuanka akxni chuná nataskín lakgapututu lata ixliwakgkán tapulataman nemá tawilana en posesión lakgaputúm lata ixliwakgkán piwatayá tapulataman akxni tawilana en posesión lakgapututu ixliwakg tiyat.

X. (Lakgmakgankán)

XI. (Lakgmakgankán)

XII. (Lakgmakgankán)

XIII. (Lakgmakgankán)

XIV. (Lakgmakgankán)

XV. Nak Pulatamat xalimakxtum Limejikano liwankán natawila'lakatilankatiyat.

Natakgachakgxí aktsutakgalhín limatakuxtin liwankán nemá ni litawaka latá lichatúm akgkitsipuxám hectáreas xla tamunún usu kachitwa xatlan usu la ixtachumá xatipatunu tiyat.

Xlakata xtachuná nawán naputlekgékán akgtúm hectárea xla tamunun akgtuy liwaka xla makgatunu, akgtati liwaka xla agostadero nemá liwaj xatlán xawa akgtsayán liwaka xla kakiwín usu agostadero nak kaskakni tiyat.

Nachumalitum, natakgachakgxí, la aktsú takgallhín, la superficie ni nalitawaká latá chatunu tachixkuwit tujunpuxamakáw hectárea, akxni tiyat puchankán panamak, pala tamakglhtinam xatamunun; xawa kukitsipuxám hectárea akxni tiyat puchankán sekgna, chankat, kapé, henequén, tsakat, tsukswat, vid, olivo, quina, xanat, kakaw, agave, axit usu kiwi nemá tatawaká.

Natakgachakgxí aktsú takgalhín ganadera nemá ni litawaka lata'chatunu tachixkuwit la superficie lata taskini tlan nakamawikán puxamakitsipuxam wakax usu ixtachuná xaktsú kitsistanka, lata wan tapakgsin, lata tlan tanú sakgat nak tiyat.

Lata akxni xlakata xatamunun, tatlawan, drenaje usu tunulitúm nemá tatlawanít xapuchinanín usu kgalhinanín akgtúm akstú takgalhín nemá liwaj xatlán wanít ixtiyatkán, latiyá nalitakgachakgxí la aktsú takgalhín, kana lata, tayaninít, litawaká

xa'awatayata talhkawalinít ja'e litapitsi, lata makgatsikán lakstsutamaklakaskin nemá nawalí tapakgsin.

Akxni nak ipulakni akgtúm aktsú takgalhín xla wakax laklán katlawakán ixtiyatkán chu ja'e nakamaklakaskinkán la puchanan, la superficie maklakaskín wa ja'e xlakata nilá nalitawaka, lata kitaxtú ixlitapitsi nemá lichiwinán xapulakatunu akgtúy chu akgtutu xla ja'e litapitsi nemá lakgchan liwajxalaktlán nemá kgalhinít amá tiyat xapulha xla xalaklán.

XVI. (Lakgmakgankán)

XVII. Ixtamakxtumit Makgantaxtuninanín xawá ipukaxtlawantapakgsit xalak lakatunupulamatani, latá amá nixtapakgtattapakgsín, natamaxtu tapakgsin nemá natamalakatsukí xalilakkaxtlawatilhat xla tamapitsin xawá tamakamastat xla tatalankit nemá nalitawaka xalitapitsin nemá tawilana nak litapitsi IV chu XV nak ja'e takatsín.

Xatakgataxtún namapitsí chu namakamastá ipuchiná latá tlawama chu namakachán akgtúm kata tapulekgén latá xlawán makatsinika. Latá akchán tamakachanit xatakgetaxtun nimakamastakanit, xalistat natlawakán xalikta ixtapalh nak kakapulhuwa. Nalakxtumlitum, nalakgachixkuwikán xatalipaw ixlakgchanat nemá litakaxli tapakgsin.

Xalakatitsú tapakgsin nalakkaxwilí ixtakgalhit litalakgapasni, natawán ixtakgalhinkán nemá natakgalhí, latá nak lichipaxni xlakata nilá nastá chu nilá akgchipawalikán chu ni lilakgaxokgot;

XVIII. Makatsininankán wakg kalakgaputlekgekán talakkaxlan xawa concesiones nemá tatlawanít xapulha mapakgsinanín latá ixtlawamachá kata 1876, nemá malakatsukinitanchá takgchiwalin tiyat, chuchut xawa lakkán takgalhín naturales xla Lilakgatum Lipulataman, lichatum chixkú usu liputum tachixkuwit, chu malakgchanikán Makgantuxtuniná xla limakxtum xlakata namakatsininankán nitu limakuat akxni kitaxtuma snun talakgalhín ixpalakata lakaskinkán kakapulhuwa.

XIX. Aná ja'é nak lichipaxni xla ja'e Limapakgsin, Pulamatni nawalí medidas para la expedita xawa tlantayat xatatlawat talakkaxlan limatakuxtin, con objeto de garantizar tamakgtakgalhni xalimapakgsin nak xatakgalhín xla (la, sig DOF 03-02-1983) lichalhuwatiyat, limakxtumtiyat chu aktsú takgalhín, xawa namakgtayá tamakanajlit takgastakayawan xlakán matakuxtunamín.

Xla tapakgtattapakgsit lipulamatni wakg nemá xalitapitsi xla lichalhuwatiyat chu limakxtum tiyat xanematayá ixkilhtsukutkán ja'e, tatsankgamanajku usu nalá xlilalakatúy usu liwaka lakatunu pulataman; nachumá la amá takgalhín tiyat xla lichalhuwatiyat xawa pulataman. Xlakata wa ja'é chu, xaliwakg, xla talakpulhkawalín xla talakkaxlan limatakuxtín, tapakgsín nakamalakatsukí pumakgatanksanín nemá natakgalhí ixakstukán ixtapakgsitkán chu xatakchán xtapakgtattapakgsit, tamakgtanunít natanksanatapakgsit nemá lilhkayawat tlawa Makgantuxtuniná Lipulamatni chu talhkawal Ixputamakxtumit Ixtalakkaxtlawanánin Tapakgsit usu, akxni tajaxmana, amá Xatamakgapalin Litalhkatan.

Tapakgsin namalakatsukí akjtum órgano xlakata xatatsakgsan talakkaxlan limatakuxtin, xawa.

XX. Pulatamatni namatliwakglha xatalistakat xatakchán xalakkatukuxtú, xlakata laktsulilakgchat namalakatsuki puskujni chu kalimamakgtayani matakuxtunanín tachixkuwit ixitapaxawan latamat xawa ixtapakgtanut nalitastakni nak lilakgatumlipulatamatni, chu namalhuwí taskujut agropecuario xawa kakiwin xlakata liwaj tlan maklakaskinkán tiyat, nakatlawakán tamatankit de infraestructura, insumos, litapawat, servicios xla tamarin xawa asistencia técnica. Nachunalitum namaxtú tamakxtumittapakgsin reglamentaria xla talimakatakaxni xawa organizar tamakgalán agropecuaria, ixtatlawán xawa xatastán, kalimakgachakgxikán xatamaklakaxni kakapulhuwa.

Likatsin 28 (Art. 28). Nak pulatamat xatamakxtumit limejikano liwankán na'anán takgchipawalin, la (las, sic, DOF 03-02-1983) prácticas takgchipawalin, los estancos chu limakxtakgkán talakgaxakgon lata wan tapakgsin. Nachuná nalilinkán amá la (las, sic DOF 03-02-1983) nakaliwankán a título xla tamakgtakgalhni xla pulataman.

Nachunalitum, tapakgsin lijikua namapatini, chu mapakgsinanin tlan natatlawaní nak taputsán, wakg tamamakxtumin usu takgchipawalin lichatúm usu lichalhuwa listat nemá maklakaskinkán xawa kgalhí lilakgchat limakxtukán ixtapalh; wakg talakkaxlan, lilakkaxtlawatilhat usu tatalakgxtumit xla makgalananín, tlawanánin, stanánin, usu ixmalakatsukiná servicios, xanematayá natatlawá, xlakata ninatlawakán xalikstu putalakatsuwin usu lalitlajan latá xlakán chu nakalimawakakán maklakaskinanín nataxokgo snun tapalaxlá chu, latá wakg, latá lakgawan akgtum ventaja exclusiva nilitlawat ixlakata chatum usu chalhuwa tachixkuwit xawa talakghalin liwakg xakakapulhuwa usu putum clase social.

Tapakgsin natawalí lichipaxni xlakata nawalikán xaliwaká itxtapálh listat, lilanat usu tamakgalan nemá katsikán taskini lilakgtaxtutaman xla lilakgatumlipulamatni usu xmaklakaskinitkan pulataman, nachuná xlakata walikán modalidades a la organización xatamakgpuntumin aná maklakaskinit, li'anat usu tamakgalán, xlakata ninataskini akgtuyu tamawanankán usu litawakanit natatlawá taktujun nak tamakamastat, nachuná la litakxtú ixtapalh.

Tapakgsin nakamakgtakgalha maklakaskinanín xawa propiciará su organacion xlakata liwaj tlan natamakgtakgalha ixpaskgatanín.

Nimalakgawaní takgchipawalin xlitlawat nemá tlawá pulatamat latá litawakaní la ja'é nak xputatlaw lilakgtaxtutamat: correos, telégrafos, radiotelegrafías; petróleo,chu katuwá lilaklhkuyun; petroquímica xalichipaxni; tipalhuwachiwix radioactivos xawa ixmalakgawanín energía nuclear; electricidad xawa taskujut nemá lichiwinán tapakgsin nemá namaxtú Ixtamakxtumit Makgantaxtuninanín. La comunicación vía satélite xawa tijyalikán son áreas prioritarias xla xalitastakni lilakgatumlipulamatni latá wan takatsin xla ja'é limapakgsin; pulatamat akxni katlawaní aná ixlimapakgsin, namakgtakgalha xalimakgtakgalhat xawa takpulhkhat xla Lilakgatumlipulataman, chu akxni namastá concesiones usu talakaskin mantendrá usu namalakatsuki xatatlajat xla respectivas vías de comunicación lata' wan tapakgsin xla xlilanat.

Pulatamat nakalipawán limakgantaxtuninanín xawá tamalakatsukit nemá nalakaskín xlakata natlawaní xputatlaw lilakgtaxtutamat nemá makgtakgalha xawa nak xatatlawán nemá liwajtaskiní, latá wan tapakgsín, natlawá ix'akstu usu con los sectores social chu xalikstu.

Pulatamat nakgalhi akgtum banco central nemá ix'akstu tapakgsí en ejercicios de sus funciones chu nak ixtalakpulkawalin. Nemá liwajtaskiní liwajtaskiní ixlilakgchat wa ana nemá putsá xalakxtum del poder adquisitivo tumin xalilakgatumlipulatamatni, limatliwakglha amá xali'akpuxkunat xalistakat xalilakgatumlipulatamatni nemá lakgchán pulatamat. Nipalá chatum mapakgsiná tlan namapakgsí xabanco. Namastá talaktlawán.

Nimalakgawaní akgchipawilin xatatlawat nemá pulatamat nawá piwá xlakata, kak xla banco central nak xputatlán lilakgtaxtutamat de acuñación xla stililitumin xawa xatamakxtut kapsnattumin. abanco central, latá talaklhkatawilanit nak tapakgsin chu tapakgtanutikgawan nemá kalakgchán mapakgsinanín competentes natamalakxtumí talakgxtapalin, nachuná la xa'intervención xawa los servicios financieros makuán ixtaliyawankán mapakgsinanín xlakata tlan natlawakán amá tamalakxtumin chu maxkikán xatakxilhlin.

La lilinkán xla banco natakpuxkún tachixkuwit nemá nakalhkayawa presidente xla Xtapakgsittachixkuwit chu tlanxalitaxtun xla Ixtamakxtumitkán ixlakkaxtlawanemín tapakgsit usu xatamakgapalan litalhkatayan, la kitaxtu; natatlawá ixtalitayatkán por periodos lata' ixtamakga palam xawa escalonamiento xatomaxkin tatlawan ixakstukán de sus funciones; watayá tlan kamalaksijkán akxni snun tu'ixlakat xawa yajla' natakghalhi tunu puchalhkatni,litayat, usu litalhkatayán; con excepción amá nema' tala' talakatitayan xla banco chu nemá ni kayokgonimaka nak tamakxtumin makgalhtawakgenanin tamakxtumittalcatsin, talakapastakni usu litatlanit (beneficiencia, sic DOF 20-08-1993). Tachixkuwit ti takatsí la talilín del banco

central, tlan nakatlawanikán takgantaxtintapakgsit ixlilakkaxlamalilatamat lata' wan tapakgsin llo ja'e limapakgsin.

Nimalakgawán takgchipawalin ixtamakxtumitkán chalhkatná nemá tatlawanít xlakata natamakgtakgalha ixtalakaskinkán xawa ixtamakxtumitkán usu sociedades limakxtumlilakgtaxtutaman xla makgalananín xlakata, talikgawá ixtalakaskinkán usu ixtalakaskinkán liputum, tankswa tastanán nak litamawan, xala'alakatunu xatamakgalán xalilakgatumlipulatamatni usu industriales nemá liwaj xlawán fuente xla tu Ihuwakgalhikán xalak pakganat aná niku makgálakán usu niwá amá listat liwajlanka talakaskín, kanikxniwá amá tamakxtumit kamakgtakgtakgalmaka usu kalimakgtayá Lipulataman Mapakgsiná usu Lakatunupulatamatantí, chu pulha talakaskín nemá natlajakán xla ipukaxtlawantapakgsit piwatayá wa, latá akgatunu kikaxtú. Piwatayá ipukaxtlawantapakgsit, piwá usu ixlitalhkayawat xla Makgantaxtuniná tlan nalakgmakgankán, axni chuná nalakaskín talakaskín xakakapulhuwa, talakaskín nemá mastakanít xlakata la formación xla tamakxtumit nemá taskiní.

Nalimalakgawaní takgchipawalin los privilegios nemá makachán kilhtamakú kamaxkikán malakatsukinanin xawá artistas xla xatakgantaxtun ixtamatankinkán xawá nemá watayá exclusivo ixtamalakgawaninkán, kakamaxkika malakatsukinanin xawá matlaninanín xamakgtum tamatlanit.

Pulamatatni, tokgokgema tapakgsin, tlan akxni kakapulhuwa lakaskinkán, conceder la prestación de servicios xakakapulhuwa usu maxtukán, chu maklakaskinkán de bienes de dominio xla Lipulatamatni, watayawá las excepciones nemá piwá makgxkatsiní. Tapakgsín namalakatsuki las modalidades

y condiciones nemá asegura la eficacia de la prestación de los servicios xawa maklakaskinkán tachixkuwit xla takgalhín, chu ninamatlawinán xatamakgekghán tamakxtumit nemá talalakatakí ixtalakaskinkán likakapulhuwa.

Tamakilhawakán a regímenes de servicio kakapulhuwa natakgokgé latá wan Limapakgsin chu watayá tlan natlawakán katapakgsín.

Tlan namastakán subsidios nemá liwajtaskiní tatlawat, akxni liwakg xla carácter temporal xawá nikalakgalhilh sustancialmente las finanzas xla Lilakgatumlipulataman, Pulamatatni namakgtakgalha la namaklakaskinkán xawa nalaklhkawalí xakgantaxtun ja'é.

Likatsin 29 (Art. 29). Akxni kitaxtú talakgtanun, perturbación grave xla kalitlan xakakapulhuwa, usu atunu nema' nawalí a la sociedad xasnun kalijikua usu takglhuwit, watayá Mapakgsiná xalak Tamakxtumit pulamatatni limejikano, latá tawán Xa'akpulananín xla. Ixpumakgamakgtayan Mapakgsinanín xla Pulamatatni xawá ipulikgawán pulataman xla xtapakgsittachixkuwit chu xatlan litaxtut xla ixtamakxtumit Makgantaxtuninanín xawa, akxni tajaxa ja'e, xatamakgapalan Litalhkatayan, tlan namakgenú lata ixtilinka katilekapulataman usu kaj wata wi ni litamakgtayán nemá litamachokgón wan xlakata tlan nalakatakí lakapala chu nituwá tu anán; kaj wa natlawá kaj laktsú kilhtamakú, por medio de prevenciones xaliwakg chu tamakgenut limaktsuwí lichatumtachixkuwit. Pala tamakgenut ixgalhilh kilhtamakú akxni tamakxtuminit talawilana, ja'e nakamaxki talakaskín latá nemá taskiní xlakata Makgantaxtuniná tlan namakgantaxti tu anán; pala ixmakanajlika akxni jaxmaka, nikatimakgapalalh natasanikán Tamakxtumit xlakata natlawá talakkaxlan.

LITAMAPITSIN II

Xalimejikano

Likatsin 30 (Art. 30). Titalakgawan ju'u aná nitapakgsi pulataman Mejiko xawa ti sakkí ipulataman limejikano wa amá kalilakgapaskan limejikano.

a) Limejikano xatalakgawan:

- I. Titalakgawan nak ixlitilanka pulataman Méjiko, nitatiyanikan xalaníku ixtikukan.
- II. Titalakgawan alakatunu pulataman, iksamankán titalakgawanit ju'u nak Méjiko, nema xatiku xalakgawan liméjiko chu xatsé xalakgawan liméjiko.
- III. Titalakgawan alakatunu, ixkamankán limejikano nema tasakkinit ipulataman limejikano, nema xatiku sakkinit limejikano chu nema xatsé sakkinit limejikano chu
- IV. Titalakgawan nak ipulakni pákgħiħat chu nak ipulakni putakgosuputlaw xamejiko, xapulanikni usu xapustan.

b) Limejikano xatasakkin:

- I. Xala' alakatunu nema kamatlaninikanit xlakata xalaju'u natawan chu takgalhi xatatsokgni.
- II. Chixku chu puskat xala alakatunu nema natatatamakgaxtokga puskat usu chixku limejikano, chu takgalhi ixakgxtakakan nak ipulatamankan limejikano chu tamakgantaxti limapakgsit nema tlawama ju'u.

Likatsin 31 (Art. 31). Ixliitlawatkan limejikano:

- I. Natamalakgacha iksamankan chu ixlimaxkgenkan nak pukgalhtawakga xakakapulhuwa usu ana' nilakgaxokgokan xlakata natakgalhtawakga ixlkilhtsukut, xlikilhmaktuy chu ixlikilhmaktutu takgalhtawakga, chu nanatamakgpakgtanuy nak pulakgtawakga la wan limapkgsin.
- II. Nata'an akxni nakatasanikan nak inputapakgsin laktsu pulatamat ana nitalamana, xlakata natamakgamaklhtinan litapakgsin chu natalakgtawakga xlakata tlan natamakgantaxti tukamaktini nak ixtachixkuwitkan, tlan natamaklakaskin litalatni chu nanatakatsi la natalimakgtakgalha pulatamat.
- III. Natatakaxa chu natamakgtayanan nak lanka pulataman la wan litapakgsin, xlakata natamakxtukunan chu natalikgawa ixikstu kintapakgsitkan limejikano, pulataman, xalitalakgachixkuwit litakaknit, ixmaktinit chu tuku ixla klanka kinpulatamatkan, nachulitum namakgtaya xlakata nina'anan takglhuwit nak pulatamat.
- IV. Natalixtuku talakgaxokgon nema lakla nak katapuluwa , chu nak katilanka pulataman, nachu nak xakatitsu ana' nitalamana lawan limapkgsit.

Likatsin 32 (Art. 32). Tapakgsin nalakpulhkalin lanakgantaxtu litapakgsin limejikano nema kapaxtakgnikan limejikano nema xala'alakatunu chu nawali limapkgsin xlakata nina'anan takglhuwit ti kgalhi xamaklakatuy pulataman.

Akxni tinalimamakkikan ta'akpuxkun natatiyanikan latalaklhka nak limapkgsin, taskini ti ju'u xalakgawan nakapaxtakgnikan ama tamamakkit nachuna taskini ninatalakxtapali ixlipulatamank. Ja'e talaklhkan nanatamaklakaskin akxni chu nalaklhka tapakgsit ixtamakxtumit makgantaxtuninanin, Akxni aks tutanan nak

pulataman, nitinamakgpakgtanu xala'alakatunu nak pumakgtakgalhna lilakgatum, nachu nak pumakgtakgalhna xakakapuluwa. Xlakata tlan namakgpakgtanukan nak pumakgtakgalhna

Lilakgatum akxni aks tutanan chu nak talatnamakgtakgalhnanin nachu tamatlewekglhat xaka'unin kanikxniwa; taskini limejikano nema lakgawanit ju'u.

Pewa ja'e tapakgsin nakalakgchan capitanes, ixmatlawaninanin putlaw xalaka'unin, ixmatlawaninanin tipakatsi putlaw, chu ijkaxtlawana tipalhuwa putlaw, paks wakg tachixkuwit titamatlawani pakglhat chu putlaw xalaka'unin nema lin ixmasuy kinpulatamankan .Nataskini Nanakamakgpakgtanu ja'e tapakgsit xapuxku matlawananín nema taskuja nak ixputapakgxit pakglhat chu xamakgapitsi nema taskuja nak ixputapakgxit putlaw xalaka'unin.

LITAMAPITSIN III

Xala alakatunu xala

Likatsin 33 (Art. 33). Xala alakatunu xala lilakgapaskan tinimakgstokga talakaskinit nema lichiwinan likatsin 30. Takgalhi ixlitamakgtay tachixkuwit nema makamasta ixli'akgtum litamapitsin I, Xlawan li'akpuxkun, xa ja'e limapakgsin; makgantaxtunina nakgalhí littlewekge tlan natlakgaxtu nak tilanka tiyat xalimejikano, xalakapala akxni chu taskini, nitalakaskini natlawanikan takgantaxtin tapakgsit.

Xala alakatunu nila natamakgpakgtanú nak ixlitapakgsit nak pulataman Méjiko.

LITAMAPITSIN IV

Xatachixkuwit limejikano

Likatsin 34 (Art. 34). Kalilakgapaskan tachixkuwit limejikano lakchixkuwín chu lakchaján nema , tamakgatsi ja'e talakaskinín:

- I. Nema tamasputunit akgutsiyan kata, chu
- II. Nema takgalhí tuku talilakgtaxtutamá

Likatsin. 35 (Art. 35). Tutlan tatlawá tachixkuwit:

- I. Natamakgpakgtanú ixpulhkayawakan napuxkun;
- II. Tlan nakalhkayawakan nak katuwaya ta'akpuxkut xaputum tachixkuwit , chu tatalhkataya nak katuwaya taskujut, kanikxniwa natatiyanikan la wan tapakgsit;
- III. Tlan, tatamakgstokga likstu xlakata tlan natapakgtanu nak putum taskjut nema matlaní pulatamat xalimejikano;
- IV. Tachapa likan nak makgtakgalhna lilakgatum, akxni nalikgawakan lanka kinpulatamankan chu limakgantaxtuninanin, la wi nak tapakgsit; chu
- V. Akxni tunatlawá, naskín talakaskinin.

Likatsin. 36 (Art. 36). Ixlitlawat tachixkuwit limejikano:

- I. Natatatsokga nak ixputsokgkin putapakgsin laksu pulatamán, chu namatsokgonán tuku kgalhi la ixtiyat, ixtaskujut, chu tuku litanú, nachunalitum natatsokga nak talakgtsokgkintachixkuwit, la Ihkawali tapakgsit.

Xatamakgstokgni chu xalitlawan kanikxniwá natlawan xatatsokgkin tachixkuwit chu tamaxtut kapsnat nema makanajli xatachixkuwit limejikano, ja'e tamakgtay xaliwakg, chu ixlilikgatay maktini xapuxku tilanka pulatamat chu tachixkuwit la talhkanit nak tapakgsit.

- II. Natatsokga nak makgtakgalna' xalilikgatum lipulatamatni;
- III. Nalhkayawanan nak pulhkan latalhkawalin nak tapakgsit.
- IV. Naliskuja tuku nalilhkayawa tachixkuwit nak kakapulhuwa lipulatamatni, nikxni chuta katiskujli; chu
- V. Nalisjuja ixmakgtayana puxku xalaktsu pulataman an'a nilama, taskujut xalilhkayawan chu xalakpulkana.

Likatsin. 37 (Art. 37). Niti limejikano ju'u xalakgawan namakglhtikan ipulakgawan.

- A)** Limejikano titasakkinít ixlimejikanukan tlan natamakgatsankga akxni:
- I. Nasakkipala tunu pulatamán, usu pala litaxtu nak kakapulhuwa xlakata xla xala'alakatunu, chu pala namaklakaskin litaxtun kápsnat xala'alakatunu, usu natamakamasta ni alakatunu, pulataman chu
 - II. Pala tititum taya latamá akgkitsis kata nak alakatunu pulatamán.
- B)** Tachixkuwit limejikano makgatsankgakán akxni:
- I. Timakglhtinan litayan xala alakatunu xalá pulatamán;

- II.** Titlawaní tamakgtay chatum puxku xala alakatunu pulataman akxni nigkalhi ixtalakaskin puxku xalaju'u chu ni ixtalakaskin ixtamakxtumit ixtlawananin tapakgsit;
- III.** Ti matlani maklakasín litakaknit xala alakatunu pulatamán akxni ni kgalhí talakaskín ixtamakxtumit ixtlawananín tapákgsit;
- IV.** Akxni matlaní litakaknit usu ixtatlawan puxku xala alakatunu xalá pulataman, akxni nikgalhi talakaskin ixtamakxtumit ixtlawananin tapakgsit, tamatlaní akxni makglhtinan litakaknit xata'akgchiwín, xatakatsín usu ixtamakgtay chixkuwín.
- V.** Akxni namakgtayanankán, tunitlan waniní lanka kinpulatamankan, chatum xala alakatunu, chu chatum puxku xala alakatunu xala, akxni talawaní ixlakatitayaná alakatunu xala pulataman, usu xlakatin pumakgatanksan xala alakatunu, chu
- VI.** Xamakgapitsi nema talhkan nak tapakgsín.

Likatsin 38 (Art. 38). Ixmaktinitkan chu tamakgtay xlatamatkan xatachixkuwit tachokgo akxni:

- I.** Tinimakgantaxtí, chu nimatlaní talitlawat, nema lichiwinan likatsin 36. Ja'e takgchokgot namakgapala akgum kata, chu nanawalinikan takgxtakganat nema maktini la talhkanit nak tapakgsit;
- II.** Tiliyawakanit tamakgnin chu talakgalhin nema maktini ta'akgxtakgajnat nak pulachin, natatiyanikan lata akxni tlan tamakgnuka nak pulachin;
- III.** Akxni masputulh akgum ta'akgxtakgajnit nak pulachin; chu
- IV.** Ti chuta lapula usu liwaj xmalajna, nema lichiwinan xatamakxkatsin limapakgsit;

V. Ti tsalanipula talakakxlan ta'akgxtakgajnit, tatiyanikan lata akxni tawala tapakgsit nachapakan asta akxni nasputa ixlittlewekge ja'e tamapakgsin; chu

VI. Akxni wi tapakgsit natlawakan akgtum ta'akgxtakgajnit nema ixmachokgokanit.

Tapákgsit nalhká akxni natsankgá, chu xamakgapitsi akxni namachokgokan ixmaktinitkan tachixkúwit chu la nataxtuni ixtalakgalhit.

IXLI'AKGTUY LI'AKPUUXKUN

LITAMAPITSIN I

Xatakpulhkat kinputalakgawankan chu la natapakgsi

Likatsin 39 (Art. 39). Xatakpulhkat kinputalamatkan likilhwaka nak ixtachixkuwit.

Lata ixitatlewekglhit xaliwakg likilhtsukuyachá nak xtachixkúwit chu nalitamakgtaya nak ixlatamat. Tachixkuwit kgalhi kanikxniwa tamaktinit nalakgxtapalí chu nalakkaxwalí la natapakgsi nak ixpulataman.

Likatsin 40 (Art. 40). Ixtapuwan tachixkuwit limejikano tamakgstokgnit nak putum ixtapakgsit tachixkuwit xatalakasit, xalakxtúm latamat, lilapulamatni, lilakgnú pulamatni nema xikstu tatapakgsi lata talilamana nak ixbilhpulaknikan; pichu tamakgstokgnit nak putum pulamatni la tatsokgnit nak ja'é tapakgsit.

Likatsin 41. Laktsu pulataman chu latamananín talimakgantaxti ixtakpulhkatkan ixtamakxtumit makgantaxtininanín akxni chu taskini, nachuna' lakatunu pulataman, akxni tatapapakgsí nak xpulatamankan, la talhkanit nak limapakgsin xalilapulamatni chu

limapakgsin lata alakatunu wi pulataman nak Méjiko, ja'é tapakgsin nikxni na'akgapula chu ni natalakapuxtuku tapakgsin nema tatsokgni nak limapakgsin xapulatamam Méjiko.

Akxni natasastín ixtatlawekglhat ixlakkaxtlawananin tapakgsit chu ixtatlawekglhat makgantaxtunina' nalá akgtum talhkayawan la wan ja'e talihakin tapakgsit.

I. Tamakxtumitni lilakkaxtlawanlilatamat ta'akxila ixtalakaskikann lika'akapulhuwa; tapakgsit nawán lanatali'an chu tuku nataskini akxni natatatsokga naklimakanajlit, chu la natapakgtanú nak pulhkayawan. Tamakxtumitni lilakkaxtlawanlilatamat xala ju'u kmejiko natakgalhí lakghanat natapakgtanú nak ixpulhkayawan nak lakatunu pulataman, putapakgsin laktsupulataman chu nak ixbilhpulakni lipulatamatni.

Tamakxtumitni lilakkaxtlawanlilatamat takgalhi ixminikan natamamakgpakgtanú tachixkuwit nak lakxtúm latamat, natamakgtayanán nak tamakxtumit pulataman chu naktamakxtumit tachixkuwit, natamatlaní ja'é nak tapakgtanut ktaskujút xakakapulhuwa, natatatiyaní la talhkan nak ixtapuwankán Chu xalitalhkan, likstu, tanks, chu xalakatitum. Watiya tachixkuwit tlan natamatiki tamakxtumitni lilakkaxtlawanlilatamat chu la nanatatsokga xakstukan, liwankan pala natapakgtanú tunu putunu tamakxtumit nema nichu ta'an ixtapuan chu ixtatlawkan tamakxtumítni lilakkaxtlawanlilatamat nachuna lipulhuwa tatsokgan.

Napuxkun xatalhkayawan watiyá tlan tapakgtanú nak ixtakitaxtutkan tamakxtumitni lilakkaxtlawanlilatamat lalichiwinan tapakgsit naj ja'ae limapakgsin.

II. Tapakgsit nakalimakgtaya tamakxtumitni lilakkaxtlawanlilatamat xala ju'u xlakata natakgalhi lilakxtúm maklakaskinit xlakata tlan natatlawa xtatlawankan nachuna' nalhka niku natakilhawaka ixtalaktlawkan tamakxtumitni lilakkaxtlawanlilatamat chu ixpulatapulinkan xalihkayawan, nakalimakgtayakan tumin xakakapulhuwa chu kaj atksu tumin xalikstu.

Talaktláw xakakapulhuwa xalaktamakxtumitni lilakkaxtlawanlilatamat nema nitamakgatsankga ixtatsokgnikan akxni titaxtokgo makgatunu lilihkayawan, nalamakgtumikan tumin nema lilihkakanit nalakkla nak ixtatlawkan xalikanikxniwa, nema limaklhtinankan litalhkatayan nak pulhkayawan, chu nema litalhkanita ama lakkla. Namakamastakan chuné lawan limapakgsin:

- a) Xatalaktlaw xakakapulhuwa nema natalilakgtaxtutamá nak ixtatlawkan kakanikxniwa nalakpulhkawalikan kata kata, namalhuwikan chu natatiyanikan wakg nema tatatsokgnít tachixkuwit nak putalhkan nak lilihkayawan lata kitsispuxam natatiyanikan tutumpuxamakukitsis nema xalikta taskgaw nema tlawama nak ixbilhpulakni lipulatamatni. Lata kitsis puxam natatiyanikan puxamakaw nema nataxtuyacha La uchu waw ukú, já'e tumín natatapitsi akxtum tamakxtumitni lilakkaxtlawanlilatamat chu xatutumpuxamakaw nema kgalhtaxtu natatiyaikan latamakglhtasilh lilihkan nak ixpulhkakan ixlakkaxtlawanánin tapakgsit nema ukú titaxtulh.
- b) Xatalaktlaw xakakapulhuwa nema namaklakaskinkán ixlimakglhtinankán lilihkayawan akxni kata natalhkataya Lanka Puxku xtapakgsit tachixkuwit, ixtalakkaxtlawanánintapakgsit, natamataxtuka itat xlakata xatalaktlaw kakapulhuwa nema lakghán putunu xatamakxtumitni lilakkaxtlawanlilatamat nema ta'amán tamaklakaskin nak ixlitlawatkan ama kata: akni watiya amaka kalhkayawakan

ixlakkaxtlawanán n tapakgsit xalipulatamatni, lata kitsis puxam watiya natatiyanikan puxamakaw xlakata nema natamaklakaskin nak ixtatlawatkan.

c) Xatalaktlaw xakakapulhuwa nema littlawakán xatalhkantatlaw, nema lipakgtanú xalitakgalhtawakga, xatamasín, taputsan xalilakgtaxtutaman chu ixlakkaxlanalilatamat, nachuná litum taskujut xálilikgatsokgni, nalitamakgtaya lata kitsis puxam natatiyanikan akgtutu xlakata lata wakg xatalaktlaw xalikakapulhuwa nema maktini kata kata nak ixtalaktlaw xtatlawan. Lata kitsis puxam nema uku lichinaw natatiyanikan puxamakaw xlakata la uchu lichiwinaw, lakxtum natatapitsi nak tamakxtumitni lilakkaxtlawanlilatamat chu lata kitsis puxam natatiyanikan puxamakaw xlakata latalhkan, natakgpitsi nak tamakxtumitni lilakkaxtlawanlilatamat chu tutumpuxam xlakata nema kgalhtaxtú natapitsi lata tamakgltnalh litalhkayawan nema uku titaxtulh.

Tapakgsit nawan la nakamakamaxkikan tumin tamakxtumitni lilakkaxtlawanlilatamat nema ama lakkla akxni kalaksakxtukan titatayaputun chu xpulatapulinkan nak xalitalhkayawan. Pewalitum tapakgsit na Ihkawali la watiya natamasta tumin titapakgtanunit nak ama tamakxtumit, já'e ninalakatisalá, lata kitsispuxam natatiyanikan akgkaw xlakata lata nikitapekgxa talaktlaw nema talhkan awatiya xpulatapulin xapuxku xtapakgsittachixkuwit, nachuna nawan la nali'an chu' la natawala xatamakgtakgalhni niku mimacha xatumín chu nikula laktlawamaka, nanalhkawali tapatit nema nawalinikan tiku nimakgantuxti já'e tapakgsit.

Nachuna litum, tapakgsit nahlka la natataxtuni nak ixitlawatkan tamakxtumitni lilakkaxtlawanlilatamat nema natamakgatsankga xtatsokgnikan chu tuku takgalhi natatamakgxtakga lipulatamatni.

III. Tamakxtumitni lilakkaxtlawanlilatamat xala ju'u natakgalhi lakgchanat natamaklakaskin kanikxniwa likilhchanat.

Xapulakatum A. Ixpukgantuxtun lilakxtum talhkayawan watiyawá nakpuxkun akxni napulhkawalikan kilhtamakú nema maktiní kilhatumpulatamatni nak makgatpuchiwin chu makgatpukxilhni nema lakgchan ixmaktinitkan chu natatlawa la kamaktini la uchu wi chu la talhkan nak tapakgsit:

- a) Akxni xlawankú tsuku xpulatapulinkan chu akxni namakachan nalhkayawanankan namaklakaskin xpukgantuxtun lilakxtum talhkayawan tumpuxamakitsis tsipkilhtamaku chali chali, namapitsikan akgtuy usu akgtutu tsipkilhtamakú lata akagtunu tumkilhtamakú nataxtu lakatunu nak makgatpuchiwin chu nak makgatpukxilhni, kilhtamaku la lichiwinan nak aktsulitapitsi d) nak já'e pulakatunu.
- b) Akxni tatlawamana xtamatsukit xpulatapulinkan tamakxtumitni lilakkaxtlawanlilatamat, natakgalhi liputum akgtum tsipkilhtamakú lata akgatunu tumkilhtamaku nataxtu nak makgatpuchiwin chu nak makgatpukxilhni, nema xatakgalhtaxtu kilhtamakú namaklakaskinkan la wan tapakgsit;
- c) Akxni tlawamaka pulatapulín nalimakankan xlakata nakgantuxtú xlakgchanatkan tamakxtumitni lilakkaxtlawanlilatamat kana lata kitsispuxam natatiyanikan tatipuxamakitsis xlakata kilhtamaku lata xliwakg wi la lichiwinan aktsulitapitsi a) xá já'e pulakatunu;
- d) Akxni nataxtú takgpuntumin nak lakatunu makgatpuchiwin chu nak makgatpukxilhni natapitsi kilhtamaku nak litaxtun lata akgchaxan tumkilhtamakú kitaya puxamatati tumkilhtamakú ;

- e) Kilhtamakú nema kalakgchan tamakxtumitni lilakkaxtlawanlilatamat, natakgpitsi lata xlakan la chuné: lata kitsispxam natatiyanikan puxamakaw xlakata li'akxtum natali'an nakxpulhkayawan ixlakkaxtlawanán tapakgsit nema uku titaxtunit.
- f) Putunu tamakxtumitni lilakkaxtlawanlilatamat xala ju'u nema nitikalakatitaya nak ixtamakxtumit makgantaxtuninanín nakamaxkikan nak makgatpuchiwin chu makgatpukxilhni watiya nema kamaktiní lalichiwinan aktsulitapitsi e) xá já'e pulakatunu, chu
- g) Xakstutapakgsit lalichiwinan nak pulakatunu A chu B aná nitakihakin chu akxni niwi xlawan xtsukut xapulatapulin chu pulatapulin xalilhkayawan ixlakkaxtlawanán tapakgsit lipulatamatni, xpukgantaxtun lilakxtum talhkayawan namaxkikan lata kitsispxam natatiyanikan akgutuy xlakata kilhtamakú nemá makiní pulatamat xalimejikano nak makgatpuchiwin chu nak makgatpukxilhni, lalichiwinan tapakgsit; lata wakg maxkikanit, xpukgantaxtun lilakxtum talhkayawan xala ju'u nakamakgpitsini akxtun tamakxtumitni lilakkaxtlawanlilatamat itat xlakata; nema nakgalhtaxtú wa na maklakaskin nak ixtaskinit usu tunuj napuxkun xalhkayawanán la xala lipulatamatni chu xala kilhatumpulatamatni. Putunu tamakxtumitni lilakkaxtlawanlilatamat xala juú namaklakaskin kilhtamakú nema makiní nak akgutum litaxtun kgatunu papa akgkitsis tsipkilhtamakú chu nemá kgalhtaxtú namaxtukan akgapuxaman tsipkilhtamakú akgatunu. Chu nema lichiwinan xataxtut nak já'e aktsulitapitsi nataxtu akxni chu nalakaskin xpukgantaxtun lilakxtum talhkayawan la talhkan nak aktsulitapitsi d) nak já'e pulakatunu. Akatunu akxni chu taskiní tlan namaklakaskin kilhtamakú chu tlan nalichiwinan akgutum xátamakxtumitni lilakkaxtlawanlilatamat akxni chu taskini. Nikxni tlan nataxokgo usu natatamawa, xikstukan usu atunu tachixkuwit, kilhtamaku nak makgatpuchiwin chu nak makgatpukxilhni.

Niti chixku, puskat usu liputum tachixkuwit, xikstu usu makgapitsi tlan nataxokgo nak makgatpuchiwin chu nak makgatpukxilhni xlakata tlan nakamakamaja lhkayawanánin tachixkuwit , nachuna ninakatataya usu lixkajnit nakalichiwinan tamakxtumitni lilakkaxtlawanlilatamat usu tiku ta'aman tatalhkataya lipuxku nahu xtlawananin tapakgsit. Liwankan maxtukan nak Méjiko ja'e lichiwin nema xokgonit alakatunu xala pulataman.

Ja'é tapakgsit nema tatsokgnít nak akgtuy putumtilittatsokgni nema ukú titaxtulh namakgantaxtikan nak kilhtumpulamatatni chu nak ixkilhpulakni lipulamatatni la lichiwinan tapakgsit.

Xapulakatum B. Akxni nala talhkayawat nak kilhatum pulamatatni, xpukgantaxtun lilakxtum talhkayawan nalakpulhkalin kilhtamakú nema tukalhli kilhatum pulamatatni nak makgatpuchiwin chu nak makgatpukxilhni lata nimakachan chu nilakachan la uchu lichiwinan tapakgsit:

- a) Akxni nalá talhkayawat nak xakatitsu chu akgxtum natalá xlitilanka lipulamatatni, kilhtamakú nema maxkikanit lakatunu kilhatum pulamatatni natatiyanikan xakilhtamakú la lichiwinan laktsuslitapitsi a),b) chu c) xapultum A ja'e litatiyanit;
- b) Xamakgapitsitni talhkayawat, namastakan kilhtamakú la lichiwinan tapakgsit, natatiyanikan la wán ja'é limapakgsit, chu

c) Akxni nakamakgpitsinikan kilhtamaku tamakxtumitni likaxtlawanlilatamat, nahu nema tatatsokgnit xalaxakatisu pulatamat, nalá lalichiwinan xapulakatum A xaja'é tapakgsin chu la nawan talakkaxtlaw tapákgsit.

Akxni namatlaní tapuwan xpukgantuxtun lilakxtum talhkayawan xawakg kiltamakú nema nataxtú nak makgatpuchiwin chu nak makgatpukxilhni nema lichiwinan já'e xapulakatum B chu xakgtum ni'akchan xlimakgantaxtit usu xamakgaptsi napuxkun xatalhkayawan, natlawa tutaskiní xlakata natakgatsi já'e kilhtamakú nema tsankga, natatiyani tatlaw nema makamaxki tapakgsit.

Xapulakatum C. Nak pumakgpuntumín xa'ixlilakkaxlanalilatamat usu lilhkayawanat nema natamakgpuntumi tamakxtumitni likaxtlawanlilatamat nilixkajnit natalichiwinnan xpukgantuxtuntachixkuwit chu tamakxtumitni likaxtlawanlilatamat uso nanikalichiwinankan tachixkuwit.

Akxni lama nawan pulatapulin xalipulatamatni chu xakatitsu pulataman chu asta nasputa putahlkayawan , natachokgó nak xlikilhchanat napuxkun, ixtatlewekglhat lipulatamatni chu xakatitsú pulatamat, nachuna' nak xputapakgsin laktsupulataman, putapakgsin xalak ixkilhpulakni lipulatamatni, ixmakxmanitni chu katuwa pumapakgsin xakakapulhuwa. Watiyá tlan nataxtú nema natamakgpuntumí napuxkun xatalhkayawan, nema limasikan chu litapaxawanlatamat usu nema taskiní limakgtakgalhat tachixkuwin xalakapala.

Xapulakatum D. Xataxokgon tikgapula ja'e tapakgsit, lakgchán xpukgantuxtun lilakxtum talhkayawan xalitlawan xalakapala, tlan namachokgo litaxtun nak makgatpuchiwin chu nak makgatpukxilhni, nema akgapulama tapakgsit.

IV. Tapakgsit nalhka talhkankilhtamakú akxni nalá xatalhkayawan chu akxni nalá xatalaksakni titatayaputun nak taskujut xakakapulhuwa, nachuná xalitapaksit xapulatapulin litalhkayawan.

Xatamakgapalit xapulatapulin akxni nala xatakkayawat xapuxku xtapakgsit tachixkuwit, ixtalakkaxtlawananíntapakgsit, ixlakkaxtlawananín tapakgsit xalipulamatni namakgapala tatipuxamakaw chichiní, akxni watiya natatalhkataya ixlakkaxtlawananín tapakgsit xalipulamatni, xatalatapulin namakgapala tutumpuxamakaw chichiní. Nikxni xkilhtsukut pulatapulin nalakatitsala kilhmagtuy xlakata kilhmaktutu, lata kilhmaktutu tatiyanikan nema talhkanit nak xapulatapulin.

Pala Titamakxtumitni likaxtlawanlilatamat chu pala tikatiwa chixku, puskat usu akgutm tamakxtumit akgapula já'e tapakgsin naliakgxtakgajnan la lichiwinan xatapakgsit.

V. Xalitlawat talhkayawan xalakpulamatni makiní nakxika xakpuxkuná lipulamatni chu nalitlawakan akgutm limakgantaxtunina nema wanikan xpukgantaxtun lilakxtum talhkayawan nemá makamaxkikanit xalitlewekge litlawat chu xmaklakskinit, nachu akgxni nalihkayawan já'é limakgantaxtina tapakgtanú ixtatlewekglhat ixlakkaxtlawananín tapakgsit chu xa makgantaxtuniná xpukgantaxtun lilakxtumtalhkayawan chu tachixkuwit xala ju'u , lalichiwinan tapakgsit. Já'é taskujut nali'an, xatakanájlit, xalikstu, nitinataya, chu lakxtum tatlawat wa nalita'an ixtaskujut.

Xpukgantaxtun lilakxtumtalhkayawan nakpuxkun nak pulhkayawan, xlikstu nalaklkayawa, natlawalintilhá xlimakgataxtin; nakgalhi xalaklankapuxkunanín,

xalatsupuxkunanín, xamakgamakgtayananín chu xamakgtakgalhnán. Xatamakxtumit liwakg xlawan na'akpuxkun chu natalilakgnú chatum puxku xastakayawaná, chu chatsiyan xastakayawanán xatakpulhkát, chu tlan natachiwinán pi nila natalhkayawa, ixstakayawanán ixtatlewekglhat ixlakkaxtlawanán tapakgsit, xlakgapuxokgo tamakxtumit lilakkaxtlawanlilatamat chu chatum xamakgtayana makgantaxtunina, tapakgsit nawan la natamakxtumikan chu la nataskuja makgantaxtuninanín, nachu la natalalita'an xanapuxkun. Makgantaxtuninanín chu makgmakgatanksananín natakgalhi laktlan makgamakgtayananín nema taskini xlakata tlan nataxtuyacha taskujut xatalhkayawan. Pulakpulhkalina xatamakgtakgalhna natlawa xtamamakkit, ixlikstu nachu nali'an nak xtalawat, nak xtamakgtakgalhat akxní namakgamakglhtinankan chu akxní na xatalaktlaw túmin, xa ja'é puskujni. Xalimamakkit xatapakgsit chu xatalhkayaw xapukgantaxtun nema namatlaní xatamakxtumit liwakg, nakalakgchapalin skujnanín chu xapukgantaxtun xaliwakg. Xalikgantaxtun makgtakgalhná nema takxila tiku tatatsokgnit natalilakgnu xpuoxgonitni tamakxtumit lilakkaxtlawanlilatamat xala ju'u. Xpuoxko stakayawana xaliwakg chu titapaktanunit nak tamakxtumit xamakglhtawakgenanín, xakatsinanín, xaputsananin takatsit, xatamakgtayat nema nitataskgawali. Xataskgaw nema tamakglhtinan natatakilhxtumi la xaalipuxku xalakatunu xapulhkayawan nalitalakgnu tachixkuwit.

Puxku xastakayawaná namakgapala akgchaxan kata nak ixtamamakkit chu tlan nalhkayawpalakán awatiya makgtum. Xastakayawanán xalitalhkayawat natamakgapalá akgnajatsa kata nak ixtamamakkitkan, chu lakgasu kilhmakatukx kilhmakatukx nakalakgxtapaltilhakan, chu yajla katitalhkayatalh. Lata na taskini nakalhkayawatilhakan chatunu, chatunu chu makgapitsi tixtum nakalhkayawakan,

ixtalhkayawatkan kilhmakatuy nalá lata ixliwakgkan ixlakkaxtlawanán tapakgsit akxni chu nataskiní putum ixlimakchiwinanin tachixkuwit, pula natlawanikan takgalaskinin tachixkuwit. Akxni natsankga Puxku xastakayawana usu katiwa xastakayawanán xalitalhkayawat nalhkayawakan xpuxokgo xlakata namawaka litayat. Tapakgsit nawan lanali'ankan chu la nakgantaxtu ja'é tamamakkit.

Puxku xastakayawaná chu Xastakayawanán xalitalhkayawat nila natakgalhi tunu taskujut, tamamakkit usu litalhkatan, watiya amá nema tapakgtanunit Xpuxokgo satakayawaná xaliwakg chu nemá makxtum talanit chu tamakgtayanamana nak pukgalhtawakga, nak pukatsin, nak pukatuwaya takatsin, nak puputsan, usu nak pumakgtayan ana nitaskgawalikan. Taskgaw nema nakamaxkikan naxtachuná nawán la tamakglhtinan makgtayanán mapakgsinani nema taskuja nak lanka ixpulakkaxlan talakapun.

Xapuxku Pulakpulhkaliná xamakgtakgalhná xpukgantaxtun lilakxtum talhkayawán nalhkayawa xputamakxtumit ixlakkaxtlawanán tapakgsit, lata ixliwakgkan tlan natalhkayawa kilmaktuy xlakata, xpukgantaxtuntachixkuwit xaliwakg xalanka takgalhtawakga tlan nawan tiku nalhkakan, nachu natatiyanikan la wi xatapakgsit. Já'é puxku nema lichiwinamanaw namakgapala nak ipuskujni akgchaxan kata chu tlan nalhkayawapalakan amakgtum. Ja'é puxku natawala nak pu'akpuxkun aná niku wi xapuxokgo satakayawana xaliwakg Chu akxtum nataskúja lanka skaliná xalak pulamatn.

Xamakgtayaná makgantaxtuniná nalihkayawakan kilhmaktuy xlakata lata xliwakgkan xastakayawana puxku xaliwakg akxni chu naskin xapuxku.

Tapakgsit nawán xatalakaskín nemá namamakxtumikan akxni nalhkayawakan Xastakayawaná xapuxku xatamakxtumit liwakg, xastakayawanán xalilhkayawat, Pulakpulhkaliná xatamakgtakgalhná, chu xamakgtayaná makgantaxtuniná xalak xpukgantaxtún lilakxtum talhkayawan; titalitayanit xastakayawaná puxku, xastakayawanán xatalhkayawat, chu Xamakgtayaná makgantaxtunina nila katatalitayalh xli'akgtuy kata xlakata lata uku tataxtunit nak litayat nema uku tamakgxtakgli.

Akxni nalhkakan Xastakayawanán ixtatlewekglhat ixlakkaxtlawananín tapakgsit, putum ixlimakchiwinanin tachixkuwit nawan tiku tlan xalilhkayawat nawán. Watiya natawila chatum Xastakayawana ixtatlewekglhat ixlakkaxtlawananín tapakgsit lata putunu putumixlimakchiwinanin tachixkuwit, chu nakalakgachixkuikan lata tawilana xputamakxtumit ixlakkaxtlawananín tapakgsit.

Xpukgantaxtun lilakxtum talhkayawán nakgalhí tamamakkit lata titum xliwakg, xawa nema nalamamakki tapakgsit, tatlaw xatamasin chu xatamakgalhtawakgen xatlan lilamat, xalilakgapasat aná nitlawakan talhkayawat, xalakgchanat chu xatamakamastan nema putum talanit, chu xatamakxtumit lilakkaxtlawanlilamat, xatalhkan chu xatatsokgni Ihkayawanán, xatatsokgtamakxtun maklakaskinit xalilhkayawan, makilhtsukí xalak lilhkayawan, xataputlekgen talhkayawan lalichiwinan tapakgsit, xatalichiwin titlajanit chu xatamakamastan xalimakanajlit tiku tlajanit akxni kalhkayawakan ixlakkaxtlawananín tapakgsit, ixtalakkaxtlawananín tapakgsit, chu akxni Ihkakan puxku xtapakgsit tachixkuwit, lata lakatunu nak pulhkayawán, nachuna na'akxihlintilha talhkayawat chu xatakgalskinit tamakin xatalhkayawat. Akxni nalá tamakxtumit xanapuxkun Ihkayawanán nalá kakapulhuwa la lichiwinan tapakgsit.

Ixakxilhliná talaktlaw xa xatamakxtumit lilakkaxtlawanlilatamat xala ju'u nalitaya akgtum tamakxtumit xakxilhliná nak tamakxtumit liwakg, nemá xikstu nali'an, chu xapuxku nalihkayawakan kilmaktuy xlakata lata xliwakg xastakayawanán akxni namalaknu xalihkayawat xapuxku stakayawana'. Tapakgsit nawán la natalakgnu chu la nali'an nak ixtaskujut já'é tamakxtumit, nachuna litum la natlawa xatakgxtakgajnit stakayawana' xaliwakg. Akxni namakgantaxti ixtaskujut ja'é akxilhliná nila namachokgo ixlitatsekg ipumakikan tumín.

Limakgantaxtun xakatsina' natalilakgchapalín napuxkun xalita'akxilhin xatalhkayaw nak xalakatunú pulatamat tlan nataxtuyachá tatlaw uchu lichiwinaw pulaktum tatsokgni.

Tamakxtumit lilakkaxtlawanlilatamat nakalitayá napuxkun xalak lakatunu pulataman akgtum talakkaxlan tachiwin tichu natalakaskin, xalikgantaxtun talhkayawan xakatitsu, lalichiwinan xatapakgsit.

VI. Xlakata nala tapakgsit lata taskini nak tatlaw chu nak takgantaxtin nak talhkayawan; natawala xaliputalakapun lawan já'é limapakgsin chu tapakgsit . Já'é putalakapun nawan lanalitamakgxtakga lata kilhmakatunu talhkayawat chu namatlewekglha xlakgchanatkan tachixkuwit nak xalakaxtlawat xlilatamatkan nak putalhkayaw, akxni natalhkayawanán, nakalhkayawakan, chu nak ixtamakxtumitkan, la lichiwinan xalikatsin 99 xaja'é limapakgsin.

Akxni natalakapukan, nak xatalhkayawan la wan limapakgsin usu litapakgsin, nikatitachokgol tuku xlakata litalakapumaka.

LITAPITSIN II

Nemá litalakgnu lilapulamatatni chu xatilanka tiyat xalimejikano

Likatsin 42 (Art. 42). Tilanka tiyat xalimejikano makachan:

- I. Nemá litalakgnu lilapulamatatni;
- II. Titsuxikstutiyat, nachuna tamakxtumxokge chu xputachokgonlatamananin xalakpupunu’;
- III. Xatitsuxikstutiyat Guadalupe chu xa Revillagigedo nema tawalana nak tilankachuchut xalitsankgan,
- IV. Xkilhtsukut katiyatni chu xkilhpulakni xtampin pupunu’ xatitsuxikstutiyat,xputachokgonlatamananin chu tamakxtum xokge;
- V. Chuchut xalakpupunu’ lata nikitaya kintiyatkan chu lata wi xatalhkan nak kiminitkan nak xlitilanka kakilhtamakú, nachuna nema makanu pupunu’;
- VI. Xakatilanka ana’ niwi kinpulamatamankan chu nak xmakxpanitni pulatamayni chu la lichiwinan kiminitkan nak xlitilanka kilhtamakú.

Likatsin 43 (Art. 43). Nemá lilakgnú lipulamatatni nak ixlitilanka Méjico lakatunu pulamat tawilana: Aguas Calientes, Baja California, Baja California Sur, Campeche, Coahuila, Colima, Chiapas, Guanajuato, Guerrero, Hidalgo, Jalisco, México, Michoacan, Morelos, Nyarit, Nuevo León, Oaxaca, Puebla, Queretaro, Quintana Roo, San Luis Potosi, Sinaloa, Sonora, Tabasco, Tamaulipas, Tlascala, Veracruz, Yucatan, Zacatecas y el Distrito Federal.

Likatsin 44 (Art. 44) . Kachikin Méjico Ixkilhpulakni Lipulamatatni, aná tawalana Ixlitatlewekhlhat lipulamatatni, chu na aná wi puakpuxkun ixlititsuna Estados

Unidos Mexicanos. Nalitapakgsi ixtiyat nemá kgalhi, chi pala talaksija já'é litatlewekglhat xalipulamatni, natawila nak lakatum pulataman nak Kaxtum Méjiko, la nalhkani Ixtamakxtumit makgantaxtuninanín.

Likatsin 45 (Art. 45). Lakatunu Pulamatni latiya natakgalhi xalitilanka lata takgalhinit, kunnitawilanit taglhuwit.

Likatsin 46 (Art. 46). Lakatunu pulamatni tlan talatalakkaxla akxni talatalalin nak ixlitapitsinkan chu nikatilah já'é talakaxlan pala nimatlani Ixputamakxtumit ixlakkaxtlawanánin tapakgsit.

Akxni nilakxtum tawilá tapuwan tlan tamakati Ixputamakxtumit ixtalakkaxtlawanánin tapakgsit. Chu ja'é tamakxtumit nakatataxtuní la lichiwinan likatsin 76 ,aktsu litapitsin XI , xá ja'é limapakgsin.

Ixtalakaxtlawatkan ixpulakkaxtlawakantapakgsit anatiyata nikitaya chu nitinalakataki. Lanka ixpulakkaxlantalakapun tlan nalakgapasa xalilikatakin xalimapakgsin, tiku nimatlani, akxni wi takglhuwit nema tlawamaka ixtapakgsit Ixputamakxtumit ixtalakkaxtlawanánin tapakgsit.

Likatsin 47 (Art. 47). Kilhatumpulamatni (*de,sic DOF 05-02-1917*) Nayarit nakgalhi ixlitilanka chu ixlitapitsin nema mapakgsi ixtiyat Tepic.

Likatsin 48 (Art. 48). Titsuxikstutiyat, xputachokgonlatamananin chu tamakxtumxokge nemá takgalhpaxtokga pupunu' nemá tapakgsí nak kinpulamatankan Méjiko, xkilhtsukut katiyatni, xkilhpulakni xtampín pupunu'

xatitsuxikstutiyat, Xputachokgonlatamananín chu tamakxtumxokge , pupunu' xalaju'u natakilhawaka nak xanapuxkun lipulatamatni Méjiko, watiyawá ama Titsuxikstutiyat nema tamapaksi lakatunu pulatamatni.

IXLIAKPULANA' XLIAKGTUTU

Litamapitsin I

Xatapitsin xalitalewekglhat

Likatsin 49. Xaliwaka tatlwekglhat xakapulatamananín limapitsikanit nakxtatlaw: nak ixtatlewekglhat ixlakkaxtlawananín tapakgsit, ixtatlewekglhat makgantaxtunina' chu ixtatlewekglhat putsana'.

Nila tatamakxtumi putuy chu liwaka já'e litamatlewekglhit nak chatum chixku usu puskat xlakata usu putum xlakata, nachu ninalitawaka nak ixlitalakkaxtlaw tapakgsin nak chatum xlakata chixku, watiya akxni chu snun taskini, nalitawaka ixtatlewekglhat makgantaxtunina , la lichiwinan tapakgsit nak likatsin 29 . Nikxni litum, watiya akxni lawan nak ixli'akgtuy tixtum tatsokgni nak likatsin 131, namastakan kilhtamaku na tlawakan limapakgsit.

LITAMAPITSIN II

Xa ixlakkaxtlawananín tapakgsit

Likatsin 50 (Art. 50). Xalitalewekglhat ixlakkaxtlawananín tapakgsit xala Méjiko paxtakgnikan Tamakxtumit xaliwakg, natatapitsi kilhmaktuy xputamakxtumit

ixlakkaxtlawananin tapakgsit, putum xa'ixlakkaxtlawananín tapakgsit chu xaputum ixtalakkaxtlawananíntapakgsit.

Likapitsin I

Xatalhkayawan chu xatakaxtawalan tamakxtumit

Likatsin 51 (Art. 51). Xputamakxtumit ixlakkaxtlawananin tapakgsit natalitamakgstokga ixlakatitayanán pulataman, natatalhkatayá akgatutun kata. Lata chatunu lakatitayaná natalhkataya chatum ipxuxokgo.

Likatsin 52 (Art. 52). Xputamakxtumit ixlakkaxtlawananín tapakgsit nalitalakgnú 300 ixlakkaxtlawananín tapakgsit nemá tatalhkatayanit chu kalilhkayawakanit nak tachixkuwit nak ixkilhpulakni lipulamatatni, chu 200 nakalilhkayawakan lata kamaktini litalhkayaw xatapitsi, namaklakaskinkan xataspittasokgni xalakatunu pulhkayawan, talkan nak putum xatalhkan (circunscripciones, sic DOF 15-12-1986) talhuwit talhkayaw.

Likatsin 53 (Art. 53). Xatapitsin xlititsuná 300 xalakatunu pulhkayawan xalikstu namaxtukanachá xatapitsi lata wi tachixkuwit nak pulataman Méjiko nak 300 lata lichiwinaw. Xatapitsi xalakatunu pulhkayawan xalikstu xala lakatunu pulamatatni natatiyanikan nema uku lanit tatsokgnin liwakg nak tachixkuwit, chu nikxni lakatunu pulamatatni nakgalhi likta ixlichatuy ixlakkaxtlawana tapakgsit, nema lhkayawakan likstu.

Akxni nalá talhkayaw 200 ixlakkaxtlawananín tapakgsit xalitalhkayaw xatapitsi chu nalá xaspit xatatsokgni xalakatunu pulhkayawan putum putum xatalhkan xatalhuwit

talhkayaw nak pulataman Méjiko. Tapakgsit nawan la natalakgnú tapitsit já'é putum putum xatalhkan.

Litapitsin 54 (Art. 54). Xatalhkatayan 200 ixlakkaxtlawananín tapakgsit nema litayat xatapitsit chu xatatsokgni spittawilan xalakatunu pulhkayawan, nali'an la wan tapakgsit:

- I. Akgtum tamakxtumit lilakkaxtlawanlilatamat, xlakata namakglhtinan xatatsokgot taspitwalin xalakatunu pulhkayawan, namakanajli xlakata kgalhi titatayaputun ixlakkaxtlawananín tapakgsit nema natatalhkataya nakpulhkayawan, Kaná nak 200 lakatunu pulhkayawan xalikstu;
- II. Wakg tamakxtumit lilakkaxtlawanlilatamat tinamataxtuka kilhmakyuy xlakata lata kitsispuxam ixliwákg talhkayáw nema ta'ama xataspitni tatsokgni la wi xalakatunu pulhkayawan, nakgalhi lakgchanat nalakgchán ixlakkaxtlawananin tapakgsit la makachan nak litayat xatapakgsit;
- III. Tamakxtumit lilakkaxtlawanlilatamat nemá namakgantaxtí tapakgsit nemá ukú lichiwinaw, nikatitatiyanika limakanajlít nema makglhtinanit xatalhkayaw xalikxtu, taskiní namaxkikan litayat xatapakgsit nemá wi nak xataspitni tatsokgni litalhkatayan, natatiyanikan lata makglhtinanit litalhkatayan la ixlititsuná Méjiko, lachalit maktini lata lakatunu pulhkayawan. Akxni nakalhkayawakan nali'an lata spit tawilana.
- IV. Nití Tamakxtumit lilakkaxtlawanlilatamat tlan nalakatitsalá 300 ixlakkaxtlawananín tapakgsit, xamaklakatuy lilhkayawan.
- V. Nikxni, akgtum Tamakxtumit lilakkaxtlawanlilatamat tlan nakgalhi lata nak maklakatuy xlakata xlakaxtlawananín tapakgsit lataixliwakg kilhmatsiyan xlakata lata tawalanit lilhkayawan la xlititsuna Méjiko. Já'é tapakgsit ninalakgchán

Tamakxtumit lilakkaxtlawanlilatamat nemá tlajanit nak lilhkayawan lata lakatunu wi pulhkayawan xalikstu; chu

VI. La lichiwinan nak limapitsin III, IV, chu V uchu lichiwinaw, xlakkaxtlawaninan tapakgsit nema litayat xatapakgsit nema nakgalhtaxtú akxni namakgpitsikgokan, natlawakán lalichiwinán limapitsin IV usu V nakamaxkikan xamakgapitsi Tamakxtumit lilakkaxtlawanlilatamat tiku kalakgchan lata lakatunu pulhkayawan la kamaktiní chu natatiyanikan lata makglhtinanit lilhkayawan. Tapakgsit nalakgchapalín la nakitaxtu já'é taskujut.

Litapitsin 55 (Art. 55). Xlakata xlakaxtlaná tapakgsit nawankan taslikini:

- I. Kaglhikan litachixkuwit limejiano, uxalakgawan, chu matlawanima ixlitachixkuqwit chu lakgchánat.
- II. Nakgalhi 21 kata akxni natalhkataya;
- III. Xala kpulataman nawan ana nilhkayawamaka usu litalakatsu chu aná wi nawam ixpulataman lata akgchaxan papa' akxni natalhkataya.

Xlakata tlan natawala nak xataspittatsokgni xalilhkayawat xlakaxtlawana tapakgsit, taskini xala nawan akgtum lakatunu pulataman ana nixlitsuna wi lakatum putalhkatayan usu litalakatsu ana lama nawan akgchaxan papa xlakata lata nakitaxtu talhkayawan.

Xalitalakatsu nimatsankga tiku niwi xlakata akgtum taskujut lilhkayawakanit xalikakapulhuwa.

IV. Taskiní tinipakgtanunit nak tamakgtay makgtakgalhnapulatamat, chu tiniliya nixapuxku makgtakgalhna ana nilama talhkayawat, 90 chinini xlakata akxni nala talhkayat.

V. Nixapuxku wanit nawan nak pumapakgsin, limapakgsin maxki xatakpulhkcat, chu niliya nawan xmakgamakgtayana lanka mapakgsina, nachu nixapuxku wanit nawan tilakgaya akgtum pumapakgsin xala ixmakni lipulatamatni usu pumakgtayan xalaxmakni pulatamatni xalipulatamatni, tlan nawan pala namakgxtakga ixlitayat 90 chichini xlakata akxni nala talhkayatan.

Niliya nawán xmakgtayana lanka ixpulakkaxlan talakapun xatilanka pulataman, nimatanksanatapakgsit, ni ixmakgamakgtayana pumakgatanksan xalitalhkayat ixtatlewekglhat putsana xalipulatamatni, xapuxku satakayawaná usu stakayawana xalitalhkayat nak liwakg pustakayawan, xalakatunu usu xapulakatunu xapukgantuxtun lilakxtumtalhkayawan, xmakgamakgtayana makgantuxtunina, xapuxku makgantuxtunina, chu tachixkuwit nemá makgya nak pumakgantuxtunina xpukgantuxtun lilakxtumtalhkayawan, tlan tapakgtanu nak putalhkayatan tinatamakgxtakga ixlitayatkan xli'akgtutu kata xlakata akxni nachán talhkayawan.

Xanapuxkun xakatunu pulataman chu xapuxku ixkilhpulakni lipulatamatni nila tatalhkayá nak ixpulatamankan ana' nitamapakgsinan akxni taliyana ixtamamakkin tachixkuwit, maski katamakgxtakgli ixtamamakkikan.

Xmakgamakgtayananín xapuxku mapakgsiná xalak pulakatunu pulataman chu xapuxku ixkilhpulakni lipulatamatni, matanksananintapakgsit, chu makgatansananín Ipulatamatni usu xapulakatunu pulatamatni, nachuná napuxkun xala xputapakgsin laktsu pulataman, chu akpulananin xalakkaxtlawanánin

pulataman-lakpulhkawalinanin ja'é nak ixbilhpulakni pulatamatnin nila natalhkataya nak pulakatunu pulataman ni tatapakgsi, pala nitamakgxtakga xtamamakkikan xatativamakaw chichini akxni nala litalhkayaw.

VI. Tinixapuxku nak pulipawan xasikulan usu kinpuchinakan.

VII. Ni likgalhit litachokgon nema lichiwinan likatsin 59.

Likatsin 56 (Art. 56). Ixtatamakxtumit ixalakaxtlawananín tapakgsit nalitastokga chaxan puxamatsiyan xtalakkaxtlawananín tapakgsit, nemá nak pulakatunu pulataman chu nak ixbilhpulakni lipulatamatni, chatuy nalihkayawan xalikstu talhkayaw chu chatum nalitaya nemá natatiyanikan lata maklhtinalh litalhkatayan. Xlakata nakitaxtu ja'é taskujut tamakxtumit lilakkaxtlawan lilatamat natamatsokgonan akgtuy xataspitni tatsokgni chatuy xalihkayawat. Ixtalakkaxtlawana tapakgsit nema ama litaya ja'é taskujut wa amá nemá xlimakgtuy akpuxkun lata makicha lilhkayawan nak pulakatum pulataman nema kitaxtucha.

Xa puxamakutuy xtalakkaxtlawananín tapakgsit nemá tsankga kalhkayawan la taskiní natatiyanikan xatixtum tatsokgni lata tatalhkatayan nak lakatum putalhkatayan nak ixlitilanka pulataman Méjiko. Tapakgsit nawán la nali'an chu la natlawakan ja'é talhkayawan.

Ixtamakxtumit ixalakkaxtlawananín tapakgsit wakg natatalakgxtapalí akgachaxanan kata.

Likatsin 57 (Art. 57). Lata chatunu xtalakkaxtlawananín tapakgsit nakgalhi chatum ixpuxokgo.

Likatsin 58 (Art. 58). Ti xtalakkaxtlawaná tapakgsit wanputun pewá taskiní maklakaskinit nemá maklakaskinkan akxni talhka xtlawaná tapakgsit, watiyá ix kata nichuna, taskini nakgalhi 25 kata akxni natalhkataya.

Likatsin 59 (Art. 59). Ixtalakaxtlawananín tapakgsit chu xlakaxtlawananín tapakgsit nema talitayamana ixtamakxtumin makgantaxtuninanín nila xlimakgtuy natalitayapala lata tixtum an kilhtamakú.

Xpuxokgokan xtalakkaxtlawananín tapakgsit chu xlakaxtlawananín tapakgsit tlan tunkan nakalhkayawapalakan liwaj xakanaxliwanat, akxni niskujnit xlitayan; chu xtalakkaxtlawananín tapakgsit nachuná ixlakaxtlawananín tapakgsit nema taskujnit nila talitaya xapuxokgo lata tunkan.

Likatsin 60 (Art. 60). Pumapakgsin xaliwakg nemá walikanit, nemá lichiwinan nak likatsín 41 nak ja'é limapakgsin, chu la lichiwinan tapakgsit, nalichiwinan akxni tlan lanit talhkayawan xatlawananín tapakgsit chu xatatlawananín tapakgsit lata lakatunu pulhkayawan xalikstu chu lata pulakatunu pulataman; namasta xalimakanajlit litalhkayawan ti liwaka makinitancha lilihkayawan chu nawán tiku natalitayá xtalakkaxtlawananín tapakgsit talhkayawan xalikstu la lichiwinan likatsin 56 nak ja'é limapakgsin chu nak tapakgsin. Nachuna', nalichiwinan xalimakanajlit talhkayawan chu namatlewekglha xatalhkayawat xtlawananín tapakgsit nemá xalitayan xatapitsit litalhkayawan la wan litapitsin 54 xa ja'é limapakgsin chu tapakgsit.

Akxni nalichiwinankán xalimakanajlit talhkayawan, chu namakamastakan xalimakanajlit chu nakaliyawakan xtlawananín tapakgsit chu xmakgtayananín tapakgsit, tlan mastakan nitamatlanit chu lakatakikan nak pumapakgsin xalitalhkayawat ixputatlewekglhni putsana, lawan litapakgsin.

Tunatalakkaxtlawa pumapakgsin nemá lichiwinaw ukú nak titsu tatsokgni, tlan nakxilhpalá xalikstu ixputatlewekglhni putsaná, chu taskiní natamastapala nitamatlanit tamakxtumit lilakkaxtlawanlilatamat akxni chu taskiní chu tlan nalakaxla amá tlhkayawat. Ja'é takgalhtín chu nalitamakgxtakga chu anata nakitayá. Tapakgsit nawan la nalá chu la nalitalakupan.

Likatsin 61 (Art. 61). xtlawananín tapakgsit chu xtatlawananín tapakgsit nití kaliwanií tunatawan akxni tatlawamana ixtaskujutkan, chu nilá kalitasamakatikan tutalichiwinalh.

Xapuxku lata lakatunu xputamakxtumitkan xtlawananín tapakgsit namakgtakgalha xlakata ninakalakatakikan chu nitinalakatitsala xputlawakan tapakgsit.

Likatsin 62 (Art. 62). Xtlawananín tapakgsit chu xtatlawananín tapakgsit liwaj xakana akxni taliyana ixtaskujutkan, nilá tapakgtanú nak tunu taskujut nak kalipulamatni usu nak pulakatunu pulataman aná ninataskgawali, akxni nitaskinít talakaskin nak xpuskujnikan; chí pala naskín talakaskin nak xtamamakkin nalimakgxtakga tulilayawakanit. Na wa' ja'é tapakgsin nakalakgchan ipuxokgokan xtlawananín tapakgsit chu xtatlawananín tapakgsit, akxni taliyana taskujut. Ti nimakgantaxti ja'é tapakgsit namamakgxtakgekan ixlitayat.

Likatsin 63 (Art. 63). Xputamakxtumitkan ixlakkaxtlawananin tapakgsit nilá tamalakki ixtamakgstokgotkan chu tatlawá ixtaskujutkan pala nilakxtum tatawila , liwaka itat lata xlchalitkan; pi nemá tawilana natatamakgstokga la lichiwinan tapakgsit chu nakamakatasatikan nemá nitawilana ixli'akgtum papa', chu nakamakxkatsinikan pala nitatalakasí natamakgachakgxi xlakata nitamakgamakglhtinampun ixitayatkan, chu tunkan nakatasanikan ipuxokgokan, xlakan natatamakamasta' ixliakgtum papa', chi pala nitatalakasi', namakatsininankan xlakata nitichapanit ama taskujut. Akxni nitichapanit akgtum litayan xaxtlawananín chu xtatlawananín tapakgsit nak ixtamakxtumit makgantaxtuninanín akxni tsuku ixpukaxtlawakan tapakgsit, chu nemá nalá akxni skujmaka: nemá nichapakanit litayan natachapa xtlawananín tapakgsit chu xtatlawananín tapakgsit nemá kalhkayawakanit xalikstu; xputamakxtumit ixlakkaxtlawananin tapakgsit natamatlawaní talhkatayat xlimakgtuy lalichiwinan tapakgsit litapitsi IV likatsin 77 xa ja'é limapakgsin; nemá nichapakanit litayan nak xputamakxtumit ixlakkaxtlawananín tapakgsit xa xtlawananín tapakgsit nemá tatalhkatayan xalipulhuwa nalinakgatsikan xtlawananín tapakgsit xapewa tamakxtumit lilakkaxtlawanlilatamat natatiyanikan lata tíku tukalhlí lakghanat, lata chi akxni maxkikanita' litayan xaxtlawana tapakgsit; chu nemá nichapakanit litayat xaxtatlawananín tapakgsit xatalhkan xaliwakg, nakamakamaxkikan amá litayat xapewa tamakxtumit lilakkaxtlawanlilatamat chu natatiyanikan lata tiku tukalhlí lakghanat nak tilanka pulataman Méjiko, chi akxni maxkikanita litayan; chu nemá nichapakanit litayat xaxtatlawananín tapakgsit nemá tatalhkatayan xalikstu, nanatatiyanikan tíku kgalhí lakghanat xapewa tamakxtumit lilakkaxtlawanlilatamat nema tatsokgnit ixlichatuy lata lakatunu pulakatunu pulatamat.

Natamakgachakgxi xkakata xtlawananín tapakgsit usu xtatlawanán tapakgsit nemá ninata'an nakxpuskujnikan akgaw chichini tixtum ya lata chali chali chu niwán tuku xlakata chu usu akxni niskinit talakaskin nak xputamakxtumit, chu namakatsinänakan nak xaputamakxtumit ixtlawananín tapakgsit , natamakgxtakga laktsu xlitayatkan , chu nakatasanikan xpuxokgokan wa natamakgantaxti ama litayan.

Pala nitawilana xlihuwa lata taskiní xlakata nalitalewekglha xputamakxtumit ixlakkaxtlawanán tapakgsit xlakata tlan natatlawa xtaskujutkan xtlawananín chu xtatlawanán tapakgsit, xalakapala nakatasanikan xpuxokgokan xlakata natamaxtuyacha ama litayat, uku natitaxtú akgtum papa lawan tapakgsit.

Natatlawa talakgalhín, chu natamakglhtinan takgxtakgajnat la wan tapakgsit , tikalhkayawakanit xtlawananín chu xtatlawanán tapakgsit, nita'an tatlawá tukaliyawakanit nak xlitayatkan akxni ni tawán túku xlakata nitali'an nakxputamakxtumitkan, akxni chu nawankan nakxputamakxtumit xkaxtlawanán tapakgsit, la wan tapakgsit xlawan titsu tatsokgni nak ja'é likatsin. Nanatatlawa talakgalhin, chu tapakgsin nakamakgxtakgajní, tamakxtumitni lilakkaxtlawanlilatamat xala nak tilanka pulataman Méjiko nemá talhkayawanit xtlawananín chu ixtatlawanán tapakgsin lakxtum katáwa xlakata ixtalhkayawankan nikata'ah tamakgantaxti xlitayatkan.

Likatsin 64 (Art. 64). Xtlawananín chu xtatlawanán tapakgsit akxni ninata'an makgtum nak ixtaskujutkan chu ninamatlaní túku xlakata nitaliálh usu akxni nikamaxkinit talakaskin ixputamakxtumitkan, ninakgalhi talakgchan namatajinan akxni niskujnit.

Likatsin 65 (Art. 65). Tamakxtumit xtlawananín tapakgsit natatamakgstokga kata kata xlawan xchichini' septiembre, natatlawa xlawan xputamakgstokgkan lata nemá tixtum wi chu lata xlawan xchichini' febrero kata kata natlawakan xlimakgtuy tamakgstokgot lata tixtum wi.

Ja'é nak makgtuy tamakgstokgot natalichiwinan, natalakpulhka chu natalhkawalí tapakgsit nemá namakilhtsukiyacha' nak xapuxku makgantaxtunina' chu nak ixputamakxtumit makgantaxtuninanín, chu natalakkaxtlawa nemá kamaktiní la wan ja'é limapakgsin.

Lata makgatunu tamakgstokgot nak xputamakxtumitkan xtlawananín tapakgsit natatlawa tu wan limapakgsit.

Likatsin 66 (Art. 66). Lata makgatunu tamakgstokgot namakgapala lata taskini xlakata tlan natamasputú tukaliyawakanit la wan tapakgsit nemá ukú lichiwinaw. Xlawan tamakgstokgot lata namakgapala ninalakatitsala ixlikgalhkukitsis diciembre pewa amá kata, tlan talakglhmani watiya akxni matsukí ixtamamakkit Lanka Puxku xalak pulataman Méjiko la wan tapakgsit nak likatsin 83 tlan natalakglhmaní tamakgstokgot tachan puxamakawitu diembre xala ama kata. Xlimakgtuy tamakgstokgot nila nalakatitsala puxamakaw xpapa' abril xala ama kata.

Pala xputamakxtumit ixlakkaxtlawanin tapakgsit nitamatlaní nitalakaskin xlakata nasputa tamakgstokgot akxni talhkan kilhtamaku, nalakkaxtlawa Lanka Puxku xalak pulatam Méjiko.

Likatsin 67 (Art. 67). Tamakxtumit usu akgtum xputamakxtumitkan ixlakkaxtlawanán tapakgsit akxni natawila akgtum tuli'akxilit natatamakxtumi akxni nakatasamakati litalhkatanan xakxilhnanin; chu akxni natatamakxtumí watiya natalakkaxtlawa tukalitasanikanit chu akxni nakakilhanikan nakamakatsinikan tuku ixlakata.

Likatsin 68 (Art. 68). Putuy xputamakxtumitkan ixlakkaxtlawanán tapakgsit lakatum natatawilá nila nata'an alakatunu; akxni tatalaksijputun pula natalikgalhchiwinan chu akxtum natawilá tapuwan xakilhtamakú chu lanatatlawa, Chu pala niakxtum tawilá tapuwan la natatalaksija, níkula chu xnikú natatlawa, Xapuxku mapakgsina xakapulatamatni nakalakkaxwalí. Niti xlakaxtlawanán tapakgsit namachokgo akgtutu chichiní' xtamakxtumitkan pala nimatlání xaputum.

Likatsin 69 (Art. 69). Akxni nataliki xlawan tamakgstokgot xatalhkan kata kata xaxkaxtlawanán tapakgsit, Xapuxku mapakgsina' xalipulatamatni namakamasta' xtatlaw xatatsogni , aná níku nawan la wi xatalakpulhkawalín xalikakapulhuwa nak xatilanka pulataman Méjiko. Akxni nataliki' tamakgstokgot xalakapala xatamakxtumit xtlawanán tapakgsit usu chu putum lata xliputuy , xapuxku litalhkatanan xakxilhnanín, nawán túku xlakata kalitasanima.

Putunu xlakkaxtlawanán tapakgsit nalakstihillikgalhtawakga amá tatlaw chu tlan makgskin puxku xalipulatamatni xlakata kamatinankih tachiwín nakxtatsokgni xaxtatlaw, natalitlawa xatatsokgni ja'é xtaskinkan chu natlan tatasaní xmakgamakgtayana' puxku xakalipulatamatni nemá taskiní, ixlikgawana pulatamán, chu xanapuxkun pumapakgsin, ja'é nata'an akxni nakatasanikan chu

natamakanajli xtatlawkan. Tapakgsit xalak putlawakan tapakgsit chu ixlitlawat natalakgchapalín ja'é tatlaw.

Likatsin 70 (Art. 70). Wakg tu natalakkaxtlawá xtlawananín tapakgsit nalitamakgxtakga xatapakgsit usu litapaksin. Tapakgsit usu litapakgsin nemá nataxtuyacha' nalimakatsinikan xatatsokgni lanka puxku xalipulamatatni chu natalimakanajlí ixtamakgstokgnikan xanapuxkun xtlawananín tapakgsit , xamakgatsokgnanín lata putunu tawilana chu chuné nalikpulanán "Tamakxtumit xalak lipulamatatni walí litapakgsin" (nawan tkuya tapakgsin usu litapakgsin)

Tamakxtumit xaxtlawananín tapakgsit natamaxtú tapakgsit nemá natalitapakgsi chu níkula nataskuja.

Tapakgsit na wan, la natatamakxtumí xtlawananín tapakgsit, lata tawilana tamakxtumit lilakkaxtlawanlilatamat xlakata tlan natawan xtapuwankan, xlakatakan chu tutalakgatayanit.

Ja'é tapakgsit nila makgenukan chu nanitaskini namalakgapasininán xapuxku mapakgsina' xalipulamatatni xlakata namakwan.

Litakapsin II

Xalimakilhtsukit chu xatatlawań tapakgsit

Likatsin 71 (Art. 71). Ixlimakilhtsukit tapakgsit usu xalakapala tapakgsin kalakgchan:

- I. Xapuxku Mapakgsina' xalipulamatni Méjiko;
- II. Xtlawananín chu xatlawananín tapakgsit; chu
- III. Ixkaxtlawananín tapakgsit xalak pulakatunu pulatamat.

Xalimakilhtsukit tapakgsit nema masta xapuxku mapakgsina xalipulamatni (**xapuxku mapakgsina, sic DOF 05-02-1917**) xalipulamatni Méjiko, ixpukaxtlawan tapakgsit xapulakatunu pulatamat usu xatlawananín tapakgsit natitaxtu nak litalhkatan. Nemá natamasta xtlawananín usu xatlawananín tapakgsit , natalita'an la wí litlawat nak xalimapakgsin.

Likatsin 72 (Art. 72). Wakg xtakilhtsukut tapakgsit usu litapakgsin xalakapala, akxni xatalakkaxlan nixalikstu lata lakatum putamakxtumit, taskini nalilakchiwinankán nak xamaklakatuy xputamakxtumin xkaxtlawananín tapakgsit, nalita'ankan la lichiwinan xatapakgsin likgalhchiwin la nalá, xniku nalá, níkula nakitaxtu nak pukgalchiwin chu nak lilhkawalin.

A. Akxni namatlanikan akgutm xatakilhtsukut tapakgsit nak ixtlawakan tapakgsit níku kilhtsukucha', natitaxtú xalakatum xlakata nalikgalhchiwinankan. Pala ja'e namatlani, namakankan nak xalanka mapakgsina xalipulamatni, ja'é pala matlaní namakgpuntumikán xalakapala.

B. Natamakgachakgxi xlakata matlanilh xapuxku xapulamatni, tamakilhtsukit tapakgsin nema nimaspitkan chu xataxilhni aná nak putamakxtumit níku makilhtsukikancha, xli'akgkaw chichini', pala ni xputamakxtumit malakchawakanit usu machokgokanit tamakxtumit, chi pala talakchawanit usu tachokgon tamakxtumit namakamastakan ja'é ixkilhtsukut tapakgsit, xlawan chichini akxni natatamakstokga ixlakaxtlawananín tapakgsit.

C. Xalimakilhtsukit tapakgsit usu litapakgsin nemá maspita xapuxku mapakgsiná wakg usu xalakgtsu xatakxilhni ana niku makaminkanitacha ama limakilhtsukit. Chu taskiní nalichiwinampalakan (**sic DOF 05-02-1917**) chu pala natamakanajlí kilhmaktutu xlakata lata xliwakg, namakampalakan nak putamakxtumit chu na'axilhpalakán. Chi pala xalilhuwa makanajlí ja'é tamakilhtsukit tapakgsit nawan, chu nataspitpalá nak xpumapakgsin xapuxku mapakgsina' xala lipulatamatni.

Xalilhkat tamakilhtsukit chu usu litapakgsin xalakapala nalhkakan xalikstu.

D. Pala akgutm tamakilhtsukit xatapakgsit usu litapakgsin, namatampuxtu xputamakxtumit ixlakkaxtlawanánin tapakgsit, namaspitpalakan ana' níku minitanchá kun xatakxilhni nemá tatlawaninit. Pala lakgasukxilhpalakan xalisasti natamatlani xtlawananín tapakgsit liwakg, nataspitpala ana' níku nimatlanikanchá, namakatipalakan, chu pala nalimatlanipalakan namakankan nak xa puxku pulatamananín la wán litamapitsin A; chu pala nimatlanikan yajla namaspitpalakan nak akxnima tamakgstokgot.

E. Pala akgutm tamakilhtsukit tapakgsit usu xatapakgsit namakgenukan titsu tapuwán, nalakgxtapalikan, usu namakstukkan nak ixputlawakan tapakgsit, ja'é tamakilhtsukit nalichiwinán watiya nemá tamakxtukanit, usu nemá talakgxtapalih chu nemá makstukka, ninalakglakgalhikan nemá ijkaxtlawakanita' tapakgsit. Pala xatamakstukni usu xatalakgxtapalin tapakgsit nemá akxilhli chu talakaxtlawalh ixlakkaxtlawanánin tapakgsit natamatlaní xalipulhuwa talhkayawat tiku tawilana nak xputamakxtumitkan xtlawananín tapakgsit níku minitanchá, namakankan wakg tamakilhtsukit tapakgsit nak xpumapakgsin puxku xalipulatamatni, xlakata nakitaxtú la wán limapitsin A. Pala xtlawananín litapakgsit nemí ta'akxilhi taliwanpala xlilhuwa nemá tawilana chu kun xtalilhkayawatkan nak amá tamakstukut, wakg tamakilhtsukit tapakgsit yaj namakankan, akxni amá

nakgalhikan xakganpatu tamakgstokgot, chi pala ixputuykan xtlawananán tapakgsit xliwakgkan tamatlaní tawán kataxtulh amá tapakgsin watiya nemá likatsin lakkaxlalh chu matlaniká, chu kamakika nemá makstukka usu lakkaxtlawaka xlakata na'akxilhkan xakgampatu tamakgstokgot.

F. Nak tamakgachakgxít, talakkaxtlawat usu xatamatánpuxtut tapakgsin usu xalakapala litapakgsin, nachu nali'an la uchu lichiwinaw akxni natlawakan.

G. Wakg tamakilhtsukuit tapakgsit usu xatapakgsit nemá lakgmakganka nak ixputlawakan tapakgsin ana' niku kilhtsukucha , yaj namalakasikan nak tamakgstokgot ama kata nema tláwama.

H. Xatatlaw taapakgsit usu xalakapala litapakgsin tlan namalakatsukikan xanitiyata xputlawakan tapakgsit, watiya nichuna tamakilhtsukit tapakgsit nemá lichiwinán tapawa, pulkgaxokgon, usu xatapatsan xlikgawana lipulatamatni Méjiko, wakg ja'é pula natsukú lichiwinankan nak ixputlawakan tapakgsit.

I. Xatamatsukit tapakgsit usu xalakapala tapakgsit nalichiwinankan nak xputlawakan tapakgsit aná ninamalakasikan, chi pala titaxtú akgtum papa' lata makanka nak litayan aná nimatsukikan tamatlanín chu nimastanit xatamatlanin, tochitlán pewa amá xatamakilhtsukit tapakgsit usu xalakapala tapakgsit tlan malakasikan usu lichiwinankán xalakatum xpukaxtlawakan tapakgsit.

J. I (J, sic DOF 24-11-1923). Xapuxku mapakgsina xalipulatamatni nila natlawa ta'axilhit chu talakkaxtlawan nak tamakxtumit usu ixpulakkaxtlawan tapakgsit, akxni tlawamaka talhkayawat usu lilakpulhkawalin, nachuna' akxni xtlawananín tapakgsit natawan xlakata tlan malakgsikan chatum lanka puxku xalak lipulatamatni nemá tlawanit talakgalhin nakxputaskujut xalikakapulhuwa.

Nanila nakalitlawa xalakapala tapakgsit kun xalimakgpuntumin xalakapala xatamakgstokgot nemá natamaxtú xtlawananán tapakgsit titaliyana tamakgtakgalhat.

Litakapsin III

Túku tlan tatlawá xtlawananín tapakgsit

Likatsin 73 (Art. 73). Xtlawananín tapakgsit tlan tatlawa:

- I. Tamaknú laksasti lakatnu pulamatni nak lipulamatni;
- II. Makgenukanit.
- III. Tamalakgnú laksasti lakatnu pulamatni nak xlitapitsin nema waja , akxni taskiní:

- 1º. Nemá liputum usu liputuminitni nataskin xlakata katáwi sasti lakatnu pulamatni, nakgalhi Kana 120, 000 tachixkuwit.
- 2º. Kamakanajlikan nak ixlakin ixlakkaxtlawanán tapakgsit xlakata takgalhi tamalakaskinit nema natalilakgtaxtu nak ixlakkaxtlawan lilamat.
- 3º. Kakgaxmatkan ipulakkaxtlawan tapakgsit xala pulakatum pulamat nemá tapitsipuma, pala maktí usu nimaktí ja'é sasti pulakatum pulamat, nalitamakgxtakga natawan pala kgantaxtú usu nikgantaxtú ixli'akgchaxan papa' natatiyanikan kilhtamakú akxni nakawanikan.
- 4º. Nachu kakgaxmátká xapuxku mapakgsina xalipulamatni, namalakgacha ixliakgtujun cichini' natatiyanikan kilhtamaku akxni makatsinika.
- 5º. Kalalh litalhkatayat xatalhkan xasasti pulakatum pulamat kilhmatttu xlakata lata xliwakg xtlawananín tapakgsit chu xtatlawanán tapakgsit.

6º. Xtalakaxtlan xputamakstxumit xlakaxtlawananín tapakgsit katamakanajlilh lakglhuwa xpulakkaxlan tapakgsit xapulakatunu pulatamat pulakatunu, pula natakxila xatatsokgni, tíku matlaninit akxni kilhtsukulh.

7º. Pala xputamakxtumit xlakkaxtlawananín tapakgsit aná tiyat nemá tapitsiputun, nimatlaninit, xamatlanit nemá uku lichiwinaw, nalitaxtu kilhmattutu xlakata lata xliwakg xputamakxtumit xlakaxtlawananín tapakgsit xapulakatunu pulatamatni.

IV. (Makgenukanit).

V. Akxni natalajsija xputawilh xalanka xtatlewekglhat lipulatamatni.

VI. (Makgenukanit)

VII. Akxni nawalikan lilakgaxokgon nemá taskini nalilikgtaxtu lipulatamatni.

VIII. Xlakata nalimattewekglhkan makgantaxtunina' mapakgsina akxni tlan napawanen nak lanka pulataman ana' níku mapakgsinan chu xlakata namatlanikan amá tapawa chu pala namatlanikan usu maxokgoninankan xala lanka pulataman. Nikxni nalakkaxla akgtum tapawa pala ni'amaka litlawakan akgtum tatlaw nemá limawakga tatlajat nak xalikakapulhuwa, watiya tlan akxni amaka limakgtayakan kintuminkan xala nak Méjiko, nema nalakgxtapalinankan, chu akxni nawan xapuxku mapakgsina xalanka pulataman akxni nataskini xalakapala lawan tapakgsin xalikatsin 29. Nachuna namatlanikan kata kata nema namanukan nak talakpulkattalaktlaw, pala chu makglakaskin puxku mapakgsina ixpulakni lipulatamatni chu xamakgapitsi pumapakgsin nemá aná takailhawakana, lawan tapakgsin. Xapuxku mapakgsina xatilanka pulataman nakamakatsiní xlakaxtlawananín tapakgsi kata kata lalaktlawaka ama tapawa; nachu xapuxku mapakgsina xalaixkilhpulakni lipulatamatni namakatsininan lalaklalh ama tapawa.

xapuxku mapakgsina xalaixkilhpulakni lipulamatatni nakamakatsini xatamakxtumit lakatitayananín xala nak xala ixkilhpulakni lipulamatatni, akxni namasta xtatlaw;

IX. Xlakata ninamachokgokan lamakgtamawanat lata lakatunu pulamatatni.

X. Xlakata natlawakan tapakgsit lata ixlilanka Méjiko xaxchalat tiyat, xtamakglhtasit katiyatni, lilakkaxtlawanat, limapankegan, tutapankega, lilakgastan, tastan chu tatamaw, takgamanxalitlajan, tamastan xaliskujut tumin, tuliskgonan chu xatamaxtut tapakgsit xataskujut nema nalita'na tapakgsit 123;

XI. Xakata natlawakan usu namakgenukan taskujut xakakapulhuwa xalak lipulamatatni chu Ihkakan , makstukkan usu maktsuwikan xtaskgawkan.

XII. Akxni nala xatachiwin la lakatakit, natatatiyaní tuku xlakata namakamasta xapuxku mapakgsina xlitilanka Méjiko.

XIII. Akxni nawan tapakgsit pala tlan usu nitlán xakilhtum pupunu' usu xalak tiyat, chu tamaxtut tapakgsit nemá nalichiwinan xtalakgchan xalak pupunu' akxni aks lamaka chu akxni lalakatakikanit.

XIV. Akxni namakgampakikan chu namatlewekgihkan xapukgantaxtun makgtakgalhnánin xalipulamatatni : Xmakgtakgalhnánin lipulamatatni xakatiyatni, xalakpupunú, xalaka'unin, chu natalakkaxwali lanatamatamgstokga chu lanatatlawa ixtamamakkitkan.

XV. Akxni natlawakan li'anat usu laktsu tapakgsin xalitamatamgstokgni, xalitamatamastatlikan, chu xalilakkaxwalin xmakgtakgalhnánin lipulamatatni, chu natakwentaja tiku taliyana xanapuxkun chu xamakgamakgtayananín chu xálitlewekge lawankanit natali'n la wan laktsu tapakgsin.

XVI. Akxni natlawakan tapakgsit la nali'na kililamatatkan nak kinpulamatatkan, xlatamat ju'u xala alakatunu xala, xatachixkuwit, tiku tiyaputun lililamatatkan, xataxtu chu xatanut nak pulamatat, chu xlitaxtunit katatat xaliwakg lanka kinpulatatkán.

1a. Tiku taliyana Xatamakxtumit tlan latamat natatapakgsi chu natatakatsi xapuxku lanka Mapakgsina xalipulatamatni, nitinapakgtanu pumapakgsin xmakgtayananin lanka mapakgsina, chu tunatawan já'e tamakxtumit litlawat nawan nitinakgaxmatmakgan nak lanka pulataman.

2a. Pala tasi lijikwa tatat usu nema pasanan lakapala nak lanka kinpulatamankan, pumapakgsin ixmakgtayana lanka mapakgsina xalipulatamatni nakgalhi littlewekge xlakata nawan xalakapala tuku taskini tlawakan maski astan tlan naliwan lanka puxku xalipulatamatni.

3a. Mapakgsina ixakxilhna tlan latamat namakgantaxtuninan chu xtapakgsin natakgaxmata xamakgapitsi mapaksinanin nak lanka kinpulatamankan.

4a. Xatapakgsin nema walinit putum stakayawanán nema liwan lixmalajni chu xatastan nema lakgalhi usu puti tachixkuwit chu usu nema maxpalakge katuxawat, astan nata'akxila ixtamakxtumit makgantaxtuninanín aná nimaktini.

XVII. Xlakata nawankan tapakgsit nemá nalichiwinán ninalaktlawankan, lilakgapasni chu pumakan tatsokgni nachuna xpumaxtukan tapakgsit nema lichiwinan xmakkakaskinit chuchut nak lipulatamatni.

XVIII. Akxni nawalikan xpulakgxtapalikan tumin, natawan lanalitawala, natawan laxtapalh nawan tumin xala alakatunu xala, chu la natatiyanikan xalipulhkat xawa xatalhkan.

XIX. Akxni nawalikan laktsu xatapakgsit nema nali'an xatachapan usu xatakgalhin tiyat nema nikgalhi ipuchina nachu laxtapalh nawan.

XX. Akxni namaxtukan tapakgsit ixitamakgstokgnikan xaixlakgxokgo xapuxku mapakgsina' chu xamakgtayana xala'alakatunu xalakinpulatamatkan.

XXI. Akxni nalaklhkayawan talakgalhin usu tuku nitlan xala kalipulatamatni nachuna akxni nalhkakan tapatin tiku nilakgachixkuwi já'e tapakgsit, nachuna litum akxni nakaxtlawakan tapakgsit nema lichiwinan ixtlawananín talakgalhin xatamakxtumit.

Mapakgsinanín xalipulatamatni natlan natalakgapasa xakatuwa talakgalhin akxni natalakla talakgalhin xalipulatamatni;

Nak xlimakanajlit nema lichiwinan já'e limapakgsin, tapakgsin xalipulatamatni nawan akxni mapakgsinanín katuwa xalitalakgachixkuwit tlan nalakgapasa chu nalakkaxtlawa talakgalhin xalipulatamatni.

XXII. Akxni namastakan tamatsankgeninit nak talakgalhin nema kamakatsinikanit pumakgatansinanín xalipulatamatni.

XXIII. Akxni namaxtukan tapakgsit nema natalikilhawaka talalakgchapalit tiku talakgayana lipulatamatni, ixpulakni lipulatamatni, lakatunu pulataman, chu putapakgsin laktsu pulataman, nachuna akxni nakamamakgstokglinkan pumapakgsin xatamakgtakgalhat xakakapulhuwa nak kalipulatamatni, lalichiwinan tapakgsit nak likatsin 21 xaja'e limapakgsin.

XXIV. Akxni namaxtukan tapakgsit nema lakpulhkalin xataputsan xalikxtu xaliplatamatni chu xamakgapitsi nema kamakgaxmata, kamachokgo usu kaputsananí ixitatlewekglhat xatamakxtumin xala kapulatamananín.

XXV. Xlakata natawala, natamakgstokga chu tlan na'na nak wakg lanka kinpulatamankan pumakgalhtawakgen xalakatukuxt, xalikilhtsukut, xalikxtu, xakilhmaktuy, xalitaskujut, xaliputsan, xatlan tatlaw, chu xatamasin liskujni, xaliskujni xalakatukuxt, xataskujut xtamakglhtasit tiyat, xalaktsu taskujut, pukxilhni, chu xamakgapitsi pukgalhtawakga nema tamasi xatakatsit liwakg xalatamananín nak pulataman Méjiko chu natatlawa tapakgsit nak wakg pukgalhtawakga; akxni natlawakan tapakgsit nema nalichiwinan tu kgalhikan

xalakgmakan la lakchikinan xalakgmakan nema kiliwakgkan nak lanka pulataman, nachuna akxni natlawakan tapakgsit nema lichiwinan tapitsit nak lipulataman, lakatunu pulatan, chu xputapakgsin laktsu pulatan xatalaw tamasin chu xamataston tumin naj ja'é pumastan xalikakapulhuwa, chu napatsakan tamamakxtumit usu lalilakgchapalikan nak xatakgalhtawakgat nak lanka pulatamat Méjiko. Xalimakanajlit takgalhtawakga nema namaxtukan namakwan lata ixlitelanka kinpulatamankan Méjiko.

XXVI. Akxni maxkikan talakaskin lanka puxku xala lipulatamatni chu akxni putum tawila Ihkayawanánin chu Ihkayawakan xpuoxgo Lanka puxku xalipulatamatni, pala xlakgmaxtuna, kaj xatsina usu xalimakgtum , natatiyanikan lalichiwinan tapakgsit xalikatsin 84 chu 85 xa já'e limapakgsin.

XXVII. Akxni matlanikan ixtamakgxtakgat xlitayan lanka puxku xala nak lipulatamatni.

XXVIII. Akxni maxtukan tapakgsit nema lichiwinan taputlekgetalaktlaw xamapakgsinanín nema nali'na xataputlekgetalaktlaw xakakapulhuwa chu la namakamastakan kwenta xatalaktlaw usu xamakgamakglhtinat lilaktlaw nachuna takgalhit, xalipulatamatni, xalilakatunu pulatamat, xaxputapakgsin laksu pulatamat, ixfihplakni lipulatamatni chu xatamakgstokgni xmakgamakgtayananin mapakgsinanín, xlakata tlan nataxtunikan nak pulatan Méjiko.

XXIX. Akxni nalhkakan la'amaka lakgaxokgonankan:

- 1º. Akxni natamawanankan usu nastanankan alakatunu pulataman;
- 2º. Akxni namaklakaskinkan chu nalichalakan xtamakglhtasintiyat nemá lichiwinan titsu tatsokgni nak 4º. Chu 5º. Nak likatsin 27;
- 3º. Akxni nalichiwinankan ixpukgantaxtuttachixkuwit xatapawa chu xalitalewekglhni latamat usu takgalhin;

4º. Akxni nalichiwinankan litamakgtay xakakapulhuwa nema kamakamaxkikanit tiku xalikstu tlawa usu nemá tatlawaka mapakgsinanín xalipulatamatni; chu

5º. Xastuj nema litanukan nak:

- a) Litlewekge xaskgonut
- b) Xatamakgalan chu xalixkulit axkut xatalakkaxtlaw;
- c) Xchalat tiyat chu nemá maxtukanachá xaxchalat tiyat;
- d) Laktsu liskgoyut;
- e) Taxkat chu tuku maxtunikanacha akxni liskujkan; chu
- f) Xaliskujut nak kakiwin.
- g) Xatatlaw chu xatakgotni liskgawiwin xaxun.

Pulakatunu pulataman namakgpakgtanú nak xpumastakan kwenta nak ja'é litlawat, nalichiwinan xa'aktsu tapakgsit nema xalipulatamatni nawan. Ixtlawananín tapakgsit xakatitsu natalhká lakamaktini natamasta ixakxilhnán katitsu plataman, nak ixtamakglhtinatkan talakgaxokgon xalaskgonut.

XXIX-B. Akxni natlawakan tapakgsit nema nalichiwinan usu xatamaklakaskin xmasuy kinpulatamankan, xatatlin chu xalilikgapalan kinpulatamankan.

XXIX-C. Akxni maxtukan tapakgsit nemá natatalikilhxumi mapakgsina xalakalipulatamatni, xalapulakatunu pulatamat, chu xaputapakgsin laktsu pulataman lata makackan tuku kamaktini, akxni nalichiwinankan ixpulataman tachixkuwit xlakata nalá takitaxtun nemá lichiwinan titsu tatsokgni ixliakgtutu xalikatsin 27 xaja'e limapakgsin.

XXIX-D. Akxni namaxtukan tapakgsit xatalhkan xatastakat lilakgtaxtutaman chu xalilataman tachixkuwit nachuna xatamakamastat makatsinit nak pulataman Méjiko.

XXIX-E. Akxni maxtukan tapakgsit xalakpulhkawalin, xamakgpuntumin, xalitalakxtumin chu xatatlaw lilakgtaxtutaman, nemá nalitanú xatamaklakaskin nak liwat, chu makgapitsi nemá nalitaxtú xatatlaw xakchan xalan chu xalitamakgtay nemá taskini nak kilamatkan nak pulataman.

XXIX-F. Akxni maxtukan tapakgsin nemá lichiwinan limakgpuntumin tiku pakgtanuputun nak pulaktlaw usu nak xpumaskujukan tumín xalimejikano, talakgchapalit xpumaskujutkan tumín xali' alakatunu, xatamakamastat liskujni chu xatatlaw, xamakgpuntumit chu xalapulamatatni, liskujni tlan xatakatsin nemá taskiní nak kinpulatamankan nak Méjiko.

XXIX-G. Akxni namaxtukan tapakgsit nema natatalikilhxtumi mapakgsina xalakalipulamatatni, xalapulakatunu pulatamat, chu xaputapakgsin laktsu pulataman lata makackan tuku kamaktini, akxni nalichiwinankan ixtamakgtakgalhat kinpulatamatkan katuxawatni chu tukunatlawakan xlakata tlan nakaxla kintiyatkan.

XXIX-H. Akxni namaxtukan tapakgsit nemá napumakgatanksanankan nemá tlan xikstukan nattlawa takgantaxtun chu katakgalhilh nak ixlitayatkan natakxila takglhuwit mapakgsinanín xalipulamatatni chu tiku tali'an xalikstu, nachuná tlan natawali xatakgxtakgajnat taxokgot tiku taskujmana nak pumapakgsin xalikakapulhuwa la wan litapakgsit, chu lakkaxtlowa la nalá, la nali'an chu xamaklakaskinit akxni nichu li'an .

XXIX-I. Akxni namaxtukan tapakgsit nemá nalichiwinan natalitakilhawaka mapakgsinanín xakalipulamatatni, xapulakatunu pulatamat, ixkilhpulakni lipulamatatni chu xputapakgsin laktsu pulataman, lata lilakgchapalin xatamakgtakgalhat tachixkuwit, chu

XXIX-J. Akxni nalhkakan tapakgsit nemá nalichiwinan takgaman, chu nakaxtawala xalimakgtayan naktakilhxtumit mapakgsinanín xalipulamatatni, xapulakatunu pulatamat, ixkilhpulakni lipulamatatni chu xputapakgsin laktsu pulataman; nachunaá xtapakgtanun xatachixkuwit chu xalikstu nak ja'é tatlaw.

XXIX-K. Akxni namaxtukan tapakgsit nemá nalichiwinan la nali'an talakapaxi'ahni nema nalikaxtawala xalalimakgtayan naktakilhxtumit mapakgsinanín xalipulamatatni, xapulakatunu pulatamat, ixkilhpulakni lipulamatatni chu xputapakgsin laktsu pulataman, nachuná xtapakgtanun xatachixkuwit chu xalikstu nak ja'é tatlaw.

XXIX-L. Akxni namaxtukan tapakgsit nemá natatalikilhxtumí mapakgsinanín xalipulamatatni, xapulakatunu pulatamat, ixkilhpulakni lipulamatatni chu xputapakgsin laktsu pulataman nemá kamaktiní tapakgtanut nak puchagan chu taskujut xalakchuchut nachuná, xtapakgtanun xatachixkuwit chu xalikstu nak já'e tatlaw, chu

XXIX-M. Akxni namaxtukan tapakgsit nemá nalichiwinan xatamakgtakgalhat nak pulataman Méjiko, chu nawalikan tuku taskiní chu níku namakachan xataputsan nak ja'é tatlaw.

XXIX-N. Akxni namaxtukan tapakgsit nemá nalichiwinan xatakilhtsukun tamakxtumit, lanali'an chu la nakgalhsputa xatamakxtumit lalimakgtayat. Ja'é tapakgsit nakaxwali ixitakilhakin nak lamakgtayan xatakilhxtumit naj já'é tatlaw lalimakgtayat xamapakgsinanin xalipulamatatni xapulakatunu pulatamat, ixkilhpulakni lipulamatatni chu xputapakgsin laktsu pulataman, la kamaktini nak ixtatlawkan.

XXX. Akxni namaxtukan wakg tapakgsin nemá taskiní, nata'axila túku kamaktini, chu wakg nemá kamaxki littlewekge limapakgsin xalitlewekge nak limakxtum.

Likatsin 74. Watiya ixmaktinitkan xtlawananín tapakgsin ja'é:

- I. Namaxtú lakgxpinitatlewekglhni xlakata natamakatsininan tiku lanka puxku xalipulamatatni tamakgxtakgli chu pala matlewekglhnit pumakgatanksan xatalhkayat xalakpulamatatni.
- II. Lakkaxwalí chu putsanan, ninalakgahí ixtaxtunit chu makgantaxtunit ixtatlawat nak xaputsan xatalaktlaw nakpulamatatni lawan tapakgsit.
- III. (Tamakxtukanit).
- IV. Namatlaní kata kata xalilaktlawat chu la nalakla nak kapulamatatni chu pula natalakaxila, natalilakchiwinan,chu, tlan natalakgxtapali laskin lanka xapuxku xalak kalipulamatatni, akxni matlanikanita tlan natamakgantaxti la amá lakla chu níku amaka laktlawakan, natatatyini la wan tapakgsit , ja'é talaktlaw namaxtukan nak xatalaktlaw lipulamatatni.

Xapuxku Lanka mapakgsina xalipulamatatni namalakgacha nak ixputlawakan tapakgsit xamakilhtsukit xatapakgsin xalimalimakglhtinat, xalilaktlawat chu xaliliktlawat tumín nak xalipulamatatni, natasputa kilhtamaku 8 xpapa' septiembre , natalakasi xmakgtayana puxku xalipulamatatni nema maktini nak xatalaktlawat chu xamakgamakglhtinat tumín. Xtlawananín tapakgsit natamatlaní xalilakgtaxtutaman xalilaktlawat nak xalipulamatatni kilhtamaku 15 xpapa' diciembre.

Akxni namatsuki ixlitayat xapuxku lanka mapakgsina xalipulamatatni la wan tapakgsit likatsin 83, Ja'é puxku namalakgacha nak ixputlawakan tapakgsit ixmakilhtsukit xatapakgsin xalimakglhtinat chu xalilaktlawat xalipulamatatni kilhtamaku 15 ixpapa diciembre.

Nila natawalapala tunu talaktlaw xatsekg, watiya nemá taskini, xatalaktlaw nemá talaktlawa xmagtayananín lanka puxku xalipulamatatni nala xatatsokgni.

Ixli'akgkitsis titsu tatsokgni. - (Makgenukanit)

Ixli'akgchaxan titsu tatsokgni. - (Makgenukanit)

Ixli'akgtujun titsu tatsokgni. - (Makgenukanit)

Watiya tlan talakglhmani xamakanut tamatsukit limakglhtinat chu lilaktlawat akni naskin lanka puxku chu namakanajlí tuku xlakata nilimakalh akxni ixtalhkan chu namatlani ixlakkaxtlawanán tapakgsit, natalakasi xmakgtayana xapuxku xalipulamatatni chu namakatsininan tuku xlakata aku mastama ja'é tamatsukin.

V. Nalichiwinan pala tlan usu nitlan nawalinikan tapakgsit skujnanin xali'akapulhuwa nemá tatlawanit talakgalhin lawan tapakgsin 111 xajaé limapakgsin.

Nakamakatsinikan tuku kalyawamaka skujnanín xakakapulhuwa chu tlan natalitaya la malakgsinanín nak xatatlaw nak ixlikaxtlawan lilatamat nemá namatsukikan usu natlawakan.

VI. Nata'akxila talaktlaw xala kata nemá ukú titaxunit, xlakata natakxilhlin la li'ah talaktlaw usu lata tanú chi tumín, nachuná natamakanajlí pala liskujkanit ja'é tatlaw la litalhkatayalh nak xkgantaxtut xalilaktlawat chu nataputsanan pala tlawaka laxlakpuwankanit nak xatipakgatsi xataskujut.

Xata'akxilhni xatalaktlaw usu xatamakglhtinat xalilaktlaw nataxila ixlakaxtlawanán tapakgsit natalitamakgtaya pumapakgsin nemá akgskalinan nak talaktlaw

xalipulatamatni. Pala ta'akxihni nemá tlawaka nilakxtum taxtuyacha nak xatamakglhtinat usu xatalaktlaw tumín, nemá xlimakankanit usu pala nikgatsi la tanunit usu nemá laklanit, naliyawakan tiku pakgtanunit nak ja'é tamaktinit la wan tapakgsit. Chu akxni nakxilhkan takitaxtut nak taskujut, ja'e akxilhnanín watiya tlan tastakayawanán xlakata tlan nala ama taskujut la wan tapakgsit.

Xatalaktlaw usu xatamakglhtinat nak xatakskalin namasikan nak ixputlawakan tapakgsit tlan namakgapala 30 xpapa' abril xakata nemá naminacha. Watiya tlan natalakglhmani xatamalakasin akxni nalakgchan la wan litapitsi IV , awatiya titsu tatsokgni xá likatsin 74 , xatakgalhin ninamakgapala puxamakaw chichini' pala chu kitaxtu xaskalina xalanka xalakapulatamatni naxtachuna nanakgalhi puxamakaw chichini xlakata namasta níkula taxtucha taputsanat nemá tlawanika xatalaktlaw usu xalimakgamakglhtinat tumín.

Xtlawananín tapakgsit natamasputú taputsan nak xatalaktlaw usu xatamakglhtinat tlan namakgapala 30 xpapa' septiembre ixlikata lata malakasikanit, lata akxilhkanit ixtakgalhin chu xatalakchaw xalimastakan kwenta túku takgaska, la wan tapakgsin nak likatsin 79 nak ja'é limapakgsin , chu ninakgtsonswakan túku skinkanit chu túku limamakkinankanit latiyaku nalitokgokgekan lawan tapakgsit.

Ixtlawananín tapakgsit na akxilhlin xtatlawat liwaka skalinana nak lipulatamatni chu natlan tasani xlakata kamakatsinilh nikula liskujma xtamamakkit nak pu'akskalin;

VII. (Makgenukanit).

VIII. Xamakgapitsi nema limamakinit ja'é limapakgsin.

Likatsin 75 (Art. 75). Ixtlawananín tapakgsit, akxni natamatlaní xalilaktlawat, nila namakgxtakga ninawan xlakata tlan xokgokan akgtum liskujut la wan nak tapakgsit, chu pala akgtsokngswakan ja'é taxokgon, namagachakgxikan xlakata walikanit nak tapakgsit xalilaktlawat.

Likatsin 76 (Art. 76). Watiya ixtatlawatkan ixtatlawananín tapakgsit:

- I. Nakxila xtatlawat lanka mapakgsina xala kpulamatatni xala alakatunu pulataman, natatiyaní xtamakamastan ixtatlaw ja'é mapakgsina xalipulamatatni chu xmakgamakgtayana natamakatsini tamakxtumit ixmakgtlawananín tapakgsit. Nachuná kamaktiní Lanka puxku lakkaxtlawa, nachuná natatlawa, natamasputu, natamalakgsi, natalakgxtapali, natamakgenú chu natalichiwinan pewa ja'é tatlaw;
- II. Natamatlewekglha xatalhkayawan nemá puxku mapakgsina tlawa la akxni nalhkakan ixlikgawaná pulataman ixtapakgsit tachixkuwit, xanapuxkun makgantaxtinain xala alakatunu xala, xtasakwa lanka mapakgsina. Xanapuxkun pulakgaxokgon, xanapuxkun xmakgtakgalhnanín pulataman xala katiyatni, xala kaunin la lichiwinan tapakgsit.
- III. Nanamatlaní akxni natataxtu ixitapitsin ixmakgtakgalhnanín lipulamatatni, akxni natatitaxtú ixmakgtakgalhnanín xala alakaunu pulataman, chu pala natajaxa makgtakgalhnanín liwaka akgtum papa' nak ixchuchut limejikano.
- IV. Natamatlaní xlakata lanka puxku xalipulamatatni tlan namaklakaskin makgtakgalhnanín xalipulamatatni chu tlan nataxtú nak xkilhtin pulakatunu pulamatatni nanawán nikula ixlittlewekge nataxtu.
- V. Akxni tsankganit xlittlewekge tamapakgsin nak lakatunu pulamatatni, nawan usu nalhka tiku nakpuxkun xatsinna, tina nakilhan xlakata nala xatalhkan puxku la lichiwinan tapakgsit xa'amá pulamat. Xatalhkayawan puxku xalakatunu

pulataman natatlawá ixtatlawananín tapakgsit nemá namalaknú chatutu lanka puxku xalipulatamatni, natamatlaní akgtuy lata kilhmaktutu xlakata xliwakg ixtatlawananín tapakgsit akgxni tawilanankgolh usu akxni watiyá tawilana xamakgtkgalhnán la lichiwinan xalimapakgsit. Ja'é puxku nema chu Ihkakanit nila nalhkayawan puxku xaliwakg , já'e tapakgsit natlawan pala limapakgsin xala lakatunu pulataman nilichiwinan ja'é tapaxtokgot.

VI. Natalakkaxtlawa takglhuwit nema nataxtuyacha nak ixlitatlewekglhit akg lakatunu pulataman akxni chu namaksinkan usu akxni ama takglhuwit talankilh chu akxni tsankgal ixlimapakgsin puxku usu lanikmaka. Akxni chu nala ixma ixtatlawananín tapakgsin natalakkaxtlawa natalikilhawaka limapakgsin xatilanka pulataman chu xalakatunu pulatamán aná nilama takglhuwit.

Tapakgsit nalhka la natlawakan xa ja'é litlawat chu nemá ukú lichiwinaw.

VII. Natamakgmakgatansanan nak putalakapun akxni chatum makgtayana nak xakapulhuwa natlawa akgtum talakgalhin nemá nalakkgalhí ixminit tacixkuwit xakakapulhuwa lalichiwinan tapakgsit nak likatsin 110 xaja'é limapakgsin.

VIII. Natalhkayawa xmakgtayananin lanka ixpulakkaxlan talakapun xalak pulataman Méjiko nema tlan nata'akxila chatutu namalaknu Lanka puxku xalipulatamatni, nachuna tlan tamatlani usu nitamatlaní xtaskinitkan xtalakaskinkan usu pulakgtaxtutkan xmakgtayananin lanka ixpulakkaxlan talakapun xalak pulataman Méjiko.

IX. Natalhkayawá chu natalakgxtapali Puxku xalaixkilhpulakni lipulatamatni la lichiwinan ja'é limapakgsin;

X. Talimatlaní xalakapala lita'akgpakgsin kunxlilhkanatkan kilhmaktuy xlakata lata ixliwakg kilhmaktutu, nemá tawilana akxni nalá ja'é taskujut, xatalakkaxlan lalitalalinkan nemá nalichiwinan ixitapitsi lakatunu pulatamatni;

XI. Makgtum natalakkaxtlawa takglhuwit xalitapitsi lakatunu pulatamatni nemá chu nataskin ntamaklakaskin xalakapala lita'akgpakgsin kunxlilhkanatkan kilhmaktuy xlakata lata ixliwakg kilhmaktutu, nemá tawilana akxni nala ja'é taskujut;

XII. Chu xamakgapitsi nemá limapaksin kamaxki'.

Likatsin 77 (Art. 77). Pulakatunu ixtlawananín tapakgsit tlan tatlawa chu ninatalalakgtanú:

I. Akxni natamatlaní xakgantaxtut ixlilikgaxtutamatkan nak ipulakni ixtapakgsitkan.

II. Natakilhchan nak xapulakatum ixtlawananín tapakgsit chu nak kunxapuxku lipulatamatni, chu natalitlawa tamamakit nema natamatlani.

III. Natalhkayawa xatasakwa xpuskujnikan chu natamalakgnu ixitapakgsitkan nak ipumpakgsinkan.

IV. Natamaxtú limakgpuntumin akxni yasputa puxamakaw chichiní lata tawi xatatsankgan tinaskuja, xlakata nalhkayawanakan xalakapala nemá natlawakan nilakatsala akgutu papa', xlakakata napuskujkan ja'é litayat , la lichiwinan likatsin 63 xaja'e limapakgsit, akxni nakalakgchan ixtlawananín nachu ixtalawananín tapakgsit nema xatalhktayan lilhuwa, chi pala natawala xatatsankgan taskujut nakitaxtú awatiya kata nemá skujma ixtlawana tapakgsit .

Likapitsin IV

LITALHKATAYAN XAKXILHNANÍN IXPUTLAWAKAN TAPAKGSIT

Likatsin 78 (Art. 78). Akxni natawala tajaxat nak iputlawakan tapakgsit natamakgxtakga putum litakhkatayan ixakxilhnanín iputlawakan tapakgsit

natalitayá chapuxamakutujun, chu nawán chakunajatsa ixtlawananín tapakgsit chu chakutsiyan ixtalakkaxtlawananín tapakgsit, ja'e nakalhkayawa pulakatunu ixputapakgsitkan akxni amajá sputa xatalhkan litamakxtumit lata kampatunu tajaxat. Lata chatunu nalhkayawankan nakgalhi chatunu ipxuxokgo.

Litalhkatayan xakxilhnanín ixputlawakan tapakgsit, lata nemá maktini natlawa lawan limapakgsin, nakgalhi xamakgapitsi:

- I. Natamatlani xlakata tlan namaklakaskinkan makgtakgalhná xalipulatamatni akxni nataskini lawan likatsin 76, limapitsin IV;
- II. Namakglhtinan, pala nataskini, ixitayat Lanka puxku xalipulatamatni;
- III. Natalakkaxtlawa nemá kamaktini; natamakglhtinan ixfilhtsukut tapakgsit chu tuku kamakanikan ixtlawananín tapakgsit akxni wi tajaxat, chu natamakan ana níku nakxilhkan ja'é takilhtsukut xlakata tlan na'axilhkan tunkan lata natsuku tamakgstokgot;
- IV. Natamatlani xlakan usu pala naskin tamakgstokgot Lanka puxku xalipulatamatni nala xalakapala tamakgstokgot, chu nalikgantaxtu kilhmaktuy lata kilhmaktutu xlakata tiku tawalana: Limakgpuntumin nalhka túku xlakata lilakaskimaka amá xalakapala ixlikgawana pulataman
- V. Natamasta' usu ninatamasta ixitayat ixlikgawana pulataman nemá nawan xapuxku lipulatamatni.
- VI. Natamaxkí talakaskin lanka puxku xalipulatamatni chu nalitachokgo puxamakaw chichini chu nalihkayawaka ipxuxokgo ja'e puxku.
- VII. Limatlewekhhlha ixtalhkayaw lanka xapuxku xalipulatamatni ixmakgtayananín, ipxuxokgo xala'alakatunu, xamakgamakgtayaná chu

xanapuxkun xamakgtakalhnánín xalakatiyatni usu xakali'unin la lichiwinan tapakgsit; chu

VIII. Natakatsí usu natakaxtlawa xatalakaskin nemá natamaxki ixtlawananín tapakgsit.

Litakapsin V

Likstu Xaliputsan xala nak lipulamatatni

Likatsin 79 (Art. 79). Tiku nalitanú likstu Xaliputsan xala kapulamatatni, xalak ixputlawakan tapakgsit, nakgalhi ixtatlawat xalikstu chu xalimakganpakin akxni tatlawamana ixtaskujutkan, chu akxni nala ixtamakgstokgnikan, ixtatlawatkan chu ixmakgantaxtitkan, lawan tapakgsit.

Likatsin 80 (Art. 80). Xalanka littlewekge makgantaxtunin lilakgchan chatum wanikan “mapakgsina lipulamatatni limexjikano”.

Likatsin 81 (Art. 81). Ixtalaksalhkayawan xmapakgsina lipulamatatni tanks tlawakan la wan tapakgsin xla talaksaklhkayawan.

Likatsin 82 (Art. 82). Pala ti .mapakgsina lipulamatatni wampatum chune nakgalhi xtalakaskin.

I. Lakgawanit nawan nak Mèjiko. Ixtse chu ixtiku nalimejikano chu akgpuxam kata ixlilatamat nak Mèjiko.

II. Nakgalhi chu makgatsinit nawan puxamakukitsis ix kata akxni nalaksaklhkayawan.

- III. Chuna nama kata latamanit nawan akxni natlawakan talaksaklhkayawan akgut papa' ixliwanat nila an alakatunu pulataman usu lakkachikin.
- IV. Ni ixlikgalhit pumapakgsin xla pusikulan.
- V. Yanla naskuja, pala tapakgsi nak tamakgtakgalha nalilakgatum akxn ni nalaksaklhkayawan kgalhi nawan akgchaxan papa' lata yan skujma.
- VI. Ni ipumakgamakgtayan nak pulataman, nachuna nak pumapakgsina xla lakatunu pulatamatni chu ninamapakgsina nak ixxilhpulakni pulataman tsankgama akgchaxan papa' akxn ama tawila xatalaksaklhhyawan: chu.
- VII. Tlan ixlatamat nikgalhi nawan tat. La wan 83 likatsin.

Likatsin 83 (Art. 83). Mapakgsina xalipulatamatni namatsuki ixtaskujut ixlilikgalhtum ipapa' diciembre chu naskuja akgchaxan xata. Watiya chuna naskuja yanla ixlimakgtuy laksakyawakan.

Likatsin 84 (Art. 84). Lata anit akgtuy kata nichuna skujnit Mapakgsina Xalipulatamatni, chu pala wi tamakxtumit tlan, lakapala tlawakan ixtamakxtumit ixakxilhnanín Ihkayawanánín xlakata wa natawan, tiku kantsina mapakgsina xalipulatamatni nawán chu tamakxtumin nalikgalhi akgkaw chichini' akxniki nawan tiku nalaksaklhkayawan, chu akgkututu usu akgkutsayan papa'.

Pala ni ixtawi tamakxtumit, tlan Ihkayawa xakatilanka kanikxniwa Mapakgsina nema kantsina naskuja chu nawali xatamakxtumit, aná niku nawankán tiku mapakgsina natayayacha, la wan limakatsinat xatalaksaklhkayawan chu la wanacha likatsin ixlawan.

Pala ixtsankgalh Mapakgsina chu tsankganimajku akgtati kata, lata namasputu ixtaskujut, natawila ixtamakxtumitkan ixakxilhnánin ,lhkayawanánin xlakata tlan nalhkayawakan mapakgsin Xalipulatamatni.

Likatsin 85 (Art. 85). Pala ni ixtamakamastalh Mapakgsina xalipulatamatni nemá lhkayawaka nachuna ni ixlimakgwá xatalhkán xlawan ixpapa' diciembre, ti nalakkaxtlawa wa xatatliwekglhat Makgantuxtunánin, wa mapakgsina nawan la nalay, la wan xlawan likatsin.

Xa akxni ni, ixtawi mapakgsina Lipulatamatni, chu pala tatamakxtuminit ixwa ixtamakxtumit Makgantuxtunánin wa tlan talhkayawapala ti mapakgsina nawan kanpuntsu.

Xa akxni ni ixtawi Mapakgsina Lipulatamatni, liwaka ixlikgalhpuxamakaw chichini' chu ixtamakxtumit Makgantuxtunánin ni tatamakxtuminit ixwa, litalhkatanay tlan lakapala namamakxtuminan xlakata wa na akxila chu nalakkaxtlawa.

Pala nitamakamasta lata amá kilhtamakú, chunatiya tamakgxtakga la wan likatsin nema xlawan wi.

Likatsin 86 (Art. 86). Mapakgsina lipulatamatni tlan tatampuxtu pala ni lakatitum tlawama taskujut, wa Tamakxtumit Makgantuxtunánin nata' axila ja'e taskujut.

Likatsin 87 (Art. 87). Mapakgsina akxni namakglhtinan pumapakgsin, na an nak Litamakxtumit xla Makgantuxtunánin aná nawan ixmaggantxit xtakujut chu natlawa kmaki Lanka Limapakgsin xla pulataman ,xla Limakxtum Limejikano chu

Tapakgsín Pulatamatní lipawanit tlan natlawa taskujut wa xlakata lhkayawakanit Xamapakgsina Lipulatamatní pala nichuna tlaway ixtaskujut tlan tamalakapú.

Likatsin 88 (Art. 88). Mapakgsina Lipulatamatni watiya tlan taxtu akgtujun chichiní, an alakatunu pulataman, namakatsininan nak Ixputamakxtumin Ixtalakkaxtlawananín Tapakgsin, nachunalitum la taxtucha ixlitlawat taputasn. Pala ixlitawakalh akgtujun chichiní, lata ixtaxtulh Mapakgsina Lipulatamatni nak alakatunu pulatamatni ixliskinit talakaskin nak ixputamakxtumit ixtalakkaxtlawananin tapakgsin.

Likatsin 89 (Art. 89). Tu ixlitlawat Mapakgsina wa ja'e:

- I. Tlan nalakgapasa chu natlawa la wan Limapakgsín nema talakkaxtlawali tamakxtumit Makgantaxtunanín. Sokg litlawat tamastat nema akxilhlinkan.
- II. Lhkayawakan chu tlan kalakgxtapalikan makgatsokgnanín, kalakgxtapalikan makgalhchiwinanin Mapakgsina chu xalanka Xamakgamakgtayan Pukina, nachuna Tamakxtuminanín chuna ja'e nalay la wi nak Lanka Limapakgsín usu nak Tapakgsin.
- III. Akxni nakalhkayawakan xa puxku Makgtakgalhnánin Makgtakgalhnálakgatúm Talatnamakgtakgalhnánin xalak ka'unin Xalipulatamatni xawa Xamakgamakgtayananín pukina.
- IV. Xalakkaxtlawana tapakgsit nawán la nalaklhkayawakan, xamakgtakgalhna xalanka puxku chu xalaklanka makgtakgalhna lilakatunu, talatnamakgtakgalhnánin, xatamakgle wekglhat xalaka' uín lilakatum pulatamatni chu xamakgtayaín Mapakgsina.

- V.** Na lakihkayawakan xamakgapitsín Makgtakgalhnánín, Talatnamakatakgalhnánín chu tamatliwekglhat, la wan tapakgsin.
- VI.** Natawila xatamakgtakgalhni lata wi lipulatamatni, lawan nak litapakgasín chu natlawakan lata wi xatatliwekglhat xlakata tlan natatamakgtakgalha tiku natawila nak ipulakni, chu neje nalikgawanan la wi Xlikilhpulakni Lipulataman.
- VII.** Namaklakaskin xatamakgtakgalhni Lilakgatumpulatamatni la wan litapitsín IV xla Likatsin 76.
- VIII.** Namalolokgkán pulanikni nak ixtapakuwit pulatamat limakxtum Limejikano; la wan litapakgsin ixtamakxtumit Makgantaxtunánín.
- IX.** Nalhkayawapalakan xpulakkaxtlawatkan tatapakgsit la wan ixlikgawana pulataman ixtapakgsit tachixkuwit.
- X.** Na akgpuxkun xatipalhuwa tachiwin xa alakatunu, chu natlawa taskujut nak yakgeto pupunú, nachunalitum namasputukgoy limalakgsit, nalakkaxtlawa xatlan chu natlawapala laklan tapuwan nema tlan namakgachakgxikan, neje na akxila xpulakkaxtlawatkan tatapakgsit nema nalinkan nak tipalhuwa tachiwin, xapuxku xatatliwekglhat Makgantaxtunánín nata akxila nikula natlawakgo ixlitapakgsín laktsu kachikinin; xla ninapakgtanú nak likgalhtaxtokgne; nema namasputukgoy takglhuwit usu xatatliwekglha talakkaxlan, nak xlitachixkuwit xakgeto pupunú; la li'akxtum limapakgsin xla lipulatama xalimakgtay xla xakgeto pupunú, xlakata tlan nakitaxtu; chu xalikgawa xpalata lipaxaw natawilá xatamakgtakgalhat xakgeto.
- XI.** Katasanikan nak tamakxtumit xlakata natamakgstokga xalakapala, akxni nawan Tilanka Litalhkatayan.
- XII.** Maxkikan Xtatliwakglhat Putsana Xalimakstukut neje namaklakaskín nak ixtaskujut, neje kalakgchan.
- XIII.** Paks maxkikan xputakchokgon pupunú, natlawakan taputsan pumapakgsín xalakpupunu chu xlipakgan chu, nawan niku wilakgo.

XIV. Namastay la wi tapakgsit, kamaxkikan littla, tiku kachilinkan chu kamapatinikan kalakgchan Pumakgatanksan xla Lipulamatani, chu nema talakgxokgonan liwakg nak ixxilhpulakni pulamatani.

XV. Kamaxkikan talipaw ixpalakatakan la wan litapakgsin, lata kalakgchan putsanin.

XVI. Akxni Putamakxtumin ixtalakkaxtlawaninan, nitatamakxtumikgo, xapuxku mapakgsina ixtapakgsit tachixkuwit tlan natlawa lawan litapitsin III, IV chu IX, la wi xalikanajlat Lanka Litalhkatayan.

XVII. (Limapanuka).

XVIII. Namakamastakan nak xpulakkaxtlawan tatapakgsit nak ixlichatutu aná niku nataxtuyacha chatum xapuxku Makgatanksana chu xalanka Xpulakkaxlan Talakapun chu namasikan ixtakgalhtawakga, nachunalitum natlaway ix litapanut nak ixlimatlanit xpulakkaxtlawatkan tatapakgsit.

XIX. (Limapanuka).

XX. Ja'e lakchan xamakgapitsin limapakgsin.

Likatsin 90 (Art. 90). Xa Akchipalin Kakapulhuwa xa Lilakatum Lipulamatni wa namapakgsiyachá chu Xalipulamat la wan Litapakgsin. Nema xalitapakgsiyacha, xla masta xatamakgxtumit xa limakgantxtunani, nemá namastakan xa lilakaxlat xla pulhkawilin xalak Lipulamatni nemá akpuxku xapumakamakgtayan xa pulamat chu nakaxtlawa xakchipaxni, xla pulatamanin chu natunu nak xla Makgantaxtuninaín xa Lilakatum Lipulamatni.

Xla litapakgsiní nakaxtlawakán Xalitachixkuwit xa Lipulatamanin xla pulamat chu xa makgantaxtuninanín xa Lilakatitum Lipulamatni usu nak xpulakni chu xa xapumakamakgtayan xa lipulamat.

Likatsin 91 (Art. 91). Ti makgamaktayaná nawán xa xla akgtúm puchiwín naklakaskinkan: ti lakgawalh nak Méjiko, lakanitum xlakgchanat chu akatanilh puxumakaw kata.

Likatsin 92 (Art. 92). Paks xalaktsutapakgsin, xalakapalan litapakgsín, akgtumtapuwan chu xamatixtum xla Puxku Mapakgsina, ja`e natakgalhi ixmakgamayak xla makgamakgtayaná xa pulatamat nemá lakgchani, chu tiku nikgalhi, ja`e maklakaskinit niti natlawa tu wankan.

Likatsin 93 (Art. 93). Xa makgamakgtayana xa puchiwinin, akxni xtalakinit ix kilhtamaku talakapala tamakgxtumit, natamakatsininán nak lanka tamakxtumit, xla pulatamatxkamaki tu xpalakata, kalakgchani.

Katiwa xla Putamakgxtumit tlan nakatasani xamakgamakgtayananín, xa Lipulamatatni, xla Lanka Likgawana Pulataman tapakgsit xawa xa napuxkún chu xapulhkawalinanin ,xla Lipulamatatni xa pulataman, chunalitum xa Napuxkun xla Makgantaxtuninanín likxtum, xlakata namakamasta tu xtlawanit nema xalikanajlat, akxni na talichiwinan akgtúm limapakgsin usu natalikgalhtawakga akgtum taskujut nema xlakgchanat tu natatlawa chatunu, chatunu xlakata wi ti nakaskini ixtaskujutkán .

Xa putamakgxtumit ixlakaxtlawanin tapakgsit, akxni wi akgtum xamakstati ti kalakskinkan, xlak kaxtlawananin tapakgsit, chu xa itat, pala xla ixtalakaxtlawananin, takgalhi lakgchan tlan natapakgtanu nak tilanka litalhkatayan xlakata nataliputsanan nikulan tlan nataliskujkan katunu limakantaxtuninanín chu

xa pumaks kujni nema tanu nak pulatamatni xa ixlihuwa. Xlitaxtut xalitaputsan na nalitakatsiní xlakata nalakapasacha xla makgantaxtunina lilakatum pulatamatni.

Xa putamakxtumit namaklakaskinkan namakatsininan usu xa xkapsnatkan xa napuxtun xa Puchiwinin chu xa Pulatamanin xla mapakgsin Lilakatum Lipulatamatni, kakgalaskinikan xa tatsokgnikapsnat, nema natakalhtinan ni xlimakgas kalimakgapalikán akkukitsis kilhtamaku kamaxkikán.

Ja'é takaxtlawat limakxtum tlawakan xa liktum xla litamapakgsit xla lanka tamakxtumit chu xla lakteutapakgsin.

Litamapitsin IV LA XTATLAWAKLHAT PUTSANA

Likatsin 94 (Art. 94). Wilikan xtaskujut xtatlawakglhat putsana xa lak Lipulatamatni nak akgutm lanka xpulakkaxlan talakapun, nak pumakgatanksan xalakalhkayawan, nak pumakgatanksan xalimakxtum chu xa akgutm xalak pulakgatsuntin xa nak pumakgatankgsananín xlikilhpulakgni.

Xla lakpulhkawlin, likxilhkan chu xa limapaksin Xatatlawakglhat Liputsana Xalikilhpulakni Lipulatamatni, ni, an nak lanka xpulakaxlantalakapun, na akpuxku tamakxtumit xa Putummakatanksananin xa nak Lipulatamatni la wan nak xa lichipaxni nema masi je 'e limapakgsin, wili xla tapakgsin.

Lanka ixpulakaxlantalakapun xa lak lakgatum pulataman natalakaxtlawa xa chawitu xaputum makatanksananin chu naskujkan nak titum, usu nak puchiwinin.

La wan tapakgsin nalakputsa lanarawila xatapatit xa tamakxtumit chu xanikuma puchiwin xakakapulhuwa nalay, chu nema nila natlawakan taskujt xlakata chuna natakaskini xmaklakaskinitkan xakapulhuwa.

Xa litlajan xa lanka Xpulakaxlantalakapun, putumkan nataskuja nak puchiwinin, ixlitla jan xa lanka Pumakgatanksan lititsuntin, xa xla pulakchiwin xa xkilhpulakni chu xla lanka lipu makgatanksan xa pulakalhkayawan, nachuna litum la xlilakgchan, xlakata akxni tlawa nema ni tlan xa limaktayaninan kakapulhuwa xla tatlawakglhat xa liputsana xalak lipulamatatni, nema xalimapakgsiyacha la wan litapaksinin, la wi nak lichipaxni nak je'e Litamapakgsit.

Xla xaputum makgatankgsananinanin lipulamatatni nawan nikula, mapupitsikan nak xapulakatsuntin, litlajanin xa katiyatni, akxni talakaskin, takgalhtawakga xa xmaklakaskitaskujt, nak xla pumakatanksaninanin liputum chu laxtum xa pulakatsuntin chu xla pumakatanksananin xa likilhpulakni.

Xa xliputumkan xa Lanka Xpulakaxtlawanttalakapun natakalhi xlakchanat, xlakata tlan namakamasta takanajlit putum xlatlan nalakchanicha ,xlakata tlan namapupitsikan nak puchiwin xa tapulhkan taskujut xpalakata natakatsini xa xla mapaksin litapakgsin chunalitum namakaminacha nak lipumakatatankgsan xa litakgalhtawakga xa pulakatsuntin, xlakata nak puchiwin kanputsu natalikaxtlawatilha xla taklhuwit, nema xtakgalhiwilinit xtakgachakgxin tapaksin usu nama xla xwaniw na akxtum tapuwan, na makatankgsan na wankancha xlakata tlan na masta takaxla. Ja`e takanajlit lakatitumu nalay alistalh namakgpuntumikán.

Litapakgsin nawan tu ixlilakgchatnat, xatakgachakgxintapakgsin la natamalakatsuki pumakgatanksan ixtatlewekglhat putsana xala lipulamatni, ixtatlewekglhat putsana xala lipulamatni, natamakgachakgxi litapakgsin, tapakgsin xala lititsuntin chu xalaxakgeto pupunu nema tachixkuwit tlawanit ,pulatamat xalimejikano la litamakgxtakgli xamaklakaskín chu nalakkaxlawatilhakan.

Ixtataskgawalinkán xanapuxkun makgataksana, matanksanamapakgsina xapulakatsuntin xanapuxkun ixfilhpulakn; lipulamatni, nachunalitum xala matanksanatanapakgsit, talhkayawaninan, nila kamaktinikan ixtataskgawalinkan.

Xanapuxkun makgatansana xalanka ipulakkaxlantalakpun watiya akgukitsis kata naskuja tu lilhkayawakanit, watiya tlan kalakgxtapalikan chu wan nak ixliákpulana nak xliáktati litapakgsin chu akxni namakgatsi ixtalhkayawan, namakglhtinan aktsu ixtaskgaw.

Tiku xapauxku makgatanksan ixwanit, nila lhkayawapalakan ixlimakgtum xa akxni pala kantsina ipuxokgo lhkaka nak ipuskujnit.

Likatsin 95 (Art. 95). Xlakata natalaksakkalhkayawan xapuxku makatanksaninanin xla liulanka xmapakgsin xalilakaxlan xalak lilakatum lipulamatni, talakaskin.

I. Ti xlakgawanit nak Méjiko,chu titum tlawa xlakchanat xa tipalhuwa tachiwin chu tachixkuwin.

II. Natakglhi puxumakukitsis lakchanit ixfkata akxni nalay talakalhkayawat, akxni nalhkayawakan chu kgalhi nawan.

III. Akgkaw kata, chu nakgalhi xlilakgapalin takgalhtawakga xalak lakmaxtuna chu mapakgsina namalakgachaniyacha ixlimakanájlit.

IV. Lakatitum ixtayat, tlan ixtapuwan nikitayanit nawan nak pulachin nikgalhananit, nilaniknit, nitu tlawanit tu ix litamamaxanit.

V. Kgalhi nawan, akgtuy kata lata latamanit nak katilankapulatama· akxni nalhkayawakan.

VI. Ni kgalhi nawan akgtum pumapakgsin la xla pulatamat, xalakkaxtlawana tapakgsit, usu ni xalakkaxtlawaninan tapakgsit, chu ni mapakgsina xala pulatamat, lata ama kata akxni nalhkayawakan.

Tiku lakatitum taskujnit, tu kaliyawakanit wa amá tlan kalihkayawakan xanapuxkun makgatanksananín.

Likatsin 96. Mapakgina Lipulamatni tlan kalaksaka chatutu, lakchixkuwin chu xapulakkaxtlawan tapakgsin nawan ,neje tlan nalhkayawakan, xapuxku makgatanksana xalanka xpulakkaxtlan Talakapun, tiku katasanikanit, nata'an nak tamakxtumit, aná niku nawankan tiku nalakgchan, natawila lilakalhkayawan natatamatakxtumi liwaka itat.

Xpulakkaxtlawaninan tatapakgsit namastakan puxamakaw chichini'lata nali'akxlhkan·, pala ixpulakkaxtlawan tatapakgsit ni ixlakkaxtlawalh la tawi xatalhkan, mapakgsina lipulamatni tlan laksaka chu Ihkayawa tiku xapuxku lan makgatansana nawan.

Pala ni ixtamalhanilh ixputamakxtumin ixtalakkaxtlawananin tapakgsin, mapakgsina lipulatamatni natlawapala xlisasti, la wanka xlawan· pala nak ja'e ixlimakgtuy ni ixtamalhanilh mapakgsina lipulatamatni tlan lhkayawa chatum.

Likatsin 97 (Art. 97). La wan tapakgsin chu nakalhkayawakan makgatanksana tapakgsin xapulakatsuntin chu makgatanksana xlak ixpulakni, nakalakgtsokga makgatanksana xalimapakgsin xalipulatamatni la litamakxtakgnit namakgantaxti ixlitalhkayawat. Akgchaxan kata ixlitalhkayawat, pala ixlilhkayawapalaka tunu taskujut, nila kitaxtu watiya tlan skuja nema ni xla lipulatamatni.

Lanka xpulakkaxlan Talakapun xalilikatum pulatamatni, tlan laksaka usu kalaksaka la makgatanksana xla xkilhpulakni usu makgatanksana tapakgsin xapulakatsuntin pala chuna taskini, makgantaxtina lipulatamatni usu xla ixtamakxtumit makgantaxtunananin chu mapakgsina xla pulatamat, wa xlakan natalakputsanan pala nichuna tlawamaka la wi xlitalakkaxlan. Na tlan skinikan putum makgatanksaninanin lipulatamatni katakxilhli la kgalhli ixtayat

Makgatanksana usu matanksanatapakgsit lipulatamatni.

(xli'akgtutu lakstuntin)

Lanka ixpulakkaxlan Talakapun nalhkayawa chu namalakgsija xpmakgamakgtayan chu xamakgapitsin mapakgsinanin chu ixtaskujna mapakgsina. Matanksana tapakgsit chu makgatanksan nanatalhkayawanan chu nanatamalakgsijnan ixtaskujna mapakgsina chu ixmakgtayaninan

pumakgtankasan xapulakatsuntin chu xala pumakgatanksan xla ixkilhpulakni, nalay la wi tapakgsin chu ixtatlawat makgatanksana.

Kgatatin kata lata, limakxtum laksakkan tiku mapakgsina nawan, nak xa Lanka xpulakkaxlan Talakapun xla lilakatum lipulatamatni, ja'e xla yanla nalhyawapalakan.

Xapuxku makgatanksana xa Lanka pulakkaxlan Talakapun, akxni namakglhtinan tu lilhkayawakanit nawan nak ixlakin xpulakkaxtlawakan Tatapakgsit tu liyawamaka.

Mapakgsina: ¿Lilhkayawakanita xapuxku makgatanksana xamakxtun makgatanksaninanin xalakkaxlan xalilakgtum lipulatamatni, litayaya, tlawaya latá tu xlitlawat nak litilanka katiyatni chu natlawa, namakiy limapakgsin tipalhuwatapuwan xla pulatamat limakxtum limejikano chu xla Tapakgsin nema wi, chu li akxihilhit lata lan nataxtu xa limakxtum?

Xapuxku makgatanksana: “Je'e klitaya” mapakgsina: “pala nichuna tlawaya, lilakgatum lipulatamatni katamalakapún”.

Matanksananintapakgsin xapulakatsuntin chu makgatanksananin xa ixpulakni natatlawa ixlitayatkan nak ixlakin Lanka xpulakkaxlan talakapun chu putum makgatanksaninanin lipulatamatni.

Likatsin 98 (Art. 98). xapuxku makgatanksana ni ixskujli liwaka akgtum papa'; mapakgsina lipulatamatni tlan Ihkayawa, tunu xapuxku makgatanksana nema

naskuja chu xpulakkaxtlawakan tatapakgsit natawan pala tlan, chu na akxilhkan la wi xatalhkan nak likatsin 96 xla limapakgsin.

Pala ixnilh usu yan ix skujputulh xapuxku makgatanksana, mapakgsina tlan ixlisasti Ihkapala tunu usu watiya Tatamatlanilh xpulakkaxtlawaninan Tatapakgsit, lawan xatalhkan nak likatsin 96 xla limapakgin.

Pala xapuxku makgatanksana xa Lanka xpulakkaxlan Talakapun, makatsininan usu wan xlakata yan skujputun, namalhanikan pala nilakatitum skujli; ja'e na akxilacha makgantuxtina, pala malhani, namalakgacha nak xpulakkaxtlawakan Tatapakgsit ana nawankan pala namalhanikan.

Nila litawaka akgutum papa'ix talakaskinit kan xanapuxkun makgatanksananin tlan masta talakaskinit Lanka ixpulakkaxlan Talakapun xla lilakatum lipulatamatni; tiku liwaj litawaka ja'e kilhtamaku xmapakgsina lipulatamatni akxilacha ja'e talakaskinit pala namalhani xpulakkaxtlawakan tatapakgsit. Nila talakaskin nalitawakayacha akgtuy katá.

Likatsin 99 (Art. 99). Wa pumakgatanksan xalakgalhkayawan natlawà la wan litapitsin II xla likatsin 105 xla ja'e limapakgsin, wa xalanka mapakgsina xa xtapakgta tapakgsit nema xla lakgchan chu nemà xla tlan lakgapasa xa xtatliwekgħħat putsana xla lilapulatamatni.

Xlakata tlan natlama tu lilhkayawakanit, pumakgatanksan natlaway tu lakgchan nak Lanka ixpumapakgsin, ja'e xla laki'nawan; nak kalakapulħwa nalakkaxtlawa takglhuwit, la wan tapakgsin.

Nata akxila xalimapakgsin chu nata'akchapalin taskujut xlakata tlan nataxtuyacha.

Chatujun matanksanatapakgsit Ihkayawanani nakamalakxtumikàn nak xalanka pulakkaxlan wa xalanka pulakkaxlan, nalhkayawa akgtati kata, ti mapakgsina nawan nak nawan nak pumakgatanksan chu ixmakgtayananin.

Pumakgatanksan xatlalhkayawananìn wa lakgchan lakkaxtlawà la wan limapakgsin nemà talhkanit nak tapakgsin, la:

- I. Nitamatlanit akxni tlawakan xatalaksaklhkayawan chu ixtalakkaxtlawananìn tapakgsit.
- II. Pala nixtamatlanit ixtalaksaklhkayawan mapakgsina xalapulatamat limakxtun limejikano, wa Lanka pulakkaxtlan nalakkaxtlawa ja'e takglhuwit Lanka pulakkaxlan chu regionales pumakgatanksan, wá namalulokgnan pala nichuna tlawaka xatalaksaklhkayawan la wi nak tapakgsin.

Wa Lanka pulakkaxlan nalhkawali ixtalaksaklhkayawan mapakgsina xla pulatamat limakxtum limejikano, pala ixtawilacha nitamatlanit, lakkaxtlawatilhakan chu tlan namalulokgkan talaksaklhkayawan xla mapakgsina tiku litawakalh xataputlekgen nak lilakalhkayawan.

- III. Tu nitamatlanit tamasi chu alistan mapakgsina xala talaksaklhkayawan lipulatamatni lakkaxtlawa, ja'e ni ixtachuna nema wi nak ixlawan tapitsin pala akgtanpusa xla limapakgsin.

IV. Natawilayacha mapakgsina nema liwaj lakgchan lakkaxtlawa xatakgihuwit nemà tawilayacha nak lakatunu lipulamatni akxni tlawanachá talaksaklhkayawan.

V. Pala chuna taskini wa napakgtanu akxilacha xlakata tlan nataxtuyacha mapakgsmanin ti kalaksaklhkayawaka chu natatlaway ixitaykan.

VI. Nitamatlanit ixtatlawan tiku laktayami ixlakgchanat talakksaklhkayawan, xlakkaxtlawana lilatamat xla tachixkuwit, xla lilaklhkayawan xawa na likstu lilakgalhkayawan chu nalakatikum lipakgtanut nak xatalakkaxlan xlakkaxtlawana lilatamat la wan limapakgsin chu tapakgsin. Pala tachixkuwit laktayaminikan ixlakgchanat, nalakputsa la nalakkaxtlawa chu pala nilá, na an nak pumakgatanksan xatapakgta tapakgsit ana namakgtayakan la wan tapakgsin chu nalhkanikan kilhtamaku akxni nalakkaxtlawakan.

VII. Takglhuwit xla taskujut nema tatlawa pumakgatanksan chu xmakgtayananin

VIII. Takglhuwit xla taskujut nema tatlawa talaksaklhkayawan lipulamatni chu xmakgtayananin.

IX. Limapakgsin chu tapakgsit natatlaway tu ixlitlawatkan pala la lakchixkuwin putum ixlakkaxtlawanin lilatamat chu tiku taminacha xakgetu pupununu' nitatlawa la ixlilat xatalaksaklhkayawana wa natawilacha ixtapatitkan, chu.

X. Nemà natalhkawalipalakanit nak tapakgsit.

Nak xalaklankan xpumakgatanksan xtalaksaklhkayawan namakgantaxti mapakgsina tlaway xatalakgxokgon chu nalakkaxtlaway la wan tapakgsit.

Tu talhkanit nak likatsin 105 xla limapakgsin, nak lankapumakgatanksan Talaksaklhkayawan tlan lakkaxtawa nema nitawilana nak tapakgsit chu talaksaklhkayawan. Taskujut nemà nalay nak xatalakkaxlan la wi litayat namatlani

pala kana la wi takgantaxtin. Lanka pulakkaxlan namakatsininan nak Lanka xpulakkaxlan talakapun xla lilakgatum lipulatamatni.

Akxni pumakgatanksan xatalaksaklhkayawan masta limakanajlit nemà nillimapakgsin tlawanit usu lakkaxtlawanit kanchuta makgachakgxinit ja'e limapakgsin ni ixlimatlanitkàn liputum Lanka xpulakkaxlan talakapu, xanapuxkun makgatanksaninanin, pulakkaxlan usu a la katunu, tlan tatlaway talakapun usu xatamalakgsit, xlakata nichuna tatlawanana la wi xa tapakgsit, xlakata putùm xalanka xalakpulakkaxlan talakapu nawan neje ya limakanajlin nalitamakgxtakga. Nemà na wankan nak ja'e talakkaxtlawat nilaktlawa la wija xatalakkaxtlan nemà lakkaxlanita.

La tawilana pumakgatanksan, lankapumakgatanksan, la lakkaxtlawakàn talakkaxlan, nachunà la lakputsakan xatakgachakgxintapakgsin, wa limapakgsin chu tapakgsit natawan la natatlawa taskujut.

Xalanka pulakkaxtlan natlawa tu lilakgchanit, pala chuna nataskin xalaktsu pulakkaxlan nalìn takgantaxtin nemà lakgapasa, nachunalitum, tlan namalokgacha talakkaxlan nak makgatanksana nak laktsu pulakkaxlan xlakata nalakgapasa chu nalay xatalakkxlan. Tapakgsin namasi la natlawakan taskujut.

Lakpulhkawalin, tamakgtakgalhat chu kalakatitum nak pumakgatamksan xatalaksaklhkayawàn nemà nalakgchan la wan tapakgsin, la putum makgatan`ksaninanin lipulatamatni, kalhkayawakanit, natapakgtanu nak mapakgsina pumakgatanksan xatalaksalhkayawàn, wa natlawà taskujut, chatum

matanksanatapakgsit xatalaksakayawàn nalak xalanka pulakkxlan anà niku kgawaniyajlaksakxtukan; chu chatutu makgatanksaninanìn xalipulamatatni.

Pumakgatanksan nawan la amakitatawila usu nalaklay tumin chu mapakgsina xalanka ixpulakkaxlan talakapun xalilikgatum lipulamatatni natamaknu nak talaklhkawalintaskujut nemà tlaway xtatlkwaglhat putsana xalalipulamatatni.

Nachunalitum pumakgatanksan naskin tapakgsin neje tatlawanit chu lata talitamakgxtakgnit lakxtum xtapuwankan xlakata lakatitum nalay taskujut.

Nalay lilakalhkayawan akxnì nakalaksakkan xamatanksanatapakgsit xatalaksaklhkayawan nemà natapakgtanu nak Lanka xpulakkaxlan chu laktsu pulakkaxlan nalay, akgtuy xapulaktutu xliwakg nemà tawilana xlaputamakxtumin ixtalakkaxtlawaninan tapakgsin, makatsinikan Lanka xpulakkaxlan talakapun xalilikgatum lipulamatatni pala matlanì talaksaklhkayawan pala ti tapakgtanu nalay yakilhmakatunu, la wan tapaksin.

Matanksanatapakgsit xatalaksaklhkayawan nemà natapakgtanu nak xalanka pulakkxlan natamalhani lata naskin chu nalhkawali tapaksin, ni litawaka xataskin la kamakgskinkan xanapuxkun makgatanksananin xalanka ixpulakkaxlan talakapun xalilokatum lipulamatatni, akgnjatsa katà nakalilhkayawan. Pala yaj skujputun chu, nimakgatsi nak ixtaskujut chu talakaskin pala tu amalakkaxtlawa, matanksanatapakgsit xatalaksaklhkayawan, wa Lanka pulakkaxlan nalakkaxtlawa tu talakaskin, la wan likatsin 98 xla ja`e limapakgsin.

Matanksanatapakgsit xatalaksaklhkaya wan nemà natapakgtanu nak xalaktsu pulakkaxlan natamalani lata tu naskin chu nalhkawali tapakgsin, nilitawa xataskin la kamakgskinkan matanksanatapakgsit xapumakgatanksan xatamakxtumit xapulakatsuntin. Akgnajatsa katà nalihkayawakan pala niliyawapalakan Lanka taskujut.

Pala nitichapanit ja`e puskujni nalhkayawapalakan xasasti matanksanatapakgsit, ja`e xla naskuja lata nemà kata tsankgama, wa amà namasputu xmakgtayananin pumakgatanksan nata`akpuxkun taskujut, nalay la Taskini, kak xtatliewekglhat lakkaxtlawana tapakgsit xalipulamatni la talhkanit tapakgsin.

Likatsin 100 (Art. 100). Wa putum makgatanksananìn nawàn la namakgantaxtukàn xtatliewekglhat putsana liputamatni, ijkatsi tlan natlawat ixtalakkaxlan.

Chatujun nawan nak tamakxtumit, chatun mapakgsina nawan nak xalanka xpulakkaxlan talakapun, chu limakxtum makgatanksananin natlawa lilaklhkayawan, xpalakata makgmakgalhchiwinina chatsiyan lilaklhkayawan, na anà natapakgtanu matanksana mapakgsina xapulakatsuntin chu makgatanksananin; chatuy makgmakgalhchiwinina wa xpulakkaxtlawakan tapakgsin kalaksaka, chu chatum wa xmapakgsina lipulamatni laksaka

Lata wakg makgmakgalhchiwinina natalhkay. Ixkapsnatkan chu lata tuku skinkan la wan likatsin 95 nak limapakgsin chu tlan tatlawanit nawan taskujut nemà ixkalilhkayawakanit nemà laksakcha limakxtum makgatanksananin nakamaxkikan reconocimiento.

Makxtum Natalay makgmakgalhchiwinina. Nak tamakxtumit nalakkaxla xlilhkayawatkan xlilhkayawapalakan chu nakamalaksijkan matanksanatapakgsit chu makgatanksana, la talakkaxlan, nalay la wan tapakgsin.

Watiyawa mapakgsina xamakgapitsin akgkitsis kata nataskuja, chu nila kalhkayawapalokan.

Tiku hkayawa makgmakgalhchiwinanìn niwa kalakapulani ixakstukan natatlawa ixtaskujutkan usu natatapakgsi. Lata ixlilhkatayakan; watiyà nakamalaksijkan la wan akgtati xli`akgpulana xla ja`e limapakgsin.

Wa tapakgsin malaktsuki ixlichapaxnat ixtaskujnimapakgsina xlakata nakatsinitilh nak ixtaskujut, nachunalitum tlan nataxtuyacha nak ixtakgalhtawakga nak xla putsana, neje ama na`akpuxkun, xlakata snun xatlan nawàn tiku natatayà chu yakstunatapakgsi.

Limatlanit la mapakgsinan tapakgsin, tamakxtumit lakgchan tatlawa akxtumtapuwan xlakata nalakkaxlawatilha nak xtaskujut. Lanka xpulakkaxlan talakapun. Tlan naskin nak tamakxtumit tamaxtut xa akxtumtapuwan nemà puwàn tlan nawàn nak taskujut xtapakgtattapakgsit lipulamatni. Lakkaxlan pumakgatanksan natlan nalakgaputlekge chu,pala kitaxtu nichuna, tamakxtumit nikitimatlanylìh, kana chatsiyan lilakalhkayawàn natawilayacha, chu nanata`akxilacha wa tapakgsin nawan la ixlitlawat ja`e taskujut.

La nawan tamakxtumit anà nakitaya, nila nalakatakikan chu nila nalay takgantaxtin tapakgsit kan ana nakitaya watiyawa matanksanamapakgsina chu makgatanksana

nemà hkayawakanit, tsokgwalikanit lilihkayawapalakan chu malaksijan, Lanka xpulakkaxlan talakapun nata`akxila, chu natamakanajli pala chuna lanit la wi nak makxtum tapakgsin.

Lanka pulakkaxtlan talakapun natlawa ixtalakpulkantumin chu tamakxtumit natlawa xla tatliwakglhat putsana`xla lipulatamatni neje tsankga nak kalakatitum la wan nak xakilhmaktujun lakstuntin xlalikatsin 99 xla ja`e tapakgsin. Lata lanita xatapulkantumin chuna namalakgachanikan xapuxku xamakxtum makgatanksaninanin xlakata wa natamaknu nak talaklhkawalintaskujut xla talakpulkantumin xalilaktlawat xla lipulatamatni. Ixlakpulkawalina Lanka xpulakkaxlan talakapun namà lakgchan ixlitlawat ipuxku.

Likatsin 101 (Art. 101). Xanapuxkun makgatanksana xa Lanka pulakkaxlan talakapun, matanksanamapakgsina xapulakatsuntin, makgatanksananin xla ixlhlpulakni, xmakgamakgtayananin chu makgmakgalhchiwininanin xla putum makgatanksananin lipulatamatni, nachuna matanksanatapakgsit xalanka pulakkaxlan xla pumakgatanksan xalakalhkayawan, yanla natamalhani chu nataskujpala nak puskujni xla lipulatamatni usu nema ixakstukan tatapakgsi, watiyawa nema makxtùm katsinanin tataskgawali, makgalhtawakgenanin, tsokgnanin tlan nataskuja.

Tachixkuwit tiku puskujli pumapakgsin xapuxku makgatanksana xalanka xpulakkaxlan talakapun, matanksanamapakgsina xapulakatsuntin, makgmakgalhchiwininanin xala putummakgatanksananin lipulatamatni, nachunalitum la matanksanatapakgsit xalapumakgatanksan xalakalhkayawan, nila natataxtu nak ipuskujnikan pala tapuwan litawakanita akgtuy katà xlakan

natamasputu la kalikhkanikanit tlan natatanpuxtu. Tlan natamapakgsinàn la likgawaninan, napuxkun chu nalaj la liwilakgolh makxtum tapakgsin xla litatiwakglhat putsana` xla lipulamatatni.

Tachixkuwit tiku watiyawà xapuxku makgatanksana ix wanit, xa akxni pala kantsina ixsukjma, nila naskuja nak tunù pumapaksigsin la wan xli` akgchaxan litapitsìn xla takatsìn 95 xla ja` e limapakgsìn.

Pala nitlawakan la wi likatsin nakatlawanikan ixtaskujni mapakgsina tiku maxkikanit talakaskin.

La wi xlawan lakstuntin tatsokgni chuna xataxokgon talakgalhin xawa namakgatsankgakgo pumapakgsin nema natawilayacha nak xtatiwakglhat Putsana` xla lipulamatatni, nachunalitum lata tamakgtayat xataxokgon talakgalhin xa tapakgsin na` akxilhpalakan.

Likatsin. 102 (Art. 102).

A. Tapakgsin nakamamakxtumi xapulakatunu pumakgtayan xakakapulhuwa xalipulamatatni, makgantaxtunina wa nakalhkayawa chu tlan nakamalaksija ixtaskujna mapakgsina, la wi akxtumtapuwan xla tapakgsin. Xapulakatunu pumakgtayàn xakakapulhuwa wa xlikgawana pulataman xatapakgsittachixkuwit natlawa tamakxtumit, xapuxku makgantaxtunina xalipulamatatni, tlan nalhkayawapala ipulakkaxtlawakantapakgsit usu akxni nataxlhaja, nema lilhkayawakan. Pala tiku likgawanà wanputun, tachixkuwit lakgawanit anà ni tapakgsi, México, kgalhi nawan puxamakukitsis katà akxni nalaksakkan nakgalhi

lilikgapalan takgalhtawakga xlalikgawana, talipaw nawan chu ninakgalhi lixkajnit xlatamat. Wa makgantaxtunina tlan malaksija likgawana.

Lakgchan xapulakatunu pumakgtayan xakakapulhuwa lipulamatni akxila lata wì takglhuwit xla putsana nak punakgatanksan lata anàn talakgalhin xla lipulamatni, chu wa lakgchán ixlitlawat machipanan tiku lakgchan, putsakan chu mastakan limakanajlin nemà wan xlakata wa lakgchan ja`e takglhuwit; lakatitun litlawat takgantaxtin tapaksit xlakata tlan nawan talakkaxlan chu nina.

Limakgapalakàn tamaxtut; skinkan la amaka tlawakan tapatin napakgtanukan lata taskini chu tapakgsin nawan la ixlitlawat.

Xlikgawanà pulataman xtapakgsit tachixkuwit nanapakgonu nak li`akgalhtaxtokgni chu litlawat nema wan likatsin 105 xla ja`e limapakgsin.

Lata wi taskujut na wi nemà lakgchan lipulamatni; nema kitaxtu xla ixlakgxokgo xapuxku mapakgsina chu xanapuxkun makgtayananin xala`alakatunu, chu nak xamakgapitsin ana niku tlan pakgtanu xapulakatunu pumakgtayàn xakakapulhuwa xla lipulamatni, xlikgawana pulataman xkatsi natlawa, usu natatlawa ixmakgtayananinìn.

Xlikgawana pulataman xtapakgsit tachixkuwit chu ixmakgtayananin, wa kalakgchan tu nichuna taxtuyacha, usu nichuna tatlawa la wi tapakgsin, akxni tatlawa ixtaskujutkan nema kalilhkayawakanit.

Tu ixlitlawat xamakgmakgalhchiwininà xalimapakgsin xla mapakgsina, lakgchan pumapakgsin xala makgantaxtina lipulatamatni natlawa la wan limapakgsin.

B. Ixtamakxtumit makgantaxtuninanin chu xpukaxtlawan tapakgsin xalakatunu pulatamatni, ana`niku kalakgchan, nalay limakgantaxtun nema nakamakgtaya ixlakgchanat tachixkuwit nachunalitum nakgalhi litamakgtayan xalimapakgsin mexicano, nema natalakgapasa xatalakgsin lata minacha alakatunu pumapakgsin usu ixmakgtayana mapakgsina kakapulhuwa, ixtatlewekglhat putsana xalipulatamatni nitapakgtanu chu watija nikatalikgamanalh ja`e lakgchanat.

Limakgantaxtunanin nemà wan lakstuntin tatsokgni, natlawa tamakgtayat xakakapulhuwa, ninatalakgxtumi malakgsi chu talaksi nak xapuxku neje lakgchan.

Ja`e limakgantaxtunanin nila tlan natalhawa lichiwin xatalhkayaw, taskujut chu xtapakgtattapakgsit.

Limakgantaxtunanin nema natlawa ixtakxtumit makgantaxtuninanin nalimapakuwikan tilanka lilakgatumpulatamatni xlakgchanatkan xatachixkuwit; natlaway ixakstu tapakgsìn ixlitlawat chu xatalakpulhkan tumin, xalimapakgsin tachixkuwit chu lata tu ixla chatunu, chatunu.

Xatilanka lilakgatumpulatamatni ixlakgchanatkan xatachixkuwit nakgalhi tamakxtumit nema chakaw nawan makgmakgalhchiwininanin, nema nakalaksakan nak lilakalhkayawan na tatiyanikan akgtuy lata kilhmaktutu ixlakata, nema tawilana xla ixputamakxtumit ixtalakkaxtlawaninan tapakgsit pala taxlajanit, wa ixtamakxtumit makgantaxtuninanin, nachuna natatlawa lilakalhkayawan.

Tapakgsin nawan la natlawakan xalilhkayawat nema mastanit xputamakxtumit ixlakkaxtlawaninan tapakgsit. Katà katà chatuy makgmakgalhchiwininanin nema makgas talitalhkatananit, naka tamakxtukan tunu chi tiku nataskuja pala watiyawa xalilhkayawat chu pala kalilhkayawapalakan tlan taskuj pala ixlimakgtuy.

Xapuxku xalitilanka lilakgatumpulamatni xlakgchanatkan xatachixkuwit, nachuna takgalaskinin tamakxtumit nachuna nalay xalilhkayawat la wan lakstuntin tatsokgni chu akkitsis kata natalhkataya.

Watiya makgtum tlan laksaklhkayawakan chu watiya tlan malaksijkan naktunu taskujut la wan nak xakilhmaktati ja'e limapakgsin.

Mapakgsina xakatilanka litalhkatanan xalakchanat tachixkuwit kata kata namasta nak xalitlewekge litamakxtumi ixlimalaktsin ixtatlawat. Chuna talakaskin nak ixputamakxtumin tamakxtumit la wan tapakgsin.

Xakatilanka litalhkatanan xalakchanat tachixkuwit nalakgapasa tu ni xatamalhanit nema ixtaxtucha, pala ni ixtlawalh la ixtlawanit lakxtumtapuwan xla limakgantaxtuninan lawi nak lakatunu lipulamatnì.

Likatsin 103 (Art. 103). Pumakgatanksan xla lipulamatnì wakg natalakkaxtlawa likgalhtaxtokgne pala ixtawilacha.

- I. Xapuxku xlaktayamilh tapakgsin chu xtamakgtay tachixkuwit.
- II. La tapakgsit usu tatlawán xla puxku lipulamatni pala ixtatalakastukli usu xlimalaktsuwilh lanka mapakgsina xla pulamat usu la ixkilhpulakni pulatama chu

III. Pala limapakgsit usu tatlawan xla mapakgsinanin xala lakatunu pulatamatní usu xkilhpulakni pulatama, pala napakgtanu nak talakkaxlan tatlawat xla puxku xla lipulatamatni.

Likatsin 104. Kalakgchan pumakgatanksan Lipulatamatni talakgapasa:

I. Lata wi likgalhtaxtokgne xalakatitum chu xla makgnina nema natasiyacha namakgantaxtikan chu natlawakan la wi tapakgsin xla lipulatamatní usu xala akatunu pulataman nemá I

Anitancha nak pulatamat xalimejiko. Pala likgalhtaxtokgne xlakgalhilh xlakchanat a tunu, tlan lakgapaskan ixlakán, makgatansananín chu pumakgatanksan xa akxtum limatixtum, xa lakatunu pulatamatni chu ixlilhpulakni pulatama. Pala xlawan talakgxokgon tlan likgawakan (apelables ante; SIC DOF 08-10 1974) tiku lakgchan wa nema wilapa na la makgatanksana nema lakgapasa, la lay talakkaxlan xla xlawan.

I.B. Tatlawat nema lakgchan xli'akxilhit pala nimatlani, la litamakgxtakgnita talakkaxlan xla pumakgatanksan xatalakastukni lakpulhkawalin nema lakgchán litapitsin XXIX-H xla likatsin 73 chu litapitsin IV, tsokgne e) xla likatsin 122 xla ja'e limapakgsin watiya akxni nalakgchan la wan tapakgsin.

Wata nema akxilhkanita wa amà natalakgapasa pumakgatanksan ixtamakxtumit pumakgatanksan xapulakatsuntin, nalay la wan tapakgsin la wi nak likatsin 103 chu 107 la tasiyacha nak limapakgsin, neje na akxilhkàn pala nilakatitum

litamakgtayan chu ni xlakanat xatalakkaxlan nema natawanacha pumakgatanksananin xapulakatsuntin ni la nalay takgantaxtin tapakgsit.

- II. La wi xatakgħuwait nemà xlakgħanat xla pupunù:
- III. La lipulatamatni tapakgtanunìt.
- IV. La Li`akgalhtaxtokgħi chu taskujut la wan likatsin 105 peva nema natalakgapasa Lanka Xpulakkaxlan Talakapun Lilakgħatum Lipulatamatni.
- V. Nema nataxtuyacha nak lakatunu pulatamatni chu chatum usu liwaka xalilakatsu chu.
- VI. Wa tiku lakiġġan nak tapakgtanut xla Makgtayanà xa alakatunu.

Likatsin 105 (Art. 105). Xa Lanka xpulakkaxlan talakapun lilakgħatum nalaġġapasa, la wi xalimasi tħalli nak xatalakkaxlan:

- I. La xatakgħuwait limpakgsin, nemà nichuna tlawakán nak talaksakh kayawan la wi nak likatsin 48 xla ja'e limpakgsin chuna ja'e nalay:
 - a) Xla lipulatamatni chu akgħum pulatamat usu iżxek il-pulakni pulatama.
 - b) Xla lipulatamatni chu akgħum putapakgsin xalaktsupulataman.
 - c) Xtatliwekglħat makgħantaxtunin chu ixtamakxtumit makgħantaxtunān, chu lata putamakxtumin, wakgħi wa putum tapakgsin lipulatamatni.
 - d) Lakatnù Pulataman.
 - e) Akgħum pulatamat chu iżxek il-pulakni pulatama.
 - f) Iżxek il-pulakni pulatama chu akgħum putapakgsin xalaktsupulataman.
 - g) Akgħuy putapakgsin xalaktsupulataman xalakalhuwa pulatamat.
 - h) Akgħuy litlewekge litamakxtumit chu naxala aná pulatamen chu liwakg xtallawan.

- i) Akgtum pulatamat chu akgtum putapakgsin laktsupulataman xkata xtatlawan limapakgsin lata liwakg.
- j) Akgtum pulatamat chu akgtum putapakgsin laktsupulataman xa alakatunu pulatamat; chu
- k) Akgtuy putum tapakgsin xla mapakgsina xala ixkilhpulakni pulatama ixlakalaxtlawan limapakgsin lata liwakg.

Lata xatakgihuít talichiwin xla xalimakgantxitapakgsin xaliwakg pulatamatní usu putapakgsin laktsupulataman lipulatamatni, ni ixlimatlanitikan putapakgsin laktsupulatamatni na ni ixlimatlanitkan la wan tsokgne c), h), chu k) ixlawan chu xatalakkaxlan xa Lanka xpulakkaxlan talakapun nawan xlakata nimakwan, namà talakkaxlan, namakwan pala tawilayacha akgtsayan lilakkalhkayawan.

Lanka xpulakkaxlan talakapun tlan nawan ixtalakkaxlan pala kantsina tawilayacha xakatakgihuít.

II. Nemá nilimapakgsin nanakgalhí nema nalichiwinan tu nilimatlanit, wi nak limapakgsin.

Nemà nilimapakgsin tlan liskujkan puxamakaw chichini' chu limakgpuntumikan ja'e tapakgsin xlakata:

- a) Nakitaya puxamakututu chatutu nema akgkitsis puxam tatiyanikán, ixtapakgtanutkan ixputamakxtumin xkaxtlawaninan tapakgsin, ixtamakxtumit makgantxtunanin, tiku nitamatli la wi tapakgsin xla lipulatamatni nema tatlawanit putum tamakxtumit.

- b)** Nakitaya puxamakututu chatutu nema akgkitsis puxam tatiyanikan, ixtapakgtanutkan ti tapulakkaxtlawa tapakgsit tiku nitamatlani la wi tapakgsin xa lipulatamatni nema tatlawanit putum tamakxtumit.
- c)** Xlikgawana pulataman xala xtapakgsitachixkuwit namalhani tapakgsin la wi xla lipulatamatni, pulataman chu ixkilhpulakni pulatama nachunalitum nema tlawakanitancha nak pulatamat mejicano.
- d)** Kitawilayacha puxamakututu chatutu nema akgkitsis puxam, tatiyanikàn ixtapakgtanutkan, kan neje xaputum ixkaxtlawaninan tapakgsit xla pulatamat nema nitamatlani la tatlawanit, chu
- e)** Kitawilayacha puxamakututu chatutu nema akgkitsis puxam, tatiyanikan nak ixtapakgtanutkan nak tamakxtumit nema taminacha nak ixkilhpulakni pulatamat.
- f)** Ixtamakxtumit tipalhuwa tapuwan nema tatsokgnit nak pumapakgsin xatalaksaklhkayawan, la tawanacha xanapuxkùn xalakgatum lipulatamatni tiku tamatlani la wija tapakgsin xatalaksaklhkayawan xlipulatamatni; chu la tawilana tamakxtumit xatipalhuwa tapuwan usu nak, pulatamat talhkanit xamapuxkun tiku tamatlani la wi tapakgsin neje tatlawanit putum tapakgsin xala pulatamat chu wa mastalh xatalakgtsokgne.
- g)** Xatilanka litalhkatayan ixlakgchan tachixkuwit tamalhani la wí tapakgsin xla ixkilhpulakni pulatama nema tatlawanitancha xatatliwekghat lipulatamatni chu tamatlaninitancha xpulakkaxtlawanan xtapakgsitachixkuwit, talakastukacha xlakchanat tachixkuwit la lakgachixkuwikan nak ja'e limapakgsin. Nachunalitum limakgtakgalhat ixlakchanat tachixkuwit la lakgchan pulatamat xtapakgsitachixkuwit, tamalhani la wi tapakgsin nema tamaxtucha xpukaxtlawan tapakgsin xala ju'u chu litilanka litalhkayawan xlakchanat tachixkuwit xla ixkilhpulakni pulatama.

Pala ni xalimalhanit la wi tapakgsin xatalaksaklhkayawan xla limapakgsin pulh na akxilhkan la wi nak likatsin.

Tapakgsin xatalaksaklhkayawan lipulamatni chu xa ju'u tipuxamakaw chichi' namakgpuntumikan ya tsuku nawan ixilitlawat talaksaklhkayawan xniku namaklakaskinkan, nila nalakkaxtlawakan.

Xatalakkaxlan lanka xpulakkaxlan talakapun nalichiwinan, tu nitamatlanit xa tapakgsit pala wi akgtsayan lilakalhkayawan malhanikan tapakgsin.

III. Makgskinkàn pumakgatanksan xapulakatsuntin xlakata nakatsi nikula lakgankan makgatanksana nemà nila talakgxokgòn nak takgantaxtin tapakgsit xla ixlikilhpulakni nema makatsinankanit la na li'an chu nataskini lipulamatni la lipuwan nataxtuyacha pala chuna taskini.

Nalichiwinankán xatalakkaxtlan nema nichuna ixlanit la tawanacha litapitsin I chu II xla ja'e likatsin, ninatatlaní akgtuy xlilat nataxtuni nak talhkapatin, chunà nata'akpuxkunàn lata likg ixlikilhtsukut chu nalay xalimakanajlit ja'e talakkaxlan.

Pala nixlakkaxtlawaka talakkaxlan neje litalhkanit litapitsin I chu II xala ja'e likatsìn wa amà kamaklakaskinkan la litamakxtakgnit nak xlawàn xli'akgtuy laktsuntìn tatsokgni xla litapitsìn XVI xla likatsin 107 xla ja'e limapakgsin.

Likatsin 106 (Art. 106). Ja'e lakchan ixtatlewekglhat putsana xla lipulamatni, chuna litamakgxtakgnit litapakgsin, lakkaxtlawakan xatakglhuit.

Wa makgantanksana tlawayachà makatsininat anà niku tawilana pumakgataksananin lipulatamatni, chu neje tawilana nak pulatamat usu ixkilhpulakni pulatama chu xamakgapitsìn.

Likatsin 107 (Art. 107). Wakg xakatakgluwit nema lichiwinan likatsin 103, nalay la wi xalimapakgsin chuna ixlilat chu xlitlawat la wi nak tapakgsin:

- I. Latiyà nalay litamakgtayan xatakgantaxtìn tapakgsit xpalakata lakgalhi.
- II. Chuna nalay talakaxokgon la ixlilat, watiya namakgtaya tika ixakstukan tachixkuwit, limakgantaxtit ixlitamakg tayatkan chu ixlitamakgtakgalhatkan, pula chuna namalhani tikù talakgsinit, chu ni`tlawanit takgalhapan la wan tapakgsin usu tatlawan nema namakgtaya.

Nak litamakgtayan takgantaxtin tapakgsit namakgatsi tu nikgatsi nak talakgsin la akgutumtapuwan nema wi nak tapakgsin xla likatsin 103 chu 107 xla ja`e Limapakgsin.

Akxni nalikgawakan tatlawan nema likstu tu ixla lipaxaw ixtiyat, sakbat, chu kakiwin chu laktsu pulataman, ixlimalit ixlilakg chanat lipulatamatni usu ixlichalhuwakan tiyat tlan natalhkawali, chu wa ama tlan tamasi ixlakata nakamakgtaya pulatamat usu tachixkuwit nema nakamapakuwikan chu kalapastakan xlakata tlan nakitaxtu ixlakgchanatkan matakuxtunanin, lachi xatatlawan chu xalitakgawa.

Nila nalay takgantaxtin tapakgsit la wan lakstuntin tatsokgni, nak xtalakgalhit kalaktsu tiyat, nak tachokgon takgxtakgejni ni ixlilat lali a nana nilaw lakghan, watiya tlan mastakan usu tamakgtayat xalakapala litapakgsin. Akxni nalikgawakan

tatlawan nema kamakgtaya ixlakgchanatkan, anatiyà limakgxtakgkan yan tlawakan la ixlalakgchan tatlawan, watiyawa nema xlawan nak ixliwakg tamakxtumit.

III. Akxni nalikgawakan tatlawan xla pumakgatanksan putsana, lakpulhkawalinà usu nataskujut, litamakgtayan nalay la lkgchani.

a) Awatiyawà talakgxokgon talakgapuxkutni anà kitaya xatalakkaxlan takgantaxtin tapakgsit, chunata litamakgtayat nila la tlawakan pala kan, xa akxni nak ixlakan ixlalh takgxwatanchapan usu lanita ixwa lata tlawamaka xa lilakkaxtlawatilhat, natlan makgstantlawa xlikgawana ti talakgsinit usu talakapunit, litawakga lata litamakgxtaknit chunata litamakgtayat la ihkawalinit nak tapakgsin chu makatikan la lkgalhin nak ixlipulaktuy putaxtun, pala lalh nak xlawan. Ja`e laktsu tamaklakaskin ni liu skinkan nak litamakgtayan nak litakgalh taxtokgne talakgxokgon nema wanikanit nak li`akgalhtaxtokgne ixpalakata taskujut xla lakahitum latamat.

b) Xa akxni pala nalaktanu xalakkaxlat talakgapuxkutni tatlawan nak takgantaxtihñ

Tapakgsit, akxni sputnita, nachuna yantu tamakgtayat na tlan lakkaxtlanwakan, la nema.

c) Talakgapuxkutni tatlawa nema nikamakgtaya chu nilakgapasa tacixkuwit takgantaxtin tapakgsin.

IV. Nak ixmakanajli lakpulhxawalina lay litamakgtayan, nachuna, xatamakgtayan nemà malakgsikan lkgalhin nemà nilakkatlanit lata wi tamakgtay, takgantaxtin tapakgsit usu likgawan xalimakanajlit. Ni liw nalilakgokan ja`e, wa tapakgsin natlawa la ixlitlawat ana nalimakgxtakgkàn xalikgawan ta tlawan, lhuwa

Iaktsu tamaklakaslan nemà tapakgsin nakgalhi nak takgantaxtin tapakgsit xa litamakgtayan nataskinì xalakapala litapakgsin xlakata anà nalimakgxtakgkan.

V. Xa litamakgtayan nema limasputa xatalakgapuxkutni talakgxokgon chu anata kakitayalh xatalakkaxlan xatakgantaxtin tapakgsit, xa akxni pala xatakgxwatanchapan ixlalh akxni lakkaxtlawamaka xatalakgoxokgon, nalakkaxtlawakan nak ixlakin makxtum pumakgatanksan xapulakasuntin nemà xlilikgchanat, xatalakaskin xalimapitsin tatlawat nalay la nawan nemà litapakgsiyaw xla tatliwakglhat putsana xla lipulamatatni, chune na li`an.

- a)** Nak limakanajlit takgxtakgejni anà kitayanit ixtalakkaxtlawat talakgapuxkutni, chu talimakgxtakga pumakgatanksananin putsananin, la xalipulamatatni, xatalakgalhit tachixkuwit usu xlilikgawana pulamatatni.
- b)** Nak xlimakanajli xalakpulhkawalin akxni tlewekglhskmkan nak ixpalakata likstu talakgxokgon anatiya kitaya chu talakkaxtlawat ana limakgxtakgka xlilikgehan takgantaxtin tapakgsit nema lakgchan pumakgatanksanin xalakpulhkawalin yanla lakkaxtlawakan pala nitu tamakgtayat usu neje nalikgawan xalimakanajhlit.
- c)** Nak xlimakanajlit tachixkuwit akxni tlewekglhnaskinnkan talakgxokgon anà kitaya ti lakgchan xa takgantaxtin tapakgsit xla lipulamatatni usu xala ju`u puxku nema nawan la nalitamakgxtakga.

Nak takgantaxtin tapakgsit nak xalakatitum lipulamatatni xalilakgaxokgon tlan tlewekglhnaskinkan litamakgtayan lata niku skinputunkan, likgaw pala nak lipulamatatni lata chi lakgchan, chu.

d) Nak xlimakanajlit taskujut akxni na tlewekglhsinkan la litamakgxtakgli tamakxtumit nema lakgchan xala ju'u usu xala lipulatamatni napakgtanu makgtsuwina xla chalhkatnanin nema taskuja nak pulatamat.

Xa Lanka xpulakkaxlan talakapun nataskin nemà lakgchan pumakgatanksan usu xlikgawana pulataman xtapakgsit tachixkuwit tlan natalakgapasa xalakatitun litamakgtayan neje tlan lakgchan.

VI. Pala chuna lakgchan la wan xlawan litapitsin, tapakgsin nakgalhi talhkawalin nak likatsin 103 chu 107 xla ja`e limapakgsìn anà masi la lilakkaxtlawat nak ixlilat nak pumakgatanksan tamakxtumit pala nichuna wa Lanka xpukkaxlan talakapun nawan la nalay xatalakkaxtlawat.

VII. Lilakgalhtaxtokgne tatlawan nak litamakgtayàn lata yantu tlawamaka takgantaxtin tapakgsit usu sputnita tamakxtumit usu natawilh tunu ti nimakgtayà takgantaxtin tapakgsit, litakgaltaxtokgne tapakgsin usu lilakgalhtaxtokgne xapuxku xalakpulhkawalin nina matlani tu ixlitlawat makgatanksana xalaixkilhpulakni xtapakgtattapakgsit natawilayacha anà niku tlewekglhsimaka kalalh chu anà tlan limakgxtakga ixlimakatsinit xapuxku, nak takgaxmatni tlan katasanikàn akxni naskinkan limakatsinit chu namakglhtinankàn limakanajlit lata tila kalkgchan tamastà chu natakgaxmati xa takglhuwit nak takgaxmatni.

VIII. Talakgapuxkutni xatalakgaxokgon nema nalimakgpuntumikan nak litamakgtayat makgatanksananin xa ixfilhpulakni usu ixfaksi pumakgatanksananin xapulakatsuntin na akxila la nalay. Chuna natalakgapasa Lanka xpulakkaxlan talakapun:

- a) Akxni wi nitamakgtayan xa talakapun taxtuyachà akgtanpusmaka ja`e limapakgsin, tapakgsin lipulamatni, tapakgsin neje maxtunitancha xmapakgsina xtakgsittachixkuwit la liwilacha litapitsin 1 xla likatsin 89 xla ja`e limapakgsin chu tapakgsin nemà tamaxtunitanchà mapakgsinanìn xalak pulamatni chuna litamakgxtakga ja`e xalimapakgsin tamakgtayat.
- b) Na akxni kitaxtu laktanuma xalitapitsin II chu III xla likatsin 103 xla ja`e limapakgsin.

Xalanka xpulakkaxlan talakapun xla lilakgchan usu xataskin nema lakgchan tamakxtumit pumakgatanksa xapulakatsuntin, usu xlikgawana pulataman xtakgsit tachixkuwit, tlan natalakgapasa chu natakatsi la lakkaxtilhma litamakgtayan, pala chuna tlan takxila chunà nalitamakgxtakga pala kitawi ni alkxilhka nak lakstuntin tatsokgni, nakamakatsinikan chu nata`akxila xatamakxtumit pumakgatanksan xalakatsuntin chu ixtalakgxokgon ninamalhani tamakgtay.

IX. Xatalakkaxtlawat nak xlimakanajlit litamakgtayan lakatitum natawàn xata akxtumit pumakgatanksan xalakatsuntin nitamalhani tamakgtayat xa alakatunu, pala xa akxni ixtakitayalh ni ixtalipawa limapakgsin xla akgum tapakgsin chu katlawaka la wan xalimakgachakgxit limapakgsin nalay xatalakkaxtlawat, lata nawan Lanka xpulakkaxlan talakapun chu lata litamakxtakgnit akxtumtapan watiyà nak ja`e takxkatsin takaktsin nalay la nawan Lanka xpulakkaxlan talakapun.

X. Xalikgawa tatlawàn tlan nalamakgxtakgan ixlitlawat pala chuna taskini chu namalhani tapakgsin wa ixlakata nanaliwankan la stalanka lanita takglhuwit xatakgxwatanchapan, na xalituwa kaxtlawapalakan talakgalhit chu lakgalhin xa akxni ni chuna ixlalh chu ama lakgalhinat na tlan ixpatipa nak xlakkaxtlawat nachunà ikalakgchah a tunu talakgalhit chu xakakapulhuwa limakwan.

La limakgxtakgka, chu lakatitum tlawapalakan xatalakgaxokgon awatiya anà kitayà xlimakanajlit takgxtakgajni akxni makatsininan la manukan litamakgtayàn chu xalimakanajlit tachixkuwit, nachunà namasta lilakgaxokgon ti talakgsinit xlakata nalakgaxokgo tu xla kgalhi la akxni nixtlawaka talakgxokgon, chunà anà ixlitamakgxtakgli ni ixtawi talakgxokgon xlakata chuna ipuxokgonita latà tu, pala tlán ixwa litamakgtayàn chu ix xokgokgoka talakgalhit.

XI. Namà litchakgòn naskinkàn nak xatalipaw pumapakgsìn akxnì wa lakghan xalakatitùm.

Litamakgtayàn xapumakgatanksan tamakxtumit xapulakatsuntìn chu piwa mapakgsina xatalipaw natlaway la ixlilat nachunalitum ti lakglhninanit namakanasta xlitamakgtayan xla talakapun nak xalakatitum pumapakgsin, namakanasta xatalakgxtalin xatalakapun nak takgantaxtin, nanalalemanukan malakgsina xakalakapulhwa chu pakgtun nema ixla nawan.

Xamakgapitsin, nanatalakgapasa chu natalakkaxlawa la xlitamakgxtayan xla talakapun nak xalakatitum pumapakgsin, namakanasta xatalakgxtalin xatalakapun nak takgantaxtin, nanalalimanukàn malakgsina xakalakapuluwa chu pakgtun chu pakgtun nemà ixla nawan.

Xamakgapitsin, nanatalakgapasa chu natalakkaxlawa la xlitamakgxtakgnit pumakgatanksan xla xlikilhpulakni usu pumakgatanksan xapulakatsuntin.

XII. Ti akspuntsala xlitamakgtayan tachixkuwit xla likatsin li tlewekgihhnaskinkan xlimakamajlit takgxtakajni la nak Lanka pumakgatanksan, chu ana' natasiyacha tiku nalakgchan, natlan lakgan pala kan a tunu pala chuna nataskini xatalakkaxtlawat nema namakatsininankan, la wi xatalhkawalin litapitsin VIII.

Pala makgatanksana xala ixlhulipulakni usu xakstu pumakgatanksan xapulakatsuntin ni ana' ixlatamalh niku latama talipaw mapakgsina, tapakgsin nawan tiku namakaxkikan tatsokgani xla litamakgtayan, wa neje tlan nalimakgxtakga kantsina xatatilewg tatlawan, pala chuna taskini chu nawan tapakgsin.

XIII. Akxni xatamakxtumit pumakgatanksan xapulakatsuntin nalikgawa xlimakanajlinat nama ni kilhchan nak takgantaxtin tapakgsit nak litamakgtayan nemà lakgchan.

Xapuxku Makgatanksanà xalanka ipulakkaxlantalakapun, IX likgawanà pulataman xala xtapakgsit tachixkuwit, neje tapakuwilh pumakgatanksan usu neje takgantaxtin tapakgsit nemà tamalhanilh xlimakanajlinat, tlan natamalakgsì nak Lankga ipulakkaxlantalakapùn chu nak limakxtum usu lankgapulakkaxklan latà nataskinì, namà akxilhkan xlimakanajlinat nemà tlan nataxtuyachà la xatakgachakgxintapakgsin.

Akxni, Lanka ipulakkaxlantalakapun nalikgawa xlimakanajlinat pula nichuna lay nak takgantaxtin tapaksit xla litamakgtaya xli tlawat limakanajlit lata tawilana Lanka pulakkaxlan, ixlikgawana pulatama ixtapakgsit tachixkuwit tlan natamalakgsi tu

nichuna, nak Lanka ipulakkaxlantalakapun, neje limakxtum taskujmana natawan neje xlimakanajlinat tlan natxtuyacha.

Xatalakkaxtlawat nemà natamakatsininan nak Lanka pulakkaxlan usu xalimakxtum xalanka ipulakkaxlantalakapun pala chuna taskini la wan lakstuntin tatsokgni, watiya namakwan xatakgachakgxintapakgsin chu lakatitun nalay xalimapakgsin la likilhtsukunit xatalakgxokgon. Neje makatsininankanit nak takgantaxtin tapakgsit.

XIV. Pala watiyawa la wi nak ixlikilhsputut lakstuntin tatsokgni xla II litapitsin xla ja'e likatsin, nalay xatachikgòn takgxtakgajni xalakapala Litapakgsin xalitamakgtayan nilay xpalakata tiku talakapunit, akxni tlewekgsskinkanit xtalakgalhit tachixkuwit nalay la wan tapakgsin. Xawa anà kgalhi tatlewekg chu tlan nalmakgtakgalha talakgxokgon.

XV. Xla Likgawá nak Liputum Pulataman xalilakaxlan usu namá xla limakgtayaná Xapulakatúnu Pumakgamakgtayàn Lilakgatum Pulatamatni nemá na talaksakay, ja'e wakg na palkgtanú nak xa takantaxtín tapakgsin xa Litamakgtayan; chu tlan matlaní tiku ni xpaktanuputun nak tapakgsit, akxní natakgxilha pinamá xakitaxtun ni liu tuwa.

XVI. Pala wi xa Tamakgtayan chu xa Mapakgsinanìn tatlawparáy taklhuwit usu talakpaliputun xa talakg'xokgon nemá xla ixtalakaxlanilh xa Mapakgsina xa Pulatamatni Lilakxtum, chu Liulankga xmapakgsin xalilakaxlan wan pi ni xmatlanikan ni na Makgantaxyt, ja`è Mapakgsin tunkán namà tanu xa xmapakgsin chí na makamasta nak xa, Makgatank'saná xa Pakgtat xalikilhpulakni nemá ixlakgchanan. Para tlan, ni natawakan xlakata tawan xa pulh usu natlawakan xlákata tawan xa pulh usu natlawaparay, xalankga xa Pulaka xtlawan tamin ti tlawalh ch una mastá kilhtamakú xlakata chuná xmatlaní tlawa xa Talakgxokgot.

Pala xa Mapakgsina ni tlawa nama xa talakgxokgot la ixmaxkika kilhtawa Kú, xaliulankga Mapakgin xalilákaxlan natlawa tú wan namà xaliulankga Mapakgin xalilákaxlan natawa tú wan namà xalimasikanitanchá

Akxní xlilat nama litlawat matlanikan, xalilikax lan Liulankga, akxní nawankan xlakata ni Makgantaxtinit usu tlwaparanit xa litlawat nemá xlitayanilh, natakgalhi xalitakakni xa Makgantaxtiy xa lipuxokgo xa xla talakgxokgón xa litamakgtayan akxní likaxlaway snun talákgalhnikan xla talichixkuwin usu axamaktutun xaliuka nema xa limakuan xaliliktaxtutaman nema xa Makgamaklhtinan xla liku talakkatsan. Nachunalitum, xlá tálakkatsama tlan naskinikan nak. Makgantaxtuninanin nemá lakgchan, xlakata na makgantaxtiy xa lipúxkgo xa xlá Talakg'xokgo watiya akxní ixlilay na limakuániyan.

Xla akxní ni tlawakgan taskujut xa lia'an usu xa tsankgání na makgpuntuminan ti xlak'chanan, nak xalitlawan nema makuan xa makgantaxtuninan xa lipuxokgón xa Litamakgtayan, tlawakan xa lisputni la wan litapakgsit nema xalitapakg siyaw.

XVII. Xa Mapakgsiná nema litayaní namakamin cha nak xa Mapakg'siná nema ixlakgchanan, akxní ní talakgchokgo xalitlawan nema xaliwanikan na tlaway, chu akxní natakgalhi lipuxokgón nemá na lani chu ni talakaskin usu ni xa akgchaní, xlá nak jaé aktuy xalisputut xa lilat, xtum xa litlawat xa litachixkuwin xa xlá Mapakgsiná lixtum tiku mastanit xa Lipuxokgon chu nema tiku lisakuanit.

XVIII. (Limapanukanit).

LIMAPAKUWIT LIKILHMAKTATY.

Xa xla xatalitayan xa xla taskgujina xa kakapulhuwa chu xa takagalhit xla Pulatamat.

Likatsin 108 (Art. 108). Tu ląkgchanan xa xtalitay nema wan jaé limapakuwin Talilhkanikan la xla ixtaskujna Mapakgsinanin xa puxokgonin xa xla Ihkayawan kalipulhuwa, ti skujma nak tatlawakglhat taputsan xa xla Lipulatatni lilakatum chu xla, tatlawakglhat Litaputsan xa lak xlialhpulakni lipulá tamat, makgtayanáchu ti skujma chu kaliputum, pak's lilakchixkuwin na ti limaktayana taskujut, mapakgsinamá, katilankga Litalhkatkatan nemá xatipakgatsi taskujut nakxpulakgní Limakantaxtu ninanin tamakgxtumit, nak xa tamakg xtumit tatlawakglhat nak lilakaxtlawanin Tapakg'sít xa lak xliklh pulakgní Pulatamatíni usu nak Akchipalin kakapulhuwa xa Lilakgxtum Pulatamatni usu nak xliklh pulakní Lipulatamatni, chuna la xla skujnanin xla nemá xla jaé limapakgsit mastakan xa likstu tapakgsí, tiku na litayáni la xla luku tlawa usu na chuna túku ni na tlawá akxní skujmakgoy Xa p'uxku Mapakgsina xa tachixkuwi, tapakgsit, akxní akpuxu xa ixtaskujut, matlaní na malakapukan xla TRAICIÓN A LA PATRIA. Chu xa nixalakatitum xa lixkgjnit xlá xamatixtum putumkan.

Xla Mapakgsiná xa lipulatamanín, xa lilakatiyananin.

Nemá án nak Xaliakaxtlawanáníntapakgsit xalatalákatsú, xalimakgatanksananin xa lak Lankga lipumakgatankgsan xalitaputsan xaka talakatsuntín chu, wi, xalimaktayaná xa Putum makgatanksananinanin xakatalakatsa xla jaé.

Limapakgsit chu xa xla litapakgsin xa li lakatum Pulatamatní, nachuná litum la xlá ni tlan makuanat xa maklakaskin Limaktayat.

Xapulamatatni lilakatum.

Xla limapakgsinin xa Pulatamátni xa xla Tapakgsit Tachixkuwit tanks nawankan, nak xla piwa la wi nak tatsokgni nema wi nak xalikilhmakgtam putakgtamtatsokgne xla jaé likatsin chu plati nalakgchan xa litayan xa litapakuwin liskujnanín xa kakapulhuwa tíku tlawá xa akpuxku, taskujut usu katilankgalitalhkatayan nak Pulá taman chu nak Putakgsin Lakgtsu Pulataman.

Likatsin 109 (Art. 109). Xa Limakantaxtuninanín Tamakxtumit chu xla Ixpukaxtlawan Tapakgsit xa lak pulamatatni xpulakni putapaktat xa ixlakata putlajan, nalikaxtlaway litapak'sinin xa litayanichan xa xla maktayaná Mapakgsinánin Kakapulhuwa chu xla tipakgatsí mapakgin nema linán xatapaninankgo tiku kgalhí jaé litalhkatayat, tlawákan jaé xla xalitayat, la wi nak xa litumkan xamakaxka tsinit.

I. Na kaxwilikan, xla Takantaxtin Tapakgsit kakapulhuwa, xla tapatín la wan nak xa likatsín 110 Taskujna kakapulhuwa nemá lilhkawilinit nak piwa jae xamatixtum, akxní Tlawama xtaskujut natlawa tuku nalakgalhiyan xa limakuanit kakapulhuwa nema mini'i ix lakgchanat.

Ni xmatlani xla takantaxtin Tipalhuwa Tapwan xpalakata watiya xla xtakglhí tapuwan.

II. Xla litakalhkatayan xa tatokglhnin xa kakapulhuwa jaé nalitsalantaputsa cuna kamaxkí xa litapatinankan la wan xa pukaxtawankán tapakgsit xatatlawan taxtakakaj'ne; chu.

III. Na litlawayan litapátin talitawajit xa litaskujna xa kakapulhuwa xlá tuku tlawalh usu tuku ni tlawalh xpalakata talakalhíy xa limakanajlit, xakstítum, tituman, imparcialidad chu liskgalalay namá talakaskin akxní na tlaway ixtaskujut, xmapakg'sit, usu xalitalhkatanay.

Xla lilakkaxtlatíhat xlakata na tawilín xa xlá xtaxokgontalákglin nema wankanená na litatlawanikan xakxtukan. Ni tlan nawilikan akgtuy xalitapat'n xlakata xapiwá xlimanit nema kgalhi nak xlilatamat.

Xlá litapakgsitnín nawankan xa xlilat chu nikulá na tlawanán xakata na xataxokgon takgalhin xataxtakajne. Xpalakata Malhuwikanit tumín nema tu nilakatitum limaktayana xa kakapulhuwa nemá wa xla akxní ixskujlí usu nema xla napiwa, waxla usu wi tiku ixmakg'tayanit, chu wa xpalákata malhuwinilh xtakgalhit, natamawa xa lakgatumini usu na tamila la xlá Puchinánin nak xlá xa ixmin xa nixalákatitum ni kanajlay xa la niku ixminchá. Xla litapaksit xataxtakajne na litapatinkan xlakata nalisakkan ch una limaktikan ixtakgalhit xla jaé xlakgatumí, na chumáilitum nema tunu xlilat nemá xlilakchani.

Xa titá, xla snun Talitan'y chu nak xa limakamastay limakuat nema xla nema mínípí tu kilhwan xlikana, natamatlaní Makgsi xa nak xa Putamakxtumín xkaxtlawanín Tapakgsit xa lak Itamakxtumít Makantaxtunínanin xpalakata xtayat nemá wan jaé likatsin.

Likatsin 110 (Art. 110). Xla xlakaxtlawanánin Tapakgsit chu kaxtlawanánin Tapakg'sit tlan ixmatlanikan xlá takantaxtinan namá ixamá paktanak Limá Kantaxtuninamakxtumít, Napuxkun Makgatankgsaninanín. Xa xla Lankga

Xpulakkaxlan Talákapun xa lak Lilakatum Pulatamatni, xla Makg'makgalhchiwinaninanín xa la nak Putummakgatanksa ninanin Pulata'matní xalilákatum, xalimaskuj nanín xa Puchiwinin, xlakkaxtlawananintapakgsit a xla Lankga Tamakxtumít xa lak xlikilhpulakni Pulatamatní, xlá Lía Kgawana Putumlipulátamat xa talákaxlan xa lak xlikilh pulakgni Lipulatatiní, xa xla Matanksanátapakgsit chu xa Makgatankg'saná xa Lilakxtum Litalkgachixkuwit xa la nak xlikilhpulakní Lipulátamatni, xla Makgma kgalhchiwinaninanín xa lak Putummakgatankgsuninanín xa lak xlikilhpulakni Lipulátamatni, xa Makgmakgalhchinína xa Mapakg'siná, xlá Makgmakgalhchiwinanin xapulakalh kanawan, chu xlá makgatsokgná Makgantuxtuniná Pula'akakatsin Pula'atumátnílakxtum. Pulakalhkayawan, xlá Matak'asaninanintapakgsit xa lak Pukgatankgsan xa Pulákalhkayawan, xa akpuxkuná xalíputum chu xtachunanín xa lak Limakxtuminilankga nemá xakstu tapakgsi yaj xtum wí, Pumakajkuj'kan nemá xkamakamakg'tay Pulátamat xlilhuwa, litachixkuwin chum limokgxtumkan nema xpaktanuma nak ja'e likxtumtaskujkan kakapulhuwa.

Xa napuxkun Mapakgsinanín xalak Pulátamatní, lilakanit katayaninanin xakatalakatsuntin; Maktankgsananintapakgsit xalak lankg Pumakatanksan xalilakaxlan xakata lakstsuntin chu xalé makgtayananin xaputum Makgatanksaninanin xakatalakatsuntin, xmatlaniwatiyá xa takantataxtinan xa tipaltiuwa tapuwan la wan Lilakapalintakgalhtawakga nak xta tsotsokgne xla xlakata xatampusay xalixkajní xlá ja'e limápakgsit chu xa litapakg'sinin xa Pulatamatní Lilakgxtum nema xlá makgaminchá, nachuna xlá la ni tlan xmaklakaskinka xla xa Pumakinin chu xa xla litamakta y Lipulatamatní lilakatum.

Lata ja'ē taklhuwit xa likaxtlawan watiyá namakamastá taxtú ch una wanikancha xa Pukaxtlawan Tapakgsit xakatalakatsu xpalakata chuna akxní natlawa tu xtaskujut na klaway tu kalakchan.

Xa litapatin wa xla namapanukan xa maktayánin kakapulhuwa chu na ni matlaní tlawá

Akpukuná, taskuja, Mapakgsin usu xa litalhkatayan xa lipakgatsí xalimakuan limakgtay kakapulhuwa.

Pala na xlitlaway xa litapatin nemá wan ja'ē xamatixtum, ixlakkaxtlawata paksit putamakgxtumit tlawakan xmalakápunkan nak ixtalakaxtlawanin tapakgsit Putamakgxtumit, xapulh talakaskin ixtachiwin xachalhuwa nemá xwilachá nak tamastokgne xlá namá xputamakgxtumit, alistalhnemá ixlichiwinankanit chu ixmalhuwikanit tu tlawamakgolh, nakaxmati ja'ē lisputut tíku talolókgnilh.

Xlakapasá xakamalakapun namá xlá Xtalakkaxtlawanaintapakgsit Putamakgxtumit, tayanilh xa makmakatankgsana xalipuxokgon, nalitlawáy xalitapatin nemá ixlakgchanán nak lisputut tachiwín xaxla akgtúy ixlitipatutu mapitsíy la tiku paktanuma chu ixwí nak tamakgstokgni, chu akxni xtlawanít xatatlawalh nemá lakchanankgó chu na nakgaxmatkgó tiku talulokgnít.

Xla litachiwín chu xalilakkaxtlawan xalak xtalakkaxtlawanín tapakgsit xputamakxtumit chu xakaxtlawanín tapakgsit wa ni tlan nilá katakikán.

Likatsin 111 (Art. 111). Para xmatlanikan takgxtakgajne xtlawá xlakaxtlawananín chu xatakaxtlawanín tapakgsin nak Makgantaxtuninanín tamakxtumin, xla xapuxku Makgatankgsananín xalak liw Lanka Xpumapakgsin Xalilakkaxlan xalak Pulamatni Lilakgatúm, xla Matanksanatapakgsit xalak Puchiwinkàn Liw langa xa Pumakatanksan Pulakalhkayawan, Makgmakgalhchiwinanín xa –putùm makgatanksananín Pulamatni lilakatum, xalimakaskujnà xa Pumapakgsin, xla xakaxtlawananín nemá anà nak Tamakxtumit xa xlikilhpulakni Lipulamatni, namá xla lanka Liakgawaná xalak Tapakgsintachixkuwit chu Xaliakgawana xalanga xatalakkaxlan xalak Lipulamatni Xlikilhpulakni, chuná litúm xla Mapakgsiná makgmakgalhchiwininá xawá makgmakgalhchiwinanín xa pulakalhkayawan xala nak tamakgalhchiwinitat liputum xalak ixpukgantaxtun tachixkuwit lipulamatni lilakxtúm xa pulakalhkayawan, xa litakalhkatayan xatatokglhni akxnì ixmakgantaxtinilh ixtaskujut, xla xputamakxtumit ixkaxtlawanán tapakgsit natawanán xla ixlichalhuwa litúm la xla ti xtanuma chu xwi nak tamakgstokgnì, para wi usu niwí kilhtamakú xlakata namalakgsiyán pala xlá nixtalulokgnít.

Para xa talakaxlá putamakxtumit nawán ni chu na tachokgóy paks tuku ixtlawamakgóy, wa xla ni wa laniyan xpalakata wa xa liyawamakgólh namá xalitakalhkatayat xatatokglhni nitachokgóy akxní namá xla ti ni liyawmakán tputnít xtatlawá xa'akpuxkunilh, xla pi wa ja'é ni'akxilh chu ni'akgatanksáy xla xlichipaxní xlá liyawmakgonít.

Para namá xaputamakxtumit nawankán pi matlanikán namastá xpalakata natlawá, chu ti kgalhí xatalulokgni nalitamakgxtakgkgó nak xa Mapakgsiná xpalakata natlawakgó xlilat la wan xalitapakgsit.

Chu xaLanga puxku Mapakgsiná xla Tachixkuwitapakgsit, watiyá naklay xlakata malakgsinán nak xla Putamakxtumiy xtalakkaxtlawan tlawanán tapakgsit la wan lisputut xalikatsin 110. Nak ja'é chu xa Xputamakxtumit xtalakkaxtlawanán tapakgsit xlakán natalakkaxlay la wan xalichipaxni nak xla lilakkaxtlawan tapakgsin xatakgxtakgajne taliwalinkan.

Xlakata xmatlaní natlawá xatakgxtakgajne la xla tatokglhnín lipulatamatnín lilakgxtum xla xa Langa Mapakgsinanín xalak pulatamanín, ixlakkaxtlawanín xakatalakatsú, xa Makgatanksananín Tapakgsit xalak Langa Pumakgatanksan xatalakkaxlan xla nak Pulatamanín chu nak xla kitaxtut xalitaskujnanín xlakán Makgmakgalhchiwinanín xaPutúm Makgatanksaninanín xakatalakatsú, stalanan xapiwá taskujut nemá ixwijá nak ja'é Likatsin, xawa nak ja'é chu xkilhuwanankán, xa xatachiwinankanít xala Nikù xmin wa xlakata na natalikatsiniyán xaxlakán xpukaxtlawankán tapakgsit xakatalakatsutìn, xlakata nak ixtaskujut natlawáy la xlakchani limatlanít.

Xla xtachiwinankanít chu ixlisputut la wan xaxlakán Xaputamakxtuminín xakaxtlawaníntapakgsit chu xtalakkaxtlawanín tapakgsit xla wa chu nilakatakikanán.

Tu na lá xlakata namá xatachiwinankanín xlakata natawila kilhtamakù chu tlan talatakikán xla ni xtalokgnilh natapunukàn xla xtaskujut akxni xtitaxtuma chu xwi nak lia'an xataxtakajne. Pala ja'é xla nilisputa nak xatalakgxokgot nemá ni xliyawamakgoy nemá xla ni ixtalolokgnilh tlan na tanuparay nak xtaskujut aná ni ixstujmakgolh. Pala namá xatalakgxokgón wan pi wa ya talolokgni chu wa xlá tatokglhi xtlawalh akxni xakgpukumakgolh namá tach'in ni xkamaxki xalimatsankgen.

Nak xatalákapun xa xla xamatixtum xlatamat tachixkuwit nemá xla tatlaway xatalakatakit xaliputunu skujnalimaktayanin kakapúlhuwa ni ixtalakaskinkán xatalichíwinankán xala Nikù xmin.

Xla xalitapatinánkán taxtakajne natawalinkán la wan na xatatlawanintapakgsit xataxtakajne, chu xlá ja'é talákgalhinin na xla talitalhkatayat ti tlawalh kamaxkikán aktsú litamastukut ya lakgtaxtutaman usu na tlawa tu xtalakalhnikán namá xalitakgalhinit, ixmatlanitlá nalikaxtlawà xlakata xtunú la littajanilh xalimatajin tumín chu xa xtalakaskin na xokgokan tu makgtika chu xa xtakalhinit nemá xlitaxtucha xla tu tlawalh nixlakutitum xla litapatininankán xalaktaxtutaman ni na malhuwinankán xla xliakgtutu xa xla xalimakinilh nemá xlitlajalh usu namá xla xatalikalhnilh nemá xtlawalh.

Likatsin 112 (Art. 112). Ni xtalakaskinkan xatachiwinankán niku xala xa xla putamakgxtumit xa Xlakaxtlawanánin tapakgsit akxni chatunu xaskujnanin xakakapulhuwa nemá xalimasininan xaputaktum tatsokgni xakilhmaktum xlá likatsin 111 natlaway akgtum tatokglhni akxni ni skujma xpakata xtapanulh nak xamapakgsin.

Pala namá xalimakgtayanin xakakapulhuwa chimparanit nakxtaskujut usu ixmalakapunilh usu xatalakalhkayawanilh xpakata na akpuxkú tunu taskujut ja'é xla wa namá xla wan xa likatsin 111, natlawakan la xtum la wankán nak ja'é xmapakgsit.

Likatsin 113 (Art. 113). Xla litapakgsit nemá wan tukù xla talitayanikán xak chipalinkan skujnanin xakakapulhuwa, na wankan tukuya namá xamakantaxtinanin xpalakata namakgtakgalhayachá limakanajlit, lakxtum, akxtitum wa, chu xaliskalay nak ixltlaway xtaskujut, ixmapakgsit chu xalitalhkatayaní; xla xatapatin nemá xlitlaway xpalakata tu tlawalh usu ni ixtlawalh nemá ixtanunit chu ninlá tlaway chu xla mapakgsinanin na taliwilikán. Namá xalitapatinkán na chuna litum nemá masini xla litapaksinin wa litachokgon, limapanut, xa yaj lanà wa xatapatin xa xla lakataxtutaman chu natawila xaxtum tapuwan xlakata xla xalimakuan xalakxtutaman nemá lixtlajalh xla tiku xlitayanit chu xalixkajnitlawalh chu xatakalhilh nak xatakgalhit namá tlawalh xpalakata tlawanit usu nemá nixtlawalh nemá wan litapatsin III xa likatsin 109, chu xla ni xmatlaní lilhuwanan watiya ixlaktutu nemá lixkan tlawalh chu xalakgalhinit.

Xla talitayaní Xapulataman xpalakata xa talakgalhinit xlakata xa tu tlawalh xapukinan nemá ni ixtitum, katlawa nak talakgalhi usu nak xlakgchanat xa la xachatunu, wa titum chu xalilakgchat. Xla xa chatunu natakgalhi lakgchanat xa akgtum xalixokgonankán la xalitalhkanit nak xa kachipaxni, lipakgtá chu xa litlawanilh nemá na laní nak xla litapakgsinin.

Likatsin 114 (Art. 114). Xa xlitlawá xatipalhuwatapuwan takantaxtintapakgsit, tlan tsukuy akxni xalimakgtayana xakakapulhuwá skujma usu xaktum kata xalistalh.

Xla litapatininankán xaxlakata nalitawili nak kilhtamaku xlilaktsun ka xaktum kata nemá xtsukuka xa xla xlitlawa xla xalitayanilh xla xatatokglhnin nemá ixtlawanit nak xakilhtamaku akxni ixkujmá xalá xalimaktayananin xakakapulhuwa ja'é na wan xaliu talakaskin la xmakanajlit xla xa kilhtamaku xa lisputut nemá tawilay nak

litapakgsit taxtakajne, nikxni nawan xalakatsuntin xa akgtutukata xakilhtamaku xalisputut tachokgoy nak la xla xalimaktayana kakapulhuwa tlawá akgtún xa `akpuxkutnin nemá wan xa likatsin 111.

Xa litapakgsit masinikan nukumá xa lispútut xa xla talitayat xalakkapulhkawilin nakxilhkán xa nikuminchá chu tuku nalay xa xla xlitlawanit usu namá ni ixtlawanit nemá wan litapitsin III xa likatsin 109.

Akni ja`è xlitlawanin usu nitlawalh xla kgasnun xa Kilhtamaku xa lisputut ni xala xlilikgtsuaktutukata.

IXLAKPULANÀ XAKILHMAKKITSIS

Xa xla Pulatamanin xa lak Lipulatamatni chu xla Xikilhpulakni Lipulatamatni.

Likatsin 115 (Art. 115). Xa Pulatamatni lakatitikan pala xpulakgni mapakgsin la xla xamamapakgsi xtapakgsinin tachixkuwin, lakatiyanian, kalakatachixkuwin, xalichipaxnitakgalhí xa xamaputsi tiyatnin chu xa lilakaxlat tipalhuwatapuwan chu xalakpulhkawilin liktsu PutapakgsinlakgtsuPulatamán la min xakachipaxní:

I. Katunu Putapakgsin lakgtsu Pulatamat na limapakgsinàñ la xla akgtum Pumapakgsin xa litakalhtawayanit xa kalitachixkuwin titum, paktanu chatúm púxkumapakgsiná chu xa xataskujnà natanúy la xla wan xa litapakgsin. Xaxlakata xla nemá ja'è litapakgsin mastá xla mapakgsinà xa PutapakgsinlakgtsuPulatamat ja'è natlawá watiya xla xapumapakgsin ni napakgtanú mapakgsinin nak xla ja'è chu xa mapakgsiná xapulataman.

Xla mapakgsiná xapulapakgsinlakgtsupulatamat chu xla limaktayana xa xla pumapakgsinín, nemá ixtalaksaknit xa titum, usu xla xamapakuwinilh usu xa litalhkayaway akgtúm mapakgsiná nemá ti akpuxtuma xataskujut xaxlakan namá mapakgsin, xakatuwá nemá xa mapakuwin nemá xa mastákgoyan ni xmatlanikan nalikalhkayawaparay xakilhtamaku xminpuntsu. Paks xataskujná mapakgsinanín nemá xkawani, akxní wa xla xa puxku puchina, ni ixmatlanikán nalilikalkayawayan xa xla kilhtamaku namá min.

Xaliputsu xa'akpuxku lipuxokgon, chu wá xlá litu wa xlá xa lipuxokgon ja'e xmatlanikan nalilikayawayan xa xlá kilhtamakú nemá min xaliputsu xa Puchina na wan. Watiyá ni matlaní akxní nak namá kilhtamakú ixsukujmakgolh.

Xlá Pukaxtlawantapakgsít xakatalákatsu, akxní wi xtumtapwan ixliakgtuy xapulaktutu, nemá xpaktanúma xmatlanikan tachokgó Putapakgsín Iaktsu Pulá taman, tlan nawan xlakatayaj wi chu natachokgo usu namá kaxlhí ixtapakuittaskujut akxníni titum tlawa' ixtaskut la xlá wan litapakgsit xakatalákatsú, watiyá akxní ixtaskujná xtakgalhí xamatlanín xlakata natamastá xa litamakanajlat chu xa tachiwin nemá xlinakuaniyan.

Pala chatum skujnanín nalitamaxtakga ixtaskut, tunkan putsakan tunú chu ná tanú usu na litlawakan la wan xalitapakgsit.

Palá na wankan xapatsankganit aktum putapakgsin akgtsu pulataman, usu xa laktaxtunit usu katsankganí xa lichalhuwa xa taskuj'nanin, pala xtum la wan litapakgsit ni xlimatlani na tanu xalákgapuxokgo nipala natlakawaparay sasti pulakalhkayawan, xapuxlakgaxtlawankan tapakgsit xalak pulatamanín na

Ihkayawaparakan nak xatachikinin para xla Makatansaninanín xa Putapakgsinin aktsu pulatamanin, nemá xla namasputunan xa'aktsu killtamakú taskujut; jaé Makgatankgsananin natakgalhi chalhuwa skujnanin la wan litapakgsit, nemá namakgantaxty xa maklákaskinit xlá namà xa lilhkayawakanan xpalakata xla na lilhkayawá xa limaktayaná Mapakgsinà xalak Putapakgsin laktsu pulataman.

II. Xaputapaktsin lakgsupulataman natakgalhikan, tachixkuwit xalimapakgsín chuna akpuxku xatakgalhit la wan xa litapakgsit.

Xla Putapakgsin laktsu pulatamat natakgalhi xaxlakgchán xlakata xaktsunakanajlay, la talakaskin litapakgsit nak xalimakanajlitpumapakgsin nemá namakamastay xapuxkutlawantapakgsit xa lak pulatamanin, xa lipokgtum xamakgtakgalhninanin xa kachikínin chu xa mapakgsinanin, xla xlitapakgsitkán lakgpulanitapakgsit chu xalilakaxlantatilhat lakgpulhkawilin xaakxilhkán xliwak nakxpulakni xtapakgtatapakgsit nemá xla nalikaxtlawa lakgpulhkawilin kakapulhuwa putapakgsin laktsu pulataman, talakkaxtlaway xalimakanajlit, lan la natlawa, xalakgchani chu limakgtayan kakapulhuwa xa lakchanat chu kanajlá xalimastukut xalakchixkuwin chu xa litachikinin.

Xa xlilakchat xa litapakgsinin nemá wan xatapaktum nemá xapulh ja'é na wan ninlá nalay:

- a) Xla xalichipaxni putum xa xla lakpulhkawilin Kakapulhuwa xaputapakgsin lakgsupulataman chu xa litlawa xalakgpulhkawilin nikù napaktanu nikunla namanukan xanitamatlanit, chu xamakgantaxtuninanin xlakata nalikaxtlaway

xakataklhuwit nak xa akgpulhkawilin chu xakachatunu xa xla xamakilhwakga xa likilhtsukut likxtum, xamakgpuntuminá xatakgaxmatnin chu takanajlat.

- b)** Nak xa takglhuwit nikuma natalakaskín xakxtumtapuwan xa xla akgtúy xlipulaktutu xa limakgtayananin xa xla PutapakgsininalakgtsuPulataman xlakata namakamastá xalimatlanit nemá nalakgalhi xa litakgalhit xapumapakgsin usu xa natlawakgoyan xa katatalakaxlan namá xla ni limakuani xapumapakgsin la xaliuka ixkilhtamaku akxni xmapakgsiná.
- c)** Xa xmapakgsin xla xlitlaway liputum xlakata xalitlaway xa katatalakaxlay nemá wan xla litapitsin III chu IV xla ja'é likatsin, la xla xaliakgtúy putaktum xa xla litapitsin VII xa lak likatsin 116 xa xlá ja'é limapakgsin.
- d)** La xtlawa chu xa maklakaskinka para xlakata xalanka mapakgsiná xla pulataman tlan anlikitayani usu na tanukan nak limaktayan Xaputapakgsin laktsupulatamat akxni, xapukaxtlawakán tapaksin pulataman natawan pala akgtúm Putapakgsí laksu pulataman nemá likitayá ni xmátlanikan sa'kuay; wa chu, talakaskin naskiní xla Pumapaksin nemá ixlakchaní talákaskin xla aktuy xla limaktutu na xakata pulhkay chu nawan tlan.
- e)** Xa limalaknut litlawayan nak namá ni ixlakchan katayánì.

Xla Xpukaxtlawakantapaksit xapulatamanín nama kamastá xalimapaksin aná na wankan ninlá natalikaxlá xa taklhuwit nemá ixkgalhí kátunu Putapaksinlaktsupulatamatní chu xa Mapaksíná xa Pulatamat usu nak xlakan nemá ixtlawanit nemá wan xa aktsu litapitsin.

III. Xa Putapaksínlaktsupulátaman natakgalhí xma pakgsit ixlitlaway chu xalimaktayat kakapulhuwa nemá xmin.

- a) Nemà xakgotkan chuchut, xputsalanchuchut, likaslan xa kaputlaninchuchut.
- b) Xalimaskgòn kakapulhuwa.
- c) Kalaksakgnan palhma, kalinkan chu kapalhnakgoyan xapalhma kalakmakan.
- d) Xalitamaw chu xa lakglankga Pulitamaunin xakxpulakni .
- e) Punin.
- f) Pumaknín.
- g) Xulalhnì chiwis, pupaxialhnan chu kaxanatnin chu xmak lakaskinit.
- h) Xamakgtakgalhnanin kakapulhuwa, la wan likatsin 21 xla ja'e limapaksin, xaliakgawaná xa Makxkatsíniyan Putapaktsin laksu pulataman chu liputlawankan:
- i) Xlá tunu nemá xla Pukaxtlawankantapkgsit xakatalakatsu nawankan la xlá xatalakaskinkan xa katiyat xawá xalimaktayan xatalakaskin, nachuná xla la tlawà xalakpulhkawilin kan tumin chu xakalakxokgonin.

Xlitlawanikan litamapakg'sin chu ni wi xa tak'lhuwit, nak xlitlawan xmapakgsín usu xalísakuat xa limaktayan nemá lakchanì xmapakgsit, xlá Putapakgsín laksú pulatamatnín natakxilhkan tu xtalhkanit nak xa litapakgsinín xalipulatananín chu xlá xa Pulatamanín.

Xlá Putapakgsín lak'tsu pulataman, xtumtapuwan xlípuntsu nak xa Pumapaksinín, tlan xtum nata'an chu limakgxtum ta'an xlakata chuna tank's tlaway chu masta xalimaktay kakapulhuwa usu xa kalitlan natlawà xalimaktay nemà xlakchaní, namápakgsinan kajpuntsu xa xlá, usu tlan nasakua usu naskujkan xaxtum nak xa Pulataman chu xa Putapakgsín laksu Pulataman.

Xalimakgxtumlatamatní xa xlá Matakuxtunanín, nak xpulakni xaputapaktat xa Putapaksín lakgtsupulataman, tlan xtum chu tamakgxtumta'an la wan tatsokgni chu xlakata la xla Makxkatsíniyan xa litapaksit.

IV. Xla Putapakgsinín lakgtsupulataman nalipulhkawilinan sakstu ixpumakin tumin, ja'é natakaxtlawankan la xla tu xalimawkanichan xa xla xtakgalhit nemá xlakan, nachuna la xa lixokgonankan xa pukaxtlawankan Tapakgsit xlitlawayan nak xa tipakatsi xa kitaxtut.

a) Limastakgoyan xtuminkan, anta'min tu xminini xa'mak tumlitum, xla nawan xa pulátamani nak xalakgatuminitakgalhi xla ktsu litapitsin, pupitsi, limakuan, alakatúnu chu xlikaxtlawa nachuná nemá tu xkgalhi ixfilhtsukut ixtalalakpalit xatalipaw xa lakgatumini.

Xlaktsu pulatamat tlan tlaway xalimakua xla lankga pulatamat xlakata jaé tlan naliskujkgoy xakatunu taskujut nemá lin xa akchipalin la xlakan namà xa lixokgon.

b) Xla xlipaktanukgo xa lipulatamatni, nemà limastukgoyan xla lipulatamatni nemà xa ktsu pulatamatni xla likaxlhawanán xa kilhtsukut, xlipaks chu lilhká nemà kata, kata tlan nawana ninlá ja'é nawan xla xlikaxtlawanán xa kapulátamat.

c) Xla xlikamakaklhtikan nemá mapupitsikanit xla xlisakuanit xla makgamaktay xakakapulhuwa nemà ixmapakgsinama.

Xla litapakg'sit xalipulatamat ni lisputman xaxlitlawat xapulatamatni nemá xlakata na wan tuku nalimastakan nemà wankan xalitapitsin a) chu c), ni namastakgoyan

litlan nitikù nemà la wankan xa pewá xa litapkgsin xalipulatamanìn limastá litlan chú ni mastá xalitlan xa litachixkuwin usu xapuchiwinin, la wan namà xalimastakan.

Watiyá ni tu xlitlawat namà xalilákatuminitakgalhí nemà xkgalhi xakakapulhuwa xa la lipulátamatni, xalalipulataman xawa putapaksinlaktsu pulataman, watiya nikúma nemà xalilakatuminitakgalhi na maklakaskinkan tiku ni paktanúkgochá nak pulatamatni usu nemà tiku xakstutapaksi, xa tutsu wan pi xmapakuwin ni kakxilhwin, nemà nakxilhkan xakchipalin usu tiku ni pewá naliskujkan la xwan xlitlaway, xa kakapulhuwa.

Xla xa puchiwin pumapaksin, anà ni wi xpaktanut, tlan na wan chu namakamincha nemá xa xpulákaxlantapaksin xapulátamatni xlakxoknon chu nemá xlá nikunlá naxokgo nak takxokgonat, lakchánat, chu nikulà namastakgoyan xlákata tlan tlawá chu xatatsokgne xtapalh xa katunu katunu xa lilat chu likaxlan nemá limákuaniyan xla xalikilhtsukut xla naxokgoní tu lilakchan la tu xkgalhi nemá wa xlakata.

Xla xapulakaxlantapaksin nemà xla xapulá tamánin nemá tlan nalitaxtukan xla tapaksin xalikamakamaklhtininankan tùmin xa lak putapaksin laktsupulataman, akxilhkan chu talaktsokgnan xliputlakgenkan xa kakapulhuwa. Xla namà xatalakapulhkan xatalaktlawan tùmin tlan natalichiwinankan tlan xlakan xapumapaksinin la xlikilhtsukun xla xlimakamalhtinankanit tùmin, nemà xtakgalhi.

Xla tu xtakgalhi tùmin nemà xtanuma nak xpumakintumin tlan na maklákaskinkan xa titum xapumapaksinin usu wa xlakan na waná tiku ixama tiyakan la wankan xa tapaksinin.

V. Xla pumapaksinin, la xtatsokgnankanit nak xla tapaksinin xa lilakxtum pulatamatni xawà Pulatamanin xa piwa wa xla tlan:

- a) Natakaxtlawa, tlan nawan chu na putlákanan katunu nikú xtalakaskinkan chu nakatlawa xmaklákaskinkan xataskujut Putapaksin laktsupulatamatni.
- b) Napaktanukgoyan nak xpulakaxlantlaway chu nak lakpulhkawilinankgo tu xtakgalhi nak xkatiyat.
- c) Napaktanukgoyan nak matakaxtlawanan litlawat xalikaxtlaway xatitsuntin pulatamatni, nemá tlan nalikanajla nak xalitlawat liputum. Akxni xa pulatamatni usu xla pulátamat natakaxtlaway xlitlawatkan xalikaxtlaway xa titsuntin pulatamat tlan nalikakxilhkan pak's natanukgoyan Putapaksinin laktsupulataman.
- d) Masta litlan, likakxilhkan, la maklakaskinkan tiyat, aná niku kitayà chu niku chan xlimapaksit.
- e) Natanukgochan xlakata tlan na likaxtlawan tiku tlan nakgalhi tiyat
- f) . Namastá xa litlan xlakata tlan nakaxtlawakan kachikinìn.
- g) . Katanuyà lakchani nak malakatsukun chu lakpulhkawilinitkan nak katiyani nemá niku ni ti natanukgochà xpalakata lan wi kakiwin, chuchut, kitsistankanin chu nitú laní chu niku nakaxtlawanan chu nalitlawaykan nak takaxtlawanat nak ja`è taskujut.
- h) . Paktanu nikù likaxtlawakan chu litlaway xla likaxtlaway xa putlawn xa kapulhuwa tachixkuwin akxni xlakan na lakalhiy aná niku lama.
- i) Kaxtlawa xa talakaxlat xpalakata xla lakpulhkawilikan chu xmaktakgalhat lakpulhkawilikan chu xmaktakgalhat xa katsuntin tiyat xa lipulátamatni.

Unú chu likxtumtapuwan xa lisputut nemà limasikan nak litapitsin xalikilhmaktutu xla nak likatsin 27 nemá wi nak ja`é limapaksit tipalhuwa tapuwan, nalimasta pak's xa litapaksin aná ni wan xa lakpulhkawilinikan nemà xla talakaskin;

VI. Akxni xaktuy usu lhúwa kachinin nemà xwi nak tisuntin liyat xa nak putaPaksin laktsupulataman xaktuy usu lhuwa pulamatni xa lilakxtum pulamatamakgni tlawa lhawaparakan kalá kachixkuwin, namà xa pulamatni chu xa kapulhuwa pulátamat chu xa putápaksin laktsupulamatni, aná niku xkitaya xlimápaksin, nakxilhá chu na kaxtlawanan xa lakxtum chu lakatitum xalikaxlan nemà kachikinin la xtatsokgnankanit nak xa tapaksin lilakxtumpulamatni xpalákata namá taskujut.

VII. Xla maktakgalhninan xa kachikinin nemà watiya nawan xalitlan, ja`é nakpuxkunan mapaksina xa lak putapaksin laktsu pulamat, la xtasokgnitawa nak tapaksin xa kakapulhuwa xa lak pulamat.

Xlakan natlawa la xlimapaksi xa Lankga mapaksina xla xapulamat namakamincha tuku natlaway akxni talakaskin usu akni lama aktum taklhuwit nak kakapulhuwa.

Xamakantaxtina lipulamat na kalhi xamapaksit xla tatlawaklhat xa kalitalatni xa kakapulhuwa aná niku latamayachan usu niku titaxtuyà chan.

VIII. Xla litapaksinin xla pulamatni maknukan xkilhtsukut xla makamastat lakxtum nak talaksakni xa pumapaksinin xlipaks liputapak'sin laktsupulataman.

Xla xtachiwin xa taskujut xlakstipan xa putapak'sin laktsupulatamatni chu xtasakuankan, limapaksikan xla xtapsininin nemà namakamasta xla xamakamakantaxtunánin xa katunu pulatamat nak xkixtsuku niku wan xtatsokgni likatsin 123 xla já'e limapaksin chu là wan nak tunu xtatsokni nak xlitalhkayawantatsokgni.

IX. Xmakankanit.

X. Xmakankanit.

Likatsin 116 (Art. 116). Xatatlawakglha xa kakapulhuwa xla pulatamatni tlan namapapitsikan, xlakata ni tuwa naliskujkan nak makantaxtina, xlikaxtlawanin tapaksit, putsananin chu ni matlani natatamatmakxtumikan aktum usu aktuy xlakan ja'e tatlawakglhat nak chatum tachixkuwin usu xa lipoktumiyan ni pala natawiliyacha xalikaxtlawanin tapaksit nak chatum tachixkuin.

Xa tatlawaklhat xa Pulatamatni tlan liakaxwanan la xwan limapaksinin xa katunu, katunu, xpalakata makilhwakga la litum xa limapaksinin:

I. Xla Puxku Mapaksinanin xla katunu pulataMatni xmapaksinan xa liuka akchaxankata.

Xatalakgsakgni xapusku mapaksina xalak xa Pulataman xa wax a lak liakakayawan xpalakata.

Xla xapusku mapaksinanin xla pulatamatni, tiku tamin xa liakalhkayawat xa liputum talakachixkuwin, xlipuntsu chu xlipajtat, ni para aktum, ni para tiku nawan pi kaj napuxokgonan, xlipuntsu, usu watiya nalipuxkunan usu namaktakgalhay xa puchiwin ni matlanikan.

Nikxni na tanu nak xatalaksaklhka yawaniyanpala:

a) Xlá puxku mapaksina nemá xapalakxokgoma nemà na lhka yawakganit osu namà watiya xpuxokgoma, asta akxni nasputkgo ixkilhtamakú watiya akni xlikana tsankga tiku xlikanalhkayawakanit, asta wa namà tixkgalhi tunu xmapakuwit.

b) Xlá puxkú mapaksina ti tanúkgoy puntsu nak puchiwin, ti napuxokgo, na wan tsiná nak ti napuxokgo nawan watiya ti xlikana naxpuxokgo nawan watiya natanukgo akxni tsankgay watiya aktuy kata chu xamàsputkgo xkilhtamaku tlan na wan lankga mapaksiná xa aktum pulatamat chatum chixkú li mejicano nemà listaknit nak unù tiyat, usu pala xkgalhi xchik usu xlatamanitacha xa xlikana ajkitsis kata xlipuntsu akxni natawilay litalhkayawan chu na talákaskin xlakata na kgalhi puxamakaw kata nemà xakatanilh akxni Ixama kayawan usu litakalhkayawan xaktuju pala chuna talákaskin xalitapaksin xatipalhuwa tapuwan xa lipulatamatni.

II. Xlilhuwa ti xama nakuxokgonan nak xpuxlakaxlan tapaksin nak pulatamat na wan xtum la lamakgo chalchuwa nak pulatamat, wi namà tapuwan nemá wan pi ni tlan xaktsu xaktuju xa lakchixkuwin nemà xlatamayachan ni achan la 400 mil ti latamayachan xa aknajatsa, nak xla nikumà wilacha liukay xla ja`é liputlakgen chu ni akchan nak 800 mil lixlatamayachan, chu xla xakkawitu nak pulatamat nemá lixlatamayachan xlilhuwa chu xliuka la ja`é nemà xmasiniman.

Xa lilakalitayaná nemà xama nak xpulakaxlan tapaksin ni matlani nak talaksaklhkayawakanparay nak kilhtamakú nemá xlipuntsu min xa lilakatitayaná xalipúxokgo tlan na paktanukgoyan nak xa talaksaklhkayáwan nak chichini nemà min puntsu xa puxku na wan, watiyá nemà ti ni skujma, chu namà xa lilakatitayana

xa puxku ni na xatalaksaklhkayawanan xa chichini nemà xminchá xapuxokgo na an.

Xlakan xapukaxlan tapaksin xa lak pulatamat likaxtlawakan xla xalilakatitayananin nemà xatalaksaknit la wan xlimatsukin xa lipulhuwa chu xa lakxtum namá liwan chu masikanchá xa tapaksinin;

Xlakan xa pukaxlan tapaksin xa lak pulatamat natakgalhi xa lipulátamatnin xa xla likxilhkantaputsat, nemà xla nawan xakilhwakan nemà takgalhi xliwakg xakstu xa kalitlan chu na xtaskujut chu na tlan xak'stu nawan tu tlan chu tukunitlan, la xla wan litapaksinin. Xa taskujut xa likxilhkannit nak kilhtsukut nak xgen, akatanì takanajlay wantú lakchani.

Xla xapuxkú xla nak xla nak likxilhtaputsan xa lipulatamatni xa lilatamat nalakchan xa litalhkaywakan xliaktuy xlichastititu xla nawan tiku paktanukgoy nemá wi nak xapulakaxlan tapaksin xa titsu tiyat, xla ktsu kikilhtamakú nemà ni xaktúju xaktujun. Kata chu tlan nakgalhi litakgalhtawakgat xakkitsiskata natakatsini xalimapaksi, xatakputsan xapumakinin tumin cha xawá xtalitayaní.

III. Xla tatlawakglhat xla taputsan xla pulatámat natlawakan xpalakata xla lankga pumakatanksan nemà nanalay la wan xa limapaksinini tipalhuwa tapuwan xaxlakan.

Xla xakstu staxkuja xla limatanksananin xawa xa makatanksananin nemà lskujma nak xa makatanksananin nemà lskujma nak xpuskujni ja`é tlan nakxilhkan chu na kanajlá xla xalimapaksinini xa tipalhuwa tapuwan chu xla xa litapaksinin nemà

xalitapaksiyaw xa nak pulatamatni, namá xla nawan tuku chi na tlawayá pala natanuyachan, tu katsiyá pala natanuyachan tu katsiyá xawa natawilayachan tiku naliskujkan nak xatlawaklha taputsan xa lak pulatamat.

Xla makatankgsanà tapaksit nemá xpaktanuma nak tatlawakinat taputsan xalak titsu tiyat, tlan natakgalhi xla maklakaskinit nemà limasinikanan nak litapitsin I xa V xla likatsin 95 nemà wi nak ja`é Limapaksit. Ni matlanikan nawan limakatanksan talakachixkuwin, nemá xaskujnitawa nak xla makaskujna usu nemá xaskujnitawa nak xla makaskujna usu nemà xapiwa, usu xaliakgawana xatalákaxlan usu xalilakatayana xalitisuntin tiyat ana niku xlatamayachan ixtiyat, xa pulh akxni ixama talhkayawan.

Xla xatalaksagan tatsokgni namá xa makgatankgsanananin ti xpaktanuma nak xatatlawakglhat xataputsan xatitsuntin nemá tlan tá kaxtlawanan nak xla tiku ixskujnitawa chu xla tlan lkskujnit, xla natlan lakpulhkawilika xa taputsan usu namà tiku xlikana tlan xakamamaxkinan namà ni kgalhi xaskulunku litalhkpatin, nak tunu ixtaskujut.

Xla xamakataksananin skujkgoy la xtalhkanit nak xa limapaksit xatitsuntin, chu tlan na talaksaklhkawiliparay, chi para chuná watiyá namà namapanukan níku skujma la ixtatsokgnit nak limapakgsit xawa tapakgsinanin xla xlitayan nemà tiku xmastama xalimaktayat nak kapulhuwa pulatamat.

Xla makatankgananin tlan xmakgamaklhtinán xtaxokgòn la mastá xtaskujut chu namà ni limaxtaknikán nemà ni ti nalimaktikán aktsu la kilhtamaku xaskujmá.

IV. Xla limapaksinin xawa tapaksin xla nak pulatamatni xa Litalhkayawanin nemá xalimakuan xla:

- a) Xla talaksakgán xlaklankga mapaksinanin, tiku xa talaksakli xlakata napaktanù nak xtalakaxlán tapaksit xatitsuntin xawá tiku napaktanú nak pumaksinin nemá xla tlan natlawán xla nalikalhkayawan likstu, liwakg, xatatsaek chu litum; chu namá xatalakalhkayawán nalay xa xlikilhtamaktu Domingo xpapà Julio kata nemà xalikchani. Xla pulatamatni nemà xkilhchán xa talaksakni nak kata akxni kilhchani xa talaksakni xa lilakxtum pulatamatní chi ni piwa namá Chichiní akxni talakchaní xatalaksakni xa lilakxtum pulatamatni, ni witunamatikán xpalakata.
- b) Nak ja'e taskujut xa talaksaklhkayawán nemá taakpuxku mapaksinanin xalatalhkayawan tlan nawan xkilhtukut xa takanajlay, pak's tlan tanu, likstu, chú yakana tu tlaway.
- c) Xa mapaksinanin nemà xtakgalhi xa talaklhkayawan chu namà xa taskujut xatamakanajlit nema tlakaxlay xa taklhuwit xla xatalaksakni tlan xtakgalhi tapakgsi yakstu, chuna xak'stu na takxilha na wan tu natlawá.
- d) Xa mapaksinanin xatalilak'lhkayawakanán nemà xalíla tayaní xa litakapulhkawili tlan matlaniyan xla tamakxtumi talilaktum pulatamatni xa talitaklhkayawanán tlan na talitlawakgo xalikaxtlawat xa litakalhkayawan xa titsuntin.
- e) Xla tamakxtumi tipalhuwa tapuwan watiyá tlan talilakaxtlawakan xla lakchixkuwin nemà ni niku tapaktanuma nak taputamakxtumit nemà xtakgalhi xmalana puxku, osu nemá ni ni piwa xkgalhi xtaskujut, nawa xla ti ní xtalhkawilikanit xa lipakgtum. Nochunalitum nanatakgalhi xlakchanat xlakata nataskiní xpalákata natatsokga xa talaklhkayawán xapuxku nawan xa talak'saklhkayawaniyan xatalakachixkuwin, watiyá ni chuna tlawayan tiku ni

matlanikan la wan likatsin xlikilhmaktuy pulakatunu X. litapitsin III chu VII xla ja'e limapakgsit.

f) Xla mapaksinanin nemà talak'saknan, watiya tlan napaktanúkgoyan nak makatsinina nemá xpulakni wi xla namà xatamakxtumtipalhuwa tapuwan nak xla wi nak xatatsokgnit.

g) Xa tamakxtumtipalhuwatapuwan, xmakamaklhntínankan lilakxtum xalimakxtukun xakakapulhuwa xlakata chuna tlan na taliskujkan xla licháli, chali namá akxni xamaliputsanankan xa lakgalhkayawat, akxni tachin chichini xlakata natawilá xatalak'sakgni.

Nachunalitum nalay nikulá nalimapanukan namà xa tamakxtumittipalhuwa tapuwan nemá ti ni tlajalh chu nalimakgxtakga xmapakuwi chu xlitalhkcat xawa tu xkgalhí la chu nemà xtakgalhí.

h) Tlan natalikxilhkan xlakata akxni na tlawanen xlitapitsí xa xlimakamastá tumin namá xa tamakxtumtipalhuwatapwan nak ixtaputsapulá talaklhkayawan nachunalitum nikunla xlihuwa nemà xkgalhi xkamaxkikan 'xlikapaxkikan, xlipak's namà tumin ni liuka ajkaw % xa watiya tu xmaxkikan tu ixamakatsankaytumin, akxní 'xamaputsa xalakgalhkayawat nemà na xkamaxkikan akxni ixama talaksaklhkayaway xa Puxkumapaksina; lanlá natlawakgó xlakata tlan namaktakgalhkan chu nalikxilhakan xkilhtsukut chu xmaklakaskin xlipak's tu xtakgalhí nemà tamakxtumtipalhuwatapwan; nàchuna na tawilakan nikunlá naliakas takyaway xpalakata ni xtawalh tu xpalakata xlakchani nemà wi nak chu xmakamincha nak já'e lilakaxlan.

- i) Xla tamakxtumitipalhuwatapuwan tanú nak kawnin nak lilakastan, la wan nak tatsokgní litalhkayawan nemà xwijá nak xalitapitsin B xla xkilhtsukú III xa Likatsin 41 nemà wi unú nak Limapak'sin.
- j) Likaxtlawanan xa Litakalhkayawantatsokgni lata xla xapulhakilhamaputsà xa likalhkayawan, chu akxni xwi já`e xla tamakxtumitipalhuwatapuwan, na chuna xla la natapatikan xpalakata ti natlawa tu xlilat tiku tlawá taklhwit. Nak ja`é, namà taputsanat xalilakalhyawan ni tlan naliwka tatipuxamakaw kilhtamaku xla na talak'sakgakgó xla lankagapusku mapaksina, chu ni pala tutumpuxumakaw kilhtamaku akxni watiyá na lak'sakay xa Lilazatitayana xa titsuntintiyat usu xa pumapaksin; nama xa pulh xatapuntsu Likalhkayawat nimatlanì chu xmakapalay watiya aktuy xlichastitutu xpalakata akxnì tsuku litaputsapula xalikalhkayawat.
- k) Katlawakan xlkilhtsukut xa namakatikan xakata nalimaxtukutnan xla Limakxtuminilankga xa lilakxtum pulatamatni xatilakalhkayawantilha chu xa mapaksinanin xatilakalhkayawatilha xatitsuntintiyat xá Litakxilhakan xa litapumakiputlakgen tumin nemà la wan nak xalitalhkayawantatsokgni, xla awatiyá xalakchan nak kilhtsukut V xla Likatsin 41 ja`é Limapaksit.
- l) Na lay aktum talakxtumit xa nikunlá na nitamátlanikan xlakata chuna pak's tu xamatlaway chu tuku tamasta xatapaksin xa talak'sakgaý, aná na pakgachipa xankgalhin nak kilhtsukut xa kanajlay, nachunalitum, tlan namasinikan xla la maxwankan xawá litalhkan xlakata ná tlawakan, nak taskujut xakpulhkawilin xawá xatamakanagli, xa liputlaknakgoya xliputum usu xalipupitsi xalilákalhkayawin.
- m) Wilí tu wan pi ni lhan ni anan namà xa talak'sakgní, Lankga xla mapak'siná lilakatayanin xa titsuntiyat chu xa Pumapak'sinin, chuna litum xa pupitsi xkilhtamaku nemà xmini xpalakata natakxilhakan xlipak's aná niku lhan na kaxlay namà xa taklhuwit xanitamatlanit, talakaskin tlan natakxilhakan xkilhtsukut xla

lisputut xlakata puntsu nawana wa xla nitu tunu xla namà xa pupitsi xalián talak'sakan chu.

n) Nawankan xatatsokni xa tatokglhni chu nawili nikuma xlitsankgani xa lipulhkalhyawan, nachuná xatukuya xa litapatinankan nemá xpalakata xlá na wilinikan.

V. Xla xalimapaksinin chu xa litapaksinin xa xla pulatamatni tlan na tlaway xa lipumakgatankgsan xa tatalakastukni xa lilakgaxokgòn nemá natakgalhí xla xak'stutapaksi xla wana wan nikuma xla tlan usu nitlan, nemà xla xtakgalhi xpalakata nemà natakgaxlá xa liakgalhtaxtokgné nemà na takgasa nak xla akchipalin xakakapulhuwá xa pulatamat xawá xa lichatum, chu na lay xa litakalhkayawatatsokgni xlakata tlan na nalay, tlan naxkuja, la natlawakgo, chu tuku namaklakaskin xatalákatakakin xla namà xlitlan.

VI. Xtalakaxtlawat xtaskujut nak pulatamatni chu xtasakuakan, xpulaliyan xla tapaksinin nemà xkaxtlaway xa takaxtlawanini tapaksin xa pulatamatni xa xkilhtsukut la wan likatsin 123 xla paktanu nak Limapak'sit xa tipalhuwa tapuwán xalakPulatamatni Putúm LIMEJICO, chu nikulá wan nak xamapakgsin; chu

VII. Xalipulatamatni xawá Pulatamatni, la wan nak xlitatsokgnit tapakgsin, matlaní talakaxtla wa xla xlipaktanut xpalakata niknulá xawa skujkan, lanla' na tlawa chu nikunlá nakatlawakan chu nikunlá namaktayakan usu nikunlá nasakua xlimaktay kapulhuwa, akxni xla limastukut xa tumin chu xa litachixkuwin natlawakan xamaklakakiska.

Xla pulatamatni natakgalhi limapakgsin xlakata na kxtun littlawat ja'é. Makxtumtapuwan xtum xa putapaksinlaktsupulataman, xlakata xlakan napak'tanukgoy chu namastakgoy ja'é limastukut usu xla natakxilha xla xtaskujut nemá wan laktsuntintasokgni xapulh.

Likatsin 117 (Art. 117). Xla pulatamatni ni matlaní ni, nikxni:

- I. Tlaway xtum, matlawaní usu lilakchiwinankaní xlakata xa tunu pulatamat ni pala xla lankga tliwakge xa alakatunu.
- II. Lakmakanka.
- III. Kaxtlaway likantumin, makamin xa kapsnat tumin, ni pala kapsnat nemá katsokgyawili chi pala kapsnat xa xtakatay.
- IV. Ni nataklhuwitnan ti tlawan lakchixkuwin usu xa tuchi namà titaxtukan nak katiyat.
- V. Liwankan, chu ni nataklhuwitnan titun xawa ni xa titum ti natanukgoyan nakxtiyatkan, ni pala ti nataxtukan; xa listat xa lak Méjico usu xa la alakatunu.
- VI. Kaxwili talikakni xa litaxtut chu ni tuku maklakstinkan nemà xa kinkupulatamatní usu xa alakatunu xla lixokgón usu lakchanat nemà taxokgoy xla titaxtu nak putsan pumapaksin xakatalakatsu tiyat, talakaskin ti nakxilhkan usu na tatsokg'yaway xa takuka usu skinkan xakapsnat nemà wan xaniku min namà xa listat.
- VII. Mastay chi ni tawilá xa litapakg'sinin natawankan xa talitatuwajin xla masikan nikula xatunu naxokgokan xa lixokgón usu maklakaskinkan xpalákata xla Niku xalá namá listat xa lak Méjico usu xa alakatunu pulatamat, la xla túnu la tu xwi usu nemà makalay nak pulatamatní chu nemà ni piwa la makala nak tunu pulataman nemá ixmin.
- VIII. Chipay tsaj usu ni titum xlitlawat usu xa lisakuan tumin xa Mapakgsinanin xa tunu pulatamatni xawa litachixkuwinin usu xa xla chatuno usu akxni xama xokgonankan xa likan tumin xa alakatunu Pulatamatni usu xa xkilhtin katiyatni Liputum Pulatamatni.

Xla Pulatamanin chu xa putapakg'sin tsupulatamat ni matlanikan chipay xalimakatikan usu xa lisakuay tumin watiya akxní na makutukan nak xmaklakaskini kapulhuwa nemà lan likaxtlawakan, nachanalitum nemà ti na xalikaxtlaway xalimakalat nemà likstu skujkan chu xa puskujni xaputumkan xakapulhuwa, la wan xkilhtsukutkan nemà xkaxtlawayan xa Pulákaxlan Tapaksin nak aktum tapak'sin chu namà xamapakuwin chu xla xanikunlá limastakgoyan xlakan natawan nikunla xa aktum kata xa aktum xatalakapulhka talaktlawan tumin.

Ti skuja unú tlan namatamin chu nakilhwantan nikulá tlawalh xtaskujut akxni na mastakgoyan xliputlakan kapulhuwa.

IX. Kaxwili xmakalá, xlimakin usu xa taxtà xa lixculi xa kaxpakg'en, xa tunu usu nawili xalixokgón titsuntin tumin xaliuká nemà xwilikanit tamakxtumit xa limakantaxtininanin.

Xla tamakxtumit xa limakantaxtininanin chu xa xpulakaxlaninanin tapaksin xa Pulatamatni xalitahkaniani, kana nawan, litapaksinin nemà na wan; pi ni tlan stanan kuchu.

Likatsin 118 (Art. 118). Ni matlanikan pala ni chuna lakaskin Tamakxtumit lankga Lipumakatanksan:

I. Tlawakan lakchanat xa lilihka toneladas, chu ní pala tunu chatum nak putachokgonin xa lak Pupunú, ni xmatlanikan nawan xalisitsin xalitaxogon usu

Iakchanat xa listat nemà xtamawakan xa la alakatunu kachikin usu namà limastaya xa la alakutunu.

II. Kgalhiyá nikxní kilhtamakú xa Putum Makgtakgalhninan Lipulatamatni xa xankgalhin ni pala lankga xa putlawan nak chuchut pupunú xa lilánikni.

III. Tlawakan xa Lilánikní xlakata max aktum xa Lankga Lipulatamat xa alakatunu, niwa xtachuná akxní tiku natanú xa talisitsit chu akxni wi xatalakaputsit, nemà ni xalakapala kilhtamaku para na ni na tlawayá. Nak ja`é aktsu kilhtamaku puntsu na liwaniyá xa Puxku Mapakg'sina xa lak Méjico.

Likatsin 119 (Art. 119). Xla Tatlawakglhá xa lakxtum kgalhi xlimatlanit xlakata namaktakgalhay Pulatamatni xlakata paks ni natanu nak Méjico, usu talalikniknit nemà ixmin xa a la lakatunu. Nak katunu tapuwan niku anàn tiku litasitsi usu tikú putsa chu tlawa taklhuwit nak xpulakit, tlan namastagoyan xtum nalimaktakalhnankgoy, watiyá namá tiku namakaspulantiniy xa xpulakaxtlawan Tapaksin xa lak Pulatamat usu xla Makgantaxtinanina, pala namá xla ni xtatamatxtumikgoy.

Chatúnu Pulatamat chu Xkilhpulakni Pulatamatni kgalhi xmakantaxtin xla na mastakgoy xalipuntsu lakapala ti liyawmaka, chu ti lilanitawà; ti mastanit nalixokgot, nachuná litum nikula ná maki chu namasta xla tuchí maklakaskujni usu xmakalat xa Talolokglhni, natlan natakxilha xa Mapaksinanin xa alakatunu Pulatamat Xalilakxtum Pulatamatni nemà talákaskin Limakxtukut. Ja`é lilakaxtlawatilhat tlawakan, naxlipaktanukan xla xlilat Pulakgawaninan Putum Pulataman xa talakkaxlan la xlitatsokga nak xlimininit xla xalimakuani limaktay xla, xpuntsu likaxtlay xla Pulatamatni xa lipulatamanin. Para xla napewá, xa Pulátamat chu xlikilhpulakni putatamanin tlan matlanikan tlawocan xalimakuan aktum xtum

tapuwan xa limakxtukut xla Puxkú Mapakg'sina xa lipulatamatni, xla tiku na litayá xpalakata nak xpuliliakgawana liputum xatapakgsit tachixkuwit.

Xa tasamakatitikan xa talakaskinikan Pulatámat xa alakatunu xlakan tlan talaskinikan xa Makgntaxtina xalilakxtum Pulatamatni, nalmaktaya xa Mapakg'sina xaliputsanà la wan nak tapakg'sit, xa talilakchiwinankanit xa lakkatilankga pulatamanin xa alakatunu nemà xtatsokgnit chu xa litapaksin xalitapakgsininani.

Lata ja`é xa xtachiwin Makatankg'saná nemà xmapakg'si xlakata xamakantantykan xamakantaxtuninanin xamaklakaskinkan talakaskin lhuwa xlakata chuná tlan kachipà chu manukan liuka tutumpuxumakau kilhtamaku xalanlá

Likatsin 120 (Art. 120). Xa mapaksinnanin xa pulatamat tlan namakpuntumina xlitlawat chu tlan tlawa xa makantaxti xa limapaksinin xali pulatamatni.

Likatsin 121 (Art. 121). Nak katunú pulatamat xa lipulatamatni pak's nalmastakgoyan xatakanajlat, xawa kanajlaya nemà tu lhawakgoy nak kakapulhuwa, xalitalhkát chu Nikula likaxtlawayankgoyan xa lilakaxtlawan litaputsan xa limakapitsi. Xa tamakxtumit limakantaxtinan xla litapatsinin, natawan nikulá nalisputkan la xlitlawakán xlakata nakanajlá xla tu tlawan. Litalhká chu nikula tlawá, chu xmaklhkatsi xlá. Nachipà nak xlikilhtsukut xla ja`é:

I. Xa litapaksinin xa katunu pulatamat watiya na takgalhi tliwakge nak xtitsu katiyatni, wa chu xpalakata ni namatlanikan namakatikan nak xlaxkilhtin.

II. Xala namà xlakatumínítakgalhi tlan akxilhkakan xa litapaksit nemà wi nak pulatamat, anà nikú latamayachan.

III. Xla talakgaxokgot nemà makamincha xlakata pumakatank'san xa pulatamat xlakan lakchanat xla tu takgalhi usu lakatuminiakatakgalhi, nemà wilakgocha nak tunu pulatamat ja`e watiyá na takgalhi tliwakge xa tlawakgoyan nemà xla ja`é, akxni chune na wankan xlitapaksitkan.

Xla talákgaxokgot xa lakchanatkan xla katunu lakchixkuwin, tatiya tlan na tlawakan nak tunu pulatamat akxni chatum chixku usu puskat nemà xkgalhi lixokgon nemà xtanukgoyan sak'stu usu akxni tá'an latamayachan nak tunupulatamat, xa namà lilakaxlan nemà xmakaminitanchakoyan chu watiya akxni xakstú xmatasanikancha xlakata na ta'an nak talilákaxlan.

IV. Xla xlitlawat xa pulatamat xatachixkuwin nemà xpaktanu nak litapaksinin xa katunu pulatamat, ja`e tlan natakgalhi xtalipaw nak alakatunu pulatamatni.

V. Xalilakapaliu takgalhtawaka nemà tamasta napuxkun mapaksinanin xlakpulatamat natakilhawaki nak tapaksin. Xlakata na tlan nalakachixkuwikan alákatunu pulatamat.

Likatsin 122 (Art. 122). La wankan xa likatsin 44 xla ja`e tachiwin xlilaxatamakanajlit xla xlikiltun lipulatamatni, ixmapaksinakan paktanumakgo nak tatlawaklhat xa lilaktum Pulátamatni chu xla nak limakxtuminílitlawa xa makgantaxtina, xlikaxtlawanin tapaksit chu xa liputsana nemà xa katitsu pulatamat, nemà la wa jaé likatsin.

Xla mapakgsina xa katitsu pulataman xa xlikilhpulakni pulátamatni, aktsu tamakxtumit xa liakgaxtlawanatapaksin, xa puxku mapksina xa xlikilhpulakni pulatamatni chu xa Lakglankga Pumakgatanksan.

Xa tamaktumit putum xa Liakgaxtlawanaintapakgsit xla xkilhpulaknipulata matni, likaxtlawakgoyan xlachatunu, chatunu xa lilakatiyana, nemà xlikalhkaya walh la wan xlikilhtsut xa lilhuwa xlilat xawa xapuxokgo lakxtum, nak xalikaxtlawat tatsokgnikanit nemà lilakalhkayáwanilh nak akgtum titsu kachikinin anani paktanukgocha putum, la tatsokganitancha xa nak Limapakg'sin tipalhuwan chu la wan xlitapaksitkan xa mapakg'sina.

Xla Púxku Mapáksina xla kilhpulákni pulatamátni, natákgalhi chú maktakgalhnáma xa Makgantaxtiná xawá Akchipalin xa kakapulhuwa nak pulatamat chu nakitaya nak chatum chixkuwin, nemà Ihkayawakalh nak likalhkayawan xaliputum, likxtu, titum chu xalitatseakg.

Xla lakglankga Puma'katanksan xa lilákaxlan xawá Tamakxtumit Xaliakgastakgayawana, Putum makgatanksaninanin xtum xamakpitsin xamakantaxtunin nemà likaxtlawanih xa xamakantuxtinanin. Xa mapaksiná, tlawakan xa taskujut xa tamakanajlit nemá xa lilakachixkuwit lilakxtum nak xa likilhpulakni Lipulátamat.

Xa lipupitsikan xlitlawatkan nak xla tatlawakglhat xa lakxtom, xawá xa mapaksinanin titsu nak xakilhpulaknixalipulatamat tlan napaktanukgoyan la tatsokkanit nak likaknit tatsokgni.

A. Ua xlakan xa tamakxtumit limakantaxtinanin:

- I. Xkax tlawanan Tapaksit tu xlawan xla Xlikilhpulakni Pulátamatni, chu ni tlawa nemà xa litlawat nemà ixpalakata xlakan xmaxkikanit xla Tamakxtumi Xlikaxtlawanintapaksit.
 - II. Limaxta Xlitapakgsitkan Mapaksinanin xla Xlikilhpulakni Lipulátamatni;
 - III. Xkaxtlawankan litapaksit xla liklinin xa kakapulhuwa xlakan xlikilhpulakni lipulatamatni;
 - IV. Likaxtlaway tu xlimakuanputun, nemà makuani nemà xa kana, puntsu chu xminikan pala tlan tlawakan xtaskujut xa Tlatlawakglhat Putum, xawa.
 - V. Tunú tu kimasini xpakata limapakg'sin Tipalhuwatapawan.
- B. Xpalakata xla lankga Mapaksina xla Putata matni liputum li Mejico.**
- I. Matsuki litapaksin nak Laklankgatamaktumit limakxtum xlakata kilhpulakni lipulatamat;
 - II. Malakapuli xla XputalàkaxtlawanTapaksit tiku àma lakgpalikan, pala wi ti namapanukan xla Puxku Mapakgsina kilhpulakni Lipulatamat.
 - III. Kalinan kata, kata nak lakg'lankga Tamakxtumil xa limakxtum, nikula lama tu laklinikan nemà xmaklakaskinkan pala tlan natakgalhì tumin, nemà mastakgoyan xla kilhpulakni Lipulatamat. Ja`e taskujut, namá xla xa puxkú mapakgsinà xa kilhpulakni Lipulatamatni paktanukgoyan xtapanwan xla langa Mapak'sina, aná ni wan xtachiwin, la xtatsokg'nikanit nak Tapak'sit.
 - IV. Limastakgoyan nak xla Pumapaksin xa Talituwajit xa limakuanit xa likxilhkan xlakata tapak'sin nemá limastákan xa Lankgatamaktumit Limakantaxtinaninan xpakata tamaxtumit Limakantaxtinaninan xpakata xlakan kilhpulakni lipulatamatni; chu

V. Xa makapitsi tu xlitlaway nemá xlimasinikanan Jaé Limapakg'sit tipalhuwatapuwan, xla litapakg'sitkan mapaksinanin xawá xla tapakg'sit.

C. Xla litapak'sitkan mapak'sinanin xla kilhpulakni lipulátamatni tlan xkalichipalin nak kilhtsúkut chu wan:

LIMATSUKIT AKGTUM.- Xpalakata xla litamaktumit xalilakaxtlawananin tapakgsit.

I. Xla lilakatiyaná xa la nak tamakxtumit xalilakaxtlawananin tapak'sit Jaé tlan nalilaksaka xliakgalhtutnakata xa likalhkayaway xa liputum lik'stu, titum, chu xatatseakg la xlá wan chu xlitsokgnit nak limapak'sin, namá xla tlan na titikan xlakata akxní na kaxtlawaparay xatalaksakni, xla kamaxkikan kapsnat aná ni nawan tu kana chu akxni na wan nitlamatlanin, la wan likatsinin 41, 60 chu 99 nema xlakan jae limapak'sit tipalhuwatapúwan.

II. Xla maklakaskinit nemá ti lakaskin na wan lilákatitayaná xa lak tamakxtumit ni tlak'xalaktsu, nemá na taskinì pala xlá na wan lilákatitayána xa lilakxtum pulátamatni. Ja'e nalitlawa nak xlá tamakxtumit xlikaxtlawananin tapak'sit xawà tiku aná skujma nemá liakxtum lama, tu tatsokgnit nak likatsin 51, 59, 61, 62, 64, chu 77 litapitsin IV xla Jaé limapak'sit.

III. Xla tamakxtumit tapuan tipalhuwa nemá tico tlan makamak'lhtinan lhuwa xa liputlakan xa kapsnat ananì wan xlitlajanit xa lhuwa chu nemá liuká chu namá watiyá 30% xa liakgalhkayawankanit nak kilhpulakni pulatamatni, chuna tlan na kakamaxki chalhuwa lilakatitayana nemá xlakchani nemá puxokgonan likxtum liuká xlakata na lakchan xatlankanichan nak tamakxtumit;

IV. Nawan nikxní natlaway aktuy kilhtamakú natatamatxumiakgoyan xa chu'ta aktum kata xawa na kialiakaxtlawa chu tuku naliskuja makgantaxtunina xpulak ni xa xmapaksina nemà na skuja akxní na lijaxnan.

Axkni makatsinikan xlakata natatamatxumi xamakapal`anit, wa xla limapaksit xamakantaxtunina xpulakni nemà skinikanan xchalhuwa ti paktanukgoy osu xla puxkú mapaksina xa lak kilhpulakni pulatamatní;

V. Xla tamakxtumit xlikaxtlawatapak'sit la tatsokgli xla xlitapakg'sitkan mapak'sina, natakgalhi jaé litlawat xlakata matlani:

- a)** Kaxtlawa xlitapaksit nemà xlitapaksiyan ja`é xla na linkan nak Mapaksina xa kilhpulakni Lipu latamatni xlakáta tlan namakgpuntuminan.
- b)** Xatalakgapulhkanan, talichiwinan chu na matlaníkan akata laktlawakan xatumin xawa limapakg'sin nemà na tanukgo lixokhon xla kilhpulakni Lipuláta matni, ja`e xlimatlani xa pulh xla tu kamakamaxkikanan nemà limininí xlakata liuká tu xmaklakaskinkan xa tumin.

Nak xpulakni xlá litapakgsit xa lipaktanú tumin, ni matlaní na natanukgocha tunu xa litamawat nemà nalixokgoyan amaktum nemà xla liuka xla namà uyu xlimaxkikanit xla tamaktumit makgantaxtituninanin xlakata namà xlakata na takgalhí xtumin akxni na talakaskin laktlawakan likilhpulákni Lipulátamatni.

Xlá ixilat tu xamatlawa xpalakata xlá litapaksin xlimakgalhtinan chu xtalákapulhkan xatalaktlawantumin ja`e taskujut watiyá xpalakata Puxku Mapaksiná xa kilhpulakni pulátamatni. Ja`e taskujut kali xkilhtámaku xlakata kamaklhtikan xla lisputa xa xlipuxamakaw xpapá Noviembre watuya ni chu na tlawakan akxni nachin kata

akxni nachin talaksaklh' kayawan xa puxku mapak'sina xakilhpulakni Lipulátamatni, nak ja'e xla nalisputkan xakamakamakilhtikanan xakpuxum chichiní xpapà Diciembre.

Xa tamakxtumit xalikaxtlawananin tapaksit nakaxtlawa akatama chu namákamastá xatalákalhwilin taskujut xla talakapulhkan chu namakamastakan xa puxkú mapak'sina xa kilhpulakni Lipulatamatni xlakata ja'e na tanukgocha nak ixlitlawat.

Ja'e tlan na limakuaní xpalakata xa Pumápak'sin Xapukinátumin xa kakapulhuwa xla nak xakilhpulakni Lipulátamatni, aná nikùní xtum la xlilat chu la xtatsokgnilh mapaksiná, nemà wan nak xlikilhmaktuy aktsutatsokgni xa tapitsin c) xa aktsu pupitsi IV xla Likatsin 115 xla Ja'e Limapaksin xatipalhuwatachiwin.

c) Nalikakxilhkan xatapulhkawílintumin xa kakapulhuwa xa kata nemà titaxtulh, Ja'e wa xpalakata xa puchiwin xa ak'skalinan, pulatamat xalak Xkilhpulakni Lipula tamatni xa la Tamakxtumit xalikaxtlawananin limapaksin, la tatsokgnikanit nak litapitsin VI xla Likatsin 74 nemá tlan limakuani.

Xla xataputlakgen tumin xa kakapulhuwa xa xakata nema tilaxtunit tlan nalinkan nak tamakxtumit Lakaxlan Tapaksin ni xlimakat watiya ajkaw chichini xa xlimatsukit papà Junio. Ja'e lilhan chichiní la xla nemà ixlitsokgnanit xlakata tlan nalimasikan xa kapsnat aná ni wan tu natlawakan xla litapaksin xa Tapakgsin xlimakgamakglhtinan tumin xawa xatalaklhkawalin xa tapakgsin xalak tlawakan tumin, watiyá tlan nalihmaniyan akxní likaxtlawalh paktum tatsokgni aná nikù skininá xa makgantaxtinan xa lak Xkilhpulakni Lipulatamat Ja'e xlikana layá nalikanaj watiyá tlan nakxilhá xla tamakxtumit.

Xa puxku xla pumapaksin xla akskalinanín pulatamat xla Kilhpulakni Lipúlatamat xla tlan talaksaklhkayawanán xla aktuy xlipulaktutu tiku xpaktanukgoy chu xlama nak tamakxtumit xkatlawananin tapaksit ja'e tlan skujkan ni liuka aktujun kata chu tlan ixgalhi tu katsí nemà xatalakputsan xa xalixokgotkan chu xalimakgtakalha ixtaskujut.

- d) Nalak'sakan tiku ixama lakpalikan watiyá akxni wi ti tsankgay watiya akxni xla puxku mapak'sna xla Kilhpulakni Lipulátamatni.
- e) Limastakgoy xa xtachiwin limakanajlit xlakata nalikaxtlaway xla pumakinkan tumin xa kapulhuwa chu tuku xamà matlawinan tumin xla Kilhpulakni Lipulatamat chu xlá kilhpulakni lipulatamat chu xlá xa pumapak'sin xla akskalina nemà ixama kamaki xa tliwakge pala xlakata kstu naliskúja, chu na lhan nalikxilhkan ixpulakní nukula naliskujgo chu nikula tlan na tlawa xlakata lhan nalitlawa xlitlawat.

Xa taskujut xla akskalina Ja'e tlan natlawakgoy la xwi tatsokgni la wan xkilhtsukut xa katakanajlat, xa lak xtum, chu xa talipaw.

- f) Makamasta xla xlitlaway nemà xmakuani nak xla kilhpulakni lipulatamatni talaklhkayawayan nemà xa likstu xa kana, nak xla lilakalh'kayawan liputum, lik'stu tatseakg chu tank's; Ja'e nalichipakan nak kilhtsukut nemá tatsokgnit nak xlitapaksitkan mapakgsinanin, nemà xla tlan xmakantaxiy xlikilhtsukut chu xlitlawat nemà xwi nak ktsu litapitsin b) al n) xla nak tapitsin IV xla likatsin 116 nemà xla Ja'e limapak'sin wa xlakata tu wan nak ktsu tapitsin j) xawa m) tlawanak mapaksina puxku, chu lilakatiyaná xa titsutiyat chu xa pumapaksin xa kachikinin tlan na tiyakan tuxlat xlakata xa xpuku mapaksina, xawa xalilakatiyananin xa tamakxtumit xaliakaxtlawanánin tapak'sit chu xanapuxkun xa kachikinin pulaktsu.

- g) Xlikaxtlawanan tapaksin xla Akchipalin xa Kakapulhuwa xa katitsu tiyat, xlimapaksit ixpulakni chu xtatlawatkan xa xtalitatuwajit;
- h) Xalikaxtlawanan tapaksin nak xla xatachixkuwin xawá xa talhkapatin; akxilhininan limakxtuminilankga nemà limaktakgalhkan lakgchanat tachixkuwin, paktanukgoyan litachixkuwin, lakmaxtunanina xalipumapakg'sin, xalhkaniatlaway xawá tatsokgyawanit xa kakapulhuwanin xa latakgalhínin chu xa litatamáwat.
- i) Kaxtlawatilhaya xamaktakglhat tachixkuwin; lilakaxlan xatachixkuwin xla ixtalákgalhin xa maktakgalhnánin chu nemá xa tlan mapak'sina; xla maklakaskinit xa makgtakgalhat nemá xatasakuay xla namà ti mastakgoy taskujut nemá ti kgalhí watiyá chatúm malaná; nemá xamaktakgalhnáninakan xá lakchixkuwin ti takgalhi litapatin; xa tatlanit; limakxtukut xalitachixkuwin; chu xa liakaxwili xatachixkuwin.
- j) Xalikatlawanan litapaksin xa taskujut xa nikula tlan na tlawa; nak tatlawat xa lakxtum kachikin, nak xla nikula naliskujkan tiyat; naliimaktakalhkan xa kakilhtamakú chu nikula na maktakgalha; xa kachikini; xalikaxtlawanin xawa xtatsapsni chiki; katijianin, nikú an putlawan chu niku namakikan, niku naliimakxtakgan; tiyakan chu xlitlaway kakapulhuwa; chu nak pumakxtukan, namaklákaskinkan chu xalimákuaniyan xla lakatumini mastukutnì xla kilhpulakni lipulamatatni;
- k) Nakxilhkan xlakata nilhuwa chu ni liu lhuwa na mastakgoyan tilakaskin limakstukut xa kakapulhuwa; nakaxtlawananlitapaksin xlakata nakxilhkan tiku masta limaktay xla xa putlawn nak kachikin, nemà xa laksaka palhma; tapaxialhnat chu xalipulhtatanianin, lipustan litamaw, pumaknikan kitsistankanin; chu lakglanka limatuw, chu xa punin.
- l) Makamasta xalitalhkat xa nikulá naliskujkan tumin chu maktakgalha xa listaskujut; likaxtlaway likatukuxtun, wilinikan pustananin; limaktakalhkan xa kitsistankanin; lilákastananan xa kakapulhuwa; kamalhuwi xalatamat xa tachixkwin

chu liakamananan; chu xa taskujut xatachixkuin xatakalhtawakga la xla litsokanit nak ktsu tapitsin VII xla tapuwan xa lak pulatamatni putum li Méjico. Chu nikula wan nak xamapaksin. Chu likatsin 3º. Xla ja'é limapakgsin xatipalhuwa tachiwin.

- m) Makamastá xalitapakgsin xakilhwakanín xla xapumakatanksan, xalitlawáy taskujut xataputsan xalilikgachixkuwit lilakxtúm nak xkilhpulakni lipulatamat, nemá napakgtanukgoyán xla la xpalakata xtaskujut xalitaskujna mapakgsiná kakapulhuwa xlakán xmakgantaxtuniná.
- n) Makamastá xalitapakgsin xakilhwakanín xapumakatanksan xatulitlawankán xakgchipalín xalak kilhpulakni lipulatamatni.
- ñ) Tamakamastá tu xtlawaputún xalitapakgsit usu tu ix'ama tlawáy nak xmaklakaskin nak kilhpulakni Lipulatamat nak Langa Tamakxtumit xalimakxtum; chu
- o) Xatunu nemá xmastakgoyán la litsokgnitanchá nak ja'e Limapakgsin tipalhuwa tachiwin.

LIMATSUKIT AKGTUY.- Lichiwinan xapuxku xlamapakgsina xla.

Xlikilhpulakani Lipulatamatnì

- I. Tlaway xtaskujut, nemà tawilá akchaxan kata, nemá natsukukgoy xliakkitsis xpapà Diciembre kata akni tlawanit xatalak'sakni, nemá likaxtlawakan la wan xakaxtlawanani tapaksit xa talilákalhkayawan.

Pala puxku xa Mapaksina na wan xa la nak xkilhpulákni xa pulátamatni, tlan na kgalhi xmaklakaskinit nemà naskin xa litapakgsitkan mapaksinánin, la xlá: chixkúwin xa limejicano nemà ixlakgáwahl nak ja'e tiyat chu tlan xkgalhi xlakchanat chi tlan xlitamananit xliaktutu kata xapulh akxni na chin xkilhtamakú

talilakalhkayawaninan, pala ti lakgawalh nak kilhpulakni pulátamatni usu akitis kata palà ti xlistaknit nak tunú pulatamat nakgalhi puxamakaw kata lata akxni na chan xchichini xatalak'sakni, chu ni xkatlawalh puxku xa lak, xkilhpulakni pula'tamatni usu tunu taskujut. Ixlatamayachan ni laniyan xpalakata xkatlawakan xa li pukunit xa kapulhuwa xa la nak lipulatamatni nak tunu tapalhkawilin xa tiyat.

Lata ja`e max mapanukan xla puxku mapa'ksina xa kilhpulakní pulatamatni xla pulakaxtlawankan tapaksit na talaksáka, la wan puxku mapaksiná xa lak Tapaksittachixkuwit, chatum xalakgapuxokgo nemá na lisputa taskujut. Pala natsankganí xapuntsu tiku na tanú nak taskujut xa skujná xa kaka, pulhuwa nemà tlán na putsa xlitapakgsitkan mapakgsinanin. Pala na tsankgá xla'kata natapanú usu túnu tuchi, xla xa tamakxtumit likaxtlawananin tapaksit xla na wan liku.

Tlan natanu nak taskujut chu na lisputa ja`e. Pala yaj taskujputun xla xa puxku mapaksina xa xkilhpulakni pulátamatni ja`e watiya na matlani akxni xwi tuku xa ni tlán. Tlan mastay litlan xpalakata xla nalimaxtakga taskujut.

II. Xla puxku mapakg'sina' xa xkilhpulakni pulatamatni' nakgalhi xlitlawat chu xamakgantaxtút la xla ja`e:

- a)** Makgantaxti chu natlawa xlá Tapaksinin nemà mastakgoyan xa Lankga Tamakxtumit xa limakantaxtinanin, nak xa littajit xla kilhwaka xa kaxtlawanin pumapakg'sin.
- b)** Namakatsini chu namakanpuntumi chu na tlawy Tapaksit namà na masta xla Lankga tamakxtumit xalikaxtlawanin tapakg'sit, limastakgoyan nak xalitatuwajit chu kana likakxilhkan, xla nakamamastakgoyan xa Takaxtlawat chu

xalilakaxtlawanat xawa xtumniatapuwankanan, nachunalitum tlan na akxihilkan xa tapakg'sinin nemà xa Lankga tamakxtumit xatakaxtlawantapakgsit makamincha xlakata tlan na makatsininalh nak kilhtamaku ni makas watiya ajkaw chichini. Pala namà xa takaxtlaway nemà xkakxihilkanit tlan nakanajlanilh xa lichalhuwa xlichatuy xlichastutaty xa lilákatitayanin nemà xwi, tlan na xmakatsininalh xla puxku Mapakg'sina xa nak xkilhpulakni pulamatatni.

- c) Tamakamastá, sasti likaxtlawa tapakgsinin usu xalakapalinlitapakg'sin nemá namasi nak Lankga Tamakxtumin xaliakaxtlawananin Tapakg'sit.
- d) Nalak'sakan chu mapanukgoy likstu xa taskujnanin xa kakapulhuwa nema xpakgtanukgocha nak xkilhwaka xatlawakg'lha Makgantaxtina xala katitsu namá xalitamaxki osu xamapanuy ni xpalakata tunu xla Limapakgsin Tipalhuwa Tapuwan osu xla Litapakg'sinin nema xlakan.
- e) Tlawá xa taskujut xa itum napuxkunan xalimaktayat xa Limakanajlay xakapulhuwa la xlitsokgnit nak xlitapakg'sitkan Mapakg'ina nanin chu.
- f) Chu xa litum nemá mastakgoyan jaé Litapakg'sin, nak xlitapakg'sitkan Mapakg'sinanin chu xa Litapakg'sin.

LIMATSUKIT AKGTUTU.- Wan putun la liputum xla Akchipalin kakapulhuwa xa kata'katsu nak kilhpulakni Pulamatatni:

- I. Wa xla na wan xalitaskujni xlipak's xlakata na limapitsi xa nikulá nask'ujkan Makgantaxtuninanin xapuitat, nema ni xtum wi xa likstu.
- II. Nawilikan xalimakgantaxtuninanin Tipalhuwa Tapuwan Akchipalin nak kanpatunú pulátamat nemà xmapupitsika xkilhpulakni Pulata`matni.

Nachunalitum nakxilhkan nikulá natlawakan xa pupitsi tiyat xa lak Kilhpulakni Pulamatatni ixlitlawat xla kilhwaka xa Tipalhuwa Tapuan-Akchipalinin nemà xpakata, la natlawa xlakaxtlawat, la na tlawa xtaskujut, la xla xlakaxlan jaé kilhwakan xlakata xa Puxku Mapakgsina Likilhpulakni Pulamatatni.

Xanapuxkun xla xakilhwakan Tipalhuwa Tapuan xakchipalin xa lak kachikinin pulamat jae tlan xatalaksaka la xtlawakan xankgalhin lik'stu, xa tatseakg, chu titum la wan xa tapakg'sin.

LIMATSUKIT AKGTATI.- Xpalakataxla Lak'lankg Pumakatankg'san

Chu xa litum xa kilhwakananin xa liputsana xla lilakachixkuwit Lilakxtum litalakgachixkuwit.

I. Tiku nawan Makgatanksana xa Lankga Pumakatankg'san tlan na tamastokgnan xa piwá xamaklakaskinit la tukú skin yaé Limapaksit xpalakata xa napuxkun Makgatankgsananinanin xla La kg'lanka xmapakgsin Xalilakaxlan; tala'kaskin, xapulh, tlan xliskujli nak xlat lilakaxlan, lika tlan nak xkilh. Pulakni Pulamatatni. Lakglanka Lipumakgatankg'san xa lilakaxlan tanukgocha xalilhuwa Makg'atan'ksananin nemà wankan Tapaksinanin nemà Litapakg'siyachaw.

Pala na nawili ti tsankgay nak xtaskujut xa Makg'atankgsananinanin xa la nak Lakglanka Lipumakg'atankgsan Lilakaxlan xa Puxku Mapakg'sina xa Xlikilhpulakni Pulamatatni, na liakalhchiwinan liputum xtachiwin nak Lkankg'a Tamakxtumin xa Lilakaxtlawaninan Tapakgsit. Xla Makgatankgsananinanin naliskujkan akchaxan kata chu tlan na naskuparay pala chuna talakaskin xa

Tamakxtumit, pala chuna xlá, watiya tlan na limapanukan ixtaskujut la wi nak tatsokgni xa Limapaksit Mapakuwi aktati xla jaé limapak'sit.

II. Xla Talitatuwajin, Maktakalhat, chu xa tlan nalitaya xla Lankga Lipumakg'atanksan Lilakaxlan, xa la nak Pulakchiwin chu xa tunu Makantaxtuninaninkan, na akpuxkunan Tamakxtumit liakastakayawan xa Putum Makatankg'saninanin xa la nak xlikilhpulakni Pulátamatni. Xa Tamakxtumit liakastakayawaninanin xa putum makatanksananinanin na takgalhi chatujun ixtaskujnanin, chatum xa puxku mapaksina nawan xa Laklankga Pumakatanksan lilakaxlan, jaé ná akpuxkunan Tamakxtumit xaliakastakayawaninan. Xa makgapitsi na wan chatum puxku makatanksananinanin, tunu chatum mkatanksana putaxtum xalikilhmaktum chu chatum Puxku Makatanksananinanin xa takak'sin nemá xa talitalhkayawalh liwaya laksakkan; chatum na talitatsokyaway xa puxku mapaksina xa kilhpulknipulamatni chu tunu xlachatuy na laksag'án Lankga Tamakxtumit xalipulakaxlan. Pak's xa listakayawanánin na xkgalhi xmaklakaskinit nemá snun talakaskini xpalakata xa Maktanksana na wan chu akkitsis kata na liskujkan; tlan nammapanúkan xa chatunu, chatunu, xlakan la xla putastut chu ni namalákapuli poray xa sasti taskujut. Xla tamakxtumitliakgastakgayawana tlan na lak'sakan xla mkatanksaná liputaxtun xalikilhmaktum chu namá xa tunu na mapakuwikan na tawila nak xa taskujut xa taputsan;

III. Na liwaniyán tuku xlilat y chu xa lakstukan nikulá naskuja tamakxtumit putum xa makatanksananinanin natitiyacha xa pits nemá wan nak likatsin kitsis puxum xa jaé li mapaksit.

IV. Nalikaxtlawantitla nikunla naliskujkan namá xa tapak'sin nema litapaksiyaw, nalikatlawa nalákaxtumi xlakata xla na limasini chu nakatsi nama xla taskujná, chuna litum xa litatlanit xa taskujut litaputsan;

V. Na tlawan xa litaskujná xa tamakxtumit xa tamakalhchiwininat xa putum makatanksananinanin nachuma litum namá xa makatanksanánin chu xa makatanksaná, xa nilimatlanin chu xa litapatin la wan nak likatsin kitsis puxumaktom xla ja`e limapakg'sit.

VI. Xa limakalhchiwininat nalikaxtlaway xa nikunla natalákaskin tumin xa pumakatanksan xatalakkaxlan nak pulatamat chu namakamincha xla xa Puxku Mapaksiná xa lak ixkilhpulatamatni xlakata xla na makutù nak talaklhkawalin ktsu takaxtlawat xatalakapulhkan xtalaktlawan tomin nemá na masiakoy xlakata xaliakaxtlawanin tapaksit, Lakglankga tamaxtumin natalikaslay.

LIMATSUKIT AKITSIS. Wi aktom xalipumakatank'san xatatalakastokni xalakpulhkawilin; jaé xak'stu litapaksiyacha xpalakata nalikakxilha xaliakalhtaxtokg'ne nak xa chatum chu xa Mapaksinanin Xakilhpulakni pulatamatni.

Na liputsakan litalhkayawan xlakata lipaktanut chú nakamaxki tu natlaway piwá nalitatlawani xpalakata xlitapak'sit nema litapaksiyaw.

D. Xa Puchiwin Pumakatanksan xa Kakapulhuwa nak Xlikilhpulakni Pulamatni, ja`e napuxkun chatum xaliakgawanina lipulatamat lilakaxlan, nemá nalilaksakan la wan nak xlitapaksitkan mapaksinanin; ja`e xamatixtum chu xa tapak'sit nemá nalitapak'siyaw xla tlan na wan la naliakgaxtlawa xlitlawat chu xa litalhkayawan tatsokg'ni la naskuja.

E. Nak xkilhpulakni pulátamatni tlan nawilikan ja`e, xa Puxku Mapaksiná xa lak pulatamatni putum xa li Mejicanos la xwi nak xalitapitsin VII xla likatsin 115 xla ja`e limapaksit. Xla xamalakapuli chu xalimapanut chalhkatna xa kapulhu'wa nemà xkgalhiakgo ixlitapakg'si titum xa tatlawakglhat xa kapulhuwa tlawakan tlan la wi nak xlitapakgsitkan xa mapakg'sinanin.

F. Xaputamakxtumi Xatalakaxtlawanin Tapak'sit xa lak Lankga Tamakxtumit xatalakaxtlawaninanin tapak'sit putum, nak xa lijaxnin, xa katilankga katilakalhkatayan xankgalhin, jaé tlan matlani mapanukan xa Puxku Mapak'sina xa lak xkilhpulakni pulatamatni xpalaka xtlawalh lankga tak'lhuwit nemá natalakalhiy xata la chixkuwin xpalakata xla xtatlawaqglhat xla putum usu xalikapulhuwa nak xkilhpulakni pulatamatni. Xla litáskin xla xa limapanu chu nakamasinikan xa itat tiku xpaktanukgoy nak xpulilakaxtlawan tapakg'sit usu namà xa katilankgakalikalhkayawan xankgalhin nak xtuxwi.

G. Para tank'snamaktayalinan xa tipakátsi titsuntin liyat xakatalakatsu putapak'sinin lak'tsu pulatamat putunu chu xlá jaé xa lipulatamatni chu Xlikilhpulakni Pulatamatni nak xlikaxtlawat chu natlaway xa taskujut nak titsun pulata man xa tapalhkawalinin xla Xkilhpulakni Pulátamatni, la xwan likatsin 115, litapitsin VI xla ja`e limapakg'sin, nak taskujut xla xlatamayachan tachixkuwin; maktakalhaw xa lilatamat kakilhtamaku; kakxilhiwiw xlakata ni nasputkan, chu kamalhúwawi tu lay nakkakilhtamakú, putlawanin, chuchut nemà tlan kgotáw xa ixputsalá putlun, laksakgan kuchukan la na tlawakan nemà xa palhma nemà palha chu makgtakgalha xalákatank'swi xa kakapulhuwa, chu chatunu xmapaksinanin matlánikan, na tatsokg'nan xmatlanit xtum tapuwan xlakata xmalakatsukunan xalitalhkáyan xpuitat aná niku napaktanukgoyan chuna tanú la wi xa tatsokg'ni litapakg'sin.

Xla xalitalhkayan tlan natalakaxtlawakan xa likanajlananin xakxtum tiku napaktanukgoyan. Nak xla maklakaskinit nemà xkamalákatsukun tlan naliakxilhkan chu naputsakan xa nikunla na tlawakay, nalakstuka chu tuku natlaway.

Nak xa litalhkayan wilinikan:

- a) Xla lichipaxni pala na tlawakan likxtumkan nak xpulaknikan xla litalhkayan, xtumtapuwan nemà napastakay nak titsuntiyat chu naliskuja la xla natlaway chu naliakaxtlawakan xa tatlawkan, namastakgoyan xa limakxtukut taskujut nak xla xtamakamastat taskujut la xwan nak xlitipatum putaktum tatsokgne xla ja`e tatsotegne.
- b) Xla lichipaxni pala tawilayá, chu naskuja xalimaktayalin xa ti napaktanu xla xalitalhkayan, xla taskujkan xa tu lakchany niku talakaskinkan, nachuna xla pala namastakgoyan lixtum xa maklakaskinkan; xa litachixkuwin chu xa tumin nemà xtalakaskin xlakata tlan nataxtu usu na tlawakan taskujut; chu
- c) Xa makapitsin xalitakalhkayawantatsokg'ni nemà pala natakaxtlawa xalimakxtumkan chu xtum nakaxtlawa xla limastakat kan xa putum kachikinin, tlan namastakgoyan limastukut chu na tlawa taskujut nemà xa kalakapastaka tiku xtum skuja nak xalitalhkayan.

H. Xla xa liwankan chu xa nilimatlanit nemá xla limapaksin wankan pala katunu xla pulamatni tlan nawilinikan xla mapaksinanin xa lak Xlikilhpulakni Pulamatni.

MAPAKUWIT XLIAKGALHCHAXAN

Xla taskujut chu nikunla namaktayayaw talichixkuwi.

Likatsin 123 (Art. 123). Wak lakchixkuwin kgalhi ixlakchanat xa ixtaskujut xa litakakni chu litachixkuwin nemà xminini; xpalakata na litamakpuntumiya xla malakatsukkan xa taskujut chu kakatata'kaxti xa litachixkuwin xa taskujut, la xwi nak xa litapaksin.

Xla Tamakxtumit Limakantaxtinanin, ni takg'lhuwitnan xa lichipaxni xalitum matlani lhawakan litapaksin xa taskujut nemà mapakgsiyan:

- A. Nak xa tasakua, xa taskujnanin, skitiná, makaskujna, xa talakakatsin chu xa liputumkan, pak's xa talakaxlan xa taskujut.
- I. Xalimakapalat xakilhtamak'u taskujut xla akg'tsayan ktsukilhtamakú.
- II. Xa kilhtamakuxlilhuwa xa taskujut xa katsisni na wan kan aktujun kt'su kilhtamakú. Litamakxtakgan xa liwankan; xa taskujut nemà xalixkajnit usu namá ti liu xatala'kaputsit, xa taskujut xa katsisni xalikaxtlawan, chu pak's xa xlakan nemà ninaxkgalhi ajkuchaxan kata.
- III. Litamakxtaka xa liwankancha xlakata ni matlani na liskujkgoy namà xalaktsukaman nemà nina akatama xaliajkutaty kata, nemà uyú tlak xa lankga chu nemá niná akatamalh ajkuchaxankata natakgalhixlakchanat xlakata naskuja watiya amakchaxan ktsu kilhtamaku.
- IV. Akxni ixsujnit akchaxan ktsukilhtamakú tlan xkgalhi aktam kilhtámaku xa lijaxan, watiya xla.
- V. Xa lakpuskatnin nemà xkgalhinan ni xtlawá taskujut nemà xtalakaskin snun xatliwakge xpalakata xla nawa aktom litalákaputsit ixtatlanit xpalakata xkgalhina; xalipaxaway aktom xatalakaskin lijaxaxni xla akchaxan xamana xa xapulha xa chichini nemà xwanikanitancha xla akxni na lakgawan skgata chu akchaxan

xamana xayachan alistalh, tlan na limatajinan xatamaskgawin chu ni xpatsankgakgoy xtaskujut chu lakchanat nemá ixwi nak xpulakni xputaskijni. Nak kilhtamaku xlimatsikinama natakgalhi aktuy lijaxaxni akxni talakaskinkay cháli, chali jae xa puxumakaw minuto katunu xlakata naxmatsikinkan ixskgatakan.

VI. Xla xatamaskawin xa aktsu nemà tlan xkgalhi xataskujnanin jaé xa liputum usu xa talipawancha. Xalikilhmaktom tlan na litapaksinan na titsuntin kachikinin nemà na talichiwinankan; xalikilhmaktuy tlan na wilinikan xalitapitsin nemà niku talakaskin la xla xataskujut xalakgtaxtutumin usu anta niku witi snum tlan skuja.

Xla xalimaskawin xa aktsuntin xa putum xa ja`e tlaknatakatsini xlakata jaé nakchanichan tu talakaskini nak xpulakni xtalákapasni chatum chixkwín, nak xamatixtum tu talakaskin, litachixkuwin chu lalitamat chu nakamaxki xa takalhtawakga xa namakantaxtikan xa laktsukamanan. Xla xalimaskawin xa aktsuntin xaliskgalala nalimastay watiyá akxni nalikxilhkan nikulá wi xalitaskujnin xa lilakgtaxtutumin.

Xla xalimaskawin xa aktsuntin na wilinikan xla aktum katilankgalitalhkatayan nemà xpaktanukgoyan xla xapuxokgonin xalitaskujnin, xa akpuxkunan chu xanapuxkun, xla tlan matlanikan putsa limakstukut nak katilankga litalhkatayan aná niku naputsa tu nikatsi usu nikunla natlawa xpalakata nemá talakaskin xlakata liu tlan tlawa xtaskujut.

VII. Pala xtum skujkan talakaskin na xtum na takgalhi xtaskawin, chu ni natakxilha pala chixku usu puskat chu xa la niku min tuku xlipulátamat.

VIII. Xla xalimaskawin xa aktsuntin limakxtakga ni nalimatlani na maktikan tumin xla limaktay akxni kamakatsini mintaskaw usu akxni limak tikan aktsu xla min taskaw.

IX. Xa taskujnin natakgalhi lakchanat aktum xapupitsi nemà xa makuany litlajanit tumin xa la anta niku skuja nema paktanukgo la wan nak litakalhkayawan tatsokgni.

- a) Aktum katilankga litalhkatayan, nemà xlikaxtlaway xa puxokgonanin xa litaskujnanin, xa xmalana taskujut chu mapaksina, nawilikan nikulá na mapupitsi tumin nakamaxkikan xa skujnanin.
- b) Xla katilankga litalhkatayan lhawakan litaputsan chu nalikakxilhkan nemà xtalakaskinkan xpalakata nakatsini nikulá lama xa lilakgtaxtumin nak lilakgatum pulamatatni. Nuchuna natitiyacha xa tapuwan nak maklakaskin xlakata tlan natlaway xa litatlawanin xalilankaxtlawan nak lilakatum pulamatatni, xtapuwan xlimininin nemà natakgalhi xa tuminin chu xatalákaskin nalimakikancha tumin.
- c) Piwa xakatilankga litalhkatayan tlan nalikxilhkan nikunlá xa porcentaje nema likaxwilikan akxni wi sastilitakgalhtawakga ixlitaputsan nemà xlikanajlay.
- d) Xla litapakgsin tlan nawan pala ni matlani xa talimakantaxtin namapapitsy xamaklakaskinka xa lalkankga puchalhkatni nemà sasti xkaxtlawanit ni xlilhuwa chu lipalhkan xa katananin namá xa taskujut xaliputsay chu xa tunú taskujut akxni nalikanajlay ixlilat chu nikunla wi tu xkgalhi.
- e) Pala nawaná nikunla xalitlajin xla katunu lankga puchalhkatni natiliyacha xla xkilhtsukut nikunla naxokgoy xa ixlisakuan chuna talhkay la wan chu talakaskin nak litapakgsin xa lixokgon xa lisakua. Xa litaskujnanin tlan makaminchá nak pumapaksin aná niku kilhchani xla ixpumakgamakgtayan mapakgsina pukina chu

xlitapawat kapulhuwa, nema ni xliminini la nemà xlikxilha jaé natlawa la xla la wan nak tapakgsin;

f) Xla lakchanat xa liskujnanin tlan napaktanú nak xamaklakaskin tumin jaé ni limakuan naakpuxkunan usu na akpulhkawilinan xa puskujni.

X. Xa tamaskawin tlan nakaxokgoyan nemá xa tumin nemá xlakapasaw xalikanajlay, ni xmatlanikan na kaxokgonankan xalitalakpali xa listat, ni pala tlan kamaxkikan paktom kapsnat nema ni xatomin, ni tlan natalakpali tumin

XI. Akxni ixtalakaskin akxni wi tu xpálakata namalhuwi xa lipulhkan kilhtamaku xa taskujut, tlan namaxkikan nakaktsu tumin xa min taskaw akxni malhuwi kilhtamaku kitsis puxum xa liuka la xmaxkikan la xla skuja chálíchali. Nikxni xa taskujut nemà tlan ni liuká na wan aktutu lipulhka kilhtamaku chali, chali ni pala aktutu xa puntsu puntsu. Tiku nina kgalhi ajkuchaxan kata, ni tlan skujkan nak jaé taskujut.

XII. Pakx xa puchalhkatni xa kakiwin xa likaxtlawan, xalimaxtukan likan usu tunu taskujut kalhi xlitlawat nemà xlá la wan xa litapak'sinin tamakxtum masta xaskuj'nanin niku latamayacha nemá xaslan chu xalak'swan. Ja`e limakantaxtut tlan nalimakgantaxty la xla tuku masta xa puchalhkatnanin chu namaxkikan nak pumakin xa lipulatamatni lilakatum xa kachikinin xpálakata tlan namakikan tumin xlakata chuna pak's liskujnanin natakgalhi litamastukuni xatalakgaxokgon anta niku tlan sakuay likta chu xalilhuwa xlakata chuna tlan natamamawa xchikkan.

Maklhkatsiya pi liu limakuaní litachixkuwin nalikaxtlawakgoy xa litapaksin xakata namalakatsukikan limakxtuminilankga xatalakxtumikan xa lipuxokgonin xla puxku mapaksinanin xa lilakxtum pulatamatni, xa xla skujnanin chu xa malananin, nemà nak pulhkawili xpumakin tumin xa lipulatamatni lilakatum xa likachikinin, xla

litapaksin lakaxtawayan xa talakaxtum chu xlikaxlawat la xla namakaskujnanin matlanikan na titikan chu natamawa ixchik'kan nemà xkawanin.

Lalilakchiwinankanit talakaxlan nemà wan putalaktum tasokgnit xapulh nemà min litapitsin, nema wi xpulakni xa likachikinin, talakaskin nakaxtlaway pukgalhtawakgenanin, pumakuchinanin, chu xa tunu litachixkuwin nemà snun talakaskin Kachikinin.

Nachuná, ana piwa puskujnanin, akxní liuka wi ajkaw puxum litachixkuwin nemà ixlatamayachan aná, talákaskin naliputsakan aktum putawil tiyat nemá ni liu ktsu, talakaskinkan puxumakitsis puxum lilihkan xa lichastutaty, anà nikú na kaxtlawanan xa litamaw xa kapulhuwa, ch una nakaxtlaway tatsapsni chiki ana niku natawilay xapumapaksin chu xa pukamanan.

Nitlan chu ni matlanikan xa liwan nak puchalhkatnanin, natawilà pustan aná niku stakan kuchu chu chiki ana nik xkamanankgo xa taxokgon, nemà max natlajayachan.

XIII. Xa lipuchalhatni, tuchi xtaskujut, xwi namakantaxy xlakata nakamaxkikan ixtaskujnanin, xa takalhtawakge chu namasinikan nìkula natlawakan taskujut. Xali tapaksin nawan nikula talakxtumi chu nikunlá natlawakan la xla nemà xa malananin namakantaxtikan ja`e makatikan.

XIV. Namà xalankga malananin xlakan nalitayay xla namà lany xla taskujut chu xa tajatat katlankany xa skujnanin, nemá xpatinankan akxnì xmastama xtakatsin usu akxni skujna nemà xlitlawa; wa chu, namá xa malananin tlan naxokgokan jaé,

max tiku nani usu tiku ni matlani skujkan la wi tatsokgni nak litapaksin. Jae limakantaxtit ni lisputkan akxni xa skuj ná kiputsalh tunu ni ixputsanit xa malaná.

XV. Xa malanà kgalhi xmakatikan xlakata natakxilhan xpalakata nikula xwi xpustankan, xamatixtum kanajlaya xatatlanit, chu xlimakgtakalhna nak xpulaknikan anà ni wi xapustan chu naputsakan nikunla tlan na la xpalakata ni tu nalani akxni namak'lakaskin xa likan, chu xamaklakaskinkan chu tuku ixama talakaskin xa taskujut, nachuna nikunlá na takaxtlawa xpalakata chuna ni tu nalaniyan xaskujnanin nak ix tatlanit chu nak talataman chu makalayakxni kalhinan puskatni xa litapakgsin natakgalhi ninla nalixokgonan akxni talakaskin xa.

XVI. Na xlá lichalhkatná la xa napuxkuntaskujut natakgalhi xlakchanatkan xlakata xtum lian pala naklitayay xla namaktakgalha tu xlákan, tlaway putamakxtomakgalhtawakgenanin, tamak xtumit xalitaklikatsi, etc.

XVII. Xa limapaksinin takanajla nikunla aktom lakchanat xla namá xla chalhkatnanin chu xla malananin, xla tachokgontaskujut chu xla litachokgon.

XVIII. Xla tachokgontaskujut na lay xalakatitum akxni nakgalhi lilakchat lakxtum na la, nak xla tipakatsi tixlatlaw xla litaxtu, xtumnalá xa lakchanat xa taskujut xla liku wilikanit xa tumin. Nak xa limaktay kapulhuwa na wan xatalimakantaxtin pala xla skujnanin namastakgoy xatamakatsinin, la ajkaw chichini xapulhatamakatsi niy, xa tamakxtumit lamaxtakgektsu winá la xlitalhkanitancha pala xlakata na makgenukan taskujut. Xa tachukgon taskujut nemà wan ni lakatitum akxni xaliputum liuká xla tikuxpakgtanuma nak xatachokgontaskujut ti tlawa nemá xatuchi xa lijikua chu limamaxani xa lakchikuwin usu xa takgalhini usu akxni lama putalanikni, akxni wa xlakan xla nak ktsu chiki xa limaktay nema xla xa Puxku Mapaksina.

XIX. Xla tachokgón tlan nawan lakatitun ni tu lani watiyá akxnì liuká wi xamakalat liu xtalakaskininkan a tachokgo xa taskujut xlakata ni tuktay xa xtapalh chu

kipaktayácha namài ixwi xa lixokgòn, xa yachán nakanajlani xa lankgatamakxtumit xa lamaxtakgékgtsuwiná.

XX. Xla tunuj usu xa taklhuwit nak xpulakni xa tumin chu xa taskujut, nema nakchipalin nak xtachiwin xla aktom tamakxtumit xa lamaxtakguetsuwina, nema litlawanit lakxtum xa lilakatayananin xa liskujnanin chu xa malananin, chu aktum Mapakgsinanin.

XXI. Pala xa Malaná ni xlakaskin pakgtanu nemà ni chatun nak lilakaxlat usu chu matlaní xa Limatlanit la xtachiwinanit Tamakxtumit, nalisput xatalakaxlan xatackujut chu nalimaxtakan tlawat xlakata na lixokgonankan xa chalkatnán kan tu tlajay akxni skúja aktutu pápa litum xla xa litayat nemà taxtukgo xa takglhuwit. Ja`e tachiwinlimapakgsin ni tlan nalimaukan nak takaxtlawan nemà minchá nak xa tapitsin nemà xa litum. Pala Chalhkatnanín ni lakaskin nalisputkgoy xa talakaxlan taskujut.

XXII. Xa Malaná nemá xmaktikan tastujut xa xha tum chalahkatná chu ni xwi tu xpaklakata usu xlá xtanunít nak limakxtum usu xa Putamakgxtumakgalhtawakgenanin, usu xpaklakata xtánunit nak xatachokgontaskujut nemà xa tlan, ja`e nalimakantaxtinan, xlakata nemá laksakga xa chalkatná xlá námakantaxyt xa talákaxlantaskujut usu xatalakgaxokgonkan la xlá litlajá xliaktutu pápa.

Xla litapaksin na wan nikxní xa Malaná tlan na xokgokan aktum xatalakgxokgonkan.

Chuna litum natalgalhi xlitlawat xla nataxokgonkanikan xa skujná la xla litlajay xa aktutu pápa, akxni natapanú xla ixtaskujut xlakata ni titum latama Malaná usu xlá ni tlan tlawa, nak xla xpaklakata usu xmawina xnatikun, xlakgawasan usu xnatalan.

Xla Malaná ni matlanikan na tapanú xla xlitayanikan akxni nema xalixkajtapuwan nemà xmakaminchá xalitalikapasnikan tlawakan xla xtapuwan xlakata.

XXIII. Xla lisakuat xa limakuan xa xhalhkatnanin xa xtaskaw nema ixlitolajanitanchá nak xawatiyá kata, chu xla xalipuxokgonkan, takgalhín xalimakuanlakatit xa liuká xa tuchí nak litlajat usu xa litatukxan.

XXIV. Xa xla liklinankan nemà xlakan xa chalhkatnanin ixlimákuani Malananin, xawa tiku xmaktayama, talakapasni usu tikuxta'an watiya xla na talitayani xa chalhkatná, nikxni chu ni pala wi túku tlan na skinikan xa tiku tanu nak talákapasni, nachuna ni tlan naskinikan namà xa talikinkan xa ninla nemá xa'akataxtuy xa ixtaskaw chalhkatná nak aktum pápa.

XXV. Xla xalimaktayan xlakata xla nakawilikan xa chalhkatnanin jae limaktayat ni xaxokgokan para wa xla, tlan tlawakan xapuchiwin ktsupulataman Putapakgsin, puxtakgat-taskujut usu xa túnu xpokgantaxtuntachixkuwit xa tlankga usu xlachatom.

Nak xla xalisakuan xla ja'e limaktayan tlan nakxilakan xa talakapukan taskujut chu, nak xalakgxtum xla lilat, natakgalhí xalipuntsu tiku tamakamastá watiya tiku mawikan chu masta limastukut istalakapasni.

XXVI. Wak xa lilakaxlan taskujut xlikaxtlawanit xla chatum limejicano chu chatum lakglankga Malaná xa la alakatúnu Pulátaman, ja'e talakaskin nalimakanajlay xa mapakgsiná xa Putapakgsinlakgtsu Pulátaman nemà likanajlat chu nalikxilhkan xla Mapakgtayaná Mapakgsina nak alakatúnu aná niku xla chalhkatna tlan na an nak pits xla tunu xa liwan xa likastakayawat xachunatiyá, naliwaniyan tank's xla nemá xmakglakaskinkatumin-xpalakata xakamá tasamatikan nemá xla natlawa xa lankga Malaná nema talakaxlanit, skujnanin.

XXVII. Nawan tu lanit nitlan chu ni limakantaxtinankan tiku xalimaktayakan Malaná usu skujnanin, maski chuna wan nak talákaxlan:

- a) La xla wan tu lanit aktum kilhtamakú xataskujut nemà ni xla lichixkuwin xatlan xakxilhkan liu xa tuwa lhmaninith, limastanit taskujut.
- b) Nemà walikan akgtom taskaw nema ni limakuani xlakata ni akchanì lá wan Xatamakgxtumitni xa Pakgtanuna Makgtsuwina
- c) La xlá wan aktsukiltamaku xalhmaní akgtom xamana para nakaxonankan xataskujnit.
- d) La xlá masí niku nalikgamanan, pustantaway, pukapé, pokgotni, pustankuchu usu nak pustan aná niku nakaxokgonankan, akxni ni naxokgonan tiku skujma unu ixfamawaninit.
- e) Xla nemà xkgalhi litlawat titum usu ni titum jaé ixama tití ixmaklalaskinit xalakata nemà talákaskin tu ama wayan, nak xa pustan usu nak xiankgalhin.
- f) Xla nemà matlanikan tachokgó xa taskaw xpalakata taxokgótalakgalhin.
- g) Xla nemà talakskin yaj naskujkan chalhkatatnà xa xla xalixokgonankan nemà ixkgalhi lilakchan, xla akxni wi tu paxtokli nak taskujut, chu xa tatat nemà kuchi kuchuná, ni limatlanit alxni ni ixmakantaxtinit ixtalakaxlan usu ixmapukanilh nak patsapstaxtlawat.
- h) Pak's xa litum nemà wan xalimakanukan akgtom lakchan nemà ixtatsokgnit ixlimatlanikan skujnanin nak xa litapaksin xla xamakgtakgalhay chu xa limaktay xa chalhkatnanin.

XXVIII. Xla litapaksin nawankan xa takgalhí nemà natukan nak xalakatumakstokgnit xa xla talakapasni, takgalhí nemà xla ni talakpalin ja'e ni

nakchapalin xa litlawatkanit xakanajla chu na ni tawatlani Maklakaskinka, chu tlan xkamaxkikanan xa mapakunin Ihkamat nemà nixa tuwa la xlá wan xamakgapitsi xlikana takantaxtin tapakgsin.

XXIX. Xla xa maklalaslinkan kakapulhuwa xa litapakgsin xla katankswilitachixkuwin, chu xla natakgalhí xakatankgswinit xa ni limatlanit xakgolonin, xa talatamat, nixlakaskin tapanù xla taskujut, xa tatat chu xapaxtokglit xa limakgtayat pumakin ktsu skagatananin chu xa túnu nema makamasta limaktakgalhat chu xalimakuan latamat xla chalhkatnanin chu tunu xa litachixkvwin chu ixtalakapasnikan.

XXXI. Nachunalitum limakuaniyan xalitachixkvwin xla litachixkuwinkapulhuwa lilakgtaxtutamanlimakxtum pala nalikaxtlawa xa chiki xa aktuju xa lak'swan, nemà xa tamaway xaskujnanin chu na xokgonan lakgasut, lakgasut.

XXXII. Xa litlaway litapaksinin xa taskujut xlitayay xla Mapakgsinanin xa xla Pulatamatni, nak xla makxpaanitni, chu xpalakata wa xa Mapakgsinanin xa Lilakxtumpulatamatni nak xa takaxlan nema min a:

a) Pakgan limakaskujni limaktayat:

1. litlawakan Ihkgat
2. limaskgoyonin
3. limakakxilh
4. tsakatnin
5. Sakgsinanin
6. Ta'anat
7. Limakaskujkan likan chu xalikaxlawat likan chipay xa punaxtunan xa chiwixtiyat limakvat, xa limakuan chu xa likaxtlawá, pewa xla, nachu litum

nalimaxtukan xa likan la tanuma chu la ijkaxtlaway chu xatipakatsi tu makala xa pewa likan.

8. Chalawatiyat
9. litakaxlanchalawat
10. pokxnichwix
11. kaxta
12. kaxtawalin putlawn
13. PustanLikuchun xa likuehun lipakán
14. kapsnat chu xaliakgasat
15. chalawatchutchuchut chu chalawatkiwi
16. likaxtlawani tawaj, chipa watiyá xalipumakaxtlawa nemà talakaskin putajun, xa likan xa walhtin usu nemà xla talákaskin kani
17. Likaxtlawa xaliakgotkan nemá, talakaskinkan xputaju usu nama ana an;
18. Likanputlawn
19. Kiwilhtakala xatamaklakaskinit, nemá wa xla xatamakxtun xla pumalichukun chu tlawakan xa tuchi xa chukum chu lhtakgala xa kiwi;
20. Walhtin awatiyanama xlá, pala na lhawá walhtin xa kaxtum usu xa ihpitkan usu xa putajun; chu.
21. Kalixkuli nemà xa kaxtlauanankan chu xa katlawakan makalat xa axkut.
22. Limastukutni xa Banco chu xalisakuan

b) Lipumakaskuja

1. Namá xlá xalá akgchipalinan xa titum usu xakstu xpatalata mapakgsinaliputlatamatni;

2. Namá xlá láma xla aktom lilakaxlan usu kama xkikalitlan kalipulátamatni chu xa limákaskujni nemà ixlikxtum lian; chu
3. Namá xlá tlawakan taskujut nak titsupulátamat nak xalilikxtumpulátamatni, usu nemá na takgasa xtampin xa xmakxpanitni xalilikxtumpulátamatni, nak putunú xakatiyatni usu nak namá xlilákapasaw chu wi nak titsuntiyat xalilikgtaxtutaman nemawá xa xla lilákatumlilatamat.

Nachuna litum xalá littajat watiyá xla xa mapakgsinanin xalipulátamatnin, xla littawayan xa xla lia'an xa taskujut nak talakáxtumi nemá xlá xa takglhuwit nemá lakgalhiyan xa akgtun usu chalhuwa Palátamat Xapulamatamati; lakaxlay xalimakxtum nemà xkawanikanit xanamakatikan nak xa liuka aktom Pulamatam Xapulamatamti; littlawatkan xa malananin nak xmaklakaskin xatakgalhtawakga, la wan xa litapaksin; chu la xlá littlawat xa malánanin, nak xa limasinikan chu xa liuanin ninlá taskuja xa skujnanin, chuná la xlá xa limakgtakgalhat chu xa likapalhat nak ipulakni ixpathaskujutni , xlakata chu, xa mapak'sinanin lipulamatamti natakgalhí xalimastukut xa lak Pulamatam, ákxni watiya xpakgen usu taskuja xa makxpánikni xakatalakatsu, la wan tatsokgni xa litapaksin tapaksin xlilat.

B. Nak xla tatlawakglhat putum, xa mapakgsina xa xkilhpulákni pulamatátni chu ixsujnanin:

I. Xla Taskúujni xa chalí ixlilhuwa xa taskujut lá akgtom kilhtamakú chu xakatsisní xalá xaktsayan chu xaktujun akgtom ktsu kilhtamakú. Katunu nemà liuká tlan nakaxokgonikan xa kitsis puxum xliwakgkitis puxum chu xlilhuwa nemà ixtaskaw lá ixtlawá ixtaskujut.

Nikxni niku xla taskujut xa liuslan tlan matláni nalhmanikan aktutu ktsukilhtamakú chalí, chalí ni pala aktutu katunu katunu.

II. Xa kátunu akchaxan chíchini xa taskujut, lipaxawa xaskujnanin aktom chíchiní xa lijáyan chu xa kaxokonikan xla.

III. Xla skujnanin lipaxawayan xla xa lipujaxan nemà ni xaktsu akpuxum chíchiní nak xaktom kata.

IV. Xla taskaw xalá tank's nawankan nak xla talakpulhkan tumin chin amà xa nikunlá ni na límaktikan lata xwi xkilhtamakú xlá ja`e.

Nak niníku xa taskaw tlan xatutsu na tawilay xa namá xlá xokgomaka aktsu xtaskaw xla xa chalhkatnanin xa liputum nak Xkilhpulakni Pulátamatni chu nak Pulatamatni xa lak Tapakgsit Tachixkuwit.

V. Xla nemà latiya xlitayaní taskujut taskaw xtum latiyá ni nakxilhkan pala chixku usu Puskat.

VI. Watiya xmatlanikan tlawakan xatachokgon, limaktiniktsu xa mintaskaw, chu makiní namá min taskaw, nak xa namá uyúkxilhkanit nak xla litapaksin.

VII. Xla malakapulí xa xla maktayaninanin na tlawakan la xla xatalákaxtumit nemá tlan nawkxilhakan tu katsiakgoyan chu tuku matlanikan pak's tikutanuputun. Xla Pulataman liakaxtlawayan Pukgalhtawakgananin xa Pumakinkapulhuwa.

VIII. Xla chalhkatnanin natakgalhí ixlakchanat xa litatsokgnitalhkat xpalakata chuna xatalhkantaptsa namasta xlaka lata tu katsí, chu tuku matlani chu ninla kataskujmaka. Nak xtum litayani natakgalhi xa puntsunin maktakgalhama chu mastama tu ixamamaktaya ixatákapasni.

IX. Xla chalhkatnanin watiya tlan natapanukan usu natachokgoy akxni likanajlanilh takglhuwit la chuna wan xa litapaksit.

Chu akxni namapanukan chu ni ixkanajlanih natakgalhi lakchan para lakaskin na maxkiparay ixtaskujut usu natlan para lakasnin xa chalhkatna nakaxokgnonan la tú xpalakata, la xla wan xlilat, limakanajlit. Nak xa xatalakchokgonit xa taskut xla skujnanin nemà xtalakglhinit takgalhi lakchanat xlakata nakamaxkikan tunú la piwá la ixmaktikanit usu nakaxokonikan la wan litapaksin.

X. Xla skujnanin natakgalhi xla lakgchanat xpalakata natatamakxtumiakgo xlakata na'akgliwanta xla ixskgatatumin xaliwak. Matlanikan nachunalitum, tlawá xmaklakaskinka xla lakchanat xa tachogontaskujut akxni ixmakgantaxty xla xa mak lakaskinit nemà wan litapaksit, xpala'kata chatum usu Ihuwa Puchiwinin xa Tatawakglhat xa Kapulhuwa, akxní ni kanajlay ixliwak chu lipiwá lakchanat xla ja'e likatsin kanajlá.

XI. Xla limaktakgalhat xalitachixkuwin tlan natalikaxtlawá la wa tatsokgni nak lichipaxni akgtsu.

a) Masta limaktay xa paxtokgni chu xa tajatat nemà kuchù xa likuchun kuchuná nama xlá tajatat nema ni ijkuchu xa kuchuná chu ixkgalhinit chu kgolun, chu xa nin

b) Pala witu paxtokga usu tajatat nakgalhiyá lakchanat xa taskujut xa xla kilhtamakú la wan xa litapaksit.

c) Xla lakpuskatin nemá akxní kgalhinan ni natlawa taskujut nema talákaskin na tlaway tliwakge xasnun chu namá na wan aktum lijikuan xla natalákalhy ixlipaxawlatamat xpalakata kgalhinan; ja'e.

Natakgalhí chu snun talákaskín xla aktum pápa xa lijaxani xa pulh akxni nachan lilhtamakú para nalakachin chu alistalh találaskin na lijaxay Aqtúy papa, piwa, chu

nakamastakhoy ixtachaw la akxni skujma chu ixtaskujut nataulá chu ixlakchanat nema ixlak tlajanit xlakata ixkujnit, mak la Kilhtamaku akxni ixmatsinana natakgalhi Aqtúy lijaxan xlá aktum chichón, xa itat akgtomktsukiltamakú ixliak tum, xlakata namawinam ixskgatan. Chuna litum, tlan nakgalhin nikù chi tiku na kuchy chu ixlikuchun xa limaxtukutni xa limatsikina chu xalimaktay xlakata niku napumaki ixkamankan.

- d) Xla xtalákapasni xa chalhkatnanin kgalhi lakchanat xla wan wi niku tlan kuchunan chu xlikuchun, la xla wan litapaksin.
- e) Na tawilácha niku tlan na'an lijaxanan chu lakaskín chu tlan nalitliweklhay, chuná litum pustan nemà xalikta xlakata nalimakuaní xa xla skujnanin chu xtalákapasni.
- f) Limastakan xa skujanin aktsú nikù tlan latanayachan xla nakaxokgokan xapapa usu natamawa la wan xa takaxtlawan nemà takanjlanilh. Litum, xla Pulataman la xla tu mastákan, na lay aktum makytomtamakin xatamaktayat xalipulatamatni lilakatum xa xla chikinin xlakata nakaxtlawa chu natawilakan aktum makxtumtamakin Xalilikatum Lipulatamatni nemà limakuanianyi xlakata namaxkikán xla ja'e xalitapawan xa likta chu xalilhuwa xpalakata chuná na tamawa ixchiki nemà xa tsakaka usu xa tlan ixlikaxtlakanit, chu ixlikaxtlawanikanikan, chu nalimakuanikan usu na xokgokan lakgasut nemà ixtitilh xpalakata.

Xla nemà tu kamakamastá xpalakata namà ixama tanu nakmaxtimtamakin xatamakamaktayan xa lilaktum lipulatamat natakatsinì nal limakxtuminilankga nemà akpuxju xa limakgtakgalhat xalitachixuwin la takaxlanit nak limapakgsin cha aná niku xalá, xa nikunla na tlawá chu nikunla na lakaxtumi la xla tamakin xatamaktayan chu namakamastákan xatapawan la xpalákata.

XII. Xla taklhuwit xa xakxtukan, xaliputum usu nak ispu ixpulakni pumapakgsin ja'e natakxilha Lakglankga pumakatanksan xalipulatamat xapakgtanunakgtsuwiná niku tanuma la wan nak tatsonkgnit.

Xla xataklhuwit nak xa Tatlawakglhat Xataputsan xa lak Lipulatamatni chu ixtaskujnanin natalíkaxlá xla xaliakastakayawan ya putum makatannksananin xalipulatamatni; chu nemá tu Taxtu nak Lakglankga Pumakatanksan Kalilakaxlan chu ixtaskujnanin wa natalíkaxlan la xlá awatiya.

XIII. Xlá makgtakgalhananin makskayiwa chu xa kapupunú, chu xalitachíxkuwin xa limaktayat xa la kilhtin. Akpuxkuná xapulákatunu pumakgamakgtayan, xa liskgalala chu xa xlá tiku skujma nak ixpokgantuxtuntachixkuwit xatamakgtakalhat kachikinin nemà, xa limapakgsinan xa xla litapaksit.

Xla mapakgsinanin xapulakatunu pumakgamakgtayan xakapulhuwa, xaliskgantaxtum makgtakgalhananin xa kachikinin lipulatamatni, xa xkilhpulakni pulatamatni; xa pulataman chu xa putapaksin laktsu pulataman matlani na mapanukan xa taskujut pala ni makgantaxti xa makgskintilhakan namá ixtatsokgnit nak litapaksin nemà wi lalata chi xla wan kan pala xlakata natawilá nak ja'e xapulakatunu pumakgamakgtayan, usu napakgsit nawan pun ama xalimapanut, litapanut, litakta, usu tanu la ixtlawa nalisputkgo taskujut lanilh ni ixlikanajlá xla pulataman watiya ixmakantaxtikan xlakata tlan nakgalkgonan xa lipuxokgon chu xa tunúxalitasakay watiya nemà xla takantaxtintapaksit usu nikunla tlawanit xlakata akliyanilh nemà ixtalhmanint.

Xa mapakgsinanin xa xla liputamatni, pulataman chu xa lakilhpulakni pulatamatni, chu putapaksin ktsuputalamen, xalimakuaniyan putsa xalitliwakglhay xla talákaxtum xa limaktakgalhat litachixkuwin xla tiku skujma nak pumakgtayan kapulhuwa, chu xa lipokgtum xa makgtakgalnanin xa kachikinin chi xla xalimakgtayan xaliskgálala, xla xa ixtaláka pasnikan chu tikù ná aná ipakgtunú ,natlawá xatákgutm ni xalipakgatuy xla xamakgtakgálhat litachixkuwin.

Xlapulataman namastakan tikun skujma nak limagktalhninan xa makxtakni xatatlawakglhat kaun chu tamatiwankglha xa kalitani LiMejico, xa lisakuan nemà wan xa aktsu litapitsi xa xlá litapitsin xi xa ja'e putaktum, xla na piwa xali'an xla limakxtuminilankga nemà mapaksina xa xla limakgtakgalhay litachixkuwin xa xla xalimakuanit ja'e pokantuxtuntachixkuwit.

XIII.Bis. Xla pumakinikan tumin xalikilhpulakni chu xa lakatunu palátamatni xla kaputlakgantumin xakapulhuwa Xlikilhpulakni Pulatamatni namá xla pakgtanukgoy nak xatamakxtumin xa xla pumakinikan tumin xa lak Mejico limapakgsian ix talipakganin xalimaskujnukan xlakata ixtaxhalhkatnanin la ixtatsokgnit nak ja'e putaktum.

XIV. Xa litapaksin nawan xla mapaksinn nemá xa linajlayá .xalitachixkuwin nemá akpu xkú ja'e taskujut xa taskaw nalipa xawa xa limakuanit xa maktakgalhat litachixkuwin.

XLILAKEPULAN XALIKILHAKTUJIN

Makxkatsiniyan ixliwakg

Likatsin 124 (Art. 124). Xa tulakchan nemá niwi chu ni xmakamastanit ja`e limapaksin xa skujnanin xalipulamatatni, ja`e limakuani wa xla xlakata xa pulamatatni, tukan tasi pi wa xla.

Likatsin 125 (Art. 125). Nitiku nemá lakchikuwin matlanikan na chipa chu xaliskuja aktuy taskujut nemà xa lipulamatatni nema xa litalhkayawanit xa kapulhuwa, nipala aktum xa Lipulamatatni chu amaktum nemà xa aktum xa Pulataman nemà xa piwa xatalaksaknit watiya matlani xla xalilhkayawanit nalaksakga aktum taskujut nama lakati.

Likatsin 126 (Art. 126). Niximatlani kaxokgonan nipala akgtum nemà ni xtanuma nak xalipulhkakantumin usu namá wan litapaksin xa astan.

Likatsin 127 (Art. 127). Xa Mapaksina xla Lipulamat, xla Xapuxkù Makgatanksana Lankga xpulákaxtlawan talá kapun xa xla Lilákatum Pulataman, lilakatiyaná chu xtalakaxtlawanatapaksit nkl likakxtumit Limakantaxtuninanin, Xapuxokgonin nemà cha nak Lankga Tamakxtumin xa lak Xlikilhpulákni Lipulamatni chu xa tunu xa limaktayaninanin xa kakapulhuwa na makamaklhtinan aktum xalimastukut xa lilakgtaxtutaman liu xalimakuan nemá xla ni nalimkgxtakga xpalakata xla nawan nikunlá natlawakan xa aktum kata chu xalakxtum nak xa talakapulhkan xatalaktwan tumin xalilik xtum Pulatamtni chu xla xlikilhpulakni Pulamatatni usu nak xalakgpulhkantumin xa lak Pulatamanin nemá nalakchan.

Likatsin 128 (Art. 128). Liputum nemà tiku skuja kakapulhuwa, xa pulh akxni xamakamalhtinankan xa mapaksin, makamasta xamakamakgtanut xlakata na maki Xalimapaksit chu xla mincha nak xa litapaksin.

Likatsin 129 (Art. 129). Akxni wi xa takaksi, nitiku xa Mapakg'sinanin xa liakgawaná Pulatamatni natlawa tu ixtaskujut, watiyá tlan natlawa tu ixlilat, nachunalitum watiya na lay Pumaktakgalhni xa xliaxaxliakgawana Pulatamatni nak xa lakglankga Pumakgtakgawana Pulatamatni nak xa lakglankga Pumakgtakgalhni xa tanks wi nachuna nak pumakinin nemà tunkan a'ma xla xa Mapaksina xa limakxtum na akpuxku usu nama xa pujaxni, ixputamakgxtakgni Liakgawana usu pumakin nema xla wi ijkilhtinn kachikin wi, nemà ijkaxtlawanit ipalakata xa liakgawaná.

Likatsin 130 (Art. 130). Ijkilhtukut xatalakapastakni xa xla Pulataman namapanu chu xa pusikulan nemalakatsuninan xa limapaksin nemà wi nak ja'e likatsin. Xla pusikualanin chu xa tunu lipokgtum xa simulanatlawan ixtachiwin Puchiná, nemá na akgchipan kan nak litapaksit.

Lila watiya xla limakantuxtinanin Tamakxtumit lilakaxlay sikulatlawa xa kapulhuwa chu xasikulanin chu xa tipokgtum ti simula tlawa Puchinanin. Xa lita pak'sinin nemá litapasinyan nema xlá lakchani, xa kapulhuwa natalipakgsian, litatlawa chu nema xalitapakgsita xapulh.

a) Xa Pusikulanin chu xa lipokgtum nemà talipawan Puchina natakgalhí nchixkunalá xatamakanajlit lá xlá tamakxtumin xa talipawán Puchina Akxni uyú takgalhí ijkaxwilin. Xa litapaksit natalikaxláy namà xa limakxtumin chu na wan

nikunalá nalayachan chu ixtamaklaskin nemá xalakaskinkan xlakata tlan nalhkawilinkan.

- b)** Xa mapaksinanin ni ixmatlanikan napaktanukan nak ixpulakní latamat xa xla limapaksin xatalipawán Pachinanin.
- c)** Xla liméjicanos matlanikan napaktanukan nak xa talipawan Puchiná ana niku talakatikan. Xa limejicanos la xla xa xla axalákatunu Pulatamatni tlan xpalakata na takgalhi xemaklakaskinkan nemà masi xa litapaksit.
- d)** Nak litapaksit nemá litapak'siyá, la wan xla Xapuxku Makatansaná nemà akpuxkú xalipáwan Puchina ni matáni tlan akpuxkunan Limapaksin xa Kapulhuwa, La xla talachixkuwin tlan na lilalhkayawa chu xlá ni matlaní nalihkayaway. Tíku yaj akpuxkú xalipóktum xa talipawán Puchiná xamakgasá chu la ixtalhkanit nak litapaksit tlan natalihkayawakan.
- e)** Xla Makgatank'saná ni tlan tamakgxtumiakgó xlakata na tanú nak tipalhuwatapwan ni tlan tlawa xa tamakxtumin tipalhuwa tapuan. Na nitlan nak aktum tamakxtumit xa Kapulhuwa, usu limakgpuntumit xatalípawan Puchina, chu nipalá nak makgpuntuminan nemà xa talipawan Puchiná, nitlawa tu wan litapaksin, xa Lipulátamatni usu namá ipakgantaxtun tachixkuwit, talákgalhiniy xa Litakagní xa Limexico.

Litamákgxtakga snun wi xaliwankan xa latlawakan xa lipokgtumin xa tipalhuwatapuan nemà na pakuwi usu aktum tachiwin usu max wa tapwan xa

lipawán Puchina. Ni matlaní tamakxtumiakgoyan xa tipalhuwa tapujan nak ixpulakni Pusikulankan

Xla tamalakánun nemá xla waná kanajlá chu xlakata na makantaxty xla makatikan nemá xtitikan, xla chipakan tiku tlawá pala xlakata ixtsankgakgo xlá, xa liakgastakyawan nema xpalakata kgalhi xalitapaksin.

Xla limakgatankgsananin xa talipaw Puchiná ixnapuxkun, ixmaktayanin, natalan chi ipuskatnin, nachuná xa tamakxtumin xatalipa Puchiná nemá wa xlakan, ni ixmatlanikan naxapaxtokgnikan, xa lakchixkuwin nemá tiku nemá xa Makgatanksananin ixakpuxkunalh usu listaknilh ixmaktayanilh chu ni ixlakan ixmapakgsinanin xa ixlimaktáti na wan.

Xla tu tlawá xalatitum latamà tachixkuwit xa xla lakchixkuwin wa xla ipalakatakan xa Mapaksinanin xalakpulhkawilin nak xla xmapaksiyan nema makamastakan xa litapaksinin, chu natakgalhí tliwakge chu likanajlái nemá piwa limastakgoyan.

Xla Mapaksinanin xa lipulamatni, xa lipulataman chu xa Putapakgsinlakgtsu pulataman natákgalhi nak jaé xa limakanajli xla lakchaní chu xtalityay nema wan xa litapaksit.

Likatsin 131 (Art. 131). Wá lakchan watiyá ipalakata Lipulamatni Kaxwilinikan namá Xalistat nemá án chu minchá usu namá titaxtu nak tiyat xalilakatum Pulátamatni, nachuna talikaxlá tandakú nachú liwanni xpalákata natamaktakgalhay usu xa maktakgalhninanin xa kachikinin, nemá tlawan nak katiyat Xalilákatum Lipulátamatni nemá xatipakatsi tuchi, tunu xla xalá niku min xla chu ni piwa xa

Lipulatamatni ni namakamasta chu ni na wan nak xalikilhpulakni lipulatamatni xa pulakxokgot chu litapaksin nemá nawan xla litapitsin VI xa Likatsin 117.

Xla Tatlawakglhat makgantaxtina max tlan lakchanikanchá xla Tamakxtumit Limakantaxtinanin xlakata na limalhuwi, limaktí usu limapanú nema xa listaskiwtumin xa xla lixokgokan xlakata tu stakan xa alakatunu pulatamatni chu nama klitamawaná, nemà xlá makamasta Limakantaxtinanin, chu para na Malakatsuki tunu; nachuna xla pala na malakatsuwi chu para na liwanankaní xa listat nemà minchá usu án chu ixtatlawan xa makgalat, likatsit chu lilat, akxni liu limakgapalá, tpalakata nalikaxlay xalistananin xa alakatunu, xa Lilakxtutaman xa lak Katilankga Pulátaman, xa lilakxtum xa xlá tu makgalay nak Lipulatamatni, usu natlawakan tipakatsí tunu lilakchán, nema makuani xla Katilankga Pulataman. Xla Makgatamakxtumit xatalakapulkantumin nemà xa kata, kata, na akchiwinankan xlakata kanajla chu naliatlani xla nikunla litlawanit xla namá xalakgchan nema ixmaxkikanit.

Likatsin 132 (Art. 132). Xla Tliwakgchiki, xa Pulatamakgxtakgneliakgawaná, pumakinin chu xatipakatsi tu takgalhit nemá ixmakamaxkikan xa Mapaksina xa xla Liputum xla namaktayakantsina xa kapulhuwa usu nemà ixmaklakaskinkan tipalhuwa, ja`e pak's limapak'siya xa pukgtapakgsin xa Tatlawakglhat xa Lilakxtum Pulatamatni nak xla la wilanikanit Litapaksin nemà namakamasta xa Lankga Tamakxtumit xa Limakantaxtuninanin, ixpalakata ixtum natawilayachan nemá xalimakum nachipay ipulakni tiyat tunu Pulataman, na wan xla liu talakaskin ixlitlan xla xaliakgaxtlawanin Tapaksit lilachá.

Likatsin 133 (Art. 133). Ja`e Limapaksit, xa Litapaksinin xla Limakantaxtuninanintamakxtumit nemà ixmin wa xlá chu pak's xa Lilakchiwinanikanilh nemá xtum tapwan lá xapiwa, likaxtlawalh chu nama xa litlawakan xa xla Lankga Mapaksina xa Lilákatum Pulatamatni, chu ixlakaskinkan ixlimatlanit xla Xpulilakaxtlwantapak'sit, chu wa xla Litapak'sit xa liulankga xa liwakg limakxtum. Xla Makatank'sananin xa katunu Pulataman natalikaxlay la xla jaé Limapakg'sit, litapaksinin chu xa chu la wi nak xa limapakg'sinin usu litapksinin xa lak Pulátamatni.

Likatsin 134 (Art. 134). Xla litamakgtay lakgtaxtutaman nemà xtakgalhi xa lipulamatni, Pulatamatni, Putapakg'sin Lakgtsu pulataman, xla Kilhpulakni Lipulamatni chu xa Likilhwakánin tipalhuwatapuwan Xalakpulhkawilin xla xtapakgtapakg'sin tiyat, tlan nakapulhkawili xa tank's, titúm, lilakgataxtutaman, stalankga, akgxitumwá xlakata tlan nalakchan niku wi xa lát.

Xlá kilhtaxtut la ixlitlaway nemá xa litamak'tayan tlan na xatapulhkan tiku natlawá jeé wa xa pumapaksinin nemá wilikan, xa Lipulamatni, xla Pulataman, chu xlá xlikilhpulakni Pulatamatni, xla chuná natlawá ipalakata namá xalimaktay xalaktaxtutaman, na mastá nak xatalápulhkan tumin la wi nak nak pulh putapakgtum tatsokgni. Xa pulh, kakxílhwi nema wi nak tsokgní xa Likatsin 74 chu xalitapitsin VI chu 79.

Xla tu tamawankan chu tamaktinankan xa tipakatsi tu takgalhin, limastakan xa limaktay nemá xa tipakatsi chu xa talilakaxlát xa tatlawáy nemá natlawánan, na kamaxkikan usu natlawakan la xa kanajlátilhakan xa kapulhuwa chi natlawakan xa limatasin kapulhuwa xpalakata ti likstu nakamastakan tu matlani alawa nal pumaki

kapsnat xa talakchuwá nemà na talaki nak kakapulhuwa, xpalakata xa Pulátaman katsi pi kanajlay la xa tlan chu xalimakua xtapalh, xa liuká tlan xa lakgxokgonankan, xa timatlanin chu tu ixlilat.

Akxni xa likajlat nemà wan xa pulh putakgtum tatsokgni ni minini xlakata nalimakgtakgalhkan xa litlawakan, lilhkan, tamak'lakaskin, xlakata na likanajlayá xa litapulhkátumin, tank's, titum, akg'stitumwá, nema ni tu laniyán xa Pulataman.

Xá ixlitlawán xa litamaktayan xalipulhkaytumin xa Lipulamatni la xa Pulataman, Putapaksin laktsu Pulátaman, xa Xlikilhpulakni Pulamatni chu xakilhwankan xa tipawatapuwan talitawajit xla nemá min nak jaé LIKATSIN chu xlá litapaksin nemá litapaksinyachan. Xatalakapulhkan xa litlawan xalimaktay natláway xa lipulamatn Lilakatum Pulátamatni chu nama Lipuchiwinin xa kanajlit la wan xakilhmaktuy Putapaktumtatsokgni nemà wi nak ja`e likatsin.

Xaskujnanin xakapulhuwa natakgalhi xlitayat xlakata tlan namakantaxy xla ja`e lichipaxni la wan xla aktaty lilakapalin xla ja`e limapak'sin.

Xastujnanin Kapulhuwa xa Lipulamatni, Pulamatni chu Putapaksin ktsu Pulataman, chuna xla Xkilhpulakni Pulamatni chu xla xmakxpánitni, xakgalhi nak xiankgalhin ixlitlawat namakatikan chu nalitlawá natiyánkan xa ni xa likstu xla xa limaktay kapulhuwa nemà xlitayaninchán xlá, chu ni napaktanucha nak xa limakxtum, nak xa tipalhuwa Tapuwan. Xla Limakgpuntumit xa tipakátsi nemá tlawakan xa Litachixkuwit likilhchan, nemá Makpuntuniná, lá xlá xla tatlawakglhat kapulhuwa, xamakantaxtunin xalikxtu, xla Pumapaksinanin chu xa Pulatamanin xa akchipalinkakapulhwa chu tunu nak xakilhmaktutu Limapaksin xa Mapaksinanin,

paks natakgalhi limapakuwit xapokgantaxtuntachíxkuwin chu ixlilakchat lakkamapuntuminá, takaltawakgat usu nemà kamasininkan litachixkuwin. Nikxni ja`e xa limakpuntumit na takgalhi xalimapakuwin xa talimakxunin, tachiwin, usu xalikaxilhin nemà xmasiputum ixlatamat chatum litaskujná kakapulhuwa.

Xa Litapak'sinin, nak ipulakni xa litlawaputapaktat xlá likanajlay xa tank's, namakantaxtinankan nema ixlikakxi ilhnit nak xapulh xaktuy tatsokgni xaputaktum aná niku tanuma xmapaksi xaliakgastakgayawan nemá lakchánan.

IXLIAKPULANA XALIKILHMAKTSAYAN XA XLA LITALAKAXLAY XA XLA LITAMAPAKGSIN

Likatsin 135 (Art. 135). Jaé Limapaksin na malhuwinankan usu na litakaxtlawanan. Para tlan na Tlawayan namá xalimalhuwin usu nalkaxtlawanankan chu tlan na tanú nak jaé, talákaskin pinawá xla Limakantaxtuninanin Tamakxtumit, la xlá xalilakalhkayawan xa xla aktuy, xalikilhmaktu xa lakchixkuwit nemà ixwi, nema na nalitachiwinankan chu nawankan xa lá likaxtlaway chu xalimalhuwy ja`e tlan natalikanajlay xa ipak's xla lipulakaxlantapakgsin xa Pulatamatnin.

Xla Limakantaxtuninanintamakxtumit usu xa Tilankgalitakalhkayawan xa xiankgalhin, natlawakan xaliputlakgen xlá xa lilakalhkayawan xa lak Likalhkatlawá tapak'sin chu natachiwinankan xatakanajlanilh xla nemá xa limalhuwin usu litakaxlan.

IXLIAKAPULANA XALIAKALHKUNAJATSA XA NI LIAKGTIMPUSAT XLA LIMPAKGSIN

Likatsin 136 (Art. 136). Ja`e Limapakgsin ni akg'tsankgani xa tliwakge chu ixlilátamat, liwá akxni ixwi akgtsu taklhuwit nalitachokgó ixlikakxilhin. Watiyá akxni ixwi takglhuwit kakapulhuwa, natawilá chatum mapakgsiná ni tlawá tu wan xalitapakgit chu natalipakgsinan, xlitunkan akxni kachinkinna titiparay ixlatamatlixkstu, nalitlawaparay ixlikakxilhtin, chu natalikaxlay xlakan chu ixlitapaksinin nemá, ixmakamaxkikan tlan natapulakchiwinan, nachunalitum tíku ixpakgtanulh nak Mapakhsiná nema ixminit xa lak kataklhuwin, nachuná tíku xlimaktayanit ja`e.

XA LIKATSIN LITAXTUNA

Likatsin xliaktum. Ja`e limapakg'sin na makgpuntuminan ixlipuntsu, chu xa lankga litakni na tlawakan tachiwin xlakata na makikan chu natlawakan namakikanan nak liwakg Xtapakgsittachixkuwit; chu la wan nemá tapakgsi xla Talak'sakgne xa lak Pulataman, nemá xla nataukan xalitapakgsitkan, ni tatsukukgoy mapakgsinan asta chi ixlikihmaktum xpápa Mayo kata 1917 nak jaé lipulhká kilhtamakú na Tawila xalitakaknín xla Limakantaxtuninanin xalima pakgsinanin chu namasta ixtachiwin xlá lakchixkuwin nemá talaksagawakalh nak xalakatsu xa Lankga Mapkgsina xa lak katilankga Pulataman.

Nak xa talakgsakgne nemá tlan limatasikanan la wan likatsin xa astan, ni mapakgsi xla litapitsin V xlá Likatsin 82 ni para wà, nawan ni xalimakuaniyan para na xlá lakkxtlawananintapaksit usu xtalákaxtlawanintapaksit, natawilayachá chu xaskujma nak Puliakgawanin Lilakatum, watiya nemá ni ixmapakgsi xa tliwakge na xakilhpulakni Pulákalhkayawan; na ni nawan ni limatlanikan xlakata na talakslhkayawanikanan xalipuntsu Limakantax Tuninanin Tamakxtumit, xa

makaskujnilimaktayan, chu xa ktsu liskujnilimaktayan xa Pulataman, watiyá jaé na tapanu xa taskujut nak chichini akxni taxtu xa limatasin.

Likatsin xlikilhmaktuy. Xa ti akpuxkú xa Tlawakglhat Makgantaxtuniná xa xlá llakatumlipulatamat, likasliya akxni makgpuntuminan ja`e xla limapakgsit, nalimatasinan xlakata nak xalakalhkayawan xa tatlawakglhat xalipulatamatni, xalimakua xlá namá na litlawakan xlakata xa namá xa Limakantaxtuniná naláyacha xlipuntsu, ixpalakata china akxni na tlawakan xa liputlakgen xa likalhkayawanin nema xmakamin nakxa Pulakalhayawat mapak'sinanin, xlakata tlan Lankga Mapakg'sina xatapakgittachixkuwit, chuna tlan na makantaxtuninani tu wan likatsin xa pulh.

Likatsin xalikilhmaktutu. Xla alákatsu kilhtamakú xa limapakg'sinanin matsuki xaliputlakga, xa lakkaxtlawanaintapakgsit chu xatakaxtlawanatapakg'sit latá ixkilhmaktum, xpápa Septiembre alákatsu titaxtú chu pala Mapaksiná xa Lilákatum Pulátamat, latá xla ixlikilhmakgtom Diciembre kata 1916.

Likatsin xalikilhmaktati. Xa talákaxtlawanaintápakg'sit namá xlá alákatsu Pulákalhkayawan nema nalin liputlakgen aktuy, jaé watiyá na tawilay aktuy káta, xlakata nama xa Puatamakxtumit xlakkaxtlawanaintapakg'sin tan na talakgpalikan xlakata namasastikan lata aktuy kata, kan watiyá xa itat.

Likatsin Xakilhmkkitsis. Xa Limakantaxtuninanin tamakxtumit natalak'saki xla Makgatanksananin xa xlá Liulankga xlimapakgsin ixlilákaxlan xa Lipulatamatni, nak xpápa Mayo alákatsu pála xla ja`e talhmanMakgni tawilá latakakni nawilikan xa ixlikihmaktum ixpápa Junio.

Nak ja`e talákalhkayawan ni mapakg'si xla Likatsin 96 nak xlá akxni ixmalákapilikan atalaksaklhkayawan ixpulakaxtlawanantapak sit xakatalákatsu, chu xla ti malákapulinit watiyá naliskujkan xalikilhmaktum kilhtamakú xa liakgtuy kata la wan likatsin 94.

Likatsin xalikilhmakchaxan. Xa limakantaxtuninanin xa tamakxtumit aktum kilhtamakú Liukalakatitum xa tamakxtumiakgó nemá ixmatsukinan ixliakkukitsis xpápa Abril káta 1917, pala xla na tawilayachan nak Tamalxtumin Pukgalhtawakgá xapulákalhkayawá, chu natlawa xaliputlakga xa xlá lilákalhkayawan chi na likanajlá chu na likalhitnikan xa likalh kayawan xa xlá Mapakg'siná xa lak Lipulamatatní, natamastá ixtaxchiwin xlakata na wan tiku litlajalh; chu namastákgoy xalitapakgsin nama litapakgsiya xa xla xapulakatsuntintapaksin xamumákatankgsan chu xlá xa xlikihpulakni, xla litapaksit nemá litapakgsiya xa xapumakatankgsananin xa xlikilhpulakni Pulamatatni chu katiyay, xpalakata xla liulankga ni axlipuntsu tlaway ixlimapakuwin xa Makgatankgsananin xa pulakatsuntin Tapaksin chu xa Makatanksananin xa xlikilhpulakni, chu piwá Limakantaxtuninanin xatamakxtumit xa Pulakalhkayawa xla Tapaksit Makatankgsanánin, xawa Makatankgsana xa likilhmaktun Putakxtum xa lak xlikilhpulakni Pulamatatni chu xa katiyat, namá àma mastakgo pak's xalitapak'sinin nemá xlá aná taputsan xatatawakglhat Makantaxtuninanin xa Likilhpulakni, xa Makatanksananin xa pulakatsuntin lipakgtá. Chu xa Makatanksananiu xa Likilhpulakni, chu xa Makatakgsanín xa lak xkilhpulakni Lipula taman chu katiyat, tlan na tawilá nak xa taskujut xa yachan xa likilh maktum xpápa julio 1917, mapanú tiku xa akpuxkunama nemá xmalaknunit ti akpuxkumaku tatlawakglat Makgantaxtuninanin xa lipula taman.

Likatsin xlikilhmaktujun. Watiya chichiyu, xla xaliputlakgen xla xa lilakalhkayawan nemà xlakata wa xa Lakkaxtlawánatapaksit na tlawakan xla putamakxtumit xalitapaksit kan xalikilhmakum xlikilhpulakni Pulakalkayawan xa xlá katunu Pulátaman usu xlikilhpulakni Pulatamat ni nemà xalikaxtlawanit xlakata nalita piksikanan likakalhkayawan xa lilakalhkayawana chu nakamakamastakgoy xa nak tamakxtumit xa xlá Talákaxttlawanintapaksit nemà xatalaksakayawanit, ixlilákapulákalhxtun nemà ixlakan.

Likatsin xlikilhmakmaktsayan. Xla lakglankg xalilakaxlan Mapaksin xa Lipulatamatni, xalokaxtla wanen xla limaktaymini, nema xwi chu islitsankgani nema akchipaxni nak xa litapaksit nemá xalitapakgsit.

Likatsin Xlikilhmaknajatsa. Xla xliaktum Puxku mapaksiná xa liakgawana lilákgatum xalimapakg'sit ti akpuxkú xa tatlawakglhat Makgantaxtuniná xa xla limakxtum, matlanikan tlan natakaxtlawá xa litapak'sit talákalhkayawan anà nakxilhkan ninlá na tlawakan xa talakalhkayawan pala xlakata na lhawakan xapaktanut xa tatlawakglhat xa xlaputum.

Likatsin xlikilhmajkaw, Ti ipakgtanunit nak xlá Mapakg'siná nemá ixlitlawanit akxni ixwi Takglhuwit, ja`e xa talákatakít xa xtitum wi xla lipulatamatni usu naxmakgtanit nak litalatni ixchipanit litalatlikan usu na taskujnit xla tiku ni xtum ixláma xa Mapagsinanin, nalitapatikan la wan litapaksit lata wi chi, watiyá namá ti ni ixlimatsankgenanit xlá ja`e.

Likatsin xalikilhmkakkawitu. Namà xlá Limakantaxtuninanin tamakxtumit chu xla nak Pulatamatni lika xla nak xa takglhiuwit xalimatakuxtun chu xa liskujnanin, xlá

lichipaxni nemà ijkaxtlawanit chu wi nak ja`e limapakgsit xlakata ja`e litapaksit natawilay nak pak's xlá katilekga Pulataman.

Likatsin xalikilhmajkutuy. Xla Limejicanos nemà ipaktanulh nak xla Pumakgalhná xalilákatum xalimapakg'sit, xla kamankan, chu xa maklhtaninanin xlá jaé, chu xa tunu lakchixkuwin nemà ixmaktayanit xa talaniknit na tiyakan litapitsin nemà wan Likatsin 27 chu lakchanat xa limaktinikan xla tuku xokgó nema masinì xa litapaksit.

Likatsin xlikilgmaktutu. Limaxtakgan xatakgalhsputni xa liwakg lakghanat xla taliklin xpakalata xlá taskujut ixtiyalh xa taskujnanin, asta chi xlá ja`e Limapakgsin, xa malánanin ixtalákapasnikan usu ipaitat.

Likatsin xlikilhmaktati. Litamakxtakgan Lisput nit xa Pumakgamakgtayan xa Lilakaxlan.

Likastsin xlikilhmkukkitsis. Maxki talakgchan xla ti akgpuxkuma xla Tatlawakglhat Makgantaxtuninanin xa limakgxtom xlakata na makamastá litapak'sit xa litayani litachixkuwit, namálitalwayan nemá litlawanin, limaktayanin chu xa litlapanin xa xlá tatokglhni nemà litlawanit xa xatalakatakiti xamatixtum xa limapakgitnin nak pàpa febrero xa 1913 chu xatalakatakiti xa Mapakgsiná xa Limapakgstnín

Likatsin xalikilhmkuchaxan. Xla limákantaxtuninanin limpakgsitnanin. Nan kilhtamakú xaxkilhta nemà xatamakxtumin, nema ixmátsukikan xalíkilhmaktum xpàpa Septiembre ja`e kata, na mastá pak's litapak'sinin xalikilhwaka xa xlá

limapakgsit nemá xla nina ijkaxtlawanih na xa kilhtamakú xlakata pala nemá wan xa likatsin 6 xatitaxtun chu xa lakatit xa litapakgsinin nema wan malokgni xlitamakgtayat Tachixkuwit chu xalikatsin 30,32, 33, 35, 36, 38, 107, chu xalisputut Likatsin 111 xlá jaé Limapakgsit.

Likatsin xalikilhmakkutujun. Xa Pusikulankan chu xatakgalhi tipakatsi xla Limápakgsin tipalhuwa Tapwan xa lak Pulatamanin liputum mexicanos nema likaxtlawankan xlá jaé litalhkan xtakgalhit xlá lilákatum Lipulatamatni nalitamakxtakgan xalimapaksin tachiwin latá chi.

Likatsin xalikilhmakutsayan. (Lakgmakganuka).

Likatsin xalikilhmakunajatsa. (Lakgmakganuka).